

45

SC.
C
SA



n

Ex Bibliotheca
majori Coll. Rom.
Societ. Jesu

2554

52

G

54

8.27 A. 6



HERMANNI HVGONIS
E SOCIETATE IESV
D E
VERA FIDE
CAPESSENDA

A D
NEOEVANGELICAM SYNODVM
DORDRACENAM

Biblot Apologetici Libri tres *Secr*

ADVERSUS
BALTHASAREM MEISNERVM Lutheranum
& HENRICVM BRANDIVM Calvinistam

P R O

Coll. CONSULTATIONE *Rom*
R. P. LEONARDI LESSII
Societatis IESV Theologi.

Sec
Ex Cgata




M. ni *Self*
Cocini


ANTVERPIÆ,
EX OFFICINA PLANTINIANA,
Apud Balthasarem Moretum, & Viduam
Ioannis Moreti, & Io. Meursium.

M. DC. XX.





ILLVSTRISSIMO
FORTISSIMOQ. HEROI
I O A N N I
COMITI NASSAVIÆ,
VIANÆ , DIESTHEMII,
ET CATZENELLEBOGE,
DOMINO DE BILSTEIN , &c.
TER MILLE GERMANORVM
CHILIARCHO.

ROCVL quidem à
nobis , Bohemos
oppugnatum iui-
sti , COMES IL-
LVSTRISIME; sed
non ita ab oculis mihi procul,
quin te semper eminùs observa-
uerim,

uerim , quasi oculis obuersantem,
Acrem atque indomitum,quò spes,
quoq; ira vocasset,
Ferre manum,& numquam teme-
rando parcere ferro.

Ergo dum isthic Tu gladio Impe-
rium & Fidem fortissimè pro-
pugnasti,

Hostibus,haud tergo, sed forti pe-
ctore notus;

ego hîc exemplo tuo, Religionem
calamo , imò tuum simul in eâ nu-
per amplectendâ consilium , asse-
rere sum conatus , tranquilliore in
pulvere miles.

Nimirum rabulæ duo , alter ex
Ienensibus Lutheri subselliis , al-
ter è Caluini pulpito Zirizæano;
germanissimi mendaciorum ambo
propolæ , ausi sunt obstrepere eru-
ditif-

ditissimæ firmissimæque illi Consultationi, quam ab hinc annis aliquot Leonardus Lessius, magnus omnino Societatis nostrę Theologus, De fide capeffendâ extruserat in lucem; cuius Tu Rationibus, COMES ILLVSTRIS. (cùm fidei adhuc ambiguus Scyllam inter & Charybdim natares) plurimum, vt audio, fidei habuisti. Horum verò; vtpote obscurorum nominum, chartæ, diu etiam antè aut ambulauêre ignotæ, aut latuêre contemptæ, quàm in nostrûm cuiuspiam peruenirent manus; donec tandem, nescio an ab aliquo Euclionis gallinaceo alicunde ex charteo puluere exsculptæ, nonnullis apparuerunt. Ex his porrò, nisi vehementer mea me fallit opi-

nio , decerpta fuère argumenta plurima (an stuppea titiuillitia) quæ recens Tibi à quibusdam consanguineis tuis (aduersus eam quam complexus es Religionem) transmissa , Tu deinde misisti cuidam è Patribus nostris in Collegium nostrum Bruxellense , excutienda: quæ ego,quàm statim vidi (vt veterani venatores ceruum ex impresso vestigio) quo ex agello decerpti essent flosculi , haud difficulter internoui.

Igitur quòd scirem Te id temporis impeditum accingendo ad militiam sago , iam verò etiam quotidianis ampliùscum hoste dimicationibus innexum, respondere id genus quæstiunculis, nec in tempore propositis, noluisse; tuam
ego

ego vicem functus, tamquam hyperaspistes tuus illorum me opposui importunitati. Et en, hîc habes, HEROS BELLICOSISSIME, quibus illorum molestiam retundas, tuam etiam in susceptâ Rêligione constantiam magis magisque confirmes, libellos meos Apologeticos tres, non magnos. Si vacabit aliquando, dum à tubarum strepitu galeam ponis, dum mistum illum decoro pulveri sudorem tergis, leges arbitrato & gustu tuo. Si non vacabit, at legent saltem (quorum Tu salutî prodesse iam sæpè quàm maximè studuisti, quorumque ego gratiâ non inuitus laborem hunc suscepero) familiares & consanguinei tui. Vtroque autem fructu, seu tuo, seu illorum,

* 4 quia

quia tui , magnum satis operæ
meæ pretium existimabo perso-
lutum.

Perge interim Tu vera Martis
soboles, stirpis tuæ sincera indoles,
belli fulmen,

—— quo non aliis belli tenet
aptius artes,

Seu sit opus , quadratum acies con-
sistat in agmen,

Seu libeat duplicem , seu iunctum
cernere Martem.

Perge ——— pietate insignis
& armis,

parare tibi laureas multas, aureas-
que coronas, post meritam nuper
MVR ALEM, cū primus Tu

Celsior ô cunctis , unig² equande
Camillo,

primus, inquam, Pechinensis vr-
bis

bis muros victor conscendisti,
Duxq; simul, milesq; bonus. —
Ita pro Te vota facio. Bruxel-
læ xxviii. Octobris, M.DC. xix.

ILLVSTRISS. D. V.

addictissimus

Hermannus Hugo.



* 5

PRAE-

PRAEFATIO
 A D
 NEOEVANGELICAM
 SYNODVM
 DORDRACENAM.



IV multumque mecum dubitavi, Neoangelici Patres ac Fratres, ad quod potissimum tribunal ambularem, experturus in Iure cum duobus Lessij accusatoribus, altero Lutherano, altero Calvinistâ. Equidem Verebar ad Puteal aliquod Cassianum, tamquam ad reorum scopulum adhærescere, et causâ, etsi æquissimâ, cadere apud iudices non æquos.

*At postquam mihi nuntiatum est, iuisse
 vos*

vos in Comitia, Dordracum, sicut in Ἀμφικτυονικὸν συνέδριον, viros omnes vultuosâ gravitate venerabiles, barbatos umbilico tenuis, novos Areopagitas, acturos de summâ Religionis aduersus errores Arminianorum, non habui scilicet quod porrò ambigerem, ad quos alios, atque ad vos mihi esset ad-eundum. —

Fateor, retardarunt me huc vsque dissipati variorum hominum rumusculi, de integritate grauissimi Concilij vestri. Etenim erant qui affirmarent ὅτιν καὶ δύο ἐχίνοι; εἰς φιλίαν ἐλευσομένους, ὁ μὲν ἐκ πελάγους, ὁ δὲ ἐκ χέρσος, priùs duos echinos in amicitiam coituros, marinum & terrestrem, quàm vos vniquam consensuros; quippe quibus videretur non magis posse inter Lutheranos & Calvinistas conuenire, quàm inter Ægithallos & Acanthyllides, quarum auium sanguis ne mortuarum quidem potest commisceri.

Et

PRAEFAT. AD NEOEVANGEL.

Et Verò adferebantur exempla non ita vetera Colloquiorum, Marpurgensis inter Lutherum & Zwinglium; Ratisponensis, VVormatiensis, Oxoniensis, inter Melanchthonem, Bucerum, Martyrem & Papistas; Heidelbergensis, Mulbrunnensis, Mompelgartensis, inter Evangelicos habitorum: quorum omnium tam tranquillus fuit exitus, ut hac Lutheri symposiacâ benedictione videantur fuisse aspersa: Si concordia fieri debet, fiat in nomine omnium diabolorum.

Erant alij qui iactabant iudicium vestrum fore Eremodicium, ut loquitur Iustinianus, in quo nempe ad sopiendas longas vitilitigationes, inauditis Arminianis, lis daretur secundum Gommaristas. Quod, ut sine intercessionibus tribunitiis fieret, Lutheranos omnes, discordesque Caluinistas, Concilio exclusum iri; solos concordés Calvinistas ius habituros suffragij, ab ijsque

SYNODVM DORDRACENAM.

que vt ab Atheniensibus Ephetis, aut Romanis Centumuiris nullam datum iri pro-
uocationem. Ac mihi quidem, Neoeuangelici
Patres ac Fratres, hoc consilium visum
est non adeò abhorreere ab ingeniis vestris,
qui vel solâ victoriæ famâ soletis esse con-
tenti, etiamsi neque cum hostium vestrorum
umbris sitis præliati.

Alij tamen hanc vestrum solorum Cal-
uinistarum παρρησίαν, meram fore σύ-
μφωνίαν augurabantur, exemplo Harmoniæ
Geneuensis & Consensus Sendomiriensis;
in quibus Conuentibus (vt in Troiano equo)
intus bellum, foris pax iurabatur, quod
erudito libro demonstrauit Andreas Iurgie-
uicius Canonicus Vilnensis. Et quidem
non vanam fuisse horum diuinorum au-
gurationem, probasse videbatur vxorum
vestrarum interuentus, quæ Sabinarum
instar, suis singule ex Urbibus excita, ve-
stris sese (quas præsentiebant) Euangelicis
di-

digladiationibus interposuerunt: hæ flentes quidem suorum maritorum casus, aliæ gratulatorio Davidis carmine suorum victoriam concinentes, Percussit Saul mille, &c. Nam quod opinabantur argutè nonnulli; Matres hæce Viragines, in novum Senatulum Heliogabalicum Dordraci conscribendas; aut certè cum Agrippinâ ad audienda saltem Comitiorum arcana, vel tantùm interposito admittendas esse; indignum fide videbatur, apud Hippolytos illos, qui femineam molliciem barbæ truculentia se profitentur exosos.

Prudentior sanè habebatur illa quorundam Louaniensium Theologorum coniectura, hæce nempe matresfamilias aut ad forum conuenisse empturientes; aut ad torum nupturientes; aut ad Chorum, æsturientes pro recuperando vetere iure Presbyterarum. Sed utcumque ea res fuerit, ego sus deque habui, posteaquam

intellexi, Synodum vestram non modò summâ cum consentientium pace, verùm etiam incredibili compotantium hilaritudine celebrari: quam tam insignem animorum *συμπόσιον*, si prævídisset Adamus noster Contzen, non ita, credo, quasi de desperatâ Evangelicorum Synodo scripturus erat, in Outopiâ Medeniorum nobilissimâ vrbe eam posse celebrari; non ita falsè exclamasset:

Iungentur iam gryphes equis, annoque sequenti

Cum canibus timidi venient ad pocula damæ.

Vos enim Noeuangelici Patres ac Fratres, tantâ malaciâ huius vestri conuentus Euripum primi enauigastis, ut ne unius quidem Arminiani gemitus totâ Synodo fuerit exauditus, quando illos omnes eâdem auctoritate damnastis, quâ vos illi vicissim poterunt condemnare; tantâ sententiarum con-

PRAEFAT. AD NEOEVANGEL.

consensione reos hos peregiſtis, vt non magis cuculus cuculo concinere potuiſſe videatur, quàm omnium veſtrum tamquam concolorum auium voces conſpirarunt.

Ad veſtrum igitur Dicasterion, vt in τῷ κερκοῦ τῶν ἀγροῶν, traxi aduerſarios meos; Caluiſtam ad Caluiſtas; Lutheranum ad eos qui perpetuò clamant Lutheranorum ſe eſſe fraterculos, planè vt cauſſa nulla ſit cur iudices tales velint eiurare.

Iam cauſſa etiam maximè ad vos ſpectat de capeſſendâ Lutheranâ aut Caluiſticâ Religionē. Illud enim etiamnum præcipuè quærimus, ecquam demum Caluiſticam Religionem ex omnibus Caluiſtarum lycæis capeſſendam eſſe ſuaſerit Brandius; quam Lutheranam Meiſnerus? cùm id nec illi indicarint, nec ulli hucusque Conuentus definierint. Equidem exiſtimo hanc rem maiori indigere examine, quàm egebat Brandiano Examine Conſultatio Leſſiana.

Quæ-

SYNODVM DORDRACENAM.

Querimus ergo, quam deinceps Caluinisticam fidem capeſſemus? An ipſius Caluini? At illud etiam querimus, quæ fuerit fides Caluini, qui toties ſecum ipſe pugnavit; eadem nunc fidei dogmata affirmans, nunc negans, ut à plerisque eſt adnotatum.

An eorum fidem qui ὁλοκλήρως Puritanismo ſunt addiſti? An Brunistarum, Hugonottarum, Vorſtianorum, Arminianorum, an Gommaristarum? Tot enim genera ſpeciesque ſunt (parcant verbo Grammatici Calviniſtæ) Fiderum Calvinisticarum.

Denuò, ſi Lutheranam fidem amplecti expedit, querimus iterum, ecquam ex tot Lutheranicis ſectiſodinis?

An Lutheri fidem? At quæ illa fides Lutheri, qui de ſingulis propè grauiſſimis Religionis articulis ita ſcripſit inconſtanter, ut ſeptena pugnantiâ capitâ in quoli-

**

bet

bet articulo ei appinxerit Cochlaus in Septicipite Luthero?

An fidem Confessionis Augustanae? At Philippus Melanchthon duodecies Confessionem hanc refabricauit indignante Luthero, testante Andrea Musculo apud Hertzbergenses; & quidem in grauissimis fidei capitibus, ut fatentur ibidem Selneckerus & Smidelinus, Saxonicique Theologi in Colloq. Altenburgensi.

Quam ergo denique Lutheranicam fidem? An Antinomorum, Osiandrinorum, Stanckarianorum, Maioristarum, Amsdorffianorum, Synergitarum, Flaccianorum, Adiaphoristarum, Substantiariorum, Accidentariorum, Pseffingerorum, Musculanorum, Ubiquetariorum, aliorumve monstrorum, quae plurima huic Hydrae capita succreuerunt?

En, Patres & Fratres, quanta Synodo vestrae lis indicanda relicta est, tot iam

iam in exedris agitata, nusquam definita. Quare, ne ut ceteri omnes conuentus, nihil etiam vos agatis, et risu soluantur tabulae, operapretium duxi, illius vobis decreti paradigma rectitare, quo Nicodemus Frischlinus apud Contzenium nostrum basilicè dissentientium Patrum animos conciliauit extemplò. Decretum, inquit, hoc constituo, atque à Synodo *verworfne* authenticumque reddi vehementer velim: Fides iustificans, fides non iustificans; fides habitus, fides non habitus; fides actus, fides non actus; fides τὸ credere, fides non τὸ credere; fides propriè dicta, fides non propriè dicta; fides meritum Christi, fides non meritum Christi; fides correlatiuum fidei, fides non correlatiuum fidei; iustitia essentialis Dei, iustitia non essentialis Dei; iustitia

PRAEFAT. AD NEOEVANGEL.

perfectæ impletionis Legis vicaria,
iustitia non perfectæ impletionis
Legis vicaria ; iustitia quâ adulteri
& homicidæ sunt sancti , non
sancti ; iustitia quâ iniustus est iu-
stus , quâ non est iustus ; fides quâ
dubitans de Deo , Scripturâ & Chri-
sto , est certus salutis , quâ non est
certus ; fides nixa Baptismo , non
nixa Baptismo ; fides certa ex mo-
tibus pijs , non certa ex motibus
pijs ; fides dubia ex tentatione , fi-
des certa ex incerto argumento ; fi-
des non fides ; fides iustorum , fi-
des diabolorum ; fides Christiano-
rum , non Christianorum ; est dele-
bilis , non delebilis ; amitti potest,
& non potest amitti ; amissa po-
test indubiè recuperari , indubiè
non potest ; fides Lutherocalui-
nosianandrobertiosibrandoparçana est

αὐ-

SYNODVM DORDRACENAM.

ἀνύστατ , non est ἀνύστατ .

Nisi hoc ipso aut simili quopiam decreto secundum utrasque partes litem detis, & iisdem simul abiudicetis, non video, Neoeuangelici Patres ac Fratres, quem sitis litis exitum reperturi.

Profectò etiã, quando ambigua aduersariorum meorum argumenta audituri estis contra Lessianam Consultationem De capeffendâ Catholicâ Religione, videbitis rem totam multò liquere minùs. Hi enim quotiescumque omnem sibi aliam respondendi viam vident interclusam, uno scilicet eodemque Scripturæ quasi postico, præclarè se euadere arbitrantur. Igitur quotiescumque alia se deficere sentiunt argumenta, in singulis Veræ Ecclesiæ notis oppugnandis, Scripturam tamquam postremum perfugium occupant, nihilo magis illius asylo contecti, quàm bonus dum abdito solo capite in arbusta,

reliquum venatori prædandum relinquit corpus.

Ita agit Meisnerus, ita Brandius agit. Accipite hîc breue specimen, ne vos morer postea iudicando occupatiores.

Meisnerus pag. 17. Modum Lessij non esse diuinum & Apostolicum argumento gemino probatum damus. Primò, Quia modus ille nullibi in Sacris literis præscriptus est.

Pag. 19. Modus ille Iesuiticus in nullo Euangelio, in nullâ Epistolâ Apostolicâ docetur.

Pag. 26. Modus Lessij est fallibilis & incertus, quia Consultatio eius non est fundata in Sacris literis.

Pag. 27. Fluctuatio numquam tollitur, nisi animus ab illis externis consideratiunculis ad solam Scripturam reducatur.

Con-

Contra primam vera Religionis Notam, Studium perfectionis, Meisnerus pag. 71. Vbi legitur [in Scripturis] quòd Christus suis fidelibus suaserit paupertatem, ieiunia, cælibatum, vitam monasticam, &c.

Pag. 74. Vera sanctitas est quæ soli Scripturæ consonat.

Ibidem. Vt Religio Religioni præferatur, non tantum considerandum est, an ea ad vitæ sanctitatem inducat, sed an veram doctrinam adferat.

Pag. 78. Omnis illa sanctitas Papicolarum nullibi est præcepta, ideoque Deo non placet.

Contra secundam Notam, quæ est Excludere peccandi licentiam, Brandius paginâ 30. Doctrina de Pœnitentiâ & Satisfactione, ut proponitur à Lessio, quoniam sacris Scripturis

PRAEFAT. AD NEOEVANGEL.

non nititur, est humanum commentum.

Meisnerus pag. 161. Satisfactiones destituuntur diuinis & præceptis & promissis.

Pag. 163. Purgatorium à Pontificiis confictum est, quia Scriptura de illo planè tacet.

Contra tertiam Notam, quæ est Cultorum sanctitas, Meisnerus pag. 191. Non fuit eorum sanctitas vera, sed potius superstitiosa, quoniam in electitiis cultibus fundata.

Contra quartam Notam, quæ est Miraculorum splendor, Meisnerus pag. 201. Cum primum propaganda esset inter Gentiles fides, Christus miraculorum dono ornabat ministros suos, &c. post fidem propagatam nullibi legimus.

Contra sextam Notam, quæ est Esse
C

SYNODVM DORDRACENAM.

*Et vocari Catholicam, Meisnerus paginâ 249. Vocabulum est non ὡρεα-
φον, seu in Scripturis propositum,
sed ὡρεαφον.*

*Contra septimam Notam, quæ est Suc-
cessio, Meisnerus paginâ 259. Successio
Apostolica est duplex; altera lo-
calis, altera doctrinalis. Hanc si in-
telligit Lessius, facilè consentimus.
Si nempe successio est in docendâ Scri-
pturâ.*

*Brandius pag. 63. Successionem
aio essetrium generum, aliam cathe-
dræ, aliam doctrinæ, aliam vtriuf-
que simul.*

*Pag. 65. Papistæ fidem Petri non
habent, vnde non succedunt in do-
ctrinâ Scripturæ.*

*De Notis hæreseos; quarum prima,
Defectus Antiquitatis, Meisnerus pagi-
nâ 363. Si nuda tantum temporis*

Antiquitas spectetur, sine conuenientiâ cum antiquis scriptis Prophetis & Apostolicis, &c. Antiquitas ficulneum falsitatis perizoma est, &c.

Pag. 365. Duo Antiquitatis infalibilia sunt *ταμύχρια*: primum est, conuenientiâ cum Scripturis, &c.

Pag. 395. Nostra Religio fuit ante annum 1517. quia in Scripturâ continetur.

Brandius pag. 97. Ex sacrâ Scripturâ, non ex Doctoribus doctrinæ vetustas discenda est.

Alia hæreseos Nota, Defectus miraculorum. Meisnerus pag. 430. Non sunt nunc necessaria miracula, quia veritas doctrinæ æstimatur ex Scripturis.

Alia hæreseos Nota, Defectus missionis. Meisnerus pag. 282. Calvinus in quan-

quantum ex Sacris literis Papales idolomanias demonstravit, eatenus Dei Ministrum cum fuisse non negamus.

Pag. 425. Exhibuit Lutherus patentissimas magni Iehouah literas Biblico codice comprehensas.

Alia hereseos Nota, Defectus Regule credendi. Brandius pag. 162. Certè nullam aliam credendi Regulam quàm sacram Scripturam iam antè audiuius.

Alia hereseos Nota, Quòd Lutherana composita sit ex antiquis heresibus. Meisnerus p. 394. Eamdem omnium capitum fidei nostræ complexionem in Scripturâ proposuerunt SS. Apostoli.

Itaque sola Scriptura Meisnero & Brandio omnes explet Ecclesiæ Notas, omnes eluit hereseos Notas. Scriptura illis omnem doctrinæ complexionem facit, credendi

dendi Regulam facit , legitimam missionem facit , defectum miraculorum supplet , miracula facit , Antiquitatem facit , successionem facit , Catholicos eos facit , Sanctos facit , peccati licentiam excludere facit , denique utramque eis paginam facit : ut frustra omnino ab utroque hoc homine prolixiores libri aduersus Lessium scripti sint , quando poterant paucissimi hi versus recitati , perfectæ refutationis esse loco . Vos igitur , Neoeuangelici Patres ac Fratres , pro equitate vestrâ Areopagiticâ , quamvis in causâ obscurâ & perplexâ , dum sancti Spiritus lumen vobis affulget affatim , clarum explicatumque ius dicite postulanti , ut vestrâ etiam sententiâ appareat , Meisnerum melius facturum fuisse , si (quod ipse suâ in Prefatione profitetur) alteri alicui Theologo magis exercitato hanc disputandi provinciam reliquisset . Valete .

Fa-

*Facultas R. P. Præpositi Prouincia-
lis Prouinciæ Flandro-Belgica.*

CAROLVS SCRIBANI So-
cietatis IESV in Prouinciâ Flan-
dro-Belgicâ Præpositus Prouin-
cialis, potestate ad id mihi factâ à R. ad-
modum P. N. Mutio Vitellesco Præ-
posito Generali, concedo Balthasari
Moreto Typographo Antuerpiensi fa-
cultatem typis mandandi HERMANNI
HVGONIS è Societate IESV Apologe-
ticos libros tres de verâ fide capeffendâ,
ad Synodum Dordracenam, pro Con-
sultatione R. P. Leonardi Lessij Societa-
tis IESV Theologi, aduersus Balthasa-
rum Meisnerum Lutheranum, & Hen-
ricum Brandium Calvinistam, à Theo-
logis aliquot eiusdem Societatis lectos
& approbatos. In quorum fidem has
litteras manu meâ subsignaui, & officij
mei sigillo muniui. Antuerpiæ VIII.
Aprilis, M. DC. XIX.

Carolus Scribani.

APPROBATIO.

APOLOGETICI hi Libri tres veri antesignani sunt, qui puerilem vanitatem, & Cimmeriam præsumptionem cæcutientium Patrum Neocuangelicæ Dordracenæ Synodi toti orbi commonstrent, adeoque meritò lucem adspicient, & typis diuulgabuntur. Datum Bruxellæ Idibus Aprilis, M. DC. XIX.

*Henricus Smeyers, S.Th Licent.
Scholasticus Bruxell. Librorum
Censor.*

SVMMA PRIVILEGII.

ALBERTI & ISABELLÆ CLARÆ
EUGENIÆ Archiducum Austriæ,
Ducum Burgundiæ, Brabantix, &c. Sere-
nissimorum Belgicæ Principum, Priuilegio
cautum est; nequis *Hermanni Hugonis è So-
cietate IESV De verâ Fide capeffendâ ad
Neoeuangelicam Synodum Dordracenam Apo-
logeticos Libros tres aduersus Balthasarem
Meisnerum Lutheranum & Henricum Bran-
dium Calvinistam pro Consulatione R.P. Leo-
nardi Lessij Societatis IESV Theologi*, præter
Balthasaris Moreti voluntatem vlllo modo
intra sexennium imprimat, aut alibi terra-
rum impressos in has Inferioris Germaniæ
ditiones importet, venalesve habeat. Qui
fecûs faxit, confiscatione librorum, & aliâ
gravi pœnâ mulctabitur, vti latius patet in
litteris datis Bruxellæ, 14. Maij, M.DC.XIX.

Signat.

J. Cools.


Tertullianus De Præscript.
aduersus hæreticos, c. 41.

PACEM quoque passim [hæretici] cum omnibus miscent: nihil enim interest illis, licet diuersa tractantibus, dum ad unius Veritatis expugnationem conspirent. Omnes tument, omnes scientiam pollicentur. Antè sunt perfecti catechumeni, quàm edocti.

HER-

HERMANNI HVGONIS
E SOCIETATE IESV
D E
V E R A F I D E
C A P E S S E N D A
L I B E R P R I M V S:

*Quo asseritur legitima ratio inuestigandi
veram Ecclesiam per octo NOTAS
à R. P. LEONARDO LESSIO
allatas.*

 Q U O D pro certo indubitatoque
futurum, Lessius prudenter
existimare poterat; vt nempe
suarum Notarum certitudo,
apud neminem etiam hæreti-
corum, in dubium vocâretur; Balthasar
Meisnerus fecit, vt putaremus, neque pro
certo exploratoque duci posse; neque etiam
deinceps meridiem mero medio die, certò
dici posse lucere. Octo clarissimas Notas, pro
certissimis Ecclesiæ veræ sigillis, in fidei de-
liberationem adhibendas produxerat Les-
sius;

A

fius;

fius; easdem omnino, quas Christus, quas Apostoli, quas antiqui Patres, ad demonstrandam Ecclesiam olim vsurparunt: atque hunc certissimum internoscendæ Ecclesiæ modum esse ratus, eundem vulgo proposuit, ad consultationem de capeßendâ verâ fide ritè instituendam.

Meisnero aliter visum est, qui (vt noctuæ solent cecutire ad solem) scribit pag. 18. *Opera pretium erit paulisper dispicere, num modus iste probatorius à Lessio præscriptus, sit verus, legitimus, & accuratus.*

Est autem Lessij modus institutus per hæc octo Notas: 1. *Studium perfectionis.* 2. *Exclusionem licentiæ peccandi.* 3. *Sanctitatem cultorum.* 4. *Miracula cultorum.* 5. *Conuersionem Gentium.* 6. *Nomen Catholica.* 7. *Succeßionem.* 8. *Consensum Doctorem.*

Meisnerus ibidem, *Negamus nos, inquit, & expresse dicimus, Primò, Modum eum esse merè humanum. Secundò, Fallibilem, & incertum. Tertio, Nimis laboriosum. Quarto, Pharisaicum. Quintò, Diuinis vaticiniis reiectum. Sextò, Vel hypothesis Papisticis contrarium, vel ex merâ simulatione & hypocrisi propositum.* Hic ordo est Meisneri in refutandis Lessianis Notis, quem velut manu ductus in vicem respondendo sequar, vt Retiarium Secutor.

CAPVT I.

*Jneptè à Meisnero probari , Modum quo
 Lessius inuestigat Ecclesiam, nec Aposto-
 licum esse, nec Diuinum.*

MEISNERVS pag. 17. *Non esse Diuinum &
 Apostolicum , argumento gemino probatum
 damus. Primò, Quia modus ille nullibi in Sacris litte-
 ris præscriptus est aut commendatus. Secundò, Quia
 non fuit olim à sanctis viris Dei obseruatus.*

Refutatio primi Argumenti.

Scuticâ aut ferulâ dignum argumentum , ita
 malè factum & fabricatum est.

Nam Primò , Argumentum est ab auctoritate
 negatâ.

Secundò, Si quid valeret, etiam aduersus Meis-
 nerum valeret illud : *Nusquam in Sacris litteris
 præscriptum est , illum modum inuestigandæ Ecclesiæ,
 esse Diuinum & Apostolicum, qui in Sacris litteris
 præscriptus sit aut commendatus. Ergo neque modus
 ille erit Apostolicus & Diuinus, qui in Sacris litteris
 erit præscriptus aut commendatus.*

Tertiò, Falsum est , modum eum nullibi esse in
 Scripturis præscriptum.

Quartò, Nihil etiam valent allatæ firmando ar-
 gumento probationes : omnes enim sunt vel à ne-
 gatâ auctoritate argumenta , vel certè manifesta
 mendacia. Adeoque nulla in iis auctoritas est, quâ
 ampliùs quidquam probari possit , quàm vnde

discendum sit, quæ res sint fide credendæ: nulla quâ ostendi queat, unde colligendum, quæ sit vera Ecclesia; quæ tota est Lessij in consultando cura. Planè, ut nullâ re magis potuerit se propinare ridendum Meisnerus, quàm relinquendo statuti quæstionis, ut Lessium oppugnaret.

Probationes à negatâ auctoritate, sunt istæ:

Prima, fol. 18. vers. 7. à fine: *Verbum Domini animas convertere legimus: non legimus illud de Notis Lessij.*

Secunda, ibid. v. 3. à fine: *In veteri Testamento primò ablegabantur homines ad Legem, & ad testimonium, non ad Notas Lessij.*

Tertia, fol. 19. vers. 15. *Scripturam nos de verâ fide informare docet Ioannes. In hac Timotheum suum permanere iubet Gentium Doctor, non in Notis Lessij.*

Fol. 2. vers. 9. à fine: *Sit igitur certissimum, modum de fide consultandi Lessianum, non esse Divinum aut Apostolicum.*

Dignam tanto sopho conclusionem! Ac si dicas: Grammatica pueros litteras docet; ergo ex Grammaticâ scies, ubi omnes pueri analphabeti habitent. *Pulchrè, bellè, lepidè, lautè, nihil melius!* Mendacia sunt omnino duodecim, ad vnam asserendam propositionem. Labet vnum alterumve adferre, tantum ad leporem & voluptatem.

Fol. 18. vers. ultimo: *In veteri Testamento non remittebantur ad considerationem successionis, aliorumque similium signorum, sed ad Legem & testimonium,* ait Meisnerus. Fol. 19. vers. 2. *Requirite diligenter in libro Domini, & legite, clamat Isaias cap. 34.* Si hoc loco Isaias populum remittit ad cognoscendas Ecclesie notas ex libro Domini; erunt igitur hæ Eccle-
siæ

fiæ notæ: *Urticæ & spina, cubile draconum, & pascua struthionum, occurſus demoniorum, clamores onocrotali & pilofi, terrores lemurum & lamiarum, aliæque id genus plagæ, ad quas, an euenerint, examinandas, eò loci remittit Iſaias. Et quis iam non exclamet de tali tam formosâ Eccleſiâ Lutheranorum; *Tota pulchra es amica mea, & macula non eſt in te!**

Fol. 19. verſ. 5. *Vbi ſcriptum, ubi præceptum eſt, quòd ſi veritas cognoscenda eſt, ante omnia ſcrutari debeamus, & perpendere, illas extrinſecas ratiunculas? Diues Epulo ſimile quid petebat pro conuerſione fratrum ſuorum: Luc. 16.*

O rem ridiculam, Cato, & iocoſam!

Petebat, credo, diues Epulo vt quiſpiam ab inferis redux renuntiaret fratribus ſuis, quàm iſthic omnes arderent ſtudio perfectionis; quàm ſedulò niterentur excludere omnem peccandi licentiam; quanta eorum eſſet iſthic ſanctitas, ob quam æternis ignibus addicuntur; quàm multa in dies perpetrarent miracula, ad ipſos dæmones conuertendos. O zelum admirabilem Epulonis, qui ſimiles petebat fratribus ſuis notas indicari, quales Leſſius petit ad Eccleſiam designandam!

Secundum Meiſneri argumentum eſt pag. 21. verſ. 6. à fine: *Quia hic modus non fuit olim à ſanctis viris Dei obſervatus.* Vnde inferendum illi erat, Ergo modus Leſſij nec Diuinus nec Apoſtolicus eſt, ſed merè humanus.

Refutatio ſecundi Argumenti.

Primò, iuxta placita Lutheranicæ ſcholæ (quæ omnem Patrum ſanctorum auctoritatem con-

temnit, omniaque eorum dicta ut humanas fallibilesque sententias æstimat) planè erat contradictoria propositio sumenda; adeoque sic fuisset rectissime Meisnero ratiocinandum, ex Antecedente contradictorio suæ propositionis: *Modus Lesbians olim observatus est à viris sanctis; igitur modus Lesbianus est merè humanus.*

Secundò, Falsum omnino est, Lesbianum modum in Ecclesiâ vestigandâ, non fuisse olim à sanctis Dei viris observatum, ut demonstrabitur postea.

Tertiò, Omnes omnino probationes, quibus demonstrare nititur fol. 21. v. 5. à fine, semper cum in veteri tum in nouo Testamēto, omne iudicium de verâ Religione, & recto Dei cultu, institutum fuisse iuxta Legem, quæ sola tamquam infallibilis norma commendetur in Scripturis; apertissima sunt mendacia. Quale verbi gratiâ illud est, ubi citatur lib. 1. Paralip. cap. 34. qui liber tantum habet capita 29. Imò nonnullæ sacræ Scripturæ auctoritates allatæ, ipsi Meisnero repugnant. Illa in primis ex veteri Testamento 4. Reg. cap. 22. vers. 13, ubi Iosias non remittit suos ad consulendâ Legem (ut Meisnerus ait) sed ut consulant *Prophetidem Holdam uxore Sellum, filij Thecne, de ipsis verbis Legis.* ex quo sequitur contra Meisnerum, Reges non semper remisisse ad Legem, sed subinde ad Prophetas, ut Iosias ad Prophetidem Holdam. Iterum illa Nehemiæ 8. cap. ubi dicitur quidem Esdras legisse populo Legem, sed mox additur: *Et in die secundo congregati sunt Principes familiarum universi populi, Sacerdotes, & Levitæ ad Esdram scribâ, ut interpretaretur eis verba Legis.* Ex quo sequitur, non semper

semper ad Legem, sed subinde ad interpretem, vt hîc ad Esdram, esse itum. Ex nouo Testamento ista Actorum 17. v. 11. de Berœensibus. Berœenses enim non erant id temporis viri sancti Dei, de quibus sumpsit in suo Antecedente Meisnerus, sed increduli, & catechumeni. Denique Constantini Cæsaris exemplum, qui quidem in Nicæno Concilio affirmauit, consulendam Scripturam esse ad refutandos Arrij de Trinitate errores, non autem ad internoscendam Ecclesiam. Et verò, si is credebat solam Scripturam esse infallibilem normam, cur Scripturæ explicandæ adhibuit vniuersum Concilium Nicænum?

CAPUT II.

Modum Lessij esse omnino consentaneum rationi, neque posse inueniri alium meliorem.

POTERANT Meisnero sufficere responsa Capituli superioris, vtpote paria numero cum obiectionibus illius; & (quæ mea fuit gratia) numero etiam superiora. Ne tamen queratur, obliuione præteritum esse abs se præcipuum aliquod argumentum A ratione, quam pluris faciunt Lutherani omnes & Caluinistæ, atque ipsos Apostolos & sanctos Patres, meapte sponte decreui illi occurrere, illudquæ etiam ostendere, non esse nos ita Papasmos (vt videbatur sibi eleganter loqui Lutherus) qui hominum auctoritate, Pythagoreorum instar, vt capistro abducamur, veriti

vel contrahiscere, vel semel reluctari; verum vel maximè sequi nos rationem, quando ea non est captiuanda in obsequium fidei: quam ego columbinam simplicitatem numquam verecundabor profiteri etiam inter arcuata supercilia Lutheranorum, qui tamen inter hæreticos omnes maximè sunt obesi & pingues, vtcumque sibi videantur arguti.

Igitur ostendam Primò, Singulas Lessij rationes esse huiusmodi, vt quiuvis prudens, etiam hæreticus, ex earum qualibet meritò iudicare debeat, illam esse veram Ecclesiam, in quâ eæ relucet.

Primum Argumentum.

Illà inuestigatio Ecclesiæ est rationi maximè consentanea, quæ instituitur per signa clarissima, quæ necessariò soli veræ Ecclesiæ sciuntur debere cõuenire. Sed talis est inuestigatio Lessij. Ergo, &c.

Maior propositio est clara & certa.

Minorem, quòd nempe inuestigatio Lessij instituta sit per signa clarissima quæ sciuntur soli Ecclesiæ necessariò debere cõuenire, probò inductione factâ per singulas Lessij Notas.

Prima Lessij Nota est, Studium perfectionis.

Secunda, Exclusio licentia peccandi.

Tertia, Sanctitas cultorum.

Pro his tribus Notis ita argumentor: Hæ tres Lessij Notæ sunt necessaria & efficacia media ad assequendum finem Ecclesiæ, qui est vita æterna. Atqui impossibile est extra Ecclesiam inueniri, posse yllà media necessaria & efficacia ad assequendum

dum Ecclesiæ finem. Igitur tres illæ primæ Notæ non possunt extra Ecclesiam inueniri: sunt autem clarissimæ omnibus & euidentissimæ; sunt igitur signa clarissima veræ Ecclesiæ.

Maiores probatur, quia passim Christus, & Scripturæ sanctæ, ad vitam æternam assequendam suadent nobis fugam peccatorum, studium perfectionis, & sanctitatem morum: adeoque hæc facientibus & obseruantibus promittunt vitam æternam, negligentibus pœnas minantur æternas. Igitur hæc tria, studium perfectionis, exclusio licentiæ peccandi, & sanctitas, sunt media necessaria, & simul efficacia ad assequendum Ecclesiæ finem, qui est vita æterna.

Minor propositio est euidens, ipsisque Lutheranis & Meisnero probata; nam si extra Ecclesiam veram inueniri possent media efficacia ad vitam æternam, possent homines extra Ecclesiam veram saluari, quod falsissimum est.

Quarta Lesjy Nota est, Gloria miraculorum.

Pro hac ita argumentor: Vt persuadeatur hominibus supernaturalis doctrina Ecclesiæ veræ, non solum est rationi consentaneum, sed omnino necessarium, fieri aliquando clara aliqua miracula. Atqui impossibile est hæc Deum operari ad confirmandam doctrinam falsam, & Ecclesiam falsam. Igitur miracula sunt clarissima signa quæ sciuntur necessariò soli Ecclesiæ veræ debere conuenire.

Maiores probatur, Primò, Quia aliàs nemo teneretur credere tali doctrinæ, quæ sine miraculorum velut sigillis, nullam apud homines obtinere pos-

set auctoritatem. Id quod Melanchthon quoque affirmat in caput tertium Matthæi his verbis: *Et semper addit Deus miracula, ut certò sciamus esse à Deo missos.* Et Lutherus ipse sic scribens de seruo arbitrio: *Nobis mandatum est prorsus nullum dogma admittere signis diuinis non antè probatum: Deut. 18.*

Secundò, Quia Deus ita se facturum promisit Moyfi, Exod. 4. cap. dicenti, *Non credent mihi, &c. Et credant quia appaſſerit tibi Dominus;* versa est virga in colubrum, & de colubro in virgam. Vbi ostendit id fuisse necessarium, ut crederent; aliàs meritò non credituri.

Tertiò, Ita Christus confirmauit reipsà Ecclesiam Marci ultimo: *Illi verò profecti, prædicauerunt ubique, Domino cooperante, & sermonem confirman- te sequentibus signis.* & ad Heb. 2. cap. *Contestante Deo signis & virtutibus.*

Minor probatur, Quia impossibile est Deum attestari rem falsam, eoque testimonio inducere homines in errorem. Sic enim implanaret & deciperet is, de quo dixit Ecclesiasticus cap. 15. *Non dicas, Ille me implanauit, &c. Non enim concupiscit multitudinem filiorum infidelium & inutilem.*

Quinta Leshy Nota est, Gentium conuersio.

Sexta, Nomen Catholica.

Vtraque hæc promissa est Ecclesiæ suæ à Christo quāli in dotem. Sed Christus non promisit dotem ulli alteri concubinæ (ut loquitur Augustinus) sed soli sponsæ suæ. Igitur Gentium conuersio, & Nomen Catholicæ, est clarissimum signum, quod scitur necessariò debere conuenire Ecclesiæ soli quæ vera est Christi sponsa.

Maior

Maiores probatur his verbis Augustini, Tomo nono de Symb. lib. 4. cap. 13. *Totum possidet, quod à viro accepit in dotem. Lego tabulas matrimoniales eius; recitabo. Audite hæretici quid scriptum sit: Oportebat Christum pati, & resurgere à mortuis, & predicari in nomine eius pœnitentiam, & remissionem per omnes Gentes. Omnes Gentes, totus mûdus est. Ecclesia totum possidet, quod à viro suo accepit in dotem.*

Minor probatur verbis eiusdem Doctõris eodem capite: *Quacumque congregatio cuiuslibet hæresis in angulis sedet, concubina est, non matrona, &c. Cognoscatur una sancta & vera Regina Catholica, cui Christus regnum tale dedit.*

Septimâ Leshj Nota est, Successio perpetua.

Hanc affirmavit Christus se impetrasse Petro, Luc. 22. *Ego rogavi pro te ut non deficiat fides tua.* Defecisset enim, si aliquando fuisset secta hæc successionis catena. Hanc Gamaliel Apostolorum Iudiciis pro signo manifestissimo dedit Actor. 5. *Si est ex hominibus consilium hoc aut opus, dissolvetur; si verò ex Deo est, non poteritis dissolvere eos.* Atqui hæc ita soli Ecclesiæ Catholicæ propria est, ut ob eam se fateatur in Ecclesiâ Catholicâ retentum sanctus Augustinus, lib. contra Epist. fund. c. 4. Ita verò clara, ut dicat de eâ Epiphanius. hæres. 27. *Per hæc (nomina nempe perpetuorû successorum) semper claritas ostenditur.* Igitur successio, est clarissimum signum solius veræ Ecclesiæ.

Octava Leshj Nota est, Consensus doctrina.

Hanc fuisse clarissimâ, testatur Lucas Actor. 4. *Multiitudinis credentium erat cor unum, & anima*

ma una. & fatetur Lutherus cum Mansfeldensibus Heidelbergensibusque hæreticis, citatus apud Coccium. Igitur ex confessione Lutheri & Lutheranorum, *Consensus* est clarissimum Ecclesiæ veræ signum.

Secundum Argumentum.

Omnis ille modus explorandi veritatem Ecclesiæ, est maximè cōsentaneus rationi, qui talia signa proponit, quæ quivis prudens & cordatus iudicat debere in verâ Ecclesiâ reperiri. Sed talis est modus Lessianus. Ergo.

Maiores est clara: Alioquin stultis & insanis credendum esset magis de Ecclesiâ, quàm sapientibus & probis. Minor probatur, Quia nec ipsi Lutherani negabunt, nec ulli omnino hæretici, quin putent illam esse veram Ecclesiam, in quâ viget *studium perfectionis*, in quâ *excluduntur occasiones peccatorum*, in quâ semper fuerit *sancti viri*, in quâ fuerit cultores *miraculis* clari, ad quam *gentes conversa*, quæ nomine & re *Catholica* est, quæ *perpetuam successionem* habuit, quæ *vnum* semper habuit doctrinæ *consensum*; quæ omnia signa sunt Lessij. Sed dicit Meisnerus hæc se non habere pro signis. Quæro igitur, an Meisnerus iudicet illam esse Ecclesiam veram potius, in quâ nullum est perfectionis *studium*; nulla sanctitas morum aut cultorum; omnis licentia quorumvis facinorum; nulla miraculorum gloria; nulla successionis antiquitas; nulla consideratio doctrinæ? Aut hoc enim indicare debet, aut alterum. Et verò, quis prudens hoc iudicabit cum Meisnero? Certum est igitur
iudicio

iudicio cuiusvis cordati & prudentis viri, Lessij modum esse rationi valdè consentaneum.

Tertium Argumentum.

Probandi Religionem modus hic est optimus & tutissimus, ait ipse Meisnerus pag. 16. *ut eam cum Scripturis conferamus; & si cum illis consentiat, recipiamus; si dissentiat, rejiciamus.* pag. verò 23. *Si Scriptura scrutinium pramitteretur, nemo ex nostris iret inficias, adiungi etiam posse quasdam rationes, vel considerationes alias; quod ipsum quoque olim à sanctis Patribus factitatum scimus.* Sed modus Lessij confert Religionē cum Scripturis, ut patet ex singulis capitibus Considerationū; & præmissio Scripturæ scrutinio, adiungit easdem Cōsiderationes, quas adhibuerunt olim sancti Patres. Igitur modus Lessij optimus & tutissimus est etiam ex sententiā Meisneri.

Quartum Argumentum.

Omnis ille modus à quovis prudenti & cordato virō haberi & credi debet rationi maximè fuisse consentaneus, quo vñ sunt ad Ecclesiam demonstrandam, ipsemet Christus summa sapientia Patris, & tot prudentissimi iuxta ac sanctissimi Doctores. Sed modus Lessij idem est atque is quo vñ sunt Christus, & omnes Doctores, & Patres, ut ostensum. Ergo modus Lessij cuius viro cordato & prudenti debet videri maximè esse rationi consentaneus.

CAPVT III.

*Modus probandi Veram Religionem non
debit à Lessio sumi ex solâ Scripturâ.*

AD MIRANDVM triumphum sibi canit Meif-
nerus ob neglectam, vt ait, à Lessio Scriptu-
ram; planè sicut Horatianus ille Vertumnus:

*Qui se credebat miros audire Tragados,
In vacuolatus sessor plausorque theatro.*

Quia, inquit pag. 15. v. 11. in ipso etiam examine
crebrò aberratur, idcirco profuerit certum & infalli-
bilem discere & obseruare modum, iuxta quem pre-
tiosum à vili, verum à falso rectè & indubitanter di-
stingui queat. Quemadmodum enim lapis habetur
(Lydiū vel Heraclium vocat Plinius) ad quem
probantur metalla; sic mensura quædam necessaria
est iuxta quam examinentur dogmata. Illam nos sta-
tuimus esse sacrosanctam Scripturam, libris Prophe-
ticis & Apostolicis comprehensam. Quidquid enim
cum hac concordat, veritas est: quidquid ab illâ dis-
crepat, error & hæresis est. Modus autem ille Iesui-
ticus [pag. 19. v. 4. à fine] in nullo Euangelio, in nul-
lâ Epistolâ Apostolicâ docetur aut præscribitur.

Refutatio.

Respondeo Primò: Nusquam habetur in totâ
Scripturâ, quòd sola Scriptura sit mensura cogno-
scendæ veræ Ecclesiæ. Atqui ex sententiâ Meif-
neri nihil potest esse Ecclesiæ veræ mensura, nisi
quod est in Scripturâ. Ergo sola Scriptura non
potest esse mensura cognoscendæ veræ Ecclesiæ.

Respon-

Respondeo Secundò: Omnis regula seu mensura ita firma esse debet vt distorta fieri nequeat. vnde regula Isidoro quasi rectula; siue, quòd distorta regat, corrigatque, dicta est lib. 6. cap. 16. aliàs certè esset *Regula Lesbica* prouerbio ob prauitatem iactata apud Aristot. lib. 5. Ethic. cap. 10. Atqui Scriptura sola facillimè ab hæreticis omnibus (vt probatur exemplo omnium omnino Sectarum, sese mutuo damnantium ex amussi Scripturæ) distortetur in omnes partes & sensus instar Lesbiæ regulæ factæ è plumbo. Igitur sola Scriptura non potest esse certa regula seu mensura cognoscendæ veræ Ecclesiæ.

Respondeo Tertiò: Quidquid est Ecclesiæ mensura aut nota, debet esse perpetuum & constans in Ecclesiâ, aliàs enim falli omnes possemus in eâ eligendâ, & fatetur ipse Meisnerus fol. 30. dicens, *omnem normam debere esse perpetuam*. Atqui nulla fuit conscripta Scriptura per bis mille quingentos octuaginta annos, ab Abel vsque ad Moysen, cum tamen intereâ fuerit manifesta & benè nota Ecclesia. Igitur Scriptura sola non potest esse Ecclesiæ norma aut nota.

Respondeo Quartò: Ab ipso Luthero Scripturam non fuisse pro Ecclesiæ normâ admittam, sed impudentissimè contemptam. Nam licet Lutherus quidem in Assertion. ad Leonem X. furiosi & fanatici instar clamauerit: *Ego aduersus dicta Patrum, hominum, Angelorum, demonum, pono non antiquum usum, non multitudinem hominum, sed vnius Maiestatis æterna verbum, Euangelium, &c.* Hic sto, hic sedeo, hic maneo, hic glorior, hic triumpho, hic insulto Papistis, Thomistis,

/ mistis, Henricistis, Sophistis, &c. Ego clamo, Euangelium, Euangelium; Christus, Christus: ipsi respondent, Patres, Patres; usus, usus; statuta, statuta. Hæc, inquam, etsi tam insolenti petulantia effutierit, quasi laudaturus Scripturas; omnia tamen hæc encomia resorbuit Tom. 1. Germ. Witt. Comm. in cap. 3. ad Galatas, ita scribens contra Scripturam: Tametsi Papiſta ingentem cumulum locorum Scriptura adferant, in quibus bona opera praeſcribuntur; ego tamen nihil curo omnia dicta Scriptura, si etiam ijs adhuc plura adferrentur. Tu Papiſta valde quidem fastidis & ferocem te facis cum Scriptura, quæ tamen Christo ut Domino subest. Itaque, nihil eam remoueor. Age sane, famulo nitere quantum voles: at ego nitor Christo vero Magistro Domino & Imperatore Scriptura, &c. Illi honorem habere & credere malo, quam ut omnibus dictis Scriptura vel unguem latum à sententia me patiar dimoueri.

Respondeo Quinto, Probationes omnes Meißneri, quibus hanc suam regulam nititur stabilire, plenas esse mendacii & antilogiis.

Primum mendacium, pag. 15. v. 3. à fine: Scriptura, inquit, est firmus ille sermo, cui [soli] debemus attendere. 2. Petri 1. v. 19. At diuus Petrus nec ibi nec alibi habet verbum soli, sed ita: Cui benefacitis attendentes. Idem mendacium repetit pag. 19. vers. 19. à fine: Huic (Scripturae) soli nos attendere suadet diuus Petrus.

Secundum. Ibidem adfert verba Auctoris Operis imperfecti ex Homil. 49. (quibus affirmat ille, temporibus Antichristi ad solam Scripturam fore recurrendum) ad probandum solam Scripturam fuisse semper, adeoque etiamnum esse regulam,

lam cognoscendæ veræ Ecclesiæ , cùm tamen idem ille Auctor postquam dixisset, *In hoc tempore (Antichristi) nullum refugium esse posse Christianorum volentium cognoscere fidei veritatem, nisi Scriptura diuinæ*, versu proximo adnectat: *Antea enim multis modis ostendebatur, quæ esset Ecclesia Christi, & quæ Gentilitas*. En vt canis hic festinans cæcos pariat catulos . Mentitur igitur Meisnerus, Auctorem Operis imperfecti docere, tantùm esse vnum modum cognoscendæ Ecclesiæ per solam Scripturam , qui docuit fuisse multos modos, quibus ostendebatur, quæ esset Ecclesia, quæ Gentilitas.

Tertium, pag. 18. v. 3. à fine: *In veteri Testamento*, inquit, *primò ablegabantur homines ad Legem & ad testimonium*, Isa. 8. vers. 20. *non ad considerationem successionis, antiquitatis, aliorumque similium signorum*. Simile nihil hîc dicitur ab Isaiâ.

Quartum, pag. 9. *Diues Epulo simile quid petebat pro conuersione fratrum suorum*, Luc. 6. *sed pater Abraham respondebat: Habent Moysen & Prophetas*. Primò, Diues Epulo nihil simile petebat, vt Lessius, ad cognoscendam Ecclesiam, sed oculos testes tormentorum, qui nuntiarent ea fratribus. Secundò, Nec Abraham remittit eos ad Moysen & Prophetas pro cognitione veræ Ecclesiæ, sed pro cognitione æternorum illorum suppliciorum. An hæc fortè Ecclesia Meisneri?

Quintum, pag. 19. vers. 13. *Sic Apostoli nullam aliam præscribunt probandi regulam normam: quàm Scripturam*. Non id probant hæc straminea argumenta Meisneri: *Hanc (Scripturam) nos de verâ fide informare docet Ioannes cap. 20. In hac per-*

manere Timotheum suum docet Gentium Doct̃er. Qui novit Deum, audit nos, &c. In hoc cognoscimus spiritum erroris, ait Apost. Ioan. 1. Epist. 4. v. 6. Non enim hinc sequitur: Igitur Apostoli nullam aliam regulam præscribunt, quàm sanctam Scripturam. Imò contrà Ioannes cap. 20. vers. 8. fidem non ex Scripturâ, sed Scripturæ sensum ex visis signis in sepulcro Christi se ait accepisse. Item Epist. 1. cap. 4. v. 6. docet, fideles ab infidelibus internosci, non ex Scripturâ, sed ex obedientiâ, quam Prælati suis præstant fideles.

Sextum, ibidem: *Nullibi remittimur ad Successionem Episcoporum, nullibi ad conditionem morum, nullibi ad nomē Catholicæ. Vbi verò potuisset Christus ad mores remittere clariùs, quàm cùm dixit Matth. 7. Ex fructibus eorum cognoscetis eos? Pinguis noster olitor Meisnerus fortasse putavit Christum loqui de fructibus arboris Mori, non morum. Vbi Apostoli clariùs ad successionem, & ad nomen Catholicæ, quàm cùm in ipso Symbolo suo Ecclesiam vocarunt Catholicam? Et adhuc animi pendet Meisnerus pag. 21. Quomodo certus reddetur in electione fidei, an hac methodus optima, & à Deo profecta sit; si consideremus ubi edantur miracula? ubi sit consensus Patrum & Episcoporum? Dubitat etiam Meisnerus, credo, an Christus ipse, qui dixit, Signa eos, qui crediderint, hæc sequentur; qui dixit, Ex fructibus eorum cognoscetis eos; dederit modum, etiam merè humanum, fallibilem, Pharisaicum, hypocriticum, qualis est Lessianus, ad cognoscendam veram Ecclesiam.*

Septimum, pag. 21. v. 19. *Deus in Scripturâ nihil aliud commendat nobis quàm Scripturam. Traditio-*

ditionem commendat Paulus 2. ad Theſſalon. 2. *Tenete traditiones, quas didiciſtis, ſive per ſermonem, ſive per Epiſtolam noſtram.*

Octauum, pag. 23. *Scripturam penitus ſilentio inuoluere, illius lectionem prohibere, &c. omnem probandi rationem Ieſuiticam merito ſuſpectam reddit.* Nuſquam Ieſuitæ prohibent lectionem ſacræ Scripturæ: vulgo & ineruditis hominibus Eccleſia lectione Bibliorum vernaculorum interdixit; nemini abſtulit, ne plebeio quidem vlli, uſum codicum Latinorum. Sed proſectò etiam ſi declinarent Ieſuitæ certamen Scripturarum cum hæreticis, ſapienter id facerent de ſententiâ Tertulliani, ita ſcribētis lib. De præſcript. cap. 15. *Hunc potiffimum gradum obſtruimus, non admittendos eos ad ullam de Scripturis diſputationem: ſi hæ ſunt vires eorum, an ne eas habere poſſint, diſpici debet, cui competat poſſeſſio Scripturarum; ne is admittatur ad eas, cui nullo modo competit.*

CAPVT IV.

Modum Leſſij non eſſe fallibilem & incertum: ſed modum Lutheranorum eſſe incertiſſimum & Lunaticum.

TRIBVS argumentis, & adiectione quodam figmento probat Meiſnerus Leſſij modum eſſe fallibilem & incertum.

Primum Argumentum Meiſneri.

Fol. 26. *Conſultatio Leſſij non eſt fundata in Sacris litteris, ideòque nullam animi ἀληθοῦς γίγνιτ.*

Probatio prima.

Verbum & Fides relata sunt, ideoque se innicem ponunt & tollunt.

Refutatio.

Prima argumenti propositio iam suprà refutata est. Probatio falsa est. nam in quâ Theologiâ Fides & Verbum sunt relata? & quare sublata Fide necesse esset tolli Verbum? Certè Beati iam in cælo Scripturam pro Scripturâ habent, neque tamen Fidem habent. Hæretici omnes Scripturam habent, Scripturâ se niti affirmant; Fidem tamen non habent. Et Fide tenendas esse traditiones æquè ac Verbum scriptum, dictum suprà ex Scripturâ 1. ad Corinth. 11. *Itaque fratres state, & tenete traditiones*. Si igitur dixisset Meisnerus, relata esse Fidem & Verbum Dei seu scriptum seu traditum, aliquid cum ratione dixisset.

Probatio secunda.

Pag. 27. *Fluctuatio numquam tollitur, nisi animus ab externis illis considerationibus ad solam sacram Scripturam reducatur.*

Refutatio.

Quî fit igitur, tantas esse inter hæreticos omnes fluctuationes, qui omnes se appellant ad Scripturas? certè nullus Euripus crebriores habet motus.

Secundum Argumentum Meisneri.

Pag. 27. *Incertitudo modi Iesuitici elucescit ex eo etiam, quòd pleraque illæ Cõsiderationes ita sunt comparatae,*

parate, ut quadrent etiam in religiones falsas, &c. Græcica tantum Ecclesia conditio & religio attendatur: an non huic omnia ista externa omnia rectè applicari possunt? cum tamen ab ipsis Pontificiis praefalsâ & Pseudo-catholicâ habeatur, &c. Pag. 28. Græcis adiungimus Synagogam Iudaicam, quæ ad palliandam infidelitatem suam non opus habeat alia conquirere perizomata, si obtineat Consultatio Læssiana.

Refutatio.

Falsa est Assumptio, & utraque eius probatio. Falsum est, Græcam Ecclesiam haberi à Pontificiis pro Pseudo-catholicâ. Olim initio dissensionis habita est tantum pro schismaticâ; schisma autem non est infidelitatis peccatum, sed contra charitatem: nunc autem habetur etiam pro hæreticâ. Item falsum est, Græcicæ Ecclesiæ olim schismaticæ, & nunc hæreticæ, convenire omnia Læssij omnia; cum neque Catholica vocetur, neque vna sit, neque successionem habeat, neque miracula, &c. de quibus se olim iactare potuit quamdiu sub Romano Pontifice stetit viris sanctis florentissima; at postquam ab hoc capite discessit,

Cœpit spes Danaum retrò sublapsa referri.

Falsum item est, omnes Læssij notas convenire in modernam Synagogam, quæ Synagoga est satanæ; conuenerunt autem in veterem Synagogam usque ad Christi tempora, quæ fuit vera Ecclesia. At post Christum Iudaica Synagoga, quæ, obsecro, habuit miracula, extinctâ piscinâ? quam catenam successionis, translato in Petrum Pontificatu? quos viros sanctos, præter fœnerato-



res ? quam conuersionem Gentium, cùm fuerit ipsa dispersa?

En quàm acutè ratiocinetur Meisnerus de Iudaicâ Synagogâ, & de Ecclesiâ Græcâ.

Tertium Argumentum Meisneri.

Fol. 30. *Omnis norma perpetua esse debet, ita ut ad illam semper commensurari queat mensuratum. Non autem omnes illa Fidei Notæ sunt perpetua & vniuersales; præsertim quod concernit miracula, conuersionem Gentium, & successionem Episcoporum.*

Refutatio.

Respondeo Primò: Assumptio vera est, sed falsa Subsumptio.

Respondeo Secundò: Agnoscit hîc saltem Meisnerus Lessij perpetuas esse Notas omnes, exceptis tribus, Miraculis, Conuersione, Successione.

Respondeo Tertiò: Etiam hæ tres Notæ perpetuæ sunt atq; vniuersales. Miracula perpetua sunt, quia omnibus sæculis edita fuisse in omni ferè genere ostēdit Cardinalis Bellarminus, & alij; neque vllus hæreticus verè refutauit. Conuersio Gentium perpetua fuit, ut ostēsum à Bellarmino, vsque ad sæculum sextum post Christum; à sæculo sexto vsque ad Apostolos conuersiones factę recensentur à Chtonographis aliis, & fatetur Parte secundâ, Considerat. de Gentium conuersione, ipse Meisnerus, omnes eos, qui ante sextum illud sæculum conuersi sunt, ad veram Ecclesiam fuisse conuersos. Successio perpetua, quia nusquam interrupta in Sede Romanâ, ut Parte secundâ probabitur, Consideratione de Successione.

Pro-

Probatio prima tertij Argumenti.

Pag. 30. *Conuersio, Successio, Miracula tunc solum habent locum, quando Ecclesia in illustri statu constituta est.*

Refutatio.

Imò contrà, Miracula tum maximè habent locum, cùm Ecclesia delitescit in luctu, vt ipso miraculorum fulgore innotescat. Quàm enim illustri loco erat Ecclesia temporibus Apostolorum? nimirum, *Ibant gaudentes à conspectu Concilij, quia digni habiti erant pro nomine Iesu contumeliam pati; circuibant in melotis & in pellibus caprinis, in speluncis, & cauernis terræ, quibus dignus non erat mundus; & tunc tamen in omnem terram exiit sonus eorum.* Tum Gentes plurimæ ad fidem adductæ; tum creberrima facta miracula, & quæ nec Meisnerus suspicari habere potest. & solum hæc sunt cùm Ecclesia illustri est loco? Imò cùm loco est obscuro, tunc fiunt hæc maximè; adeoque *sanguis Martyrum semen est Christianorum*, ait ad Scapulam Tertullianus. Et temporibus Antichristi, quando vix fides inuenietur in terris, illustrissima fiene miracula ab Eliâ & Enoch, vt testatur in Apocalypsi Ioannes.

Probatio secunda.

Pag. 30. *Non enim semper patet (Ecclesia) sed quandoque latet.*

Refutatio.

Latere scilicet potest ciuitas supra montem posita, quæ abscondi non potest: Matth. 5. Ecquando

latet, quæso tecum, Meisnere? Tempore persecutionū, ais, & hærescon. At oportet hæreses esse, ut qui probati sunt in vobis manifesti fiant, ait Paulus 1. ad Corinth. cap. 11. Non ergo abscondunt Ecclesiam hæreses, sed manifestant eam.

Probatio tertia.

Pag. 30. Sicut Christi (qui Ecclesia caput est) duo sunt status, alter ἐλατλώσεως seu exinanitionis, alter ὑπερυψώσεως seu exaltationis; ita & corpus Ecclesia suis vicissitudinariis mutationibus distinguitur, dum nonnumquam claret, & ad ipsam conuertuntur multi, &c. nonnumquam verò elanguet, tempore persecutionum & hæreseos, ubi visibilitatem Pastorum successio, tum Gentilium conuersio impeditur.

Refutatio.

Contrà, Sicut Christus in statu exinanitionis suæ, exaltatus in cruce traxit ad se omnia, Ioannis 12. ita quoque proprium esse Ecclesiæ, ut tunc vincat cum laditur, ut tum intelligat cum arguitur, tum obtineat cum deseritur; verissimè scripsit S. Hilarius lib. 7. de Trinitate, & post eum notauit Ambrosius lib. 9. cap. 10. in Luc. comparans Ecclesiam vineæ, quæ ligata erigitur, & recisa augetur. Idemque affirmant Patres, Clemens Alexand. Stromat. lib. 6. sub finem, Origenes lib. 1. contra Celsum, Gregorius Magnus lib. 9. Moral. cap. 7. Tertullianus Apologet. cap. 37.

Adiectitium figmentum Meisneri.

Pag. 31. Reliquæ etiam rationes omnes Lessij ideò sunt fallibiles, quia quidquid in ijs observatur, & nos
ad

ad eligendam fidem mouere deberet, à falsis quoque Prophetis simulari potest.

Refutatio.

A nullis falsis Prophetis ita diu simulari potest apud omnes homines studium perfectionis, perpetratio miraculorum, antiquitas successionis, quantumuis *veniant* (vt Meisnerus loquitur) *sub ouinâ pelle*, quin aliquando fraudi persona detraha-
hatur. Ouina fortè capita, aut Athenienses noctuæ aliquot, Meisnero similes, falli possunt huiusmodi laruis; non verò orbis vniuersus, qui hucusque nullam in hisce Ecclesiæ notis hypocrisim deprehendit, aut fraudem. Imò verò si permetteret Deus tot sæculis decipi homines sine culpâ suâ, iure se illi apud Deum tuerentur. Sed ne vel vnum Pharaonem magicis incantationibus mendaces arioli ludificarent, fecit Deus vt eorum colubri voraretur à virgâ Moysaicâ; & proiectus in aërem puluis in sciniphes non verteretur. Ne personata Pharisæorum hypocrisis sanctimonix nomen inueniret, eorum sutelas & artificia Christus mundo ostendit. Quomodo igitur permisisset Deus mundum propè vniuersum tot sæculis ludificari, simulato perfectionis studio, & magicâ portentorum perpetratione?

Denique certitudinem modi Lessiani confirmo hoc argumento:

Ille modus probandi veritatem Ecclesiæ certus atque infallibilis est, qui adhibet notas in Sacris litteris fundatas, perpetuas, & ita Ecclesiæ proprias, vt in nullam aliam Religionem conueniant. Sed talis est modus Lessij, vt iam probatum est

luculentè. Est igitur modus Lessij certus & infallibilis.

*Incertitudo normæ & notarum
Ecclesiæ Lutherana.*

Supereſt, vt quàm incertus fallâxque ſit modus Lutheranorum, oſtendam: id quod duplici ex capite videor poſſe facere manifeſtû. Primò, Ex inconstantia earum notarum, quas illi adferunt. Secundò, Ex earundem obſcuritate. Ex quo ratiocinor in hunc modum:

Internoſcere illam perſonam, vel Eccleſiam, quæ nullas eaſdem notas conſtâter retinet, eaſque ita obſcuras habet, vt videri vix aut omnino non poſſint, eſt maximè fallibile & incertum. Sed Eccleſia Lutherana, nullas eaſdem notas conſtanter retinet; eaſque, quas habet, ſunt ita obſcuræ, vt ferè aut omnino videri non poſſint. Ergo internoſcere Eccleſiam Lutheranam eſt maximè fallibile & incertum.

Maior propoſitio eſt clara; quia omnes res internoſcuntur tantùm diuerſitate notarum ſuarum. Vnde quæ omnino ſunt ſimiles, neque vllas habet diſtinctas notas, non poſſunt internoſci; minimè verò, ſi notæ ſint obſcuræ.

Minor propoſitio duas habet partes: primam de Inconstantia; ſecundam de Obſcuritate.

Probatur prima de Inconstantia.

*Inconſtantia in cenſendis Lutherana
Eccleſiæ notis.*

Lutherus Tom. 7. tractatu De Eccleſiæ notis, enumerat ſeptem. 1. *Verbum Dei*. 2. *Sacramentum Bapti-*

Baptismi. 3. *Sacramentum Eucharistia*. 4. *Claues Ecclesiæ*. 5. *Ministerium verbi*. 6. *Orationes publicas*. *Persecutiones & afflictiones pati, &c.*

Centuriatores Magdeburgenses quatuor. 1. *Verum Dei in prædicatione*. 2. *Verbum Dei in confessione*. 3. *Legitimum usum Sacramentorum*. 4. *Ministerium, & obedientiam verbi*.

Matthias Illyricus Comment. in Acta, ad has quatuor addit *Inuocationem & Charitatem*.

Victorinus Strigelius Commentar. in Psal. 109. emit de dicto senario *Charitatem*.

Interimistæ in Comitibus Augustan. anno 1548. intermunt aut intermittunt *Charitatem*, & requirunt pro quartâ notâ, *Catholicum consensum*.

Melanchthon in Responsionibus ad Antil. Baricę Inquisitionis, reiecto *Consensu* illo, non agnoscit, nisi has tres. 1. *Doctrinam incorruptam*. 2. *Rectum usum Sacramentorum*. 3. *Obedientiam ministerio debitâ*. In Locis verò commun. & Repetit. Confess. Augustanæ tantum priores duas.

Musculus in Locis communibus abiicit *Consensum Catholicum*.

Vittebergenses & Helueticę Ecclesię in Confessionibus suis adferunt tantum notas duas. 1. *Doctrinam sanam*. 2. *Rectum usum Sacramentorum*.

Quis igitur in hoc Euripo non fluctuet? Quis in tantâ iactatione teneat verę Ecclesię portum?

Probaturs secunda de Obscuritate.

Obscuritas in notis Lutheranorum.

Notam vocamus id, per quod res venit in notitiam; quare oportet eam ipsâ re notatâ esse euidentiorē. At profectò multò obscuriores sunt
Luthe-

Lutheranorum notæ, atque ipsa Ecclesia, adeoque eam faciunt incognoscibilem.

Primò enim, Verbum Dei, seu Scripturam quis vel Lutheranorum neget esse admodum obscuram, cum ipse Lutherus vnicam illam sententiam, *Hoc est corpus meum*, tricies & sexies diuersis modis explicarit? ideoque falsus sit alibi, totis se annis quinque conatum esse, locum illum explicare, si potuisset, per Tropum. Deinde cum Ecclesia bis mille & quadringentis annis prior fuerit omni Scripturâ; ipsaque, quid Scriptura sit, quid non sit, iudicare debeat, Auctore August. lib. contra Epistolam fundam. cap. 5. & fatente Brentio in Confessione VVittenbergensi cap. De Scripturâ; certum est, illam hac debere esse notio-rem. Denique cum hucusque inter omnes omnino hæreticos contestata lis maneat de Scripturâ, neque vlli adiudicata eius explicandæ certa auctoritas; quis non videat Scripturam Ecclesiâ longè esse obscuriorem? *Non aliter*, ait Augustinus de Genes. ad litter. lib. 7. cap. 9. *sunt hæretici, nisi quod Scripturas non rectè intelligentes, suas falsas opiniones contra earum veritatem peruicaciter asserunt.* & Tertull. ut ostendat hæreticorum in explicandâ Scripturâ nauseam instar muliebris malaciæ, seu *κίττης*, lib. de Præsc. c. 17. *Ista, inquit, hæresis non recipit quasdam Scripturas; & si quas recipit, adiectionibus & deductionibus ad dispositionem instituti sui interuertit; & si recipit, non recipit integras; & si aliquatenus integras præstat, nihilominus diuersas expositiones commentata conuertit. Tantum veritati obstrepit adulter sensus, quantum corruptor stylus.*

Secundò, Claues Ecclesiæ cum sint potestas spiri-

piritualis, quis eas internoscet?

Tertiò, Vera & legitima prædicatio quæ sit, pene-
et quòque ab Ecclesiæ iudicio: vnde oportet Ec-
clesiam eâ esse notio-rem.

Quartò, Charitas cùm in animâ sit, neque ipse,
ui eam habet, sciat *an odio an amore dignus sit*;
tanto obscurius signum erit externis, qui corda
non scrutantur aliorum?

Quintò, Cùm Lutherus Ecclesiæ suæ notas di-
xit esse septem; Centuriatores, quatuor; Melan-
chthon, tres; Musculus, duas; alij (qui inuisibilem
ciunt) nullam; quis non videat, Ecclesiam hac
notarum variatione, non minùs quàm Protheum
liquem aut Polypum, non posse deprehendi, imò
fieri obscuram, vt internosci planè non possit?
an dic, amabo te, Meisnere, si ego hanc spon-
sam, hanc inquam Ecclesiam tuam procari velim,
quomodo eam de vultu cognoscam? quibus indi-
cis? quibus notis? an septem Lutheri? an tribus
Melanchthonis? an duabus Musculi? an quatuor
centuriatorum? Periculum profectò hîc est in tot
vultus mutationibus, in tantâ notarum in-
constitutine atque obscuritate, ne Iacob aliquis
eam arripiat pro Rachele. Et scire velim, Meis-
nere, quò tu iudicio certus sis, Ecclesiam illam, in
cui tu es, esse Ecclesiam Lutheranam? non certè
iudicio Lutheri, qui ait Ecclesiæ suæ notas esse
septem; nam tu in Ecclesiâ es, quæ nosci potest
solâ conformitate cum Scripturâ, vt ais pag. 15.
de Meisnere, ne quis cuculus supposuerit oua
struæ.

CAPVT V.

*Modum Lessij non esse nimis laboriosum, sed
contrà difficillimum esse modum Luthe-
ranorum.*

TRES Lessij Notæ, Sanctitas, Miracula, Con-
sensus, vt seriò sufficienterque expendantur,
visæ sunt Meisnero intolerabilem adferre labo-
rem multarum peregrinationum, & immensi stu-
dij ac lectionis.

— *Quantum hinnitum atque equitatum!*

Pag. 37. *Ad sanctitatem inuestigandam, hinc in-
de migrandum erit, inquit, vt appareat, quis cætus al-
tero sit sanctior & religiosior: id quod per se laborio-
sissimum est. Perlegenda sunt omnia monumenta ve-
tera, omnes historia Ecclesiastica, & multi commenta-
rii Monachales, vt constet tum de cultorum sancti-
tate, tum de antiquitate & successione, tum de mira-
culis, & Gentium conuersione.*

Ad expendenda *Miracula* eandem vtramque
molestiam obtrudit pag. 33. *Quis enim, ait, faciet
fidem, omnia sic gesta esse, vt referunt Monachi? &c.
Si porro ex nouis miraculis probanda sit fides, pere-
grinandum erit in Iaponiam, &c.*

Ad explorandum *Consensum* denique grauissi-
mum laborem adfert legendorum Patrum om-
nium, vt scias an consentiant, nec ne. *Si autem, in-
quit, euoluendi sunt tantum Tomi decem Augustini,
magnum opus Thoma de Aquino, Tomi Conciliorum,
Tomi sedecim Salmeronis, Tomi Bellarmini, Tomi
Baro-*

Barony, &c. cogites, quæso, quanta omnino longinquitas temporis requiratur. Vnde concludit pag. 34. sub finem: Igitur opus erit, ut (si modò Lessiana methodus observanda) immensam Doctorum bibliothecam laici & linguarum imperiti ingrediantur, & per omnes vitæ dies libris adhæreant, atque ita, fides quæ sit capeffenda, consultant: quod quàm laboriosum sit, quàm difficile, imò ipsis impossibile, quis est qui non intelligat?

Pro Ecclesiæ Sanctitate noscendâ, non esse opus peregrinatione.

Primò, Quia ex historiis omnibus satis constare potest, quàm sancta fuerit Ecclesiæ doctrina; quàm sanctæ leges, quàm sancti mores. Sicut plerisque Catholicis & hæreticis, qui numquam sunt in Germaniâ peregrinati, satis constar, quàm proiecti fuerint mores Lutheri, quanta castitas, quanta temperantia, quanta cōstantia in docendo: nam qui vel per vnum Cochlei libellū De septicipiti Luthero fuit peregrinatus, næ! ille sat multa peregrina monstra viderit breui tempore, & viâ.

Secundò, Ex pastoribus suis, aliisque Doctoribus vulgus item audire potest, quæ per se ex libris discere non valet.

Tertiò, Quilibet idiota prudenter etiam iudicabit de toto Ecclesiæ corpore, ex suæ Ecclesiæ particularis sanctitate; maximè accedente communi famâ, & grauissimorum virorum auctoritate.

Quartò, Etiam à rudibus hominibus plurimi pro Sanctis habiti sunt, quos Ecclesia Sanctos æstimauit, vt Ambrosius, Augustinus, Bernardus, &c.

Nec

Nec item pro noscendis Miraculis aut Consensu, opus esse peregrinatione.

Primò, Quia si opus est peregrinando omnia inspexisse, vt fidei *πιστοποιίας* consequaris, iam non *ex auditu* erit fides, sed ex peregrinatione.

Secundò, Si opus esset peregrinatione ad has tres notas indagandas, erit sanè etiam maiori peregrinatione opus, ad indagandas duas illas Lutheranorum à Meisnero laudatas, Puram nempe verbi Dei prædicationem, & Legitimam Sacramentorum administrationem. Dicam verbis Meisneri: *Veniunt hic examinandi, imò audiendi omnes Ministrelliones prædicantes, An purum Dei verbum prædicent an falsum.* Quis enim certò spondere poterit Prædicantes non errare, nec verbum Dei adulterare? præcipuè quando Lutherus lib. de Eccles. docet *veræ Ecclesiæ notam esse Verbum Dei, etiam minùs purè prædicatum.* & Meisnerus ipse pag. 6. *Verbo Dei nonnumquam stipulas admisceri; & modo fundamentum illesum maneat, tum saluos fieri posse etiam illos, qui errant in minùs principalibus.* Nec in vno loco manendum erit, sed hinc inde migrandum in angulos omnes, & antra, in ipsum Democriti puteum, in quo tot sæculis latuit Ecclesia Lutheranorum inuisibilis. Et quantus labor, vt inueniant rem inuisibilem? Nec medio meridie Cynicus ille inueniat cum suâ lucernulâ.

Tertiò, Non magis opus est peregrinatione ad credendum prudenter, verane sint, quæ de sanctitate Catholicorum multorum scripta sunt; atque ad credendum ea, quæ de libidine Imperatorum Romanorum, quæ de impietate Turcarum &

Bar-

Barbarorum multorum sunt scripta. Sed sanè is meritò pro infano & deliro haberetur, qui horum omnium nihil omnino vel humanâ fidè credere vellet, nisi peregrinatione ea omnia ipse explorasset: quamquam etiam tum quoque ea ibi non videret, quæ ante multa annorum spatia scripta sunt, esse facta. Igitur pro infano & deliro habendus est Meisnerus, qui peregrinatione vult esse opus ad fidei *παρηγορίαν*.

*Pro noscendo Patrū Consensu, aut Successiones
nihil opus esse infinitâ librorum lectione.*

Primò, Quia sufficit horum tantùm necessariam partem legere: neque enim toti illi libri de Ecclesiæ & Fidei mysteriis conscripti sunt, ut si quid omittas, ibi fueris deprehensurus errorem.

Secundò, Quia soli Episcopi, & Pastores, Doctoresque obligantur hæc sanctorum Patrum adyta scrutari, plebs verò ijs credere.

Tertiò, Quia iam plurimi libri maximâ fide conscripti sunt non ita magni, è quibus facile constat de Patrum consensu, & Episcoporum successione.

Quartò, Quia ipsi hæretici, quidquid in utraque hac notâ ambiguum esse poterat, non solum scrupulosè, sed etiam ita fideliter scilicet copiosèque protulerunt, ut ne quid deesset ad Patrum dissensiones ostendendas, subinde ipsi eos fecerunt discordes, ubi vel maximè conveniebant, leoninæ pelli vulpinam attexentes. Cum igitur ne tantis quidem hæreticorum tam diuturnis lucurationibus potuerit Ecclesiæ vlla *dissensio* aut *terrumpio* inueniri; quis non lubens supersedeat
C tam

tam improbis tot legendorum librorum laboribus, quibus ipsi nostrâ gratiâ videntur esse defuncti?

Quintò, Quia si opus est ex Lessij methodo tot libros legere, erit certè opus etiam ex sententiâ Meisneri (qui requirit *Scrutinium Scripturæ*, pag. 35:) totidèm plaustra legere Bibliorum & Commentariorum. Nam festinanter percurrere, non est *scrutari*: neque sanè ad veram Ecclesiam noscendam (si ea ex solis Scripturis noscenda est) sufficere potest earum levis inspectio, sed *scrutinium*, hoc est, seria, attenta, matura consideratio cum intellectu. Præterea oportebit ea ipsa Biblia & Commentarios multò quàm Catholicos libros maiori labore ac sollicitudine legere; quia nempe omnia suspecta sunt, & multa etiam de falsitate & antilogiâ comperta & conuicta.

Itaque opus erit, Primò, conferre Biblia Germanica Lutheri cum Latinis, cum Græcis, cum Hebræis; dispicere an nihil dempserit, addiderit, commutarit Lutherus. An ad cap. 3. Epistolæ ad Rom. apud Syros, Græcos; aut Latinos, addita sit vocula *solum*. An à cap. 11. Marci desit versus ille vigesimus sextus: *Quòd si vos non dimiseritis*, &c. An à cap. 4. Epist. 1. ad Theissal. absit versus ille 3. *Vt abstineatis vos à fornicatione*. An nusquam Ioann. 1. c. 5. inueniatur ille versus 7. *Tres sunt qui testimonium dant*. Denique an in Epist. ad Galat. cap. 3. vers. 10. habeatur: *Qui opera legis exercent, sub maledicto sunt* (vt mutauit Lutherus;) an, *qui ex operibus legis sunt*, &c. vt habent Latina versio & Græca?

Secundò, Oportebit præterea ipsa Lutheri Biblia
vetera

vetera conferre cum nouis; recentiora enim omnibus illis locis dissentiunt cum antiquis à me citatis triplicis editionis.

Tertiò, Oportebit inspicere Cõmentarios omnes hæreticorum, saltẽm vt scias genuinum spiritum & sensum Scripturæ; id enim requiritur ad *scrutinium*. Quare debebis legere octuaginta diuersas interpretationes vel illius solius sententiæ, *Hoc est corpus meum*; quam tot modis ab hæreticis explicatam esse, demonstrant Claudius de Sanctes Rep. primâ, cap. 10. & Ioachimus VVestphalus Defensione contra calumnias cuiusdam Sacramentarij.

Quartò, Oportebit ipsa scripta Lutheri priora conferre cum posterioribus; vbi inuenies eum super vno articulo de Communione trigiesies sexies sibi contradixisse, vt ostendit libello paruulo, quem vno adhuc Luthero edidit, Gasp̃r Quæramerus: in aliis verò toties pugnare secum, vt sine mente scripsisse credatur, quemadmodum in Septicipite Luthero suo demonstrat Cochleus. Et quis iam non videat, vt verbis Meisneri claudam pag. 34. *quanta, quanta omnino longinquitas temporis requiratur? Per totam vitam nihil agendum erit aliud, quam continuè legendum; nec tamen ad finem peruenies, etiamsi multis annis superstes manes. Quid autem interea temporis statuendum de fide? num in perpetuâ dubitatione hærendum, vbi tot inuenias in explicandâ vnius Scripturæ sententiâ pugnas sententiarum?*

CAPVT VI.

Modum Lessij non esse Pharisaicum.

POST QUAM prolixè Meisnerus depinxit Iesuitas vt Phariseos, (cui calumniæ respondere non lubet) profert tandem quas ob causas Consultatio Lessij sit mera concio Pharisaica, quâ eadem veteres Pharisei vti potuissent ad commendandam sectam suam contra ipsam doctrinam Christi. Ego, ne fastidiosè longus sim repetendo singula, & deum refutando, paucula tantum Meisneri verba velut commentariolo illustrabo, vt ostendam quanto iudicio atque acumine fecerit Phariseos ea loqui contra doctrinam Christi, quæ Lessius locutus est pro doctrinâ & Ecclesiâ Christi.

Pag. 42. *Procul dubio (inquit) Pharisei ad modum Lessianum sepius ita declamarunt: Sola nostra religio docet diuitias & honores contemnere.* Nota quàm probabiliter apud plebem de honorum contemptu declamare potuerint Pharisei, qui, vt scribit ipse Meisnerus pag. 39. *claves Ecclesie iactitant, & gloriantur de* ~~ex~~ *ex* ~~tra~~ *tra* ~~ord~~ *ord* ~~in~~ *in* ~~sq.~~ *sq.* & pag. 50. appellat *Phariseorum superbos primatus, & Cathedra Moysaica iactationes.* qui, vt Christus ipse dixit Matth. 23. *dilatant phylacteria sua, & magnificant simbrias, amant primos recubitus in cœnis, & primas cathedras in-synagogis, & salutationes in foro, & vocari ab hominibus Rabbi:* hi nimirum concionati sunt de honorum contemptu,

In tabulam vt Sylla dixerunt discipuli tres,

Pag. 44. *Poterant dicere Pharisei: Ad nostram fidem singulis*

singulis temporibus facta est quorundam Gentilium conuersio, &c. Quis hac considerans dubitare queat, quin religio nostra Iudaica sit unica vera religio? Nota: Pharisei volentes probare sectam suam Pharisæicam, commendassent religionem Iudaicam. Quantam mercedem Meisnero aduocato suo pacti fuissent Pharisei pro tam insigni patrociniol

Pag. 47. *Dicere poterant Pharisei: Quare tutissimum est permanere in antiquâ, & per tot sæcula propagatâ religione Iudaicâ, qua sibi semper similis, quæ à seipsâ indiuisa, &c. Nota: Pharisei fuere in Lege Moyseicâ indiuisi, qui ipso Meisnero teste erant inter Iudæos hæretici; qui sic dicti à Phares, hoc est diuisione & dissensione cum ceteris Iudæis; qui à Christo pro hæreticis reprehensi, Matth. 15. v. 4. & 5. & cap. 16. v. 11. & 12. quorum secta vocatur hæresis Actor. cap. 15. & 24. qui à Iosepho lib. 33. cap. 8. lib. 13. cap. 17. lib. 18. cap. 2. Antiquitat. pro sectariis item recensentur: sicut & ab Epiphano. Panarij lib. 1. Sed Meisnerus vocat Iudaicam Ecclesiam indiuisam. Ita est. Fateri igitur debet; aut, quod ut præuicator Iudæos laudet, qui Phariseos defendendos suscepit; aut quod Pharisei, utpote noui homines inter Iudæos, non sic potuerint declamare. Deinde videat Meisnerus, quomodo hic Iudaicam religionem vocet indiuisam, cum ipsemet scribat, pag. 37. In Iudaicâ Ecclesiâ primum quidem puram religionem, verumque Dei cultum à Moyse traditum perstitisse, sed post sequentibus sæculis à puritate antiquâ deflexisse, donec tandem plane noua doctrina facies emergeret, quæ Pharisæicis superstitutionibus & Traditionibus miserè erat conspurcata, ideoque reformatione & repurgatione quam*

maximè erat opus, quæ ab ipso etiam Christo suscepta & peracta est. Non igitur potest Iudaica Ecclesia semper fuisse indiuisa, ex sententiâ Meisneri; præterquam quòd luculentum sit mendacium, susceptam Iudaicæ religionis reformationem à Christo, qui eam aboleuit, aliamque nouam planè induxit.

Eâdem pag. 47. Dicere poterant Pharisei: Nulli dogma profiteamur, de quo ostendi possit esse ab aliquo de nouo introductum. Indicent quo sæculo, quâ atate id factum, quo loco, quo auctore? quisnam se nouo nostra dogmati opposuerit. Quomodo id poterant dicere Pharisei, cum Iosephi duo, senior nimirum & alter Ben gor, scribant, eos non multò ante Christi temporanatos. Quomodo poterant dicere, Quinam se nouo nostro dogmati opposuerunt, cum à Christo illius dogmatis reformatio suscepta sit & peracta? cum Discipuli Christi falsam ipsorum doctrinam potenter redarguerint? ut fatetur Meisnerus pag. 40. & certò constat ex Matth. cap. 15. v. 3. 4. & 5. Quem non misereat obliuionis Meisnerianæ?

Sed iam illud videamus obiter, quâ in re conuenisse omnino Phariseos & Papicolas assermet Meisnerus. An veriùs quadrent in Lutheranos, dicta factaque Phariseorum & Sadduceorum.

Pag. 38. Conueniunt in doctrinâ Iustificationis; quia operibus salutem utrimque adscribunt Papicola & Pharisei, ait Meisnerus. Conueniunt in loco de Peccato originis, quod extenuant; & Liberi arbitrij, quod extollunt. Conueniunt in articulo de Traditionibus, quas pari contentione & vehementiâ urgent.

Refu-

Refutatio.

Mirum si non iniquè ferat Meisnerus, se cum Pharisæis quoque conuenire in cōmuni hominum naturâ, comuni necessitate vefcendi & dormiendi! Ego certè haud grauatè concedam, multa esse in quibus conueniat inter Pharisæos & Catholicos; ea nempe omnia, in quibus conuenit eorum doctrinæ cum doctrinâ Christi, de quâ ipse dicit Matth. 23. *Super cathedram Moysi sederunt Scribæ & Pharisei: omnia ergo quacumque dixerint vobis, seruate, & facite.* At in reliquis, quibus à Lege diffidebant, conuenire numquam concedam.

Primò ergo, In hoc de Iustificatione conueniunt, quòd dicant, *bona opera saltem esse meritoria*: nam & hæc Christi est doctrina. Sed in hoc non conueniunt, quòd Pharisei voluerint externa etiam Legis suæ opera per se, sine spiritu fidei, esse meritoria æternæ vitæ, & habere vim iustificandi, quod vtrumq; Catholici negant. vnde meritò Christus Matth. 5. *Nisi abundauerit iustitia vestra plus quàm Scribarum & Phariseorum, non intrabitis in regnum celorum.*

Secundò, Conueniunt Pharisei cum Catholicis de Originali peccato, non quòd illi extenuarint, vt mentitur Meisnerus (extollebant enim Pharisei adeò peccatum originale, vt in animo & corpore id esse dicerent, quemadmodum à quibusdam scriptum esse in illa Phariseorum verba Ioan. 9. *In peccatis natus es totus*, refert Maldonatus noster.) Sed in eo conueniunt, quòd transfusione contraheretur, non autem imitatione, vt commentus est Pelagius ante Erasmus.

Tertiò, Conueniunt in Libero arbitrio, libertatem eius verbis defendendo; dissentiunt verò, imponendo ei reuerà in omnibus fatum, quòd de Pharisæis referunt Iosephus & Epiphanius. Vnde apparet mendacium Meisneri scribentis; *arbitrio plus nimio fuisse à Pharisæis attributum*, cùm contrà imposuerint ei fatum, atque ita reuerà ei detraxerint libertatem.

Quartò, Conueniunt in doctrinâ de Traditionibus, earum (etsi friuolas plerasque haberent) auctoritatem admittendo: dissentiunt, *irritum faciendo mandatum Dei propter traditionem*, quòd de Pharisæis dixit Christus Matth. cap. 15. v. 6. At in his conuenire cum Pharisæis, nihil probri est, quando id est, non adedò cum illis conuenire, atque cum legitimâ doctrinâ, quam illi à Deo acceperunt. Verùm cum Pharisæis conuenire in doctrinâ erroncâ, & hypocrisis morum, quemadmodum conueniunt Lutherani & Calvinistæ, ea magna pudendaque infamia est.

Lutherani & Calvinistæ Pharisæis similes.

Primò, Sicut Pharisæi valdè exaggerabant peccatum originale, vt etiam in corpore id ponerent; ita Lutherani & Calvinistæ quoque dicunt, *illud per Baptismum non deleri, sed tantum, tegi & incrustari, semperque in animâ harere, esseque ætUALE & perpetuum peccatum*. vide Bellarminum lib. 5. De amiss. gratiæ cap. 4. & 5.

Secundò, Sicut Pharisæi docebant, omnia fatali ordine versari geri que; ita Lutherani & Calvinistæ docent, *omnia ineuitabili necessitate fieri* vt eorum verbis probabitur lib. 3.

Tertiò

Tertiò, Sicut Pharisei quasdam Traditiones suas præponebant Scripturæ, ita Lutherani & Caluiniſtæ Traditionem hanc suam, QVOD NIHIL CREDENDVM SIT, NISI QVOD EST IN SCRIPTVRA, (est enim hæc pura tantum traditio, cum id nusquam sit in Scripturâ) præponunt illi Scripturæ, quæ apud Apostolum est 1. ad Thessalon. 2. TENETE TRADITIONES.

Denique Lutheranis & Calvinistis Phariseos olim fuisse simillimos, Iosephus omnino persuadet, scribens eos fuisse *superbos, seditiosos, principum gratiam captantes, & incredulos*. Superbiam enim suam egregiè produnt, cum Patrum propè omnium venerandam canitiem arrogantissimis superciliis contemnunt, Conciliorumque grauiſſimorum sententias iudiciis suis postponunt. *Se-*
ditionum studia, ubi tot vrbes, tot respublicas subuerterunt; * tot Principes, tot Magistratus per summam vim atque ignominiam bonis dignitatibusque exuerunt. *Adulationum artificia*, quando sæcularibus etiam Magistratibus summam Ecclesiæ gubernationem vltro concedunt. & verò, qui qualesque hæretici sint, quàm Phariseis similes, omnium clarissimè Ioannes Baptista ostendit Ioan. cap. 3. v. 7. vocando hos *progeniem viperarum*, Sunt enim hæretici meræ viperæ in calumniando & mordendo, quique pariendo quotidie hereses novas, ipsos se sensim interimunt more patientium viperarum.

* Sander. de
 schif. Angl.
 Rinius lib.
 de Sciētā.
 Sarcerius
 lib. De ra-
 tione con-
 seruandi
 veram Rel.
 Hadr. Sara-
 uia lib. De
 diuers. grad.
 Ministrorū
 Theatrum
 crudel. hæ-
 retica.
 Richeomus
 lib. 2. Idolatria
 Hugonoti-
 ca, cap. 26.
 & seq.

CAPVT VII.

*Modum Lessij non esse diuinis vaticiniis
reiectum.*

VA TEM & augurem hîc agit Meisnerus, vt probet vaticiniis Scripturæ reiectas esse Lessij Notas. Æstima, Lector, an & *Saul inter Prophetas?* an non *spiritus mendax* sit in ore prophetæ huius?

Pag. 52. *Signa, inquit, diei ultimi conspiciuntur; imò totus mundus, omnesque creature de fine sæculi iam instante concionantur.* Pag. 37. *Viuimus iam in extremo temporis, huiusque sæculi articulo; siquidem omnia signa aduentantis diei ultima apparent.* Quis augur hunc augurem videns non rideat? Mirum si iam non *arescant præ terrore homines!* — & *qui in tecto est, non descendat tollere aliquid de domo suâ; & qui in agro, non descendat tollere tunicam suam!* Aut potius non omnes genio indulgeant exemplo Calvinianorum illorum, qui à Ministrellione suo persuasi ultimum imminere Iudicij diem, illicò se conferebant in cauponas, omnia merfuri in ventrem, ne quid igni superesset vorandum. Quam historiâ Reuerendiss. Lindanus perscripsit lib. De fugiend. hæres. cap. 9. ex eoque in iucundissimum carmen transtulit Angelinus noster Gazæus. Erit hæc Meisneri prophetia, credo, qualis olim magistri sui Lutheri libello (qui inscribitur Germanicè *Fidelis admonitio*) edito anno 1522. *Per duos adhuc annos continuemus, & tum videbitis, ubi Papa, Episcopus, Cardinalis, Sacer-*

Sacerdos, Monachus, Monialis, campana, turres-Missa, Virilia, &c. sicut fumus omnia evanescent. Nimirum sicut fumus evanuit prophetia Lutheri, cetera stant iam centum ferè annis ab hoc vaticinij fumo. Relinquamus tamen in medio hanc prophetiam, & faciamus è tripode esse oraculum.

Hoc posito, ratiocinatur ad hunc modum Meisnerus, vt probet Lessianas Notas Scripturæ vaticiniis esse reiectas:

Primum Argumentum Meisneri.

Pag. 52. *Ita comparatum fore ante diem ultimum, legimus Luc. 17. v. 19. & 18. v. 8. vt vix sciri possit, vbi vera fides doceatur. Quòd si verò ex ieiuniis, & votis monasticis, aliisque electitiis cultibus infallibile queat fieri iudicium de verâ fide; quis tam stupidus esset, qui non perciperet, in Papatu illam unicam querendam esse? Quomodo autem tum compleretur Christi vaticinium, vix inuentum iri fidem postremo tempore? Pag. 53. Quacumque igitur Religio per totum orbem diffusa est, & satis conspicua; ista, vi predicationis diuina, non erit vera & Apostolica Religio.*

Refutatio.

Primò, Posito Meisneri vaticinio (quod merum deliriū est) sequetur, Lutheranā fidem (quam Meisnerus veram esse contendit) nun c hisce ultimis temporibus esse tam paruulam, fidelesque Lutheranos tam paucos, vt vbi ea vera fides doceatur, vbi Lutheranorum Ecclesiola sit, vix inueniri possit. Ultimis enim temporibus veræ fidei nota erit, non fidelium multitudo, sed paucitas & obscuritas, auctore Meisnero. At miror ego profectò,

fectò, si ita est, quòd hisce vltimis temporibus speratuerit Meisnerus, libello suo aliquos se attracturum esse ad veram Lutheranam fidem; quæ vbi nunc doceatur, vix sciri potest ob paucitatem. Utinam ego saltè, Meisnere, scire possèm vbi doceretur vera illa Apostolica Lutherana fides! Sed cur, oro te, non aliquo signo indicasti Ecclesiam tuam, vt ad eam Lectores tui possent conuerteri? nam sanè, *si per Scripturæ scrutinium iam hisce vltimis temporibus facilis & expedita ratio probandi fidem à vestris est præscripta*, vt scribis pag. 35. quomodo tum compleretur Christi vaticinium, *vix inuentum iri fidem postremo tempore*, quod à nobis petis fol. 52?

Secundò, Neutro loco citato apud Lucam vaticinatur aut prædicat Christus, ante vltimum diem ita fore comparatum, vt vix sciri possit vbi vera fides doceatur, quod mentitus est Meisnerus: verba sunt, cap. 10. *Filius hominis veniens, putas inueniet fidem in terrâ?* quæ D. Hieronymus Dialog. contra Luciferianos, & Augustinus lib. De vnitæ Ecclesiæ, explicant non de fide simpliciter, sed de eximiâ fide, quæ tum in paucis inuenietur. Et vt ea cum Theophylacto accipiamus de fide simpliciter, tum certè ex iis colligi tantum potest, Primò, Quòd vltimo die, non autem ante vltimum diem, (quia ante hunc non veniet Filius hominis) in paucis Filius hominis inueniet fidem. Secundò, Quòd pauci quidem perseuerabunt in fide, non autem quòd difficile erit inuenire, vbi aut apud quos hæc vera fides sit. Nam sanè tempore Passionis, etsi paucissimi perstabant in fide; certè tamen manifestissimum omnibus esse poterat,

rat, apud quos fides illa esset: imò pauci Martyres sæpè multò notiozem fecère fidem, atque magni Catholicorum cætus; id quod vltimis quoque temporibus futurum est, cum paucorum clarissima constantia, Ecclesiam multò faciet quàm antea illustriorem.

Secundum Argumentum Meisneri.

Meisnerus, eadem hypothèsi sumptâ de supremo temporum fine, probat, ceteras quoque Lessij Notas, iam non veræ, sed falsæ Ecclesiæ esse Notas. Ac primò quoad Studium perfectionis, illo vaticinio Pauli 1. Timoth. 4. vers. 1. *In novissimis temporibus discedent quidam à fide, attendentes spiritibus erroris, & doctrinis demoniorum prohibentium nubere, & abstinere à cibis, quos Deus creavit ad accipiendum. Vult Apostolus, inquit pag. 54. ex ieiuniis, & prohibitione ciborum, ac nuptiarum, agnoscere doctrinam diaboli; Lessius contra vult exinde probari Dei. Ita nimirum ex notis falsitatis, Iesuita constituunt normam veritatis.*

Refutatio.

Primò, Incertum est, an Paulus hæc futura vaticinatus sit de temporibus Antichristi; quia pro *novissimis temporibus*, Græcè est, *ὅτε ποτε τῆς αἰῶνος, posterioribus temporibus*. Atque ita hunc locum accipiendum esse de temporibus Manichæorum, Encratitarum, & Marcionistarum, docuerunt Ambrosius, Chrysostomus, & Oecumenius.

Secundò, Prohibere nuptias, & cibos à Deo creatos damnare, est nuptias quascumque execrari quasi impias, & detestari cibos aliquos quasi immundos, ac non à Deo creatos, vt explicat

cant sancti Patres, Hieronymus in c. 4. Epist. 1. ad Timoth. Augustinus lib. 30. contra Faust. cap. 6. Fulgentius De fide ad Petr. c. 3. Bernard. Sermone 66. in Cant. Huius autem erroris insinulare Catholicos seu Pontificios, quod Meisnerus facit, manifestissime impudentiæ est. Hi enim nuptias ut Sacramentum magnum honorant; & cibos omnes pro mundis ducunt, nec his nec illis abstinentes, nisi fructu maioris boni; sicut iis subinde abstinendum docent Medici, ad curandam sanitatem.

Tertiò, Vltimis temporibus signa impiorum & Præcursum Antichristi erunt, virginitatem posteriorem ducere matrimonio; quæ fuit olim hæresis Basilidis, hodieque est Nouatorum; ieiunia omnia intemperantiæ libidine dissolvere, & carni habenas remittere, ut ex Apostolo constat 2. ad Thessal. cap. 2. qui *Antichristum appellat hominem peccati*; nimirum quia ipse non solum erit maximus peccator, sed alios adducet ad peccandum, latissimam ad omnia vicia aperiens viam. *Quodquid enim Christus adstrinxit, laxabit Antichristus*, ut ait Lessius De Antichristi præcursoribus, Comparatione secundâ. Unde quoque rectè infert, Lutheranos, qui solius fidei sūt iactatione, bona opera omnia pessumdant, veros Antichristi esse præcursores & typos.

Tertium Argumentum Meisneri.

Meisnerus, eadem positâ hypothese, ostendit, miracula quoque non veræ, sed pseudo-prophetiæ Ecclesiæ esse signa.

Pag. 54. De miraculis, inquit, *insigne habemus vaticinium Matth. 24. vers. 24. Surgent pseudo-Christi & pseu-*

& pseudo-propheta, & dabūt signa magna & prodigia, ita ut in errorem inducantur, si fieri posset, etiā electi. Ex quo inferimus, Miracula ultimis mundi temporibus fore notas & characteres falsorum dogmatum: quia fides Apostolica iam ante satis est confirmata, nec ullibi extat promissio de alijs signis novis in fine mundi edendis.

Refutatio.

Primò, Miracula & prodigia Antichristi non erunt vera miracula, sed ut Apostolus loquitur 2. ad Thessal. 2. secundum operationem satanae, in omni virtute, & signis, & prodigijs mendacibus, &c. Et quidem mendacibus in omni genere causar: Finalis, Efficientis, Materiae, & Formae, ut egregiè docuit Cardinalis Bellarminus lib. 3. de Pontifice cap. 15. Finis enim eorum erit, ut Antichristus credatur Deus, quod perniciosissimum mendacium est. Efficiens eorum erit diabolus mendacij pater. Secundum operationem satanae, ait Apostolus. Ratione Materiae; quia plurima erūt praestigiae, ut D. Cyril. Cateches. 15. Ratione Formae, etsi vera ratione materiae, illa nempe, quae non superabunt naturae vim; haec enim non possunt formaliter dici miracula. At Catholicorum miracula vera esse, fateri debet Meisnerus, & omnes Lutherani; aut certè affirmare, quòd Apostolorum miracula omnia fuerunt diabolicae praestigiae; aut finis temporum fuerit aetate Apostolorum & Ecclesiae primitivae; cum nempe praecipua fiebant miracula, de quibus nunc praecipuè Catholici gloriantur.

Secundò, Si Catholicorum miracula, quae iam fiunt, sunt illa quae postremis Antichristi temporibus

ribus patranda fore prædicta sunt, ergo etiam deberent Lutherani plurimi (qui solam veram fidem iactant) ijs à Lutheranismò abduci . Nam prodigijs illis prædictum est Matth. 24. tot fideles peruersum iri, *ut in errorem inducantur, si fieri possent, etiam electi; ut Filius hominis vix fidem inueniat in terris.* At neque id fieri nunc videmus, neque sanè fieri etiam potest: quia credunt Meisnerus & Lutherani omnes, omnia Catholicorum miracula esse præstigias, & magica portenta, aut mendacia.

Tertiò, Scribit Meisnerus pag. 33. quòd in Germaniâ planè steriles sint Iesuitæ, & nulla signa vel prodigia edant. adeoque Lutherani omnes clamant, iam ab aliquot retrò sæculis nulla facta esse apud Catholicos miracula. Ergo non possunt Catholicorum miracula esse illa temporum vltimorum, quæ erunt signa magna & prodigia, quibus in errorem inducantur, si fieri potest, etiam electi.

Quartò, Miracula vltimorum temporum falsa, erunt huiusmodi; vt (quemadmodum docuit Lessius Demonstratione 10. de miraculis Antichristi) vel sint præstigiæ oculorum; vt, videri mori, & denudò resurgere: vel si aliquid solidi habeant, non superent naturalem vim causarum creatarum; quale est ignem descendere de cælo, & imaginem bestię loqui, diabolo intus loquente. At Primò, Dicere, quòd noua miracula Virginis Matris, verbi gratià, quibus hodieq; gloriantur Catholici, sint præstigiæ diabolicæ, & quòd ipsa Dei Mater iam regnans in cælis, ministra sit Antichristi, venefica, & præstigiatrix; quis non videat quàm sit blasphemum in Spiritum sanctum? Secundò, Dicere quòd
hæc

hæc miracula, aliaque post Apostolos similia, sint mendacia, est Historicos plerosque grauissimos insimulare mendacij, omnesque ætates asinini cuiusdam stuporis; quæ intoleranda superbia & calumnia est.

Quintò, Miracula huius temporis nulla similia sunt miraculis falsis, quæ fient temporibus nouissimis: neque iam ignem de cælo vocatum fuisse, bestiam locutam fuisse, etiam abhinc centum retrò annis, vsquam legitur inter miracula Catholicorum.

Sextò, Miracula nouissimi illius temporis fient à pseudo-prophetis, vt Antichristus ab hominibus pro Deo & Messiâ adoretur. At numquam facta leguntur miracula vlla hoc tempore, vt quispiam alius adoretur pro Deo.

Septimò, Apertissimū est Meisneri mendacium, quòd nusquā extet promissio de aliis signis nouis in fine mundi edendis. Apocalypsis enim cap. 11. promittuntur signa noua edenda per duos Prophetas Christi, multò maiora, quàm illa quæ ediderunt Moyse & Aaron, vt tantò validius refutentur magica portenta Antichristi. *Et dabo duobus testibus meis, & prophetabunt diebus mille ducentis sexaginta, amicti saccis. Hi sunt dua olive, & duo candelabra in conspectu Domini terra stantes. Et si quis voluerit eos nocere, ignis exiet de ore eorum, & deuorabit inimicos eorum: & si quis voluerit eos ledere, sic oportet eum occidi. Hi habent potestatem claudendi calū, ne pluāt diebus Prophetia ipsorū: & potestatem habent super aquas conuertendi eas in sanguinē, & percutere terram omni plagā quotiescumq; voluerint.* En quantum hi testes superabunt miraculis

D

Aaro-

Aaronem & Moysen: *Potestatem habebunt percutere terram omni plagâ quotiescumque voluerint.* Est autem communis ferè omnium Patrum Græcorum & Latinorû sententia, testes illos fore Eliam & Enoch, qui ambo venient, auctore Aierhâ, *ut protestentur ijs qui tunc erunt*, ne fallacibus Antichristi signis fidem adhibeant. Vnde certissimè concludo, miracula esse clarissimam Ecclesiæ veræ notam, cum ea tum maxima illustrissimaque Deus sit editurus ad illius apertam cognitionem, quando periculum esset, ne ipsa insolentioribus præstigiis portentis superaretur: adeoque etiam si Bibliander & Chytræus negauerint, hos Prophetas duos fore Enoch & Eliam; numquam tamen negauerunt, vltimis illis temporibus præclarissima editum iri miracula à viris sanctis, quos Deus tempore Antichristi excitabit.

Quartum Argumentum Meisneri.

Pag. 54. *Tandem, inquit, consideratio successionis reijcitur istis Scriptura vaticiniis, quibus magna Ecclesia persecutio, & Antichristi tyrannis in Dei templo sedentis insinuata est. Cum enim de illo legatur, quod Ecclesiam suis pastoribus sit spoliaturus, publicum ministerium impediturus, &c. ideo perpetua & non interrupta Episcoporum successio locum semper in Ecclesiâ inuenire nequit.*

Refutatio.

Quis hîc non requirat sapientiam Meisneri? Nam sanè illo ipso suo testimonio (etiâsi magnam partem falso) conuincitur perpetuam in Ecclesiâ successionem admittere debere. Argumentor enim
vicissim

viciſſim hoc modo: Omnis illa Eccleſia habet perpetuam & non interruptam ſucceſſionē, quæ iam inde à primo ſui exordio ad finem uſque numquam habuit interruptam ſucceſſionem. Sed Eccleſia Catholica militans iam inde à primo ſui exordio uſque ad finem numquam habuit ſucceſſionem interruptam. Ergo, &c.

Maior eſt indubitata veritatis. Minorem probō: Quia fatetur Meiſnerus, Eccleſiam Catholicam ſuis paſtoribus ſpoliatum iri tantum per Antichriſtum: quod etſi falſum ſit, ſatis tamen eſt ad conuincendum Meiſnerum. Atqui tunc erit finis Eccleſiæ militantis. Ergo tum ſucceſſio non interruptetur, ſed omnino abruptetur; quia poſt finem illum nulla erit Eccleſia militans. Igitur perpetua & non interrupta ſucceſſio ſemper erit in Eccleſiâ militante.

CAPUT VIII.

Modum Leſſij nec hypocriticum eſſe, nec Papiſticis hypotheſibus contrarium.

PAPISTICA, imò Apoſtolica hypotheſis eſt, non eſſe promiſcuè Catholicis permittendos aut legendos libros hæreticorum. Hinc concludit Meiſnerus, non poſſe à Leſſio ſuaderi cordatè & ſerio cuiquam, ut conſultet qua Religio capeſſenda ſit, niſi huic hypotheſi occurrat; quia nempe id conſultari non poſſit, niſi hæreticorum librorum lectione permiſſa: cum bona nulla fiat electio, niſi diuerſorum conſiliorum exquiſitione. Conſequenter, totam Leſſij Conſultationem eſſe hypocriticam, utpote quâ vi-

deatur permittere & suadere id, quod permittere non potest, & verò etiam maximè dissuadet. Hæc summa est Argumenti: quod quia à Meisnero admodum dissolutè prolixèque diffusum est, non libuit describere ad verbum.

Refutatio.

Respondeo Primò, Etiam Lutheranorum hypothesis est, non esse permittendos suis hominibus Calvinianorum aliorumque hæreticorum libros. Calvinistarum quoque, qui suis interdunt vsu librorum Lutheranicorum. Igitur & Lutheranorū & Calvinistarum quoque consultationes sunt hypocriticæ. De prohibendis inter Lutheranos Sacramentariorum & Anabaptistarum libris, extat libellus Gasparis Radeckeri Lutherani Ministri, excusus VVittenbergæ anno ∞ .15.LVI. Item Calvinistarum libros à Lutheranis prohiberi, testatur Polanus Calvinista Comment. in c. 12. Daniel. & Hospinianus Calvinista in Opere suo de libro Concordiæ cap. 4. quem librū ait prius ferè à Lutheranis oppressum, quàm natum, eiusque Typographum Ernestum Vogelium, bonis omnibus spoliatum, coactum Lipsiâ cedere, vixq; integrâ pelle è Saxoniâ euasisse. Cap. verò 9. scribit, Lutheranos in conuentu Lichtenbergeni à Saxoniæ Electore petiisse, vt suâ auctoritate supprimeretur Nouus Catechismus VVittenbergenium & Corpus doctrinæ Philippi. Cap. denique 25. cautū, ne hoc Corpus doctrinæ quisquam prælo subiiciat, sub pœnâ trium millium florenorum.

Respondeo Secundò, Lessius Consultationem suam

suam scripsit, ut ipse testatur Præfatione ad Reuerendiss. Episcopū Siluæducentem, duplici ratione impulsus. Alterâ, quod plurimi in tantâ sectarum varietate, nullo præiudicio examine, hanc vel illam amplectantur, quam fors obtulerit. Alterâ, quod plurimi sint hoc tempore, qui in negotio Religionis assidue fluctuant, &c. Nihil amplius est reliquum, quod menti possit satisfacere, vel quietem præbere. Vnde concludo, Lessium non repugnare ulli hypothese Papistica: nam nulla talis hypothesis est apud Papistas, quâ prohibeant, aut etiam prohibere possint Turcis, atheis, infidelibus, libros cuiuscunque sectæ. *Nam quid mihi est de ijs quæ foris sunt indicare?* ait Paulus 1. ad Cor. 5.

Opponit Meisnerus pag. 57. *Non potest enim excipi, modum illum Lessij præscriptum non esse Papiculis, sed ceteris Ecclesiæ Romanæ non adherentibus: nam in Præfatione ad suos, quos falsò vocat Catholicos, simul coniungit, & in eorum quoque gratiam, si de fide dubitent, istum librum se edidisse fatetur.*

Respondeo, Id omnino excipi posse, & Lessium totâ Præfatione suâ nusquam dicere, *abs se editum esse librum suum in gratiam Catholicorum, ut consultant;* adeoque id esse mendacium Meisneri. Iam duplicem rationem Lessij attuli, quæ utraque infideles tangit, neutra Catholicos. Et quæ, obsecro, prudentia foret, illis de verâ Religione consultationem offerre, qui iam elegerunt Religionem veram? Scribit Lessius, *sperare se hanc suam Consultationem profuturam etiam Catholicis, & aliquid lucis allaturam, ut omnem ex animo fluctuationem & ambiguitatem depellere possint.* At multum interest, scribere ut consultes, & scribere ut am-

biguitatem leuem depellas. Nam post deliberationem & electionem sepe numero sollicitudines dubitationesque nonnullæ recurrunt. Cetera ferè omnia Meisneri verba toto membro eius sexto improbissima mendacia sunt, indigna refutatione.

C A P V T IX.

*Modum quo Lutherani iubent internosci
Ecclesiam, esse Lunaticum.*

EQV I D E M crediderim, Meisnerû cum Icaro-Menippo illo Lucianico, in Lunâ habitasse, qui nobis tam suauiter narrat, Ecclesiam similem esse lunæ, non plenæ illi, sed mediæ, maculosæ, & cornutæ. Verba eius sunt fol. 1. *Non minùs verè quàm scitè comparatur Ecclesia luna, quæ pro diuersâ ad solem habitudine quæque vel aspectus suos mutat, &c. Hinc non unâ semper ac eadem facie apparet, sed suis tum incrementis, tum decrementis, tum stationibus distinguitur, prout nimirum ratione fidei & doctrinæ propius ad sacrum solem accedit, vel longius ab eodem recedit.*

Itaque Ecclesia Lutherana longiùs aliquando à Christo, suo sole, recedit; quò verò longiùs, eò plus ab illo accipit luminis: ac tum habet lucis plurimum, cùm ab eo ratione fidei & doctrinæ discessit longissimè. Nam tum demum luna plena est ac lucentissima, cùm soli è regione opposita est, ab eoque maximè distat: adeoque, sicut hæc tum subinde terræ interiectu eclipsim patitur, sic Lutherana Ecclesia quandoque eclipsim fidei patitur, fitque omnino inuisibilis; maximè quando

eo loco est, quo antè splendore suo collustrabat omnia. En quàm verè, quàm scitè comparatur Ecclesia Lutherana lunæ ! Quid, quòd neque semper vnâ eademque facie appareat ? sed vt luna nunc laruata, nunc cornuta, nunc rotunda sit; nunc septem notas habeat, nunc quatuor, nunc tres, nunc duas, nunc nullam ? Er verò qui sequatur in eâ noscendâ normam Meisneri per solam Scripturam, is facillè fiat ceritus aut lunaticus: quoniam, vt Tertullianus ait lib. de Præscript. cap. 17. *nihil proficit congressio Scripturarum, nisi planè ut aut stomachi quis ineat euersionem, aut CEREBRI.* Lutherana denique Ecclesia tam similis est lunæ, vt quod facitè scripsit August. Traët. 1. in Epist. Ioannis, Tom. 9. quemadmodum quando volunt homines videre lunam nouam, dicunt, Ecce luna, ecce ibi est: & si adsint qui non valeant intendere aciem, & dicant, Vbi ? intenditur illis digitus vt videant: aliquando dum erubescunt, ne caci videantur, dicunt se vidisse, quod non viderunt. ita planè Meisnerus instar canis allatrantis lunam, quasi in lunâ alibi vidisset Lutheranam Ecclesiam, clamat se vidisse, quod nusquam vidit. Et quis non videat lunaticam esse hanc Ecclesiam, & lunaticum eius noscendi modum, per tam incertos aspectus & cæsus, per defectus & incrementa, per notas non notas, numero tam inconstanti ?

HERMANNI HVGONIS
E SOCIETATE IESV
D E

VERA FIDE
CAPESSENDA
LIBER SECVNDVS:

*Quo afferuntur Considerationes à Reue-
rendo P. LEONARDO LESSIO
allatæ pro Capessendâ fide Catholicâ.*



RÆCA paræmia habet: Οὐδὲ Ἡ-
κλῆς πρὸς δύο. *Ne Hercules quidem
contra duos.* At Ecclesia ita semper
triumphatura est, vt nec portæ in-
feri vmquam præualituræ sint ad-
uersus eam, Matth. 16. Non modò
contra duos, Lutherum & Caluinum, sed contra
exercitus hæreticorum omnium vnuerfos stetit
hucusque inuicta. Nihil mihi metuendum video,
qui non tam pro Ecclesiâ pugnare debeam, atque
ab Ecclesiâ exspectare præsidium. Illius igitur
erunt omnia, ex illius deprompta πανοπλία, quæ pro-
feram: quamquam vix telis opus erit ad illas ara-
nearum telas, & Siculas aduersariorum gerras dis-
sipandas. Ipsi scipfos configunt, neque cum vilo
magis

magis quàm secum ipsi pugnant. Quare non aliud hîc mihi agendum esse duxi, quàm errores horum Andabatarum plebi ostendere hac ratione ac viâ, vt primùm adductis Lessij verbis proponam mala amborum Argumenta mendacia, & contradictiones. Non decet aliter cum vespis quàm fumo pugnare, aut caculas & seruitia quàm flagellis suis cædere. Certè enim nullum ferè adferunt Argumentum duo hi Ministelli, quod non sublegerunt ex Bellarmino, ad cuius libros mihi, dum eos meliùs legerint, visi sunt tantùm relegandi.

Prima Lessij Consideratio, ex Studio perfectionis, ad quod Christi Religio inducit.

Ea Religio preferenda est, qua fauet puritati & sanctitati vitæ, quæ ab affectu terrenorum mentes auocat, & ad celestium amorem traducit. At talis est sola Religio Catholica. Hac enim suadet abstinere à voluptatibus carnis, & illecebris huius vitæ; hac docet diuitias & honores contemnere, & ijs, cùm possidentur, propter Christum renuntiare. Hac suadet ieiunia, cilicia, chameuniam, & alias corporis afflictiones, quibus caro dometur & spiritui subiciatur. Ergo, &c.

Responsio Meisneri.

Pag. 64. Primariò & potissimùm loquitur Lessius de sanctitate sponte electâ, vel religiositate, uti vocant, consistente in vitâ monasticâ, & obseruatione humanarum regularum. Queritur ergo an omnis, vel sola illa Religio sit vera, quæ suadet Monasticen, & peculiarem quamdam sanctitatem à Deo non

præceptam? Affirmant Iesuite, nos negamus, ob Argumenta firmissima, quæ nunc ordine apponemus.

Refutatio.

Dolo malo Meisnerus mutat statum quæstionis. Lessius enim in Maiore suâ assumit absolute: *Ea Religio præferenda est, quæ fauet puritati & sanctitati vitæ.* Meisnerus omnia inuertens, *Illud quæritur, inquit, an sola illa sit vera Religio, quæ suadet Monasticen.* Lessius totâ suâ Consideratione nec semel quidem adfert hæc verba, *Monachus, Monastice, Religiosus, claustrū, monasterium, cœnobium;* neque vllum vllius Monachi aut Religiosi adfert exemplū. Meisnerus, *Hinc Lessius, ait, desumit omnes suas probationes pro sanctitate Papicolarum.* Hoccine est seruare fidem disputationis? certè enim, etiam si non immeritò dixerit Cardinalis Bellarminus Præfatione de Monachis, Tomo 1. *videri sibi inter notas Ecclesiæ Principem locum tenere approbationem vitæ monasticæ; vel propterea maximè, quòd sanctus Alexandrina Ecclesiæ Prasul Petrus apud Theodoretum inde collegisset Lucium quemdam non fuisse Episcopum Catholicum, sed hæreticum, quia nulli monachi de more eum deduxissent ad solium Pontificale:* tamen non posuit Lessius pro Ecclesiæ veræ notâ *monachatum*, sed *studium perfectionis*; id quod etiam si maximè in Ecclesiâ per Monachos floreat, non tamen per eorum exempla probauit. Nam sanè & Catharina, & Agnes, & Cæcilia, & Agatha, & Lucia, & Alexius, & Gallicanus Consul opes contempserunt, carnem afflixerunt, &c. quorum nulli tamen Monasticen coluerunt.

Pri-

Primum Argumentum Meisneri.

Si illa tantum Religio diuina est, qua docet contemptum opum, ieiunia, & carnis afflictiones, tum periclitabitur diuinitas antiquæ Religionis Iudaicæ à Moyse viro Domini præscripta: nusquã enim legimus, ipsum vel præcepisse, vel suasse, ut qui præ reliquis vellent sanctè viuere, facultates suas desererent, & monasteriis & claustris se includerent perpetuò ibi latitantes, &c.

Refutatio.

Primò, Malâ fide iterum hypothesis illa à Meisnero in maiore propositione assumpta est: nusquam enim dicit Lessius, *illam solam esse veram Religionem, qua docet contemptum opum, ieiunia, & chammennias, &c.* sed dicit expressè in primâ Consideratione, *illam solam esse veram Religionem, qua fauet puritati & sanctitati vitæ, auocat ab amore terrenorum, &c.* Sub quâ Maiore si subsumpsisset Meisnerus: Sed antiqua Iudaica Religio etiã fauet puritati & sanctitati vitæ, rectè confecisset, antiquam Iudaicam quoque veram fuisse Religionem, nec verò periclitaturam fuisse eius diuinitatem.

Secundò, Simile argumentum valet omnino contra Religionem Lutheranam: Si illa tantum vera Religio est, in quâ (vt Lutherus docuit) est Sacramentum Baptismi, Sacramentum Eucharistiæ, &c. Ergo periclitabitur diuinitas antiquæ Religionis Iudaicæ, in quâ neutrum horum fuit.

Tertiò, Etiam si Lessius ita fuisset ratiocinatus: Illa sola est vera Religio, quæ suadet abstinere à voluptatibus carnis, & illecebris huius vitæ, quæ docet

docet contemptum opum, ieiunia, & carnis afflictiones, &c. non tamen periclitaretur eâ re diuinitas antiquæ Legis, imò confirmaretur magis, recteque inferretur, eam etiam hoc nomine fuisse olim veram Religionem.

Hæc enim suadebat *abstinere à voluptatibus carnis, & illecebris huius vite*, Numerorum 6. vbi Nazareos iubet abstinere à vino, & omni quod inebriare potest. Item Ieremiæ 35. vbi proponit exemplum Ionadab, qui filios suos, eorum vxores & liberos, iusserat perpetuò abstinere vino: non ædificare domos, sed habitare in tabernaculis, &c.

Docebat *contemptum opum*. Psal. 61. *Diuitie si affluant, nolite cor apponere*. Eccl. 5. *Qui amat diuitias, fructum non capiet ex eis: & hoc ergo vanitas*. Contempsit autem Moyses, malens affligi cum populo Dei quàm haberi filius Regina [adoptiuus,] ad Hebr. 11.

Suadebat *ieiunia*. Ioël. 2. *Conuertimini ad me in toto corde vestro, in ieiunio, & fletu, & planctu*. Tob. 12. *Bona est oratio cum ieiunio*. Ieiunauit autem Moyses diebus quadraginta & totidem noctibus Exodi 24. & Deuteron. 9. quod item imitatus est Elias, 3. Reg. 19.

Suadebat *afflictiones carnis*. 4. Reg. cap. 1. vbi proponit exemplum Eliæ, qui pilis indutus, & pelliceâ zonâ cinctus, incolebat Carmelum montem.

Nec valet quod Meisnerus excipit, *austeritates illas Nazæarorum & Rechabitarum permissas quidem in antiquâ Lege, nusquam verò commendatas aut suasas à Moysè*: sufficeret enim fuisse laudatas, easque vt laudabiles & Deo gratas, tum vsurpari solitas

solitas fuisse, cùm Deum sibi vellent gratissimo aliquo obsequio propitiare. Quamquam & id falsum quoque est, laudatâ solummodò fuisse austeritatem, cùm Ioëlis 2. præcipiatur: *Cōuertimini ad me in toto corde vestro, in ieiunio, & in fletu, & in planctu.* Iudic. verò 13. iubeatur Sampson *quidquid ex vineâ nascitur non comedere, vinum & siceram non bibere, nullo vesci immundo, &c.* Sed Meisnero Brandioque id genus querimoniarum sunt condonandæ, qui more Magistrorum suorum veterem Legem in calum semper efferebant, ob terrenarum rerum promissiones, ipsi scilicet egregij veteratores, terrestres, lumbrici, terrenis solummodò cupiditatibus immersi. At Catholicos ad alia omnia adspicere oportebat, quæ Christus nempe in Euangelicâ lege commendauit.

Est & illud mendacium Meisneri pag. 65. cùm insinuat, *nullius Nazaraorum votum fuisse perpetuum*: nam Samuel & Sampson Nazaræi vota habuere perpetua.

Illud item calumniosum pag. 66. *Pontificij indiscretè pueros & puellas in monasteria intrudunt, parentibus etiam eripiunt, & ad vitam solitariam cogunt.* Pontificij enim docent, vota coactè edita, seu vel graui metu vel etiam reuerentiali extorta, eâ ipsâ re esse irrita. Et Concil. Trident. Sessione 25. cap. 18. grauiissimè in eos consulit, qui puellam aliquam compulerint in Monasticæ vitæ claustra.

Secundum Argumentum Meisneri.

Pag. 66. *Si infallibile veritatis signum sit, externa illa peculiaris sanctitas, tum Essentorum & Phariseorum doctrina improbari non potuisset, &c.*

Refu-

Refutatio.

Primò, Malâ iterùm fide supponit Meisnerus, à Lessio allatam esse externam sanctitatem pro Ecclesiæ veræ notâ; id enim esset hypocritism laudare pro signo veritatis. Lessius expressè assumpsit pro Maiore primi sui Argumenti hanc propositionē: *Ea Religio præferenda est, quæ ab affectu terrenorum mentem auocat, & ad cælestium amorem traducit.* ubi de internâ & sincerâ sanctitate eum loqui, est manifestum. Qui enim mentem habet ab omni terreno affectu auocatam, traductamque in amorem cælestium, is verè & sincerè sanctus est, non externâ tantùm hypocrisi personatus.

Sed occurrit Meisnerus pag. 62. *Sanctitatem internam* ~~quædam~~ *intelligere nequit noster monachus* (Lessius) *partim quia inuisibilis & occulta est, ideoque alijs de fide consultantibus certò non innotescit; partim quia nulla est Religio, quæ eam non suadeat & requirat.*

Cōtrâ, Omnino eam intelligere potest, ut nempe substat externis actibus ab internâ sanctitate profectis: sicut Lutherus pro secundâ notâ ponit *mysterium crucis*, hoc est *tribulationes interiores & exteriores*, ita ut *intus sit mœstitia, pusillanimitas, & terrores; foris verò paupertas & contemptus*, &c. & hac ratione Primò, Sanctitas visibilis est, & ab ipsis sanctis Patribus pro Ecclesiæ signo manifesto allata in Symbolo Constantinopolitano *Sanctam Ecclesiam*. Secundò, Hac ratione vera sanctitas soli veræ Ecclesiæ competit: nisi ex Meisneri sententiâ etiam Turcarum Religio suadeat sanctitatem veram: *Quia nulla Religio est, inquit, quæ eam*

non suadeat & requirat. Insignem Mahumetis encomiaften Meisnerum!

Tertium Meisneri Argumentum.

Pag. 69. Si neque Christus neque Apostoli inculcauerunt vitam monasticam, opum desertionem, ieiunia, &c. tum ex ijs Christi Religio non debet aestimari.

Pag. 70. Sed externam illam religiositatem & opera monastica nusquam inculcarunt & docuerunt. Ergo, &c.

Minorem dupliciter probat Meisnerus.

Primò, Pag. 71. his verbis: *Ubi legitur, quòd Christus suis fidelibus suaserit paupertatem, ieiunia, calibatum, vitam monasticam? &c. Quòd enim Christi exemplum attinet, etiamsi nihil possederit, profluxit tamen hoc ex parentum potiùs paupertate, quàm spontaneâ facultatum abiectione, &c. Nec corpus suum more Papistico maceravit & afflixit.*

Pag. 72. *Neque omnes Christi actiones imitari possumus aut debemus: ut primò, miraculosas; secundò, particulares quasdam, ut calicem vitam ducere, paupertatem pati, Legem perfectè implere, &c. Sed tantùm morales: nam de his tantùm valet communis regula: Omnis Christi actio, nostra institutio.*

Probat Secundò eandem Minorem pag. 73. *Si Christus & Apostoli docuerunt Legem à nullo hominum perfectè impleri posse, ideoque ex gratiâ, & non ex merito vitam eternam dari, tum Christus, & Apostoli non suaserunt studium perfectionis Papistica. Sed prius illud verum est, ut patet ex omnibus Evangelicis concionibus: ubique enim inculcatur, Legem à nobis impleri non posse. Ergo, &c.*

Refu-

Refutatio.

Falsa est Minor, adeoque omnes eius probationes crassissimis mendaciis scatent & blasphemiiis. Quis enim illud ferat, quod *Christus magis fuerit pauper ex parentum necessitate, quam spontaneâ facultatum abiectiione*; cum Apost. 2. ad Corinth. cap. 8. dicat: *Scitis gratiam Domini nostri Iesu Christi, quoniam propter vos egens factus est cum dives esset, ut illius inopiâ vos divites essetis.* Nam si necessitate & non spontaneâ electione factus est pauper; ergo necessitate & non electione in stabulo natus, in cruce nudus mortuus est. Quæ blasphemia! Quod more Papistico corpus non affligerit, qui ieiunavit 40. diebus, qui mos Papisticus est; & sæpè pernoctavit in oratione, qui mos monasticus est. Quod *Christus & Apostoli ubique docuerint & inculcarint Legem perfectè servari non posse*; cum dixerit Matth. 11. *Christus: Iugum meum suave est, & onus meum leve.* & Ioannes cap. 5. *Mandata eius graviora non sunt.* Quod *paupertatem & celibatum suis fidelibus non suaserit*; cum Matth. 19. dicat: *Si vis perfectus esse, vade & vende omnia, &c. item: Sunt eunuchi qui se castraverunt propter Regnum calorum. Qui potest capere, capiat.* in quam sententiam multa Apostolus 1. ad Cor. 7.

*Responsiones Henrici Brandij ad Maiorem
primæ Considerationis.*

Primum Argumentum Lessij est huiusmodi:
Ea Religio præferenda est, quæ favet puritati &
san-

*sanctitati vite. At talis est sola Religio Catholica.
Erga præfenda.*

Responsio prima Brandij.

Pag. 24. *Admitto Maiorem, si nihil ἱεροδρασκείαν
& humanarum traditionum admittat: vera enim
sanctitas est quæ soli Scriptura consonat, cui nihil ad-
dendum, nihil demendum: Deuteron. 4. Papisticam
autem Religionem eiusmodi præram sanctitatem ha-
bere, pernego: nam ut dem, ieiunia, cilicia, &c.
illic suaderi, eaque non aduersari in se Scripturarum
sacrarum Canoni genuino; alia tamen eaque plu-
rima suaderi aio, ut inuocationes Sanctorum, ope-
rum merita, peregrinationes, vota Monastica, Indul-
gentias, Purgatorium, Sacrificium Missæ, aliasque
meras ἱεροδρασκείας.*

Refutatio.

Primò, Veram sanctitatem non corrumpi per
Traditionis legitimæ admixtionem, probat Bel-
larm. lib. 4. De verbo Dei non scripto, cap. 5. 6.
7. 8. 9. & 10.

Secundò, Traditiones Catholicorum non esse
ἱεροδρασκείαν, docet lib. 2. de Imagin. Sanctorum,
cap. 4. ostendens ἱεροδρασκείαν ab Apostolo 2. ad
Coloss. vocari *cultum supersticiosum*. Omnis au-
tem Catholicorum cultus est à Deo inspiratus.

Tertiò, Deuteron. 4. non prohiberi Scripturæ
quidquam addi aut demi, sed tantum, *verbo quod
vobis loquor*, ut dicit Moyses, docet eodem lib.
cap. 4. in fine, & cap. 10. initio.

Quartò, Inuocationem Sanctorum, & pere-
grinationes non esse ἱεροδρασκείας, docet lib. 3. de
E Cultu

Cultu Sanctorum : de Meritis operum, lib. de Iustificatione : de votis Monasticis, lib. de Monachis : de Indulgentiis, libro singulari : de Sacrificio Missæ, item de Purgatorio, libris diuersis & copiosis. Donec Brandius hæc refutauerit, nihil respondendum duco.

Responsio Brandij.

Pag. 74. *Ut Religio Religioni præferatur, non tantum considerandum est, an ea ad vitam sanctitatem inducat, sed & an veram doctrinam adferat, &c. Itaque in Maiore sciunguntur, qua coniungenda sunt, nempe doctrina & pietas: cui Maior Minor Lessij si subiungatur, non quadrabit.*

Refutatio.

Quasi verò Religio vlla ad veram sanctitatem adducere possit sine veritate doctrinæ ! Deinde cum sanctitas per se sit Ecclesiæ nota, quid necesse fuit, hinc ei adiungere veritatem doctrinæ, quā pro singulari item notā attulit Lessius Consideratione octauā, & nonā, Ratione sextā ? Rectius sanè Lessius singula singulis capitibus tractauit, quàm si vno permiscuisset vniuersa.

Responsio utriusque ad Minorem primi Argumenti Lessiani.

Minor erat huiusmodi : *Sed Religio Catholica sola facit puritati & sanctitati vita, sola auocat mentes ab affectu terrenorum, & ad celestium amorem traducit.*

Brandius pag. 24. *Papisticam Religionem eiusmodi puram sanctitatem suadere, pernego ; cum præcipua eius pars humanis Traditionibus constet.*

Meis-

Meisnerus pag. 78. *Gloriantur Papicola falsò, quòd sua Religio inducat sanctitatem Deo placentem.*

Primò, *Quia omnis illa illorum sanctitas, consistens in calibatu, ieiuniis, &c. nullibi est præcepta.*

Secundò, pag. 74. *Quia plerumque hypocritica est & simulata.*

Tertiò, pag. 82. *Quia sæpè est stolidà & ridicula.*

Quartò, pag. 84. *Quia sæpè coacta & innoluntaria.*

Quintò, pag. 85. *Quia crassissimis in fide erroribus superstructa.*

Refutatio.

Primò, Apertissimum Brandij mendacium est, Religionis Catholicæ præcipuam partem sitam esse in Traditionibus humanis, ut iam sæpius ostensum.

Secundò, Etiam si ita esse faciamus, tamen fatetur Brandius, hos similesque naves Patribus antiquis non obfuisse ad salutem. Non ergo etiam obfuerunt ad assequendam veram sanctitatem, sine quâ salutem nemo adipisci potest. Constare igitur potest vera quoque sanctitas, etiam si adspargatur id genus nævis humanarum Traditionum.

Tertiò, Non sequitur: Sanctitas Papicolarum nullibi fuit à Deo præcepta, ergo non est sanctitas placens Deo. Contrarium rectissimè sequitur: Nobilior pars sanctitatis, quæ apud Catholicos est, supra præceptum est; ergo Catholicorum sanctitas Deo multò gratior est. Plura non addo, donec Meisnerus refuter Bellarm. lib. 2. de Monachis, cap. 16. 17. 18.

Quartò, Quæ de hypocrisi, stoliditate, & coactione, à Meisnero allata sunt, quisquiliæ sunt, risu quàm visu digniores. Errores verò omnes,

quos Catholicis impingit, non esse errores, Bel-
larminus demonstraui locis quàm plurimis,
quos Meisnero refutandos relinquo.

*Secunda Lessij Consideratio, ex eo quòd Ca-
tholica Religio licentiam peccandi excludat.*

ILLA Religio est præferenda, ut Deo gratissima, quæ
nullam tribuit licentiam peccandi, sed multis mo-
dis hanc excludit. Talis planè est Religio Catholi-
ca. Ergo, &c.

Maior probatur. Quia sicut Religio, quæ ex Deo
est, animos hominum excitare, & ad virtutem allicere
debet, ita etiam deterrere à peccatis, incutere Dei timo-
rem, & quantum in ipsâ est, peccata omnia impedire.

Minor probatur, Primo, Quia excludit licentiam
peccandi per Sacramentum Pœnitentiæ. Secundo,
Per doctrinam de satisfactione & Purgatorio. Ter-
tiò, Cum docet, ad æternam damnationem satis esse
vel unum peccatum mortiferum, nisi pœnitentiâ in
hac vitâ deletum fuerit. Quarto, Cum variis mo-
dis incutit timorem Dei.

Responsio utriusque ad Maiorem.

Brandius pag. 30. Maiorem hanc respondeo non
esse reiiciendam, modò intelligatur de eiusmodi licen-
tiæ exclusionem, quæ non sapit *ἐξαιρέσιον*.

Meisnerus pag. 124. Quoniam Iesuita Lessius in
Genere argumentatur ex licentiæ exclusionem, ideo con-
ditio hæc ut fallibilis & incerta meritò reiicitur. Si
quis autem loquatur de tali exclusionem, quæ sit plena
& sufficiens, modoque convenienti fiat, cum illo, de
Maiore Argumenti multum non est litigandum.

Pag.

Pag. 125. *Religio Papistica licentiam peccandi non sufficienter excludit.* Id quod probat Meisnerus inductione factâ per singula præcepta.

Pag. 158. *Religio Papistica licentiam peccandi non conuenienter excludit.* Quod probat pag. 160. eundem per singulos modos, quibus Lessius ait, peccata à Catholicâ Religione excludi:

Refutatio.

Primò, Antiqua Brandij cuculatio est de ἱδιολο-
γησίαις, sæpè à Bellarmino explosa.

Secundò, Etiam si per ἱδιολογησίαις excluderentur peccata; tamen ea nihilominus Religio Deo gravior esset, quàm quæ peccata non excluderet.

Tertiò, Repugnàtia est in ipsis Brandij verbis. Nam si peccata sufficienter excluduntur, quomodo per ἱδιολογησίαις (quæ ipsa grauissimum peccatum est) dicuntur excludi?

Quartò, Insulsa planè est Meisneri responsio, qui dicit Lessium assumere de exclusionem licentiæ peccandi in genere, non autem exclusionem sufficienti & conuenienti. Maior enim Lessij est huiusmodi: *Illam Religionem præferendam est, quæ nullam tribuit licentiam peccandi.* Atqui illa Religio sufficienter & conuenienter excludit licentiam peccandi, quæ nullam omnino tribuit licentiam peccandi. Ergo Lessij Assumptio est de sufficienti & conuenienti exclusionem.

Quintò denique, Quæcumque peccata aduersus singula præcepta induci per Catholicam doctrinam docet Meisnerus, puerilia commenta sunt, mendaciis & stoliditate plena, à Bellarmino aliisque refutata. Verbi gratiâ, pag. 125. ex De-

creto Gratiani citat *Canonem* 25. cap. *Nulli, & capi Violatores*. pro causâ 25. & canone *Nulli, & canone Violatores*. Vnde apparet, eum ne quidem legisse Gratianum; aut si legit, impudenter sanè ex eo esse mentitum, *Pontificias leges à Catholicis præferrilegibus Divinis; cum nullum ibi simile verbum habeatur.* Pag. 128. *Induci à Catholicis contemptum Scripturæ, quia plebi eius lectione vernaculâ interdicunt.* Quasi verò etiam eo nomine Scripturam non honorent magis, quòd plebeiis manibus versari tractarique eam vetent. Magnus honor Scripturæ, si eius interpretandæ facultas tonsori vel futori fiat! Planè vt si rosas porcis proicias.

Responsio utriusque ad Probationem primam Minoris, de Sacramento Pœnitentiæ, quo peccandi licentia coercetur.

Meisnerus pag. 160. *Quod attinet Sacramentum Pœnitentiæ, per illud non intelligit Lessius veram ad Deum conuersionem, sed auricularem confessionem peccatorum, & pro iis satisfactionem. Vtrumque verò dogma falsum & hæreticum est.*

Brandius pag. 30. *Doctrina de Pœnitentiâ & Satisfactione, ut proponitur à Lessio, quoniam sacris Scripturis non nititur, est humanum commentum; ut mirum sit, tantum Professore tantopere hîc principium petere.*

Refutatio.

Mirum est, utramque hanc ranam toties eâdem coaxatione obstrepere, & numquam ad tot Catholicorum Doctorem de Confessione & Satisfac-

factione, &c. libros solidè respondere. Refutarunt has nēnias Cardinalis Bellarminus & Franciscus Suarez, aliiq̃ue complures, voluminibus integris, vt mihi hic actum agendum sit, si denuò velim illi me circo includere. Ergo nihil præter mendacia colligam vtriusque, multo post me spicilegio relicto: vt intelligant Lutherani & Calvinistæ, quantâ fide sui Ministri soleant cum Catholicis disputare, & quàm liberaliter mentiri.

*Mendacium primum Meisneri circa modum
excludendi peccata per Sacramentum Pœ-
nitentia.*

Pag. 160. *Confessio plenaria nullibi præcepta est.*
Idem dicit Brandius pag. 30. & 31. *quia Scripturis
non nititur.*

Refutatio.

Matth. 18. præcepta est, & Ioannis 20. vbi potestas datur iudiciaria absoluendi & retinendi peccata. Atqui non potest vllus Iudex ritè absolvere aut damnare sine plenariâ causæ cognitione. Ergo nemo absolui potest ab Ecclesiastico Iudice sine plenariâ criminum suorum confessione. Consequentia patet: Quia Iudex in hac causâ nihil ritè cognoscere potest sine spontaneâ confessione. Vide plura apud Suarez, Ægidium Koninck, & Bellarm. lib. 3. De pœnitentiâ, à cap. 2. vsque ad finem, vbi in his locis Scripturæ ostenditur is esse communis omnium SS. Patrum sensus.

Mendacium secundum.

Pag. 60. *Impossibilis est. Psalm. 18. Delicta quis
intelligit?*

Refutatio.

Hunc locum B. Hieronymus epist. 129. & Cyrillus Alexandrinus lib. 4. in Ioan. cap. 24. alijque Patres accipiunt de minimis, ijsq; venialibus peccatis, ad quæ numeranda Catholica Religio non obligat: mortalia autē, quæ post diligens examen occurrunt, confiteri non est impossibile; quod solum imperat. *Multum satisfactionis obtulit, qui erubescencia dominans, nihil eorum quæ commisit, nuntio Dei denegavit,* ait August. vel quisquis alius, cap. 10. De verâ & falsâ pœnitentiâ. Et cur impossibile sit numerare peccata atrocia, & immania, & legitima, (vt ea nominat Lutherus) qualia tantum vult esse *parricidium, blasphemiam apertam, adulterium: quorum plenum catalogum adferendum ad confessionem esse, omisis ceteris,* in Colloq. mensal. Islebienst. titul. De peccato, affirmat? an tot, tam atrocia & legitima peccata ante quamlibet confessionem suam admittunt Lutherani, vt ijs impossibile sit eorum inire numerum?

Mendacium tertium.

Ibidem. *Superstitiosa est: quoniam per eam, confidentem fingunt mereri remissionem peccatorum.*

Refutatio.

Superstitiosum est, quodd Ioannes Epist. suæ primæ cap. 1. promittit, si *confiteamur peccata nostra, fidelis est Deus, & iustus, vt remittat nobis peccata.* Quamquam nullus Theologus Catholicus dicit Confessionem esse meritoriam remissionis peccatorum, nisi fortē in modum cuiusdam bonæ dispositionis,

Men-

Mendacium quartum.

Ibidem. *In primitiua Ecclesiâ non erat in usu.*

Refutatio.

De primitiua Ecclesiâ Lucas scribit Actor. 19. *Multiq̃ue credentium veniebant consistentes, & annuntiantes actus suos. vbi Syriacus textus habet, offensas suas. Quamquam Lutherus, in Syriacâ linguâ paulò volutator, pro offensas vertit miracula. O miraculosam interpretationem!*

Mendacium primum Meisneri circa secundum modum excludendi peccata per satisfactiones & purgatorium.

Pag. 161. *Satisfactiones pro peccatis in foro diuino nulla sunt. Primò, quia Christus sic non satisfecisset.*

Refutatio.

Imò minùs perfectè satisfecisset, si non etiam satisfaciendo meruisset, vt nostra quoque opera essent satisfactoria. Sicut minor esset Dei omnipotentia, si non potuisset creaturis communicare aliquam etiam potentiam operandi. Vetus hæc Caluini querimonia confutata est à Bellarmino lib. 4. De Pœnitentiâ cap. 14.

Mendacium secundum.

Ibidem. *Secundò, Quia Christus non esset solus Redemptor.*

Refutatio.

Quasi verò satisfactiones omnes nostræ ex solâ Christi redemptione vim suam non adipiscantur?

Mendacium tertium.

Ibidem. Tertiò, Peccati remissio non foret merè gratuita.

Refutatio.

Tam gratuita merè, imò multò magis, quàm vita æterna: quam Paulus vocat simul *gratiam & iustitiæ coronam*.

Mendacium quartum.

Ibid. Quartò, Satisfactiones destituuntur diuinis & præceptis & promissis.

Refutatio.

Lutherus satisfactionis nomen optabat etiam Scripturæ auctoritate destitui, in Assert. Articuli 5. At pessimè illum habuerunt, illud Danielis 4. *Peccata tua eleemosynis redime. & alterum Prou. 16. Misericordiâ & veritate redimitur iniquitas. vbi de redemptione agi, (quæ eadem & satisfactio est) negari non potest.*

Mendacium quintum.

Ibidem. In veteri & primitiuâ Ecclesiâ satisfactiones non fuerunt usitata, &c. Indicebantur enim tantum ieiunia, atque alia pœnitentia adiuncta, quibus dicebantur satisfacere non Deo, sed Ecclesiæ pro dato scandalo.

Refutatio:

Philippi vetus hoc mendacium est in Apolog. Confess. Augustanæ, Articulo De Cōfess. & Satisfactione, Caluini item, & aliorum; sed Tertullianus

nus

us occurrit lib. De Pœnitentiâ: *Quàm ineptum, pœnitentiam non adimplere, & veniã delictorum sustinere? Hoc est pretium non exhibere, ad mercedem manum emittere: hoc enim pretio Dominus instituit veniam addicere, hac pœnitentia compensatione redimendam proponit immunitatem, &c. Satisfactio confessione disponitur. Vbi clarè dicitur Deo dari satisfactionem, non autem Ecclesiæ. Occurrit Origenes Homil. 3. in lib. Iudicum: Quanto tempore deliquisti, tanto nihilominus tempore humilia temetipsum Deo, & satisfacito illi in confessione pœnitentia. Aliorum deinde temporum perpetuos testes laudat Bellarm. lib. 4. De Pœnitentiâ cap. 9. Vñtata ergo fuit Satisfactio etiam primis temporibus Ecclesiæ, non aliter atque in præsentia vsurpatur.*

Mendacium sextum.

Pag. 161. *Probari non potest, remissâ culpâ remanere pœnam. Primò, Quia si Deus peccata remittit, pœnam non immittit.*

Refutatio.

Ratio hæc tam falsa est, quàm ipsa propositio. Nam 2. Reg. cap. 12. David impetratâ adulterij veniã, punitur tamen à Deo morte filij: & 2. Reg. 24. receptus in gratiam post numerationem vitæ populi, damnatur tamen ad optionem belli, famis, aut pestis.

Mendacium septimum.

Pag. 162. *Remissio peccati nihil est aliud quàm remissio pœna.*

Refu-

Refutatio.

Quia nouâ iam metamorphosi nempe, peccatum idem factum est quod pœna, aut pœna idem quod culpa.

Mendacium octauum.

Pag. 163. *Purgatorium à Pontificiis confictum est, Primo, Quia Scriptura de illo planè tacet.*

Refutatio.

Hocine tacere est? Secundi Machabæorū c. 12. *Salubris est cogitatio pro defunctis exorare.* Profectò, quia tam multa hanc in rem locuti sunt ex Scripturâ, Bellarm. Suarez, aliiq̃ue Theologi, ego satius duxi hîc tacere, dum eorum totos libros verè refutauerit Meisnerus, qui nouem mendacibus ratiunculis pag. 163. allatis videtur sibi strenuè rem gessisse. illud tantùm hîc loquar pro Luthero, quòd & purgatorios esse ignes sit confessus: *Ego credo fortiter*, inquit Disputatione Lipsiacâ, cap. de Purgatorio, *imò ausim dicere, Scio esse purgatorium: facile persuadeor in Scripturis de eo fieri mentionem, &c. Ego beatissimos Patres de numero Theologistarum non facio, quia purgatorium cum ipsis confiteor.* Sed postea Lutherani diuinitus acceptâ auctoritate supra ipsam Scripturam, iudicarunt, Machabæorum libros intra Scripturæ Canonem non esse admittendos.

Mendacium Meisneri circa tertium modum excludendi peccata, per doctrinam de damnatione ob unum mortale peccatum.

Pag. 164. *Etiam nos ipsi (Lutherani) docemus,*
dam-

damnationem aeternam incurrere eum, qui vel unum peccatum mortale committit.

Refutatio.

Verbi gratiâ, Lutherus Dominicâ octauâ post Trinitatem: *Nullum opus tam malum est, quod hominem damnare queat; neque ullum tam bonum est, quod saluare possit: etenim sola fides saluat, sola incredulitas damnat.* Et Sermone De piscaturâ Petri: *Quantò sceleratior es, tantò citius Deus suam gratiam infundit.* Denique Tomo primo Epistolarum Latinarum, fol. 345. *Sufficit quòd agnouimus diuitias gloria Dei, Agnum qui tollit peccata mundi. Ab hoc non auellet nos peccatum, etiamsi millies uno die fornicemur, aut occidamus. Quis non hinc videat, etiam doceri à Lutheranis, damnationem incurri vel ob vnicum peccatum?*

Mendacium Meisneri circa quartum modum de incertitudine salutis.

Pag. 164. *Hoc dogma & per se falsissimum est, & desperationis plenissimum.*

Refutatio.

Hoc dogma est Lutheri (quem, quia Meisnerus omnibus anteponit, primum nomino) De decem præceptis: *Incertum est homini num sit in statu gratiæ, nec ne.* Iterùm Epistol. ad Episcopum Moguntinum: *Non fit homo per ullum munus Episcopi securus de salute, cùm nec per gratiam Dei infusam fiat certus de salute; sed semper in tremore ac timore iubet nos salutem nostram operari Apostolus.* Hoc dogma Salomonis est Ecclesiastæ cap. 9. *Sunt iusti atque*

atque sapientes, & opera eorum in manu Dei, & tamen nescit homo utrùm amore an odio dignus sit, sed omnia in futurum servantur incerta. Est & Iesu Siracidæ Prophetæ, Ecclesiastici cap. 5. De propitiato peccato noli esse sine metu, neque adicias peccatum super peccatum: & ne dicas: Misericordia Domini magna est, multitudinis peccatorum meorum miserebitur. Alia plurima huic fallacissimæ certitudini opponit toto lib. 3. De iustificatione Bellarminus, quem Meisnero relinquo refutandum. Certum est ergo fixumque, quatuor illis modis Lessij ritè ab Ecclesiâ excludi peccandi licentiâ, nihilque à Meisnero & Brandio contrà allatum esse præter mendacia pridem etiam refutata.

Tertia Lessij Consideratio, ex sanctitate cultorum.

ILLA Religio, in quâ plurimi sanctitate conspicui sunt, est præferenda. At talis Religio Catholica. Ergo, &c.

Responsio Meisneri ad Maiorem.

Pag. 186. Duplex est sanctitas. Prima, interna cordis; secunda, externa operis. Neutra vera doctrina nota esse potest. Non interna, quoniam latet. Non externa, Primo, quoniam non est perpetua; Secundo, quia non est infallibilis.

Pag. 189. Maior ergo Lessij non est apodictica: quare hoc sensu tantum eam concedimus, si de antiquis & indubitato sanctis Doctoribus intelligatur.

Refutatio.

Primò, His postremis verbis Meisnerus priorem

tem suam responſionem ſubuerit, planè vt nihil magis cum ipſo pugnet, quàm ipſe ſecum. Nam quomodo Leſſij Maior vera eſſe poſſit in antiquis Sanctis, cum tantum duplex ſit ſanctitas, quarum neutra tamen poteſt eſſe veræ Religionis nota?

Secundò, Quomodo poteſt eadem propoſitio vera eſſe in antiquis Sanctis, cum neque perpetua, neque etiam infallibilis fuerit in ijs ſanctitas vitæ? potuerunt enim cadere, ſicut Tertullianus, ſicut Origenes; potuerunt fallere, ſicut Ananias & Saphira.

Tertiò, Malè Meiſnerus ab ſe inuicem diſcerpit ſanctitatem internam & externam, cum nulla ſit vera ſanctitas, quæ tantum ſit externa. Sed Leſſij Maior intelligenda eſt de ſanctitate internâ & externâ ſimul, quæ conſtituunt vnam veram ſanctitatem, ſicut anima & corpus vnum hominem.

Quartò, Vnde apparet, hanc ſanctitatem poſſe eſſe Eccleſiæ viſibilem notam.

Quintò, Re ipſâ autem pro veræ Eccleſiæ notâ habitam fuiſſe, demonſtratum Libro primo; & Brandius ipſe Maiorem Leſſij de verâ ſanctitate acceptam admittit pag. 37.

*Prima reſponſio vtriuſque ad Minorem
Leſſij.*

Meiſnerus pag. 189. *Nominat Leſſius aliquot viros, inter quos aliqui verè fuerunt ſancti, vt Gregorius, &c. Sed ij non ſunt profeſſi eam fidem quæ hodie tenent Pontificij.*

Brandius pag. 37. *Diſtinguo inter Sanctos. Nam alij fuere ante inſtitutum Papatum, nimirum primis ſexcentis noni Teſtamēti annis: alij poſtea ſecuti ſunt.*
Reſu-

Refutatio.

Primò , Quandoquidem Meisnerus nullum dogma adferat quo à modernis Pontificiis dissentiant antiquiores illi Sancti , non difficiliore operâ negamus , quàm ipse id affirmavit.

Secundò , Brandius , quòd facit à Phocâ institutum esse primùm Papatû , ridicule facit , nisi priùs refutet rescripta Bellarm. lib. 2. de Pontif. cap. 17. quibus ostendit , etiam à Valentiniano Cæsare (qui Phocam cXL. annis præcessit) Pontificem fuisse habitum pro Ecclesiæ totius capite & Primatè. Imò & ab Athanasio (qui sexcentis illis primis annis floruit , & à Brandio Meisneroque pro viro sancto ducitur) Pontificis assertû esse supremum Principatum Apologiâ secundâ : item Epist. ad Felicem Papam , & lib. De sententiâ Dionysij Alexandrini.

Tertiò , Brandius adfert quinque aut sex diui Gregorij sententias , ex quibus nititur conficere , Gregorium tenuisse & credidisse , nonnulla Pontificiis contraria : sed donec Brandius didicerit magis Philosophicè aut Theologicè id ijs ex verbis probare in Modo & Figurâ , nihil respondendum duco.

Quartò , Tantùm adferam ex ipso Gregorio testimonia clarissima , quibus ea ipsa nobiscum ab eo credita fuisse ostendam , quæ Brandius scribit ab eo singula fuisse reiecta.

Mendacia Brandij , quibus Gregorium affirmat à Catholicis dissentire , ipsis Gregorij verbis refutata.

Primò , Brandius pag. 39. à Gregorio ait reiectas

Tra-

Traditiones, solam Scripturam admissam. Rescribit S. Gregorius lib. 12. Epist. cap. 3. De dedicationum verò ecclesiarum disputatione, super quâ cetera nos consulistis, hoc vos ritè tenere debetis, quod nos ab antecessoribus nostris traditum accepimus. Hac nos, adminiculâte diuinâ gratiâ, tenere cœpimus, vobisque, ut postulatis, tenere & docere mandamus; ut ea, quæ à sanctis Patribus ante nos sunt statuta, non proteruè irrumpere, sed fideliter seruare optemus.

Secundò, Ait Brandius Gregorium à Pontificiis discedere in doctrinâ de Libero arbitrio, cum scilicet neget, in bono opere aliquid esse arbitrii nostri; quod affirmant tamen Papistæ, cum docent, voluntatem gratiæ Dei concurrere, solumque à Spiritu sancto adiuuari. Rescribit S. Gregorius lib. 16. Moral. cap. 12. *Quia enim diuina nos bonitas, ut innocentes faciat, præuenit, Paulus ait, Gratiâ Dei sum id quod sum. Et quia eandem gratiam nostrum liberum arbitrium sequitur, adiungit: Et gratia eius in me vacua non fuit. Qui cum se de se nihil esse conspiceret, ait, Non autem ego: & tamen quia se esse aliquid cum gratiâ Dei inuenit, adiunxit, Sed gratia Dei mecum. Non enim diceret, Mecum, si cum præueniente gratiâ subsequens liberum arbitrium non haberet. Ut ergo se sine gratiâ nihil esse ostenderet, ait, Non ego: ut verò se cum gratiâ operatum esse per liberum arbitrium demonstraret, adiunxit, Sed gratia Dei mecum.*

Tertiò, Ait Brandius Gregorium in doctrinâ de Iustificatione cum Pontificiis dissentire, quod hi doceant, posse nos mereri aternam vitam, ille id neget. Rescribit S. Gregorius lib. 4. Moral. c. 31. in hæc verba: *Quia in hac vitâ nobis est discretio operum, erit in illâ procul dubio discretio dignitatum. Ut quo*

hic alius alium merito superat, illic alius alium retributione transcendat.

Quartò, Ait Brandius à Gregorio requiri solam fidem, cum Papista id docentibus anathema dicant. Rescribit S. Gregorius lib. 4. Moral. cap. 14. *Qui fidem sine operibus retinent, cum pro eadem fide in extremo Iudicio se posse saluari confidunt, spes eorum frustrabitur; quia hanc malè vivendo demoliti sunt, quam confitendo tenuerunt.*

Quintò, Ait Brandius aliter sentire Gregorium quàm Catholicos, cum hi anathema is dicunt, qui docet, omnia opera ante iustificationem facta, esse mera peccata. Rescribit S. Gregorius Homil. 9. in Ezech. *Nec fides sine operibus, nec opera adiuvant sine fide, nisi fortè pro fide suscipiendâ fiant; sicut Cornelius antè pro bonis operibus meruit audiri, quàm fidelis existeret. Quà ex re colligitur, quia bona opera pro fide suscipiendâ faciebat.*

Concludo ipsis Brandij verbis pag. 40. *Hac tantum specimen sunt eorum, qua praterèa dici possunt. Et an hunc Gregorium dicas Papistam, qui doctrinâ tantopere dissidet à Papistis? Quis risum teneat?*

Secunda responsio Meisneri ad Minorem.

Pag. 191. *Quòd attinet alios Diuos Sanctosque Papales, ut VVinocum, Rumoldum, &c. habuerunt quidem isti aliquam externa sanctitatis speciem, quâ deceptum fuit vulgus credulum; attamen non fuit eorum sanctitas vera, sed potiùs, Primò, superstitiosa, quoniam in electitiis cultibus fundata. Secundò, Pharisaica. Tertiò, fabulosa. Quartò, falsa Religioni superstructa. Argumenta igitur Lessij tum demum aliquid*

con-

concluderent, si omnes Diuos suos verè Sanctos fuisse demonstrasset.

Refutatio.

Primò, Meisnerus stolidissimè principium petit, dum (quod controuertebatur) affirmat, falsam esse Religionem cui superstructa sit sanctitas recentiorum Diuorum, eaque re eam non posse esse veram sanctitatem.

Secundò, Stolidissimæ arrogantiae est, dicere, omnes omnino deceptos orbe toto Catholicos fuisse imposturis & hypocrisis SS. VVinoci, Rumoldi, Brunonis, &c.

Tertiò, Pugnant inter se maximè, quæ hîc effutit Meisnerus vno alteròve loco. Pag. 193. *Licet Sancti illi maxima miracula egerunt, attamen verâ sanctitate non fuerunt præditi, quia errarunt in fide.* Et pag. 196. *Non tamen omnes damnamus, sed benè de multis speramus, qui in solâ Dei misericordiâ, & Christi merito spem suam tandem posuerunt, & ita salutem sempiternam adepti sunt.* Nam quomodo errantem in fide possibile est adipisci salutem? cum & auctore Apostolo ad Heb. 11. *sine fide impossibile sit placere Deo?* Quomodo potest quis saluari sine fide iustificante, & verâ sanctitate?

Secunda responsio Brandij ad Minorem.

Pag. 41. *Hoc vno ictu ingulo omnes illas rationes Lesij, quæ sequuntur numero quinque: & dico, quotquot eorum verè Sancti fuerunt, non fuisse Papiſtas; quotquot verò Papiſta fuere, eos non fuisse verè Sanctos: neque hîc indicium mundi, ne quidem totius, locum habet, vel curandum est.*

Refutatio.

Nota Primò: ——— *Quot cedis aternos
Drancis dextra dedit!* ———

Vno ictu, papæ! quinq; Rationes Lessij iugulauit:
—— *Iugulo tenus abdidit ensem:*

*Unâ eademque viâ sanguisque animusque cu-
currit.*

Nota Secundò: Dico, inquit, vel non fuisse Papi-
stas, vel non fuisse Sanctos. Probare enim non po-
test, sed tantum dicere.

Nota Tertiò: *Totius mundi iudicium nihil hic cu-
randum est*, sed vnus Brandij fastigio totus orbis
fasces submittere debet & iudicium. Hic vnus
laurum momordit, ceteri omnes *cucurbitas lippiunt*.
Damnat hic Brandius omnes, quos orbis Christia-
nus pro Sanctis habuit: omnes enim Papistæ fue-
runt, hoc est, Sedi Apostolicæ addictissimi. Verum
facit id ex Religionis suæ placitis. Si enim illa ve-
ra sunt, omnes Catholici, quamtumuis Sancti, ne-
cessariò damnandi, cum fide iustificante careant.
Hoc vnum satis esse debebat, vt omnes hanc se-
ctam detestarentur.

Tertia responsio vtriusque ad Minorem.

Meisnerus pag. 196. *Sophistam agit Lessius, quan-
do Patres orthodoxos cum Sanctis à Papâ canoni-
zatis coniungit, & omnes damnandos esse, ex nostris
hypothesibus concludit. Probari enim in aeternum ne-
quit, quòd illi negauerint gratiam iustificationem
per fidem in Christi meritum, aut Ecclesia Romana
Apostolica adhaferint, vel idololatra fuerint.*

Brandius pag. 42. *Protestantes non condemnant
Patres*

Patres illos, qui primis sexcentis annis vixerunt. Illi enim ab his in precipuis Fidei capitibus nihil dissentiunt. Nam & illi docuerunt fidem specialem, per quam solam iustificamur. Hieronym. in Isa. cap. 26. in 3. cap. ad Galatas, Ambrosius Epistolâ 71. in c. 3. ad Roman. in cap. 4. ad Roman. in 3. ad Galatas, Augustinus Ep. 200. in 3. cap. ad Galat. Gregorius supra citatus. Hi quatuor igitur quamuis apud Papistas habeantur precipui Ecclesie Doctores, Lessium tamen falsi accusant. Et sic de reliquis Fidei ac Religionis capitibus precipuis possem ostendere. Deinde neque hi Doctores à Protestantibus extra Ecclesiam habentur fuisse idololatra: Sanctorum enim imagines nec haberi quidem voluerunt in templis.

Refutatio.

Primò, Velim doceri à Meisnero quo ex capite hoc argumentum Lessianum sit sophisma: *Omnis qui ignorat fidem specialem, & adhæret Ecclesie apostatrici, & est idololatra, exors est iustitia Christi, & filius gehenna. Sed omnes omnino sancti Patres ignorarunt fidem specialem, adhæseruntque Ecclesie apostatrici, & fuerunt idololatra, indicio aduersariorum. Igitur omnes sancti Patres exortes sunt iustitia Christi, & filij sunt gehenna.*

Secundò, Falsum est, vllum omnino ex sanctis illis Patribus agnouisse fidem specialem, aut non fuisse apostatam & idololatram ex sententiâ aduersarij, vt allatis testimoniis ipsorum Patrum mox demonstrabo.

Tertiò, Nulla omnino auctoritas à Brandio allata est, quâ possit ritè concludere, ab vlllo ex sanctis illis quatuor Patribus agnitam esse fidem

specialem : quamobrem ad earum nullam respondeo.

Quartò, Eorundem Patrum testimoniis scriptis, perniciosum illud dogma de speciali fide refutatur, locis propè infinitis.

Quatuor sanctos Ecclesia Doctores detestatos esse fidem specialem, eorundem verbis probatur.

AVGVSTINVS Enchirid. c. 67. *Librum hac de questione scripsi, cuius titulus est De fide & operibus, ubi secundum Scripturas sanctas, quantum Deo adiuuante potui, demonstrari eam fidem saluos facere, quam satis euidenter expressit Paulus Apostolus, dicens: In Christo enim Iesu neque circumcisio quidquam valet, neque praputium: sed fides, quæ per dilectionem operatur. Si autem male & non benè operatur, proculdubio secundum Apostolum Iacobum mortua est in semetipsâ; qui rursus ait: Si fidem dicam, quisquam habere, opera autem non habeat, numquid poterit fides saluare eum?*

HIERONYMVS lib. 1. Comment. in cap. 4. Osee: *De hæreticis facilis intelligentia est. Cum enim viderint aliquos delinquentes, aiunt, Nihil aliud querit Deus, nisi fidei veritatem; quam si custodieritis, non curat quid agatis. Hac enim dicentes, in iniquitatibus eorum subleuant animas eorum, ut non solum non agant pœnitentiam, nec humiliantur; sed gaudeant in sceleribus suis, & erectâ cervice gradientur.*

AMBROSIVS in cap. 2. Epist. ad Titum: *Quomodo illi, qui solum Patrem predicat, spes nulla est, si non confitentur in eadem veritate & Filium; ita &*
huius

huius spes frustrata est, qui solam professionem fidei habet, sine bonis operibus.

GREGORIUS, cuius suprà attuli verba ex lib. 4. Moral. cap. 14.

Quis iam non credat Brandio promittenti, se eodem posse modo ostendere, omnes alios Patres à nobis dissentire in aliis omnibus Fidei capitibus, quemadmodum ostendit, quatuor hosce Ecclesiæ Doctores nobis aduersari in dogmate vno de fide speciali?

Quarta Responso Meisneri ad Minorem.

Pag. 200. *Quæ adiungit Lessius de Catholicorum sceleribus, ea nempe non ex eorum Religione, sed hominum malitiâ ortum trahere; contrà autem, prauam vitam Lutheranorum ipsi Religioni esse imputandam; illa dicit quidem, sed non demonstrat.*

Refutatio.

Primò, Non dixit tantùm, sed etiam demonstrauit Lessius Consideratione secundâ, ex septem dogmatibus Lutheranorum, quæ Libro 3. à me asserentur, quæque in vnam hîc coniiciam demonstrationem, memoriæ renouandæ causâ. Omnis illa Religio, quæ Confessionis Sacramentum tollit, vnâ cum contritione, satisfactione, purgatorio, obligatione pænæ remanentis post culpam, docetque solam fidem sufficere ad salutem, neq. ullum ei, qui eam fidem habet, peccatum imputari, etsi millies fornicaretur vno die, ad hæc etiam, peccata omnia à Deo esse decreta, hominesque certâ necessitate impelli: illa, inquam, omnis Religio suapte naturâ habenas laxat ad omnes libidines & flagitia. Sed Religio Lutherana

tollit confessionis Sacramentum unâ cum contritione & ceteris adminiculis, & simul docet solam fidem sufficere ad salutem, nec ullum peccatum ei imputari, qui habet fidem specialem, etiamsi millies uno die fornicetur; ad hac, peccata omnia à Deo esse decreta, hominemque ad ea perpetranda certâ necessitate impelli. *igitur Religio Lutherana suapte naturâ laxat habenas ad omnes libidines & flagitia.*

Maior propositio probata est Lessio, nec ab aduersariis improbata.

Minor quoad singulas partes à me vindicata est in defensione Considerationis secundæ, & alibi vindicabitur Libro 3.

Consequentia bona est. Nihil igitur in hac demonstratione desideratur.

Secundò, Non modò id dixit & demonstra-uit Lessius, sed & Erasmus (cuius auctoritate in laudando Luthero Meisnerus est usus) morum corruptelam ex ipsâ oriri Religione Lutheranâ, scripsit epist. ad Vultur. Neoconum. *Circumspice, inquit, populum istum Euangelicum, &c. Profer mihi unum quem istud Euangelium ex comessatore sobrium, ex feroci mansuetum, ex rapaci liberalem, ex maledico benedicum, ex impudico reddiderit verecundum? Ego multos tibi ostendam, qui facti sunt seipsis deteriores.*

Quinta responsio utriusque ad Minorem.

Meisnerus pag. 200. *Quòd Religio Lutherana habuerit viros sanctitate conspicuos, proteruè negat Iesuita. Sed cōtrâ facile probare possumus. Nam quod attinet primos fidei nostræ Doctores, suere illi sancti Propheta, & Apostoli, imò fidei nostræ testimonium*
per-

perhibet *Christus Iesus Sanctus Sanctorum*. *Saculo secundo habuimus Polycarpum, Ignatium, Irenaeum, Iustinum, Clementem Alexandrinum. Saculoter- tio Tertullianum, Cyprianum, Origenem. Saculo quarto, Athanasium, Basilium Magnum, Gregorium Nyssenum, Gregorium Nazianzenum. Quinto, Augustinum, Chrysostomum, Cyrillum, Theodorum. Saculo sexto Fulgentium, Cassiodorum, Gregorium Magnum. Et sic deinceps per omnia secula, donec tandem saculo decimoquinto excitauit Deus Megalandrum nostrum Lutherum.*

Brandius pag. 45. *Pergit Lessius urgere, & aliis Religionibus exprobrare, quod nulli in ijs extiterunt viri eximie sanctitatis, &c. quin imò quod earum auctores primi maximis vitiis fuerint obnoxij. Itane verò? Lessius etiam mortuos insectatur? habent profectò Protestantes etiam suos Martyres, prater veteres illos Apostolos & Martyres.*

Refutatio.

Primò, Quis non rideat vertiginem Meisneri & Brandij, adferentium viros Sanctos mille quingentis annis suâ Religione anteriores, quasi Religionis suæ foetus? Nam vbi terrarum aut gentium, quæso, ante Lutherum & Caluinum extiterunt Religio Lutherana & Caluiniana, iam prius natæ, & omnibus antè. superioribus sæculis inauditæ?

Secundò, Quis non instar monstri habeat, Christum, Apostolos, sanctos omnes Patres fuisse Lutheranos, & item Caluinistas?

Tertiò, Si Patres omnes fuerunt & Caluinistæ, & Lutherani, quomodo ita proiectè & con-

tumeliosè de iis eorumque doctrinâ locuti sunt Lutherus & Calvinus, eamque falsi sunt toties suæ doctrinæ aduersari?

Testimonia Lutheri, Calvini, Lutheranorum & Calvinistarum de sanctis Patribus, quas Meisnerus ait fuisse Lutheranos, Brandius Calvinistas.

SECUNDI SÆCVLI PATRES.

De sancto Ignatio Calvinus lib. 1. Institut. cap. 14. §. 44. *Ignatium quòd obtendunt, si velint quidquam habere momenti, probent Epistolas legem tulisse de Quadragesimâ, & similibus corruptelis: nihil naniis illis, &c. putidius.*

De sancto Irenæo Magdeburg. Cent. 2. cap. 10. *Opiniones incommodas seu stipulas quasdam nò exiguas eum habuisse ex scriptis cerni potest: liberum arbitrium etiam in spiritualibus admittit. Quomodo igitur potuit fuisse Calvinista aut Lutheranus?*

De eodem Adam Scultetus Numbergenſis lib. 3. cap. 6. *Verissimè ab Eusebio dictum est, Ecclesiam post tempora Apostolorum non diu fuisse virginem. Testem huius rei vel Irenæum nominare possumus, qui fundamento doctrina Apostolorum tot stipulas superstruxit. Magnus igitur Ecclesiæ Lutheranae Sanctus est Irenæus, qui Ecclesiam suam deuirginavit adulteratâ doctrinâ.*

De sancto Iustino ibidem Scultetus lib. 1. c. 17. *Nanorum in Iustino agnosco causam triplicem; quarum prima Plato, altera Iudæi, tertia sinistra Doctarum interpretatio. In Platonis scholâ nata est ei doctrina siue libertate voluntatis humane opinio.*

De

De Clemente Alexandrino Magdeburgenses Cent. 3. c. 1. in Protreptico: *Corruptionem naturæ adeò ignorauit, ut nusquam non liberum arbitrium asserat, & viribus hominum nimium tribuat.*

De eodem Heshusius lib. De seruo arbitrio: *Clementis Alexandrinus vsque adeò in doctrinâ Christianâ rudis fuit, ut neque doctrinam de Peccato originis, neque promissionem Euangelij intellexerit.*

TERTII SÆCVLI PATRES.

De Tertulliano Lutherus in Conuiuialibus colloquiis: *Tertullianus inter Ecclesiæ Doctores merus est Carlstadius.* Carlstadium autem Lutherus vocabat *diabolum incarnatum.* Sunt igitur diaboli incarnati, Lutheranorum Sancti. Adam Scultetus lib. 7. cap. 42. *Tertullianus liberum arbitrium post lapsum ita enechit, ut Pelagius ipse vix ausus fuerit pari libertate de eo pronuntiare. Immodicus fuit in martyrij laude, quasi eo homines veniam mereantur: operum merita nimis extollit, castitatis imprimis & pudicitie: defendit superstitiosa ieiunia, &c.*

De Cypriano Lutherus in Conuiuialibus *Cyprianus martyr infirmus est Theologus.* Melāchthon lib. De Ecclesiâ: *Cyprianus vrget pœnas Canonicas quarum tunc vsus erat, & confirmat opiniones, quòd sint necessariae, & quòd propter eas remittantur peccata. Tamen illi errores non sunt leues, sed admodum dense stipula obscurantes puram doctrinam de beneficiis Christi.* Scultetus lib. 8. cap. 24. *Cyprianus doctrinam de Iustificatione fidei cum iustitiâ operum confundit. Iustitiam operum manifeste vrget. Satisfactionibus remissionem peccatorum tribuit. Carimonias Montanisticas, ut consecrationem & unctionem à*
Ter-

Tertulliano acceptas retinet. Quî potest ergo Cyprianus Lutheranus fuisse aut Caluinista?

De Origene Lutherus in Conuiuialib. *Origenem iam dudum dirisdeuoni. Idem epist. ad Philippum: Dico, Origenis Commentaria meras esse nugas & inceptus, si tuis Annotationibus cõparentur.* Beza in c. 3. Epist. ad Rom. *Certò hoc ausim dicere, Origenem hominem fuisse selectum organum diaboli, Apostolica doctrina prorsus euertenda naturæ.* Idem Prefatione in nouum Testament. *Origenes homo omnium, qui umquam de rebus sacris scripserunt, impurissimus. Sunt igitur diaboli organa, Caluinistarum Sancti & Patres.*

QUARTI SÆCVLI PATRES.

De sancto Basilio Lutherus in Cõuiuial. *Basilius nihil ualet: totus est monachus, ne pilo quidem illum redimerem.* Hunc igitur Sanctum Meisnerus bono admodum pretio sibi emere potuit, auctionem habente Luthero. Melanchthon lib. De Ecclesiâ: *Basilius addit monasticen tamquam stipulas.* Mirum ergo quod fronte eum faciant Lutheranum aut Caluinistam.

De sancto Epiphanio Magdeburgêses Cent. 5. c. 5. *Est ubique ferè nimis propensus in admirationem continentie sacerdotalis. Sumpsit sibi in Ecclesiâ Constantinopolitanâ licentiam satis audacem in Theophili (qui Ioanni inimicissimus erat) gratiam, ut quod Diaconum ordinauit præter Canones.*

De sancto Hilario Magdeburgêses Cent. 4. c. 10. *Nullam de Spiritu sancto protulit religiosam sententiam, &c. nusquam ei Dei uocabulum tribuit, nec de libero arbitrio satis cantè loquitur.*

De

De sancto Ambrosio Madeburgenses Cent. 4. cap. 4. *Ambrosius lib. De viduis, per multa crassa habet de innocendis mortuis.*

De sancto Hieronymo Lutherus cap. De Scho-
l. Theolog. in Conuiuial. *Hieronymus inter Ec-
clesia Doctores numerari non debet, nam fuit hereti-
cus.* Facit ergo Meisnerus Sanctum, quem Luthe-
rus hæreticum. Idem ad cap. 22. Genes. *Quin te
Hieronyme conculcamus cum tuâ Bethleem, cucullâ,
& deserto?* Si putasset Lutherus Hieronymum Lu-
theranum esse, non ita cum eo contumeliosè egisset.

QVINTI SÆCVLI PATRES.

De sancto Augustino Lutherus contra Regem
Angliæ: *Quis est Augustinus? quis nos coget ei crede-
re?* Theodoricus Schnepfius lib. De Eucharistiâ:
*Manifestum est, D. Augustinum haud leuium erro-
rum semina vel iecisse, vel ab alijs sparsa auxisse &
confirmasse.*

De sancto Chrysostomo Lutherus in Cōuiuial.
*Chrysostomum nullo loco habeo, non est nisi loquacu-
lus.* Magdeburgenses Cent. 5. cap. 5. *Chrysostomus
bonorum operum est encomiastes, qui & synergiam
voluntatis passim defendit, & liberi arbitrij patro-
num agit.*

SEXTI SÆCVLI PATRES.

De sancto Gregorio Lutherus in Colloq. Ger-
man. fol. 449. *Gregorij conciones ne teruncium qui-
dem valent, diabolus enim eum in suo Dialogo crasse
decepit.* Melanchthon in cap. 14. Epistolæ ad Ro-
manos: *Gregorius ethnico more statuas ornavit, ma-
gna impietatis confirmavit initia; lapsus denique est*
in

in manifestam impietatem & tyrannidem.

Atque hi omnes nominatim ij ipsi sunt, quos Brandius & Meisnerus aiunt fuisse Calvinistas & Lutheranos, sanctos Religionis suæ antesignanos, de quibus Lutherus & Lutherani, ac Calvinistæ (qui eos debebant nouisse meliùs Brandio & Meisnero) tam inhonesta testimonia dixerunt. Denique velim ex Brandio sciscitari, ecqui sint illi alij Calvinistarum martyres Sancti, quos extra veteres illos se habere iactat? Eorum adhuc nomina requiro, vt ea in sacros Fastos aut Martyrologium referam: nisi fortè sufficiat Brandio, quòd eorum plurimi sint inter Calvinistarum flores relati.

Quales porrò illi Sancti Lutheranae Religionis esse debeant, adscribam ad posteritatis memoriam ipsis Lutheri verbis Tom. 4. German. Wittenb. Comment. in Ioan. cap. 17. *Nos ita dicimus, quòd veri & germani Sancti debeant esse fortibus & atrocibus peccatis obnoxij, ac tales etiam manere; quos non pudeat orare: Dimitte nobis debita nostra. O Sancti Sanctorum!*

Quarta Lessij Consideratio, ex miraculis cultorum.

ILLA Religio, in quâ plurima miracula omnibus sacculis edita, est preferenda alijs, qua miraculis sunt destituta. At sola Religio Catholica miraculorū gloriā fulget, cetera miraculis sunt destituta. Sola ergo Catholica est vera Religio, ceteris omnibus preferenda.

Responsio vtriusque ad Maiorem.

Meisnerus pag. 211. Si Lessius intelligat antiqua miracula Christi, Apostolorum, & primitiua Ecclesiae,
con-

concedi potest propositio. Quod si verò simul requirat miracula noua, & subintelligat signa Papalia, negamus Maiorem. Pag. 201. Quia cum primum propaganda esset inter Gentiles Fides, Christus miraculorum dono ornatu minister suos, quò ita Pagani fortius conuincerentur. Quòd autem post fidem propagatam, nullibi legimus; imò contrariu extat, fore nempe miracula notam Antichristi: Mat. 24. Pag. 205. Notandum enim Primum est, miracula non esse perpetuos vera doctrina comites. Secundò, miracula etiam falsis Doctores esse communia: ita Exod. 7. magi. Donatistæ item miraculis non carebant. Imò & Gentiles nonnulla portenta ediderunt. Pag. 207. Vnde Bellarm. ipse lib. 1. De Gratiâ c. 10. putetur, posse donum miraculorū separari à verâ fide. Pag. 23. Quòd attinet ad dictum Ioan. 14. vers. 12. quo Lessius insinuari putat, semper in Ecclesiâ gratiam miraculorum futuram, in eo fallit & fallitur. Non enim ex textu probari potest, Christum uniuersaliter loqui, & omne tempus complecti; aliàs omnis credens, & quidem perpetuò miraculorū dono præditus esset, quia dicit, Omnis qui credit, opera quæ ego facio, faciet. Illud autem cum non fiat, propterea nos restringimus dictum illud ad tempora primitiue Ecclesiæ; quibus elapsis, cessauit donum miraculorum. Nam Chrysostomi tempore miracula non amplius erant frequentia: ergo tum temporis desijt gratia miraculorum, quam sub finem mundi Deum denudò esse multis concessurum, nullo firmo Scripturæ testimonio probari potest.

Brandius pag. 46. Ad Maiorem respondeo, Illam non esse omnino veram. Quòd verò ait Lessius, miracula esse sigilla quedam & testimonia diuina, quibus Religio comprobatur, nego de omnibus esse verum. Chri-

*Christus enim pramonet futurum, ut pseudo-Christi
& Antichristus edant signa magna & prodigia.*

Refutatio.

Primò, Lessij Maior intelligenda est de omnibus miraculis, *etiam recentioribus, in Ecclesiâ patrat*. Constat nihilominus argumentum, si vel de Apostolorum miraculis capiatur.

Secundò, Mendacium est, nusquam legi, factam esse promissionem miraculorum edendorum post fidem iam propagatam. Locus est Marci 16. vbi dicitur expresse non solum de Apostolis, sed indefinite de quibuscumque fidelibus: *Signa eos, qui crediderint, hac sequentur.* quibus verbis promittuntur noua miracula, tamquam *indiuidui comites fidei, etiam post fidei propagationem factam in cordibus credentium.* Ad eam porro propagandam magis, locus est Ioannis 14. vbi simpliciter promittit Christus potestatem miraculorum credentibus, perpetuò post factam primam fidei propagationem. *Amen dico vobis, qui credit in me, opera quæ ego facio, & ipse faciet, & maiora horum faciet.* Quo loco Meisnerus falsò dicit haberi, *Omnis qui credit*: vt probet nempe, quemadmodum hoc sine restrictione verum esse non posset, ita nec sine restrictione verum esse posse de omni tempore Ecclesiæ duraturæ: quod tamen manifestè Christus promittit, nullâ factâ illius temporis restrictione. Cum enim de omnibus credentibus non esse verum id promissum videamus, reliquum certè est, vt saltem perpetuò sint nonnulli in Ecclesiâ, qui eiusmodi vim miraculorum repræsentent.

Probatür autem, tam necessaria esse miracula
sub-

subinde etiam his temporibus, atque illis primis, hoc Argumento: *Primis illis temporibus necessaria fuere miracula tantum, quia Christi doctrina* (quæ res multas supra naturam credendas proponit) *erat inaudita & noua* (non enim volebat Deus quemquam cogi ad credendas res naturaliter incredibiles, nisi per signa supernaturalia.) *Atqui his temporibus, subinde novis quibusdam aut barbaris Gentibus Christi doctrina deprehenditur inaudita esse & noua. Ergo subinde his temporibus tam sunt necessaria illa miracula, atque illis priscis.* Atque hoc ipsum disertè scripsit Melanchthon in cap. 3. Matth. his verbis: *Postea sapè, quando mundus fuit ferè oblitus promissionem & doctrinam Euangelij, tunc vocauit novos Doctores: sic quando iam tenebra erant, Deus vocauit Ioannem. & semper Deus addit miracula, ut certò sciamus à Deo missos.* Et Luthetus De seruo arbitrio: *Dens sua dogmata miraculis confirmare solet, nullo respectu carnalis sæculi.*

Tertius locus est Apocalypsis 11. vbi promittitur Ecclesiæ etiam sub tempus Antichristi potestas miraculorum; ut videas pinguißimum Meißneri mendacium, asserentis, nullo firmo Scripturæ testimonio probari posse, sub finem mundi fore in Ecclesiâ gratiam miraculorum: *Dabo duobus testibus meis, & prophetabunt diebus mille ducentis sexaginta. Si quis voluerit eos nocere, ignis exiet de ore eorum. Et si quis voluerit eos ledere, sic oportet eum occidi. Hi habent potestatem claudendi calum, ne pluat diebus Prophetiæ ipsorum, & potestatem habent super aquas conuertendi eas in sanguinem, & percutere terram omni plagâ quotiescumque voluerint.*

Tertio, Mendacium est, testimonio Scripturæ

G moder-

lantur, non quòd natura aduersentur, sed quòd natura modum, qui est nobis vsitatus, excedant.

Octauò, Mentitur Meisnerus pag. 207. cùm falsos Doctores subinde miraculorum edendorum potestate fuisse à Deo instructos, probat exemplo Balaam, & illâ auctoritate Deuteronomij cap. 13. *Si surrexerit in medio tui Prophetes, aut qui somnium uidisse se dicat, & prædixerit signum atque portentum, non audies verba Prophetæ illius.* Neque enim Balaam legitur vsquam miraculum vllum edidisse, sed prophetasse tantum; atque id quidem in confirmationem fidei nostræ. Neque etiam his Deuteronomij verbis aliud monemur, quàm cauere ab impiorum prædictionibus, prophetiis, & somniis, non à miraculis: planè vt somniasse videatur Meisnerus, & somnia donumque Prophetiæ confudisse cū dono miraculorum.

Nonò, Mentitur pag. 208. cùm scribit, *Bellarminum fateri, constare non posse, quando simile planè prodigium ab hæretico editur, & simile à Catholico, (verbi gratiâ, ablatio cacitatis) an hæreticus id fecerit, ope demonis, an Catholicus.* Verba Bellarmini (è quibus nonnulla dolo malo prætermisit Meisnerus) ista sunt lib. 4. De Ecclesiæ notis cap. 14. *Est autem obseruandum, rectè demonstrari ex miraculis Ecclesiam, & ex Ecclesiâ vicissim miracula, sed diuerso genere demonstrationis: quemadmodum rectè ex effectû demonstratur causâ, & ex causâ effectus. Nam ex miraculis demonstratur Ecclesia non quoad eidentiam, vel certitudinem rei, sed quoad eidentiam & certitudinem credibilitatis. Cuius rei ratio est, quia ante approbationem Ecclesiæ, non est enidens, aut certum certitudine fidei, de vllò miraculo, quòd*
sic

fit verum miraculum : tamen est tale, ut euidenter faciat rem credibilem. Et quidem quod non sit euident, patet, quia tunc fides esset euident. Quod non sit certum certitudine fides, patet: quia non constat eâ certitudine, cui non possit subesse falsum, illam non posse esse elusionē dæmonis. At ex Ecclesiâ demonstratur miraculum quoad certitudinem rei : quia quando Ecclesia declarat miraculum factum, esse verum miraculum, certi sumus ita esse.

Decimò, Contradicit sibi Meisnerus pag. 209. cùm fatetur, inde etiam patuisse diuinitatem in miraculis Christi, quod ea nemo posset imitari. Pag. verò 206. scribit, pro summo miraculo à nobis haberi sanationem cæcorum & claudorum; quam utramque præstitam, nihilominus profert ex Tacito à Casare Vespasiano. Nam quomodo igitur Christi miracula, curandis cæcis & claudis perpetrata, nemo potuit alius imitari? Contradicit sibi iterum pag. 231. cùm ita stolidissimè argumentatur: Chrysostomi tempore miracula non amplius erant frequentia, ergo tum temporis desit gratia miraculorum. Erat enim inferendum: Ergo tum temporis etiam durabat gratia miraculorum. Neque enim gratia miraculorum consistit in eorum frequentia aut crebrâ patratiōe, cùm gratia sit, fecisse vel vnicum miraculum. Quamquam & hoc impudens mendacium est, infrequentia fuisse miracula sæculo Chrysostomi: cùm eo ipso tempore plurima fuisse edita in Africâ apud Stephani Protomartyris Reliquias, conscripserit Augustinus; in Galliâ à S. Martino perpetrata, Sulpitius.

tollit confessionis Sacramentum unà cum contritione & ceteris adminiculis, & simul docet solam fidem sufficere ad salutem, nec ullum peccatum ei imputari, qui habet fidem specialem, etiamsi nullies uno die fornicetur; ad hæc, peccata omnia à Deo esse decreta, hominemque ad ea perpetranda certâ necessitate impelli. Igitur Religio Lutherana suapte naturâ laxat habenas ad omnes libidines & flagitia.

Maior propositio probata est Lessio, nec ab aduersariis improbata.

Minor quoad singulas partes à me vindicata est in defensione Considerationis secundæ, & alibi vindicabitur Libro 3.

Consequentia bona est. Nihil igitur in hac demonstratione desideratur.

Secundò, Non modò id dixit & demonstra-uit Lessius, sed & Erasmus (cuius auctoritate in laudando Luthero Meisnerus est vsus) morum corruptelam ex ipsâ oriri Religione Lutheranâ, scripsit epist. ad Vultur. Neoconum. *Circumspice*, inquit, *populum istum Euangelicum, &c. Profer mihi unum quem istud Euangelium ex comessatore sobrium, ex feroci mansuetum, ex rapaci liberalem, ex maledico benedicum, ex impudico reddiderit verecundum? Ego multos tibi ostendam, qui facti sunt seipsi deteriores.*

Quinta responsio utriusque ad Minorem.

Meisnerus pag. 200. *Quod Religio Lutherana habuerit viros sanctitate conspicuos, proterne negat Iesuita. Sed cōtrā facile probare possumus. Nam quod attinet primos fidei nostræ Doctores, fuere illi sancti Prophetae, & Apostoli, imò fidei nostræ testimonium per-*

perhibet *Christus Iesus Sanctus Sanctorum. Saculo secundo habuimus Polycarpum, Ignatium, Irenaeum, Iustinum, Clementem Alexandrinum. Saculo tertio Tertullianum, Cyprianum, Origenem. Saculo quarto, Athanasium, Basilium Magnum, Gregorium Nyssenum, Gregorium Nazianzenum. Quinto, Augustinum, Chrysostomum, Cyrillum, Theodorum. Saculo sexto Fulgentium, Cassiodorum, Gregorium Magnum. Et sic deinceps per omnia secula, donec tandem saculo decimoquinto excitauit Deus Megalandrum nostrum Lutherum.*

Brandius pag. 45. *Pergit Lessius urgere, & aliis Religionibus exprobrare, quod nulli in ipsis extiterunt viri eximia sanctitatis, &c. quin imò quod earum auctores primi maximis vitiis fuere obnoxij. Itane verò? Lessius etiam mortuos insectatur? habent profectò Protestantes etiam suos Martyres, prater veteres illos Apostolos & Martyres.*

Refutatio.

Primò, Quis non rideat vertiginem Meisneri & Brandij, adferentium viros Sanctos mille quingentis annis suâ Religione anteriores, quasi Religionis suæ fœtus? Nam vbi terrarum aut gentium, quæso, ante Lutherum & Caluinum extiterunt Religio Lutherana & Caluiniana, iam prius natæ, & omnibus antè superioribus sæculis inauditæ?

Secundò, Quis non instar monstri habeat, Christum, Apostolos, sanctos omnes Patres fuisse Lutheranos, & item Caluinistas?

Tertiò, Si Patres omnes fuerunt & Caluinistæ, & Lutherani, quomodo ita proiectè & con-

tumeliosè de iis eorumque doctrinâ locuti sunt Lutherus & Calvinus, eamque falsi sunt toties suæ doctrinæ aduersari?

Testimonia Lutheri, Calvini, Lutheranorum & Calvinistarum de sanctis Patribus, quas Meisnerus ait fuisse Lutheranos, Brandius Calvinistas.

SECUNDI SÆCVLI PATRES.

De sancto Ignatio Calvinus lib. 1. Institut. cap. 14. §. 44. *Ignatium quod obtendunt, si velint quidquam habere momenti, probent Epistolas legem tulisse de Quadragesimâ, & similibus corruptelis: nihil nanis illis, &c. putidius.*

De sancto Irenæo Magdeburg. Cent. 2. cap. 10. *Opiniones incommodas seu stipulas quasdam nō exiguas eum habuisse ex scriptis cerni potest: liberum arbitrium etiam in spiritualibus admittit. Quomodo igitur potuit fuisse Calvinista aut Lutheranus?*

De eodem Adam Scultetus Numbergensis lib. 3. cap. 6. *Verissimè ab Eusebio dictum est, Ecclesiam post tempora Apostolorum non diu fuisse virginem. Testem huius rei vel Irenæum nominare possumus, qui fundamento doctrina Apostolorum tot stipulas superstruxit. Magnus igitur Ecclesiæ Lutheranae Sanctus est Irenæus, qui Ecclesiam suam deuirginavit adulteratâ doctrinâ.*

De sancto Iustino ibidem Scultetus lib. 1. c. 17. *Nanorum in Iustino agnosco causam triplicem; quarum prima Plato, altera Iudæi, tertia sinistra Doctorum interpretatio. In Platonis scholâ nata est ei do-
αὐτῶν οἰσὶν sine libertate voluntatis humana opinio.*

De

De Clemente Alexandrino Magdeburgenses Cent. 3. c. 1. in Protreptico: *Corruptionem naturæ adeò ignorauit, ut nusquam non liberum arbitrium aſſerat, & viribus hominum nimium tribuat.*

De eodem Heſhufius lib. De ſeruo arbitrio: *Clementis Alexandrinus uſque adeò in doctrinâ Chriſtianâ rudis fuit, ut neque doctrinam de Peccato originis, neque promiſſionem Euangelij intellexerit.*

TERTII SÆCVLI PATRES.

De Tertulliano Lutherus in Conuiuialibus colloquiis: *Tertullianus inter Eccleſiæ Doctores merus eſt Carſtadius. Carſtadium autem Lutherus vocabat diabolum incarnatum. Sunt igitur diaboli incarnati, Lutheranorum Sancti. Adam Scultetus lib. 7. cap. 42. Tertullianus liberum arbitrium poſt lapſam ita euehit, ut Pelagius ipſe vix auſus fuerit pari libertate de eo pronuntiare. Immodicus fuit in martyrij laude, quaſi eo homines veniam mereantur: operum merita nimis extollit, caſtitatis imprimis & pudicitia: defendit ſuperſtitioſa ieiunia, &c.*

De Cypriano Lutherus in Conuiuialibus: *Cyprianus martyr infirmus eſt Theologus. Melâchthon lib. De Eccleſiâ: Cyprianus vrget pœnas Canonicas quarum tunc uſus erat, & confirmat opiniones, quòd ſint neceſſaria, & quòd propter eas remittantur peccata. Tamen illi errores non ſunt leues, ſed admodum denſæ ſtipula obſcurantes puram doctrinam de beneficiis Chriſti. Scultetus lib. 8. cap. 24. Cyprianus doctrinam de Iuſtificatione fidei cum iuſtitiâ operum confundit. Iuſtitiam operum manifeſtè vrget. Satisfactionibus remiſſionem peccatorum tribuit. Cerimonias Montaniſticas, ut conſecrationem & vnctionem à Ter-*

Tertulliano acceptas retinet. Quî potest ergo Cyprianus Lutheranus fuisse aut Caluinista?

De Origene Lutherus in Conuiuialib. *Origenem iam dudum diris denoni.* Idem epist. ad Philippum: *Dico, Origenis Commentaria meras esse nugas & ineptias, si tuis Annotationibus cõparentur.* Beza in c. 3. Epist. ad Rom. *Certò hoc ausim dicere, Origenem hominẽ fuisse selectum organum diaboli, Apostolica doctrina prorsus eueriende naturæ.* Idem Prefatione in nouum Testament. *Origenes homo omnium, qui umquam de rebus sacris scripserunt, impurissimus.* Sunt igitur diaboli organa, Caluinistarum Sancti & Patres.

QUARTI SÆCVLI PATRES.

De sancto Basilio Lutherus in Cõuiuial. *Basilius nihil ualet: totus est monachus, ne pilo quidem illum redimerem.* Hunc igitur Sanctum Meissnerus bono admodum pretio sibi emere potuit, auctorem habente Luthero. Melanchthon lib. De Ecclesiâ: *Basilius addit monasticen tamquam stipulas.* Mirum ergo quod fronte eum faciant Lutheranum aut Caluinistam.

De sancto Epiphanio Magdeburgenses Cent. 5. c. 5. *Est ubique ferè nimium propensus in admirationem continentia sacerdotalis. Sumpsit sibi in Ecclesiâ Constantinopolitanâ licentiam satis audacem in Theophili (qui Ioanni inimicissimus erat) gratiam, ut quod Diaconum ordinauit præter Canones.*

De sancto Hilario Magdeburgenses Cent. 4. c. 10. *Nullam de Spiritu sancto protulit religiosam sententiam, &c. nusquam ei Dei uocabulum tribuit, nec de libero arbitrio satis cautè loquitur.*

De

De sancto Ambrosio Madeburgenses Cent. 4. cap. 4. *Ambrosius lib. De viduis, permulta crassa habet de innocendis mortuis.*

De sancto Hieronymo Lutherus cap. De Scholast. Theolog. in Conuiuial. *Hieronymus inter Ecclesia Doctores numerari non debet, nam fuit hæreticus.* Facit ergo Meisnerus Sanctum, quem Lutherus hæreticum. Idem ad cap. 22. Genes. *Quin te Hieronyme conculcamus cum tuâ Bethleem, cucullâ, & deserto?* Si putasset Lutherus Hieronymum Lutheranum esse, non ita cum eo contumeliosè egisset.

QVINTI SÆCVLI PATRES.

De sancto Augustino Lutherus contra Regem Angliæ: *Quis est Augustinus? quis nos coget ei credere?* Theodoricus Schnepfius lib. De Eucharistiâ: *Manifestum est, D. Augustinum haud leuimum errorum semina vel iecisse, vel ab alijs sparsa auxisse & confirmasse.*

De sancto Chrysostomo Lutherus in Cōuiuial. *Chrysostomum nullo loco habeo, non est nisi loquaculus.* Magdeburgenses Cent. 5. cap. 5. *Chrysostomus bonorum operum est encomiastes, qui & synergiam voluntatis passim defendit, & liberi arbitrij patrum agit.*

SEXTI SÆCVLI PATRES.

De sancto Gregorio Lutherus in Colloq. German. fol. 449. *Gregorij conciones ne teruncium quidem valent, diabolus enim eum in suo Dialogo crasse decepit.* Melanchthon in cap. 14. Epistolæ ad Romanos: *Gregorius ethnico more statuas ornavit, magna impietatis confirmavit initia; lapsus denique est*
in

in manifestam impietatem & tyrannidem.

Atque hi omnes nominatim ij ipsi sunt, quos Brandius & Meisnerus aiunt fuisse Calvinistas & Lutheranos, sanctos Religionis suæ antesignanos, de quibus Lutherus & Lutherani, ac Calvinistæ (qui eos debebant nouisse melius Brandio & Meisnero) tam inhonesta testimonia dixerunt. Denique velim ex Brandio sciscitari, ecquid sint illi alij Calvinistarum martyres Sancti, quos extra veteres illos se habere iactat? Eorum adhuc nomina requiro, vt ea in sacros Fastos aut Martyrologium referam: nisi fortè sufficiat Brandio, quòd eorum plurimi sint inter Calvinistarum flores relati.

Quales porrò illi Sancti Lutheranae Religionis esse debeant, adscribam ad posteritatis memoriam ipsis Lutheri verbis Tom. 4. German. Wittenb. Comment. in Ioan. cap. 17. *Nos ita dicimus, quòd veri & germani Sancti debeant esse fortibus & atrocibus peccatis obnoxij, ac tales etiam manere; quos non pudeat orare: Dimitte nobis debita nostra. O Sancti Sanctorum!*

Quarta Lessij Consideratio, ex miraculis cultorum.

ILLA Religio, in quâ plurima miracula omnibus seculis edita, est preferenda alijs, quæ miraculis sunt destituta. At sola Religio Catholica miraculorū gloriâ fulget, cetera miraculis sunt destituta. Sola ergo Catholica est vera Religio, ceteris omnibus preferenda.

Responsio utriusque ad Maiorem.

Meisnerus pag. 211. Si Lessius intelligat antiqua miracula Christi, Apostolorum, & primitiua Ecclesia, con-

concedi potest propositio. Quod si verò simul requirat miracula noua, & subintelligat signa Papalia, negamus Maiorem. Pag. 201. Quia cum primum propaganda esset inter Gentiles Fides, Christus miraculorum dono ornatu ministeros suos, quò ita Pagani fortius conuincerentur. Quòd autem post fidem propagatam, nullibi legimus; imò contrariū extat, fore nempe miracula notam Antichristi: Mat. 24. Pag. 205. Notandum enim Primò est, miracula non esse perpetuos vera doctrina comites. Secundo, miracula etiam falsis Doctores esse communia: ita Exod. 7. magi. Donatista item miraculis non carebant. Imò & Gentiles nonnulla portenta ediderunt. Pag. 207. Vnde Bellarm. ipse lib. 1. De Gratiâ c. 10. putetur, posse donum miraculorū separari à verâ fide. Pag. 23. Quòd attinet ad dictum Ioan. 14. vers. 12. quo Lessius insinuari putat, semper in Ecclesiâ gratiam miraculorum futuram, in eo fallit & fallitur. Non enim ex textu probari potest, Christum uniuersaliter loqui, & omne tempus complecti; aliàs omnis credens, & quidem perpetuò miraculorū dono præditus esset, quia dicit, Omnis qui credit, opera quæ ego facio, faciet. Illud autem cum non fiat, propterea nos restringimus dictum illud ad tempora primitiua Ecclesiæ; quibus elapsis, cessauit donum miraculorum. Nam Chrysostomi tempore miracula non amplius erant frequentia: ergo tum temporis desijt gratia miraculorum, quam sub finem mundi Deum denuò esse multis concessurum, nullo firmo Scripture testimonio probari potest.

Brandius pag. 46. Ad Maiorem respondeo, Illam non esse omnino veram. Quòd verò ait Lessius, miracula esse sigilla quedam & testimonia diuina, quibus Religio comprobatur, nego de omnibus esse verum.

Chri-

*Christus enim pramonet, futurum, ut pseudo-Christi
& Antichristus edant signa magna & prodigia.*

Refutatio.

Primò, Lessij Maior intelligenda est de omnibus miraculis, *etiam recentioribus, in Ecclesiâ paratis.* Constat nihilominus argumentum, si vel de Apostolorum miraculis capiatur.

Secundò, Mendacium est, nusquam legi, factam esse promissionem miraculorum edendorum post fidem iam propagatam. Locus est Marci 16. ubi dicitur expressè non solum de Apostolis, sed indefinite de quibuscumque fidelibus: *Signa eos, qui crediderint, hac sequentur.* quibus verbis promittuntur noua miracula, tamquam *individiui comites fidei, etiam post fidei propagationem factam in cordibus credentium.* Ad eam porro propagandam magis, locus est Ioannis 14. ubi simpliciter promittit Christus potestatem miraculorum credentibus, perpetuò post factam primam fidei propagationem: *Amen dico vobis, qui credit in me, opera quæ ego facio, & ipse faciet, & maiora horum faciet.* Quo loco Meisnerus falsò dicit haberi, *Omnis qui credit:* ut probet nempe, quemadmodum hoc sine restrictione verum esse non posset, ita nec sine restrictione verum esse posse de omni tempore Ecclesiæ duraturæ: quod tamen manifestè Christus promittit, nullâ factâ illius temporis restrictione. Cum enim de omnibus credentibus non esse verum id promissum videamus, reliquum certè est, ut saltem perpetuò sint nonnulli in Ecclesiâ, qui eiusmodi vim miraculorum repræsentent.

Probatur autem, tam necessaria esse miracula
sub-

subinde etiam his temporibus, atque illis primis, hoc Argumento: *Primis illis temporibus necessaria fuere miracula tantum, quia Christi doctrina* (quæ res multas supra naturam credendas proponit) *erat inaudita & noua* (non enim volebat Deus quemquam cogi ad credendas res naturaliter incredibiles, nisi per signa supernaturalia.) *Atqui his temporibus, subinde novis quibusdam aut barbaris Gentibus Christi doctrina deprehenditur inaudita esse & noua. Ergo subinde his temporibus tam sunt necessaria illa miracula, atque illis priscis.* Atque hoc ipsum disertè scripsit Melanchthon in cap. 3. Matth. his verbis: *Postea scipè, quando mundus fuit ferè oblitus promissionem & doctrinam Euangelij, tunc vocauit novos Doctores: sic quando iam tenebra erant, Deus vocauit Ioannem. & semper Deus addit miracula, ut certò sciamus à Deo missos.* Et Luthetus De seruo arbitrio: *Dens sua dogmata miraculis confirmare solet, nullo respectu carnalis sæculi.*

Tertius locus est Apocalypsis 11. vbi promittitur Ecclesiæ etiam sub tempus Antichristi potestas miraculorum; vt videas pinguißimum Meißneri mendacium, asserentis, nullo firmo Scripturæ testimonio probari posse, sub finem mundi fore in Ecclesiâ gratiam miraculorum: *Dabo duobus testibus meis, & prophetabunt diebus mille ducentis sexaginta. Si quis voluerit eos nocere, ignis exiet de ore eorum. Et si quis voluerit eos ledere, sic oportet eum occidi. Hi habent potestatem claudendi calum, ne pluat diebus Prophetiæ ipsorum, & potestatem habent super aquas conuertendi eas in sanguinem, & percutere terram omni plagâ quotiescumque voluerint.*

Tertio, Mendacium est, testimonio Scripturæ

G moder-

moderna miracula reputari pro miraculis Antichristi : similia, eaque eadem , patrari posse etiam ab impiis & falsis Doctoribus; patrata à Donatistis, ab Ethnicis. Refutat hæc fortissimè Bellarminus lib. 4. De Ecclesiæ notis cap. 14.

Quartò, Impudentissimum mendacium est, vspiciam à Bellarmino dici , *donum miraculorum posse separari à verâ fide*. Loco enim citato lib. 1. De gratiâ cap. 10. Bellarminus tantum dicit, *illud donum separari posse à gratiâ gratum faciente; quæ non est fides, sed quam constat esse charitatem*, inquit, *vel charitatis comitem individuam*. Vnde etiam rectè & infallibiliter sequitur , quod sequi Meisnerus negat: Hic Doctor miraculum diuinum edit, ergo vel hic Doctor verus est, & à Deo missus; vel verum est id cuius confirmandi gratiâ miraculum factum est, quia miraculum est velut sigillum & auctoritas Dei.

Quintò, Ridicula valdè est ratio , ob quam Brandius negat Lessij Maiorem: neque enim Lessius aut alius quispiam dicit , à miraculis pendere veritatem fidei seu probitatem; sed tantum *τὸ εἶδος* respectu nostri, vt à signis nempe & sigillis : adeoque scribit expressè Bellarminus lib. 4. De signis Ecclesiæ, cap. 14. *Ecclesiam ex miraculis demonstrari non quoad evidentiam vel certitudinem rei, sed quoad evidentiam & certitudinem credibilitatis*.

Sextò, Malè probant Meisnerus & Brandius ex Antichristi miraculis, non omnia miracula posse esse veræ fidei sigilla: quia illa Antichristi portenta demonstrarunt Bellarminus & Lessius non fore miracula, seu supra creaturæ omnis potestatem;

tem; sed vel præstigias tantum, vel naturæ viribus
possibiles insolentias.

Septimò, Mendacium est Meisneri dicentis, *de nostris item miraculis dici posse, quod dicit Augustinus de miraculis hæreticorū & paganorum, eanempe mirabilia tantum esse, & non miracula, cum inter ea pro summo habeamus sanationem cecorum & claudorum.* Nam certè & mortuorum suscitationem nullo ferè non sæculo perpetratam inter miracula recensemus: quamquam vel cæci vnius curatio tam ardua sit, ut Medicorum omnium & dæmonum potestatem excedat. Sed illud de miraculis nostris dicit ipse August. lib. 10. De ciuitate Dei cap. 16. *Illā miracula deorum gentilium, quæ commendat Historia, quæ vi ac potestate eorum fieri satis euidenter apparet, ut est quod effigies deorum Penatium, quos de Troiâ Aneas fugiens aduexit, de loco in locum migrasse referuntur: quod cotem Tarquinius nouaculâ secuit: quod Epidaurius serpens Esculapio nauiganti Romam comes adhasit: quod nauim, quâ simulacrū Matris Phrygiæ vehebatur, tantis hominum boumque conatibus immobilē redditam, una muliercula, Zonâ alligatâ, ad suā pudicitia testimonium mouit, & traxit: quod virgo Vestalis, de cuius corruptione quæstio vertebatur, aquā impleto cribro de Tiberi, neque perfluente, abstulit controuersiam.* Hac ergo atque alia eiusmodi nequaquam illis, quæ in populo Dei facta legimus, virtute & magnitudine conferenda sunt. Et rursus lib. 29. Cōtra Faust. cap. 2. *Miracula Dei magica non sunt, quia singulariter facta sunt; sed verè facta sunt, verumque ostenderunt, non oculos hominum fallacibus præstigiis illuserunt: quæ quidem Contra naturā plerumque appel-*

luntur, non quòd nature aduersentur, sed quòd natura modum, qui est nobis vsitatus, excedant.

Octauò, Mentitur Meisnerus pag. 207. cùm falsos Doctores subinde miraculorum edendorum potestate fuisse à Deo instructos, probat exemplo Balaam, & illâ auctoritate Deuteronomij cap. 13. *Si surrexerit in medio tui Prophetes, aut qui somnium vidisse se dicat, & prædixerit signum atque portentum, non audies verba Prophetæ illius.* Neque enim Balaam legitur vsquam miraculum vllum edidisse, sed prophetasse tantum; atque id quidem in confirmationem fidei nostræ. Neque etiam his Deuteronomij verbis aliud monemur, quàm cauere ab impiorum prædictionibus, prophetiis, & somniis, non à miraculis: planè ut somniasse videatur Meisnerus, & somnia donumque Prophetiæ confudisse cū dono miraculorum.

Nonò, Mentitur pag. 208. cùm scribit, *Bellarminum fateri, constare non posse, quando simile planè prodigium ab hæretico editur, & simile à Catholico, (verbi gratiâ, ablatio cacitatis) an hæreticus id fecerit, ope demonis, an Catholicus.* Verba Bellarmini (è quibus nonnulla dolo malo prætermisit Meisnerus) ista sunt lib. 4. De Ecclesiæ notis cap. 14. *Est autem obseruandum, rectè demonstrari ex miraculis Ecclesiam, & ex Ecclesiâ vicissim miracula, sed diuerso genere demonstrationis: quemadmodum rectè ex effectu demonstratur causa, & ex causâ effectus. Nam ex miraculis demonstratur Ecclesia non quoad euidentiam, vel certitudinem rei, sed quoad euidentiam & certitudinem credibilitatis. Cuius rei ratio est, quia ante approbationem Ecclesiæ, non est euident, aut certum certitudine fidei, de vllò miraculo, quòd sit*

sit verum miraculum : tamen est tale, ut euidenter faciat rem credibilem. Et quidem quòd non sit euident, patet, quia tunc fides esset euident. Quòd non sit certum certitudine fidei, patet: quia non constat eà certitudine, cui non possit subesse falsum, illam non posse esse elusionē damonis. At ex Ecclesiā demonstratur miraculum quoad certitudinem rei: quia quando Ecclesia declarat miraculum factum, esse verum miraculum, certi sumus ita esse.

Decimò, Contradicit sibi Meisnerus pag. 209. cùm fatetur, inde etiam patuisse diuinitatem in miraculis Christi, quòd ea nemo posset imitari. Pag. verò 206. scribit, pro summo miraculo à nobis haberi sanationem cecorum & claudorum; quam utramque prastitam, nihilominus profert ex Tacito à Casare Vespasiano. Nam quomodo igitur Christi miracula, curandis cæcis & claudis perpetrata, nemo potuit alius imitari? Contradicit sibi iterum pag. 231. cùm ita stolidissimè argumentatur: *Chrysostomi tempore miracula non ampliùs erant frequentia, ergo tum temporis desit gratia miraculorum.* Erat enim inferendum: Ergo tum temporis etiam durabat gratia miraculorum. Neque enim gratia miraculorum consistit in eorum frequentia aut crebrâ patratiōe, cùm gratia sit, fecisse vel vnicum miraculum. Quamquam & hoc impudens mendacium est, infrequentia fuisse miracula sæculo Chrysostomi: cùm eo ipso tempore plurima fuisse edita in Africâ apud Stephani Protomartyris Reliquias, conscripserit Augustinus; in Galliâ à S. Martino perpetrata, Sulpitius.

Responsio utriusque ad primam partem Minoris, quæ erat, Sed Catholica Religio miraculorum gloriâ fulget.

Meisnerus pag. 212. *Negativam firmiter hac ratione demonstrare possumus: Quacumque Religio falsa & Evangelio Christi è diametro opposita est, illa miraculis verè divinis fulgere nequit. Atqui Religio Papistica est falsa & Evangelio Christi è diametro opposita. Ergo, &c.*

Brandius pag. 47. *Minorem negamus, quoniam & Apostoli in Religione suâ, qui Papistis aduersarij sunt, fecerunt miracula, & Protestantes in illis sua miracula habent.*

Refutatio.

Lessius pag. 43. *Manifestum est sophisma quod vocatur Petitio principij. Sumitur enim ut certum & indubitatum, Religionem Catholicam esse falsam, & Apostolica Religioni contrariam; id quod erat probandum.*

Responsio utriusque.

Meisnerus pag. 212. *Iesuita excipit, peti in Minore principium, & inuerti ordinem. Pag. 213. Sed ipsemet inuertit ordinem, dum ex miraculis Religionem probari consulit, cùm contrà de miraculis ex Religione indicandum sit, &c. Antè enim probatum fuit, quod miracula diabolica à divinis discerni nequeant, nisi iuxta doctrinam astimentur.*

Brandius pag. 54. *Vult Lessius peti principium, cùm dicimus, Papisticam Religionem esse falsam, &c. at hoc est petere principium, ex miraculis velle doctrinæ probitatem ostendere: quod supra audimus quàm sit vanum.*

Refu -

Refutatio.

Prímò, Rectè obiectam à Lessio aduersariis esse principij petitionem, confirmo hoc Argumento: *Omnis ille committit principij petitionem, qui sumit tamquàm probatum in Argumento id quod per Argumentum erat probandum. Sed Brandius & Meisnerus sumpserunt tamquam probatum in Argumento, id quod erat probandum per Argumentum (nempe Papiſticam Religionem esse falsam.) Igitur Brandius & Meisnerus commiserunt petitionem principij.*

Huic nodo deinceps cuneus adhibendus erit Brandio & Meisnero, & respondendum pressè ac philosophicè ad singulas propositiones.

Secundò, Certum est, à Lessio non esse commissam petitionem principij: quia status quæstionis, quæ toto eius Libello probanda proponitur, est hic: *An Religio nostra Catholica & Romana sit sola vera Religio?* Hanc verò quæstionem non sumit vt probatam, sed singulis Considerationibus de nouo vt probandam confirmat; hac autem præſenti Consideratione probat per infallibilia *miraculorum signa.*

Tertiò, Si Lessius petit principium, probando Ecclesiam per miracula; igitur & Brandius & Meisnerus quoque principium petunt, probando Ecclesiam suam per Apostolorum miracula, quæ dicunt esse sua. Nam neque his miraculis æstimanda est Religio Christiana, sed miracula ex Religione, vt ipsi volunt. Non enim magis iudicari potest, sintne nostra miracula recentiora à diabolo an à Deo, quàm vetera illa Apostolorum.

Quartò, Si Lessius principium petit, igitur &

omnes sancti Patres principium petierunt, cum nemo eorum sit qui de signis Ecclesiæ tractans, eam per miracula sui etiam temporis non probarit. Nam quod sanctus Augustinus dicit alibi, *non idcò manifestari Ecclesiam, quia fiant in eâ miracula*: ex hypothese dicit, disputans contra Donatistas, qui miracula negabant. Posito enim quòd quis miracula reiiciat, non est apud eum probanda ex miraculis: neque S. Augustinus ritè probaret Ecclesiam ex miraculis apud Donatistas, qui nulla esse miracula credebant. Sed Libro contra Epistolam fundamenti cap. 4. & 5. disputans cum Manichæis, qui negabant Scripturas, dicit *Ecclesiam demonstrari ex miraculis, non autem ex Scripturis*, ut acutè obseruauit Bellarm. lib. 4. De notis Ecclesiæ cap. 14. Vnde patet, ab Augustino probationem per miracula non esse reiectam, nisi apud eos qui miracula non admittunt; apud alios verò vsurpatam.

Quintò denique, Si Lessius principium petit probando fidem per miracula, igitur & Christus, æterna Dei Sapiencia, principium petiit, miraculorum prodigijs Ecclesiam & fidem suam approbando.

Confirmatio Minoris propositionis quoad primam partem.

Ecclesiæ Catholicæ neque vana neque diabolica esse miracula, probat Lessius decem argumentis.

Primò, *Quia id est contra iudicium totius orbis & tot seculorum.*

Secundò, *Quia miracula pleraque à grauissimis Auctoribus conscripta sunt.*

Ter-

Tertiò, *Quia plurima ex ijs, publicis Magistratum testimoniis sunt confirmata.*

Quartò, *Si conficta fuissent, fraud ea fuisset hand dubiè deprehensa.*

Quintò, *Quia dicere esse conficta, est tollere omnem fidem Historiarum.*

Sextò, *Non possunt dici diabolica, quia à sanctissimis viris edita.*

Septimò, *Superant vim diaboli, non ergo diabolica esse possunt.*

Octauò, *Diabolica prodigia, utpote prestigie, plerumque parum durant.*

Nonò, *Diabolica communiter inutilia sunt, sapè etiam noxia.*

Decimò, *Si diabolica sunt, cur à diabolo non fiunt similia in alijs Religionibus?*

Responsiones Meisneri & Brandij ad singula Confirmationis argumenta.

Ad Primum nec Meisnerus nec Brandius respondent. Fatentur igitur se negare veritatem miraculorum, contra iudicium totius orbis, & tot sæculorum, quod erat primum Argumentum.

Responsio utriusque ad secundum, Miracula pleraque à grauißimis Auctõribus scripta.

Meisnerus pag. 218. Primò, *De miraculis antiquis non dubitamus. Secundò, Recentiora quedam, ut Domini, Francisci, Xaverij, non dicimus omnia esse conficta; sed vel apparenter tantum contigerunt, vel opè diaboli certè contigerunt. Tertio, Miracula ac Legenda carent Auctõribus certis.*

Brandius pag. 50. *Fueruntne tam Sancti docti, &*

auctoritate illustres, qui conscripsere Legēdas illas Papistarum, quas vocant Aurcas, & Francisci conformitates? Sed fuerint quoque docti Sancti, & auctoritate illustres; an illi ab aliis non potuere decipi?

Refutatio.

Primò, Si antiqua miracula (vt fatetur Meisnerus) vera sunt, sequitur quoque, verā esse nostram Ecclesiam, cui illa competere iam probatum est.

Secundò, Si noua miracula non quidem à Scriptoribus conficta, sed vel à damone edita sunt, vel apparenter tantum facta; sequitur, grauiissimos tot Scriptores turpissimè fuisse delusos, si id ignorarint; vel mentitos, si sciuerint.

Tertiò, Id quod Meisnerus & Brandius de Auctoribus Legendarum opponunt, arguit eos declinare vim Lessiani Argumenti, cum Lessius nec Legendam vllam, neque testem aliquem similem laudauerit. Faciamus enim ita esse, vt fabulæ nonnullæ irrepserint in Legēdas aureas; quid hoc facit contra auctoritatem Nysseni, Basilij, Athanasij, Hieronymi, Sulpitij, Gregorij Magni, Bernardi, Bonauenturæ, quos solos miraculorum suorum Scriptores Lessius nominauit? Et quasi verò non essent memoriæ cōmendata vlla recentiora miracula, nisi ab ignoto aliquo Auctore Legendarum!

Quartò, Demus quod Brandius dicit pag. 50. *ab ipsis Papistis suspecta veritatis haberi Nicephorum, Zonaram, Gregoram, Antoninum*; quid hoc contra miracula ab aliis bonæ fidei Auctoribus scripta? quid hoc contra Lessium, qui illorum Auctorum neminem citauit? An non est hoc de boue ad asinum saltare?

Respon-

*Responsio utriusque ad tertium, Miracula ple-
raque Magistratum auctoritatibus munita.*

Meisnerus pag. 219. *Statuimus igitur, quædam
verè facta, & fieri ab hominibus visa: non tamen hinc
inferendum, fuisse diuina.*

Brandius pag. 51. *Neque inuat Lessium, quod ait,
plurima ex illis, Episcoporum, Magistratum testi-
moniis publicis, & præviâ cognitione esse confirmata:
quid si enim à Mirabiliariis illis fuerunt decepti, ut
Babylonia Rex & Satrapa à Beli sacerdotibus, aut
arte diabolicâ delusi?*

Refutatio.

Primò, Stupidè admodum respondet Meisne-
rus, non rectè à Lessio colligi ex Magistratum
auctoritatibus, miracula esse diuina. Non enim id
facit Lessius; sed tantùm probat ex eo, miracula
non posse dici conficta, id quod rectè probat.

Secundò, Ridiculè ratiocinatur Brandius, Ma-
gistratus omnes posse esse deceptos, sicut fuere
delusi Babylonij à sacerdotibus Beli. Nam præter-
quam quod hoc sit omnes Magistratus pinguissi-
mæ cuiusdam hebetudinis arguere, sibi verò soli
tamquam Deo alteri omnem perspicacitatem ar-
rogare, potiùs sequitur pro re nostrâ ex Beli Hi-
storiâ, si miracula essent hypocriticæ quædam
laruæ (ut erant illæ Beli sycophantiæ) illorum
quoque fraudes aliquando, ut harum sycophan-
tiarum fucos, in apertum fuisse erupturas.

Tertiò, Calvinus Præfat. Instit. de diabolicis
miraculis tantùm dicit ea huiusmodi esse, *quæ
simpliciores & rudes possint fallere.* Quomodo ab
homi-

hominibus confictæ fabulæ tot doctissimos Episcopos, tot sagacissimos Magistratus deluserint ita diu? Quomodo qui multis annis cæci, claudi, mutili fuerant, quorumque vitium orbi toti perspectum erat, vel fingere vitium suum ita diu potuere, vel vitij veri simulatam dissimulare curationem?

Responsio Meisneri ad quartum, Quod fraus fuisset aliquando detecta.

Meisnerus pag. 218. *Primò, Maxima pars miraculorū dicitur contigisse in Monasterijs. Secundò, Veteres Legendas nemo fuit ausus vanitatis convincere, quia ante multos annos miracula facta fingeantur. Tertiò, Multa noctu accidisse referuntur, ubi spectatores erant nulli. Non igitur mirum est neminem contradixisse.*

Refutatio.

Primò, Quæcumque Lessius miracula laudavit, facta sunt extra Monasteria inter vulgus. imò plurima, inquit pag. 43. *publicè in multorum præsentia sunt gesta, &c. quæ ab omnibus cerni oculis, & manibus palpari possunt.*

Secundò, Plurima miracula conscripta sunt vel ab oculatis testibus, vel certè eo tempore, quo ab oculatis testibus mendaciorum potuissent argui Scriptores qui ea memoriæ mandarunt, si fabulas aspersissent.

Tertiò, Equè stolidi sunt tertia Meisneri responsio, atque illa Iudæorum vigilum querela, qui (quod non viderant) Christum, se dormientibus, ab aliis è sepulcro sublatum testabantur. Cedò enim, Meisnere, si nocte & sine teste contigerunt
mira-

miracula Catholicorum, quî tu testari potes, nocturna scilicet felis, ea nocte contigisse, aut non contigisse?

Quartò, Si eâ re nihil mirum est neminem contradixisse miraculis, quia pleraque referantur nocte perpetrata, ut tu ipse dicis; valdè igitur mirum est, te solum iam contradicere ob eam ipsam causam, ob quam nihil omnino mirum fuit neminem contradixisse.

Quintò, Imò sanè valdè mirum est, neminem omnino contradixisse miraculis, vel ob eam solam causam, si omnia referrètur noctu contigisse, sine teste. Quis enim credat, neminem inter homines futurum fuisse, cui hæc sola causa rem non faceret suspectam? Tam id esset mirum, quàm si solus Meisnerus in hac re Argus fuisset, ceteri omnes Polyphemi.

Responsio utriusque ad quintum, Negando miracula, tolli omnem Historiarum fidem.

Meisnerus pag. 219. *Historiarum verarum fidem non evertimus: nova autem signa Monachorum & Sanctorum Papalium magnam partem fabulosa esse, & ante nos facti sunt ingenui Papista.*

Quod postremû dicit etiam Brandius pag. 50: citans Melchiorem Canum, Bodinum, & Eipensæum Episcopum.

Refutatio.

Primò, Quamquam Lessius vetera plurima miracula protulit, tamen hoc ipsum est omnem Historiarum fidem eleuare, negare, vera esse recentiora omnia ab annis sexcentis aut quingentis, eâ
 . solum

solùm re , quia à Catholico aliquo sunt scripta.

Secundò, Non vnum Papistam Scriptorem inuenient Meisnerus aut Brandius, qui vel de vnius testis à Lessio laudati fide integritateque dubitarit. Quid igitur ad rem faciunt allata verba Ludouici Viues, Melchioris Cani, & Claudij Espensæi, reprehendentium Auctores Legendæ aureæ, & Speculi exemplorum ? an hos Auctores citauit Lessius ? an ex his miraculum vllum commemorauit ? an his solis prodita sunt miracula, quibus Catholici gloriantur?

Tertiò, Illorum ipsorum Ludouici Viues, Cani, & Espensæi auctoritas potiùs adiuuat rem nostram. Nam si hi ita fuere ingenui, vt etiam ea quæ potuissent Religioni suæ patrocinari, reiecerint, quia minùs certa & comperta: quis dubitat, quin cetera vera sint, quæ à viris tam ingenuis sunt probata?

Quartò, Bodinus à Brandio, Erasmus & Stumpfius & Sleidanus à Meisnero citati, sùntne, vt aiunt, ingenui Papistæ, an ingenui heretici? Et cur, oro, volunt apud nos vllam esse fidem illorum, cùm nullam apud se velint fidem esse Suriij, Bolfeci, Staphyli, Cochlæi? Inquit Brandius pag. 55. *Quoniam malè bonos illos viros, Calvinum & Lutherum, oderant, quis non habeat eorum testimonium suspectum?* Quasi verò sancti Patres omnes non etiam oderint hæreticos illos, quorum ipsi mendacia miracula literis commendarunt. Quis tamen eis abrogat fidem?

Quintò, Omnia illa miracula, quæ imposturæ & fraudis comperta scribit ex Erasmo, Stumpfio, & Sleidano Meisnerus, tantum abest, vt cetera
omnia

omnia Catholicorum miracula faciant ambigua, & eiusdem secum leuitatis, vt potiùs efficiant, ea videri indubitata & explorata certitudinis. Nam hoc est quod semper quærimus, cùm vel in illis tam pauculis imposturis miraculorum fictorum (si modò eorum Narratoribus fides habenda est) fraus diu latere non potuerit, quin etiam à Catholicis deprehenderetur, & à Stumphio, Erasmo, Sleidano vulgaretur; quomodo, si cetera pleraque conficta essent, in ijs nulla fraus saltem ab hæretico vlllo esset obseruata?

Sextò, Dicere id contigisse, quòd cetera miracula in Monasteriis aut noctu ferantur perpetrata, vmbra nocturnæ sunt: cùm & hæc miracula, quæ Meisnerus refert (de cancribus seu nepis accensos cereos in tenebris trahentibus; de quatuor Bernensibus Monachis, Defunctorum animas se esse sub noctem fingentibus; de Bonifacio nocturnâ fusurrone Cælestinum illudente) omnia aut in Monasteriis aut nocte sint facta, & tamen fraudis & imposturæ comperta esse fateatur. Quis credat, hæc tam pauca, & noctu, & in Monasteriis facta, potuisse fraudis comperiri; cetera omnia, tot & tanta, mero meridie, orbe spectante gesta, de fraude numquam potuisse notari?

Responsio vtriusque ad sextum, Non posse esse diabolica, quæ à viris tam sanctis & innocentibus facta sunt.

Meisnerus pag. 225. *Verum hoc est de antiquis miraculis Apostolorum, falsum verò de recentioribus signis Romanensium. Dominicus enim, Franciscus, & Xaverius, aliq̃ue similes, videbantur Sancti, sed non erant*

erant verè Sancti: non tamen dicimus omnes cum diabolo habuisse commercium, sed potius sapè miracula patrasse, ut ipsi non aliter existimarint quàm divinâ virtute perfici.

Brandius pag. 51. & 52. *Quòd Lessius vult omnia à viris sanctissimis edita, alijid negabunt, ac confirmabunt, plerosque eorum potius fuisse vanos ac supersticiosos.*

Refutatio.

Primò, Si antiquiores illi Sancti non spectant ad Papatum, sed ad Lutheranos: ecqui igitur è recentioribus erunt illi, de quibus Lutherus epist. De Anabaptismo ad duos Parochos Tom. 2. German. Wittenbergenf. fol. 229. & 230. *Ego dico, sub Papatu esse verum Christianismum, imò nucleum Christianismi, & multos pios magnosque Sanctos. Qui, inquam, erunt illi Magni sancti, si non Dominicus, Franciscus, & similes recentiores, quando antiqui nobis crepti sunt?*

Secundò, Quâ fronte Meisnerus negat, Bernardum, Dominicum, Franciscum Assisiû, fuisse verè Sanctos, postquam Lutherus ipse eos viros sanctos appellauit De captiuitate Babylonicâ c. 2. & lib. De Missâ abrog. sub finem, & Philippus in Apolog. Confess. August. Art. 5. & 27. Quis vñquam aliis orbe toto negauit, Franciscum & Dominicum viros esse verè Sanctos? Quis negabit, Xauerium nuper mortuum virum fuisse innocentissimum, si modò hanc illius comparisonem cum Luthero legat apud Bellar. lib. 4. De Ecclesiæ notis cap. 14. *Lutherus deserit monasterium, ducit uxorem post votum continentia, bellum indicit*
Papa:

Papa: Franciscus ingreditur Religiosum Ordinem, servat diligentissimè votum continentia, obligat se Papæ voto obedientia peculiari, & ab eo missus in extremas India oras proficiscitur. Certè isti contrariis itineribus incedunt, ut neceße sit alterutrum eorum aberrare à viâ. Quomodo autem potuit Deus apertius suam sententiam explicare, quàm uni tribuendo donum singulare miraculorum? Certè neque Brandius (etsi negauerit omnes Catholicorum Sanctos verè tales esse) vllum nominatim designauit, quando non poterat non etiam meminisse, Bernardum ab ipso Caluino Instit. cap. 10. & 17. vocatum fuisse pium Scriptorem.

Tertiò, Quàm illud ridiculum est, patrari à dæmone prodigia ad nutum quorumdâ, qui nesciant tamen ea à dæmone perpetrari? Quàm stolidum, à dæmone miracula patrari in gratiam Xauerij, qui à dæmonis cultu ipsis illis miraculis Ethnicos auocabat? Tam parum falis & naris sit vaferrimo illi aucupi animarum? quis credat? Cur obsecro dæmon numquam vlli hæretico aut mago se probè cognoscenti, similem aliquam operam locauit, qualem tot nescientibus Papistis? Parum certè censet Meisnerus honestè de prudentiâ illius, quo Lutherus *Magistro se vsu n esse, quocum se modum falis comedisse*, non semel est gloriatus.

Responsio vtriusque ad septimum, Quòd vera miracula superent demonis vim.

Meisnerus pag. 226. concedit: Sed tamen opera illa, inquit, sic imitari potest diabolus, ut quoad externam speciem diuinis planè similia appareant, quemadmodum constat ex miraculis magorū & hæreticorum

Brandius pag. 52. *Hoc refutatur ab ipso Sernatore & Apostolo, quando docent, Antichristum & pseudo-Apostolos magna signa in omni potentia educturos.*

Refutatio.

Primò, Diaboli præstigiæ numquam ita veris miraculis similes sunt, quin semper aliquo ex vestigio internosci possint, ut notauit S. Augustinus lib. 10. De Ciuitate cap. 16. *Quadam verò demoniorum miracula, inquit, etsi nonnullis piorum factis videantur operâ coaquari, finis ipse, quo discernuntur, incomparabiliter hæc nostra ostendit excellere.* Id quod patuit ex ipsis Ægyptiorum magorum veneficiis, qui fecerunt, ut Scriptura loquitur, incantationibus suis, ut educerent sciniphes, sed numquam potuerunt; Exod. 8. & quorum virgæ quidem versæ sunt in dracones, sed deuorauit virga Aaron virgas eorum, Exod. 7. Aliàs certè nemo prudenter credere posset etiam Christi miraculis aut Apostolorum; semper enim iustè vereretur posse subesse fucum.

Secundò, Differūt diabolica semper à veris, Materiâ, Formâ, & Fine, ut eruditè Bellarminus lib. 3. De Pontif. cap. 15. vnde nullo negotio internosci possunt. Fine, quia ad malum. Formâ, quia intra naturæ vires. Materiâ, quia per sensuum illusiones: spectatque ad prouidentiam Dei, curare ut inter vera & ficta notabile intersit discrimen, ne animæ in Religionis summo negotio implanentur. Vnde Richardus de S. Victore lib. 10. De SS. Trinit. cap. 2. audet dicere: *Domine, si error est quod credimus, à te decepti sumus: ista enim in nobis ipsi*
signis

signis & prodigiis confirmata sunt, quæ non nisi à te fieri potuerunt.

Tertiò, Si illud Pauli 2. ad Thessal. 2. *In omni virtute*, ita latè accipiendum est, vt æqualia velit Brandius esse ficta & vera miracula, in omni genere potentia; sequetur, Antichristum & diabolum æquè potentes esse ac Deum, adeoque eorum nulla signa fore mendacia; quod tamen ibidem Apostolus dicit.

Quartò, Quis vmquam tam hebes Philosophus aut Theologus fuit ac Bradius, qui putauit, demonem aliquid supra naturæ vires posse; qualia esse fatentur omnes, visum restituere, momento temporis paralyticum curare, mortuum excitare. Certè numquam dæmon aut hæreticus vllus cæcum curauit, paralyticum sanauit, aut mortuum excitauit, quæ inter Catholicorum miracula etiam vulgaria sunt. Summum hæreticorum miraculum esset, si vel claudum equum sanassent.

Responsio utriusque ad octauum & nonum, Diabolicas præstigias vulgò breues esse & noxias.

Meisnerus pag. 227. *Multa proferri possunt diabolica signa, quæ satis diu durarunt; contra verò, miracula Papistica non erant Ecclesiæ salutaria, sed perniciofa.*

Brandius pag. 52. *Quod addit Lessius, neque illud omnino liquido constat. Hoc certè constat, Curtio se denouente pestem cessasse.*

Refutatio.

Primò, Meisnerus de multis illis nec vnum quidem

dem adfert in medium: neque quisquam ignorat, perniciosum id esse mendacium de miraculis perniciosis.

Secundò, Videtur Brandius etiam iam diaboli patrociniū agere, qui negat eius præstigias vulgò breues & noxias esse. Nam & Curtio certè fuit perniciosum, Urbem peste liberaſſe; qui nempe id fecerit iacturâ vitæ & animæ suæ. Quamquam, vt hoc Brandio demus, non adedò ingens miraculum est (quod sæpenumerò magos perpetrare nouimus) labem aliquam aëris maleficio procuratam, eodem sublato auerruncare, vnde & pestilitatem de loco abire videamus. Sed læsam fractamque organi alicuius facultatem instaurare, supra dæmonis artem est.

Responsio vtriusque ad decimum, Cur si diabolica sunt, diabolus nō etiam alibi ea operatur?

Meisnerus pag. 230. Primò, Inter Gentiles proculdubio hodie crebra sunt illusiones satana, quamuis ob locorum distantiam parum nobis innotescant.

Secundò, Singulari Dei providentiâ in Romanâ Synagogâ præcipuè prodigia externa conspiciuntur. Hinc enim veri Christiani indubitato Antichristi regnum possunt agnoscere. Prædictum namque est, quod illius aduentus sit futurus in omni virtute, & signis, & prodigiis mendacibus.

Brandius pag. 53. Respondeo, aut alios habere sua miracula, aut Deum voluisse postremis temporibus ita signare hominem illum peccati filium perditionis. Papa enim est *κατ' ἐξοχήν* homo ille peccati, &c. qui in templo Dei sedet, & se extollit supra omne quod dicitur Deus.

Refu-

Refutatio.

Puerilis est vtraque vtriusque Responsio. Prima, Quia si de miraculis aliarum sectarum nihil audiatur, si item quæ ea sint, nesciatur; quomodo in iis esse miracula aliqua probat nobis vterque?

Secunda puerilis est, Quia nihil stolidius dici posse, quàm Romanum Pontificem esse Antichristum, à Bellarmino, à Lessio, ab aliis demonstratum est libris integris.

Atque ut ita esse faciamus, tamen redit quæstio, Cur, cum æquè & magis pereant per alias Religiones animæ, atque per Papisticam Antichristianam, dæmon ab illis ad hanc homines velit præstigiis portentis attrahere? Certè cum Lutherus ipse dixerit, *sub Papatu latere ipsum Christianissimum, in eoque esse plurimos pios & sanctos*; cur dæmon præstigiis homines ad tam bonam Religionem à Religione Lutheranorum abstrahat? quos Calvinus Admonitione tertiâ ad Westphalum vocat vertiginosos Cyclopes, phreneticos, bestias, prodigiosè cecos, desperatè impudentes, nihil aliud quàm falsarios, & improbos calumniatores, & qui optimam Evangelij causam debacchando se obruere posse sperant? Cur item à Religione Calvinistarum, de quâ Stanckarus ita monet: *Cave Christiane Lector, & vos maximè Ministri omnes à libris Caluini caue, & præsertim in articulo de Trinitate, Incarnatione, Mediatore, de Sacramëto Baptismatis, & Predestinatione; continent enim doctrinam impiam, & blasphemias Arrianas: ut in Calvinum spiritus Seruetti combusti secundùm Platonicos remigrasse videatur.*

*Quinta Lessij Consideratio, ex Gentium
conuersione.*

LESSIVS; Illa censenda est vera Religio Christi, ac proinde amplectenda, ad quam semper facta est Gentium cōuersio. Atqui Religio ad quam Gentes omnibus sæculis sunt conuersæ, & etiamnum hoc sæculo conuertuntur, est Religio Catholica & Romana. Nul- lum ergo dubium esse debet, quin hac sit vera Chri- sti Religio.

Maiorem probat: Quia Dominus promisit passim in Scripturis hanc Gentium ad fidem conuersionem, qua promissio debet impleri.

Minorem probat inductione factâ per omnes retrò ætates, usque ad tempus Christi.

Responsio utriusque ad Maiorem.

Meisnerus pag. 236. Absolutè & sine omni li- mitatione affirmari hoc nec potest nec debet. Nam Primò, in veteri Testamento omnibus sæculis facta fuit conuersio ad Religionem Iudaicam, quam tamen tempore Pharisaismi, & aduentus Christi in carnem, planè vitiatam & corruptam fuisse, constat ex Scri- pturis, &c. Pag. 237. Secundò, non tantum ad ve- ram fidem, sed & ad Religiones quoque alias facta fuit quorundam Gentilium conuersio.

Brandius pag. 55. Innuit Lessius, se hanc Maiorem intelligere de conuersione ad verum Dei cultum. Eam ita intellectam admitto.

Refutatio.

Primò, Quòd si omnibus sæculis Gentium conuersio facta sit ad Iudaicam Ecclesiam, hoc ipsum

ipsum pro Lessio facit: nam eam tum fuisse veram Ecclesiam, eo ipso Argumento probabit, & verè.

Secundò, Quòd ad eam Pharisaismo corruptam facta sit omnibus sæculis Gentium conuersio, vel ex eo mendacij arguitur, quòd ipse Meisnerus dicat, eam circa aduentum Christi Pharisaismo fuisse primùm vitiatam. Quomodo ergo omnibus sæculis ad eam vitiatam facta fuisset conuersio, quæ non multò ante aduentum Christi fuit vitiatæ? Si dicat, velle se dicere, quòd omnibus sæculis, ante corruptionem, Gentium conuersio ad Iudaicam sit facta: iam pro Lessio id erit, qui veræ Ecclesiæ vult eam accessionem esse factam.

Tertiò, Etiam si Pharisei concursarent *mare & aridam, vt facerent vnum Profelytum*, non legimus tamen ab iis multos Profelytos esse factos: multo minùs vllam omnino Gentem vsquam ad Pharisæicam sectam, totam fuisse conuersam, nec vllam nominat Meisnerus.

Quartò, Falsum est, ex Scripturis constare, Iudaicam Religionem Pharisaismo planè fuisse vitiatam & corruptam. Nam sic nusquam fuisset vera Religio & Ecclesia, quam Scripturæ asseuerant interire non posse. Neque enim Iudaica Religio magis Pharisaismo corrupta fuit, quàm Christiana Arrianismo, Lutheranismò, aut Calvinismo.

Quintò, Gotthi ab Arrianis inscianter peruersi, maximam partem Christiani erant, vt contra Freculphū ex Socrate, Sozomeno, & Theodoro, notauit Bellarminus lib. 4. De signis Ecclesiæ, cap. 12. quod dolo malo subtrixit Meisnerus, cum tamen id Argumentum ex Bellarmino suble-

gisset. Horum ergo ad Arrianos accessio, non fuit Gentilium conuersio, *sed Christianorum ab hæreticis peruersio*. Quare nihil facit hæc exceptio contra vniuersalem veritatem huius Maioris: *illa censenda est vera Religio, ad quam semper Gentium facta est conuersio.*

*Responsio utriusque ad Minorem, quæ erat, At-
qui Religio ad quam omnibus sæculis Gentes
sunt conuersæ, & etiamnum hoc sæculo con-
uertuntur, est Religio Catholica & Romana.*

Meisnerus pag. 240. *Primi gentiles qui citra con-
trouersiam vera Ecclesiæ sunt adiuncti, non fuere con-
uersi ad Religionem Papisticam, prout nunc est; quia
eo tempore nondum in templo sedebat Filius perditionis.*

Brandius pag. 55. *Minorem de Papisticâ Reli-
gione intellectam negabo: nam ante annum sexcente-
simum noui Testamenti (quando Papismus quidem
conceptus est, sed nondum natus fuit) ad eum nemo se
vertere potuit. Romanâ Ecclesiâ tum nondum erat
Papistica.*

Refutatio.

Primò, Id iterum est principium petere, quan-
do id agitur solum, An Romana Ecclesiâ non sit
eadem quæ vetus.

Secundò, Omnibus superioribus demon-
strationibus id vnum probatum est, modernam
Ecclesiâ cum illâ veteri in omnibus omnino
consentire, re nullâ dissentire, adeoque esse eam-
dem & hanc & illam. Et quidem commentum il-
lud de Papatu primùm post sexcentos annos à

Pho-

Phocâ instituto, ita à Bellarmino aliisq̃ue refutatum est, vt nemo deinde hæreticorum illius fidem potuerit stabilire.

Responsio vtriusque ad probationem Minoris.

Minorem probauerat Lessius, factâ inductione per decem posteriora sæcula, recensens quæ quoque sæculo Gentes ad Religionem Catholicam fuere adductæ. Nempe sæculo xiv. Saraceni, & Iudæi plurimi, à sancto Vincentio Ferrerio. Sæculo xiii. Tartari, per duos Dominicanos. Sæculo xii. Norwegi, per Nicolaum, pòst Adrianum iv. Sæculo xi. Hungari, à S. Stephano Rege. Sæculo x. Regna plurima, ab Henrico I. Adelberto, & Methodio. Sæculo ix. Wandal, Bulgari, Sclau, Poloni, Daci, Morau. Sæculo iix. Germani, à S. Bonifacio. Sæculo vii. Francones, à S. Kiliano. Sæculo vi. Angli, à Monachis Augustino & fociis.

Ad hæc Meisnerus pag. 240. *Lessius priora sex sæcula silentio inuoluit, quia demonstrare nequit vixisse tum fidem eam, qua hodie docetur in Papatu.* Pag. 241. *Quod attinet ad conuersiones Papales post sextum Ecclesiæ sæculum, fuerunt illa plerumque violentæ. Bonifacius Thuringos & Germanos terrore armorum conuertit. Sic Hispani in nouo Orbe cõgère Indos ad fidem suscipiendâ. Sic Angliam quoque ad Religionem voluit cogere Hispanus.* Pag. 243. *Præterea cum in conuersionibus Gentium sacrosancto Dei verbo utantur, ideò multorũ animi, qui audiunt, percelluntur non per ipsius fidei Romanæ, sed potiùs per sacra Scriptura vim & efficaciam.*

Brandius pag. 36. *Hoc quoque notandum est, quòd*

H 5

cum

cùm Lessius Minorem suam probare vult, non ultra annum sexcentessimum adscendit, ibi subsistit: nam post eam demum Papatus natus est. Quicumque antea conuersi sunt, aliò quàm ad Papatum sunt conuersi. Deinde, quòd dicit, Germaniam magnà ex parte per Bonifacium conuersam esse, non est verum id tum demum factum. Fuerat enim Germania iam inde ab Apostolorum temporibus ad Christi fidem conuersa: quod nominatim ex Irenao liquet, qui Germanicarum Ecclesiarum meminit; & testatur Auentinus. Addit, Angliam saculo sexcentesimo ab Augustino Gregorij Legato ad fidem Christianam conuersam. Fallit: nam & ab Eleutherij temporibus conuersa fuit, &c. En alteram bellam conuersionem!

Refutatio.

Primò, Cùm Lessius passim totâ Consultatione suâ & probet & supponat, hanc Pontificiam Ecclesiam eandem esse cum illâ veteri Apostolicâ, non potuit cerrè eâ re omisisse sex sæcula anteriora, quòd diffideret se demonstrare posse, eorum singulis ad eandem suam Ecclesiam Gentium omnium conuersionem esse factam. Eâ re solâ Lessius & Bellarminus id prætermiserunt, quòd inter ipsos Protestantes & Catholicos omnino conueniat de veræ Ecclesiæ per sex illa sæcula integritate; nemo verò, nisi omnino in Historiâ rudis, ignorare queat, quæ quo priorum illorum temporum sæculo Gentes sint conuersæ? Sed dicere, sex illis sæculis primis Gentes esse conuersas ad fidem Lutheranam & Calvinianam, quæ iam nuper prodierunt, neque vsquam antea fuerunt visæ vel audita vel notæ, plusquam insanū & furiosum est.

Se-

Secundò, Mendacia sunt Meisneri, affirmantis ex Chronico Ifennacensi, Germaniam armorum terrore à Bonifacio, Indos ab Hispanis per vim esse subactos. Neque enim verba Chronici illius adfert, neque posteriorum Historiarum Auctores ullos laudat: contrariū verò ex Actis S. Bonifacij, apud Laurentium Surium; ex Vitâ Xauerij, apud Turfellinum; ex Vitâ S. Gregorij Magni, item apud Surium, constat inter omnes.

Tertiò, Si diuini verbi vi Gentes ad Pontificiam Religionem conuertuntur, non vi ipsius Pontificiæ Religionis; cur non igitur multò magis ad Religiones Protestantium, qui se solos habere venditant verbum Dei putum & purum? Cur, oro, verbum Dei non tantam ibi vim habet, atque apud nostros?

Quartò, Grauiſſima inſcitia eſt Brandij, qui Germaniam totam facit Apoſtolorum temporibus, non autem à Bonifacio conuerſam: Angliam non ab Auguſtino, ſed à ſolo Eleutherio fidei aggregatam. Et vbi, quaſo tecum, mi Brandi, legiſti; Germaniam Apoſtolorum ſæculo vniuerſam conuerſam? De Creſcēte, Valerio, & Materno, ab Apoſtolo Petro miſſis, ſcio: ſed vbi Irenæus aut Auentinus meminerunt Germaniæ totius id temporis conuerſæ? Vbi negant à Bonifacio Chriſto conciliatam? Ignosce, iam fortalſe recordor: *Et te Germane compar*, inquit Paulus, ſcribens, niſi fallor, ad Germanum aliquem conuerſum. Hic me locus pænè præterierat.

De Angliâ à Iosepho Arimathenſi, deinde vniuerſâ ab Eleutherio per Fugatium & Damianum ſuperatâ, legere me memini apud Irenæum, Tertul-

tullianum, Origenem, aliosque; sed non debebat ignorare Brandius, eam denuò ad vomitum reuertisse temporibus Diocletiani, quod scribit Ruffin. lib. 1. cap. 11. Niceph. lib. 8. cap. 34. Genebrard. in Eleutherio, & Pamelius in Tertull. Notis, Iacobus noster Gualtierius in Chronologiâ, & Thomas Bozius lib. 4. De Ecclesiâ notis.

Argumentum Leshy à contrario.

Ad Lutheranam, Calvinisticam, Anabaptisticam, nulla est umquam facta Gentium conuersio, sed Christianorum tantum defectio: quod est perspicuum hæreseos argumentum.

Responsio Meisneri.

Pag. 245. Primò, Omnes Gentium conuersiones primis seculis ad nostram fidem sunt facta. Quod idem Brandius dicit pag. 59. etiam suprâ explosum est.

Secundò, Nostræ Religionis diuinitas & efficacia satis apparet ex repentinâ plurimorum hominum illuminatione, & ad illam conuersione, dum pauper Monachus sine armis Papam debellauit, & tot potentissimæ regna eius imperio subtraxit.

Tertiò, Prædictum est, Antichristi notam fore, Gentium & populorum seductionem.

Quartò, Licet multi infideles simul ad nostram fidem non conuertantur, attamen aliqui illuminantur successiuè, exempli gratiâ, Iudai.

Quintò, Tandem in locis Septentrionalibus, ut Grocklandiâ, & Laponiâ, & alijs quoque multis, Paganos & infideles ad nostram fidem esse conuersos, refert & probat Philippus Nicolai lib. 1. De regno Christi cap. 1.

Refu-

Refutatio.

Primò, iam suprà ostensum est, à Luthero Principes & rusticos etiam communi classico ad oppugnandum Papam fuisse sollicitatos, vt nihil sit cur Iano Clusio magnopere litent Lutherani pro pacifico suo Salomone Luthero.

Secundò, Mendacium est, Papam (qui etiamnum regnat) ab eo fuisse debellatum. Nullum Ferrerio Ioui opimum de Papâ spoliū memini à Luthero fuisse relatum.

Tertidò, Si tamen demus Meisnero, etiam Germaniam vniuersam, aliaque regna tota, à Luthero fuisse expugnata, magnum scilicet id erit argumentum Gentilium ab eo conuersorū; cū Germani ceterique (si quos infecit alios Lutherus) Christiani iam essent, quod vnum nempe Tertuliani verbis Lessius contendit, *hæreticorum negotiū esse, non Ethnicos cōuertendi, sed nostros euertendi.*

Quartò, Si Antichristi signum est potiùs, quàm Christi, populorum seductio; est igitur Lutherus Antichristus, qui ingenti miraculo sine armis, &c. Germaniam & tot regna seduxit: est Calvinus Antichristus, qui totam pænè Galliam attraxit, vt aiunt Brandius & Meisnerus.

Quintò, Qui? quo loco? quā successione Iudæi, aut Septemtrionales? quibus in Grocklandiæ & Laponiæ pagis aut oppidis? quorum Apostolorum prædicatione ad Lutheranismum sunt conuersi? Silet Meisnerus, quorum tamen omnium ratio constare debet volenti Pontificiam cum Lutheranâ fide mutare, nisi velit in credendo audire & esse leuis. Deinde cū olim Septemtrio totus Catho-

licæ

licæ Religioni fuerit adiunctus, plurimi quæ etiam-
num Catholici sint; quis faciet nobis fidem, illos
potius Paganos fuisse, quàm Catholicos, qui ad
Lutherum descuerunt?

Sextò, Quæ vmquam vllius prouinciæ, Gentis,
vrbis, aut etiam pagi Legatio ad Lutherum, vel
Caluinum, aut eorum posteros missa est, Religio-
nis aut fidei acceptandæ causâ? quemadmodum
iam tum inde à Christi temporibus ad Catholicæ
Ecclesiæ capita, Gentium prouinciarum quæ Lega-
tiones, pro verâ eius fide capeSSendâ, frequenter
missæ sunt.

Responsio Brandij.

Pag. 59. *Ad quid schismatica illa nomina, Lu-
therani & Calvinistæ? Protestantes, qui & fide, &
moribus reformationem profitentur, non sunt Luth-
erani, Calvinistæ, aut aliquid simile; sed ab vno Chri-
sto pendent, ideoque sunt verè Christiani.*

Refutatio.

Quid faciemus mollicellis illis oricillis Brandij
Willemsonij, qui non fert asperitatem durorum
scilicet nominum illorum Lutherani & Calvinistæ?

*Guillielme Brandi, mollior cuniculi capillo
Vel anseris medullulâ, vel inulâ mollicellâ.*

Nos, ô dura messorum ilia! cruda illa nomina
Papistarum, Papicolarum, aliaque id genus mil-
le concoquere millies debemus vno die, quoties
libuerit Protestantibus nos huiusmodi saxis lapi-
dare? Sed quæso quid Zirizæani dicent, si audiant
Brandium iam nolle esse deinceps Calvinistam?
Nonne à Caluino vestrâ reformationem habetis?

cur

cur in vestrum Prophetam & Apostolum, à quo tantum bonum habetis, adeò estis ingrati, vt illius nominis vos pudeat? Certè magis ingenuè Meissnerus primâ fronte Libri fidem suam appellat *Lutheranam*.

Secunda responsio Brandij.

Pag. 59. *Quid innuat Lessium, etsi ad Protestantes numquam Gentium conuersio facta est? An Evangelica doctrina sua apud Apostolos non constitit veritas, quamdiu se illi inter Iudeos tenuerunt?*

Refutatio.

Primò, Quid hoc Lessium iuuet, videat Brandius, qui suprà pag. 55. admisit maiorem propositionem hanc Lessij, vt probatam, *Illam est solâ vera Ecclesia, ad quam omnibus saculis facta est conuersio Gentium*. Vnde ad hocce Argumentum perficiendum adiunatur Lessius: *Atqui ad Protestantium Ecclesiam* (quod iam cõcedit Brandius) *nullo umquam saculo facta est vlla conuersio Gentium. Ergo Protestantium Ecclesia non est vera Ecclesia.*

Secundò, Quamdiu Ecclesia in solâ Iudcâ constitit, ante Gentium conuersionem factam, eius signum non fuit, nec fuisse potuit, conuersio Gentium iam facta, (mirum quid ita pueriliter hallucinetur Brandius) sed conuersio Gentium breui pòst futura, quæ iam facta nobis posteris signum est infallibile ex promisso Scripturarum.

Tertiò, Iudæi, inter quos id temporis Apostoli versabantur, quique Christum passim negabant, quæro, an iudicio Brandij fuerint vera Ecclesia? Aut si non fuerint, quæro, ad quam Ecclesiam

clesiam conuertebantur, cùm Iudaismum suum deserebant?

Tertia responsio Brandij.

Pag. 59. *Quòd ipsi Apostoli tot Gentes conuertunt, hoc pertinet ad Protestantes; quia eadem est horum cum illis doctrina & Ecclesia, differunt tantum tempore & locis.*

Refutatio.

Primò, Quis non videat, hìc à Brandio sumi id qupd erat probandum, Ecclesiam nempe Protestantium & doctrinam eandem esse quæ fuit & Apostolorum.

Secundò, Hoc vno etiam præcipuè nos quoque Ecclesiam & fidem Protestantium ab illâ vetere Ecclesiâ differre contendimus, tempore nimirum; quia hæc olim ante mille sexcentos annos effloruit, illa nuper è cunis & fasciis prorepsit, numquam antè nata. Sed nescio, quì fieri posse concedat Brandius, vt à vetere illâ Ecclesiâ sua hodierna tempore differat, quam suprà dixit eandem temporibus ipsis Apostolorum floruisse, tum fuisse Martyribus illustratâ, miraculis stabilitam, Gentium conuersionibus cumulatam. Nam quomodo hæc simul omnia vera sunt, si vel moderna fides ab illâ antiquâ, vel illa antiqua tempore differat ab hac modernâ?

Quarta responsio Brandij.

Pag. 59. *Neque Tertullianus Lesium inuat; cùm ille lib. De Prascript. ait, hæreticis negotium esse, non Ethnicos conuertendi, sed nostros enertendi, &c.*
nam

nam Tertullianus ibi agit aduersus hæreticos, Lessius non ita.

Refutatio.

Primò, Calvinistas hæreticos esse, dicimus non soli nos Catholici, sed Lutherani & Sacramentarij omnes, vt alibi hoc Libro demonstratum.

Secundò, Lutheranos & Anabaptistas, hæreticos vocant ipsi quoque Calvinistæ. At Lessius contra triplex hoc hominum genus scripsit. Scripsit ergo aduersus hæreticos, sicut Tertullianus.

Tertiò, Brandius principium petit, id sine probatione negando, quod Lessius in Protestantes quadrare ostendit ex signis à Tertulliano allatis.

Sexta Lessij Consideratio, ex nomine Catholica.

LESSIVS: Illa Religio censenda est vera Christi Religio, quæ semper habita & dicta fuit Catholica, iuxta illud Symboli Apostolici, Credo sanctam Ecclesiam Catholicam. Atqui sola Romana dicta est Catholica, eiusque cultores Catholici. Ergo sola Religio Romana est vera Christi Religio.

Responsio utriusque ad Maiorem.

Meisnerus pag. 247. Ex merâ nudâque appellatione non potest firmiter concludi ipsa qualitas Religionis. Quare Saluianus lib. 4. De prouidentiâ rectè scripsit: Nomen sine actû atque officio suo nihil est.

Pag. 248. Quòd si verò cum nomine coniungatur res ipsa, ut videtur coniungere Lessius in titulo huius Considerationis, tum Maiorẽ Argumenti faciliẽ cõcedemus.

Brandius pag. 60. *Ego nego Maiorem: neque enim querendum est, qualis aliqua Ecclesia habeatur vel dicatur, sed qualis sit. Opinio vel rumor rem falsam non facit esse veram.*

Refutatio.

Primò, Quæro, si ex merâ nudaque appellatione non rectè colligitur qualitas rei (quando appellatio apud omnes est constans) unde aliquis qui Meisnerum aut Brandium de vultu non nosset, & nosse tamen vellet, eos nosse posset, nisi ex communi omnium testimonio, affirmantium, Ille est qui vocatur Brandius, iste qui vocatur Meisnerus? Sanus an insanus esset, qui Germanis omnibus affirmantibus, hunc Meisnerum vocari Meisnerum; Zelandis affirmantibus, Brandium hunc vocari Brandium, responderet, se non posse tamen id certò credere ex solâ constanti illâ omnium appellatione? Anticyras cum Meisnero & Brandio mittendus esset, qui tam certo signo non crederet.

Secundò, Ex solâ nudaque appellatione, Patres omnes sæculi anterioris, Ecclesiæ incorruptæ, vetam etiam Ecclesiam internouerunt, vt ostensum alibi: nominatim Cyrillus Catechesi 18. *Si iueris in aliquam urbem, non petas ubi Ecclesia sit; vel domus Dei; nam etiam heretici dicunt se habere domum Dei, & Ecclesiam: sed petas ubi sit Catholica Ecclesia; id enim nomen proprium est huius Ecclesiæ matris omnium nostrum.* Hieron. Dialog. contra Luciferian. cap. 9. *Sicubi audieris eos, qui Christi dicuntur, non à Domino Iesu Christo, sed à quopiam alio nuncupari, utpote Marcionitas, Valentinianos, Montenses,*
scu

seu *Campitas*, scito non esse *Ecclesiam Christi*, sed *Antichristi synagogam*. Pacianus Epist. I. ad Sympron. Certè non est ab homine mutatum, quod per sacula tanta non cecidit, Catholicum istud; nec Marcionem, nec Apellem, nec Montanum sonat. Christianus mihi nomen est, Catholicus verò cognomen: illud me nuncupat, istud ostendit. Fortè ingressus populosam urbem hodie, cum Marcionitas, cum Apollinaritas, Cataphrygas, Novatianos, & ceteros huiusmodi comperissem qui sese Christianos vocarent, quo cognomine mea Congregationis plebem agnoscerem, nisi CATHOLICA diceretur? Augustin. Cōtra Epist. fundamenti cap. 4. Tenet me in Ecclesiâ postremò ipsum Catholica nomen, quod non sine causâ inter tam multas hæreses, sic ista Ecclesia sola obtinuit, ut cum omnes hæretici se Catholicos dici vellent, quarenti tamen peregrino alicui, ubi ad Catholicam conveniatur, nullus hæreticorum vel domum suam vel basilicam audeat ostendere. Chrysostomus Hom. 33. in Acta Apostol. Illi habent quosdam, a quibus appellantur: prout enim hæresiarchæ nomen, ita & secta vocatur. Nobis autem nullus vir nomen dedit, sed FIDES IPSA. Lactantius lib. 4. cap. 30. Cum enim Phryges, aut Novatores, aut Valentiniiani, aut Marcionite, aut Anthropiani, seu quilibet alij nominentur, Christiani esse desierunt, qui Christi nomine amisso, humana & externa vocabula induerunt.

Tertiò, Numquam efficient Meisnerus aut Brandius, ut bonus sit hic syllogismus: *Salvianus dixit nomen sine actu esse nihil. Ergo non potest colligi ex nomine [Catholica] vera Ecclesia.*

Quartò, Etsi levis & brevis rumor rem falsam non faciat esse veram; at saltem rumor constans fa-

cir rem verisimilem: constantissima verò omnium attestatio per mille sexcentos retrò annos, quis dubitat quin faciat rem omnino certissimam?

Quintò, Velim scire, quo alio magistro didicerint Meisnerus & Brandius, qui sint suus pater & mater, quàm quia continuâ hominum attestazione sic acceperunt?

Maiorem hanc ipsam firmissimis hisce Argumentis ita probat P. Adamus Tannerus nolter Part. 2. Demonstrat. 1. §. 1.

Primò, Quia hoc nomine Catholicæ Ecclesiam nominarunt Symbola, Apostolicum, Nicænum, & Athanasianum.

Secundò, Quia SS. Patres ferè omnes Ecclesiam hoc nomine velut signo dixerūt internoscendam.

Tertiò, Quia Scripturæ sacræ promiserunt Ecclesiæ, eam fore Catholicā, hoc est vniuersalem: ergo illa est vera Ecclesia, quam omnes omnino semper vocarunt Catholicā; cùm impossibile sit; omnes omnino homines, hæreticos præcipuè naris sagaciissimæ canes, hucusque errasse in re tantâ.

Responsio utriusque ad Minorem, Sola Romana dicta est Catholica, eiusque cultores Catholici.

Meisnerus pag. 25. *Tantum titulus & nomen merum est, absque re.*

Brandius pag. 68. *Minor nec ipsa vera est: nam antequam Papatus natus est, fuere Catholici dicti Ecclesia. Et iam quoque sunt multi Catholici non Papiſta, videlicet Catholici Protestantes. Esto tamen; an à nomine ad rem est solida consequentia? Saluianus libro 4. De prouidentia: Nomen sine actu atque officio suo nihil est.*

Refu.

Refutatio.

Primò, Vtraque Responsio est aperta petitio principij: probandum enim sumitur quasi iam probatum. Et Lutherus ianiantè citatus, apud Catholicos Papistas dixit *relictum esse ipsum nucleum Christianismi*. ergo non merus titulus sine re apud Papistas relictus est, sed putamen solum apud ipsos Protestantes est.

Secundò, Faciamus ita esse: at saltem iam legitima erit tituli illius vsucapio post præscriptionem annorum mille ferè & sexcentorum.

Tertiò, Neutra responsio ad Minorem facit: erat enim negandum, vel admittèdum, vel distinguendum illud, *Sola Romana vocatur Catholica*.

Quartò, Qui Protestantes, à quibus, vocari sint vmquam Protestantes Catholici, probandum priùs Brandio quàm sumendum esset.

Quintò, Papatum non cepisse simul cum Christo, ad nauseam refutatum est.

Argumentum Lessij à contrario.

Lessius: Econtrariò si sectas omnes consideremus, nulla ex his vmquam Catholica Religio vocata est, aut sectatores earum Catholici, ut dictum est: sed à suis Auctoribus nomina accepere. Nulla toto orbe diffusa est. Nulla ex his iam inde à temporibus Apostolorum durauit. Itaque neque ratione temporis, neque ratione locorum, neque ratione nationum, Catholica dici possunt.

Responsio utriusque.

Meisnerus pag. 25. Non pugnant hæc inuicem,

dici Catholicum, & Lutheranum. Deinde etiamſi non vocemur, ſumus tamen. Quod fides noſtra non ſit toto orbe diſfuſa, nihil hoc derogat Catholicismo noſtra fidei: duravit autem iam inde ab Apoſtolorum temporibus, etiamſi nonnumquam latuerit.

Brandius pag. 62. Quid autem Leſſius de aduerſariis? Eos Catholici nomen non gerere, ſed à ſuis Auditoribus nuncupari? Itane? Vnde ergo nomen Catholicorum Proteſtantium, ſeu Catholicorum Reſormatorum? Quòd vero à Reſormatoribus & Inſtauratoribus nuncupantur, hoc odio Papiſtarum imputandum eſt.

Refutatio.

Primò, Sancti Patres proximè citati affirmarunt, omnino pugnare Catholicum dici ſimul & Lutheranum, aut Valentinianum, &c. vt nominatim patet ex verbis Hieronymi, Laſtantij, Cyrilli.

Secundò, Etiamſi non pugnarent, falſum tamen eſt, Lutheranos & Caluinistas vocari Catholicos, aut vocatos vnuquam fuiſſe. Neque enim à Gentilibus, neque à Chriſtianis, nec in Oriente apud Græcos, nec in Occidente apud Gallos & Hiſpanos, neque in Meridie apud Italos vel Siculos, neque in Indiâ, Iapone vel Americâ; denique ſeiſpos ita communiter appellare non audent: quia ita loquentes, & non intelligerentur, & meritò riderentur, ait Adamus noſter Tannerus Parte 2. Demonſtrat. 1. & 2. Imò Meiſnerus hac ipſâ paginâ 25. fatetur Lutheranos non ſolere vocari Catholicos. *Eſſi Catholici non vocemur, ſumus tamen*, inquit.

Tertiò, Illud ipſum ergo quod à me Brandius,
ego

ego à Brandio quæro, Vnde nomen Catholicorum Protestantium, seu Catholicorum Reformatorum ad Lutheranos & Caluinistas venit? Quis? vbi? quando eos sic vñquam scripto vñlo appellauit? vbi tali titulo apud vulgus in sermone celebrantur? Quæ ipsorum Protestantium scripta, qui libri tali vñquam titulo prodierunt? extra Brandium nemo vñquam eos ita nuncupauit.

Quartò, Quàm puerile hoc est: *Etsi Catholici non vocemur, Catholicitamen sumus?* Quis pari iure iam non credat, scapham ligonem esse, etsi scapham scapham, ligonem ligonem soleamus appellare? Illud tamen hîc pro aduersarij testimonio retinebo, *Lutheranos* (ipsis etiam fatentibus) *Catholicos non vocari*, quod antè tamen dixerat Meisnerus.

Quintò, Illud deinceps in confesso apud Lutheranos erit, *Eorum Catholicismo nihil derogare, quòd eorum fides toto orbe diffusa non sit.* quia nempe eorum totus Catholicismus vel minimò aliquo orbis angulo continetur, & latuit ab Apostolorum temporibus, vsque ad aureum natalem Lutheri; cùm dicat Augustinus lib. 2. Contra Petilian. cap. 104. *Ecclesia certum signum habet, quòd abscondi non possit.*

Sextò, Mendacium est, odio quodam aduersarios à Papistis Reformatorum suorum nominibus esse appellatos.

Nam Primò Lutherus ipse Tom. 4. Operum Latinorum id ipsis Lutheranis adscribit. *Sunt, inquit, qui se Lutheranos esse gaudent. Non sic fatue, non sic; oro vt meñ nomen taceatur, & nemo Lutheranus, sed Christianus appelletur.* Eos hîc orat Lutherus qui se Lutheranos nempe appellabant.

Secundò, Meisnerus ipse ingenuè Libri sui frontem inscripsit : *De fide Lutherana capessendâ.*

Tertiò, Catalogi librorum, qui Francofurti veniunt quotannis, appellant semper Pontificiorum libros Catholicorum; suorum libros, Protestantium.

Quartò, Si Lutherus putasset Ecclesiam suam vocandam Catholicam, numquam è Symbolo abs se conuerso expunxisset *Catholicam*, substituto nomine *Christiana*, vt Adamus noster Tannerus opponit Parte 2. Demonstrat. 1. & 2.

Quintò, Inter omnes titulos Caluinistarum, quos diligentissimè conquisiuit R. P. Becanus noster, nullus extat quo se appellent Catholicos, sed perpetuò vel *Euangelicos*, vel *Reformatos*, vel *Theodidactos*, vel *Orthodoxos*, vel *Suingianos*, vel *Sacramentarios*, vel *Caluinistas*, vel *Hugonottas*, vel *Puritanos*, vel *Gensios*, vel *Picarditas*. Falsum est igitur, aduersarios à Catholicis ita primùm fuisse appellatos.

Mendacia Meisneri refutata.

Primum, pag. 249. *Vocabulum Catholici est à Doctoribus Ecclesie post Apostolorum tempora usurpari ceptum.* CATHOLICI nomen est in ipso Symbolo Apostolico, quod sancti Patres omnes asseuerant ab Apostolis traditum; quomodo ergo post Apostolorum tempora usurpari ceptum?

Secundum, ibidem: *Pacianus Epist. ad Sympron. scribit, sub Apostolis neminem fuisse vocatum Catholicum.* Nusquam hæc verba apud Pacianum. imò contrarium dicit eadem Epistolâ his verbis : *Certe non est ab hominibus mutatum, quod*
per

per secula non cecidit, Catholicum istud.

Tertium, pag. 250. *Interna (Ecclesiæ) vniuersalitas respicit Scripta Prophetica, & Apostolica: vera enim fides omnia comprehendit, &c. Et hoc sensu Catholicum idem est quod Orthodoxum. Hinc Cyrillus c. 17. Catheches. ait Ecclesiam vocari Catholicam, quia doceat Catholicè & perfectè omnia dogmata, quæcumque tenentur homines cognoscere: & hac est principalis r̃ Catholici significatio, quæ propterea ante omnia attendenda.*

Pag. 255. *Catholicismum fidei non arguit sola loci, nec sola temporis, nec sola ætatis sexúsve vniuersalitas. Imò licet hæc omnia coniunctim reperirentur in aliquâ Religione, (ut omnia reperiri videntur in Iudaicâ) attamen si desit vniuersalitas interna, tum illa non est vera Catholica Ecclesia.*

Primò, Nemo hucusque ita Catholici nomen explicauit, neque vllus, credo, qui vel Græci aliquid odoratus est, persuaderi sibi sinet, idem esse καθολικὸν καὶ ὁρθόδοξον. tantum abest, ut eam quis credat r̃ Catholici significationem principalem esse posse. Certè S. August. Tom. 10. Serm. 131. De Tempore, principalem r̃ Catholici significationem docet esse in vniuersalitate loci ac temporis sitam. & lib. 3. Contra Gaudent. cap. 1. Tom. 7. ita exposcit: *Si vestra Ecclesia est Catholica, ostendite illam per totum orbem radios suos porrigere, ostendite illam per vniuersam terram ramos suos copiâ vbertatis extendere. Hinc enim & Græco vocabulo Catholica nuncupatur: quod enim Græcè ὅλον dicitur, Latine Totum vel Vniuersum interpretatur. Per totum ergo sine Secundum totum est καθ' ὅλον, unde Catholica nominatur.*

Secundò, Si Catholica vocatur ab vniuersalitate doctrinæ; vel doctrinæ suæ particularis, vel doctrinæ Apostolicæ & Propheticæ. Si ab vniuersalitate suæ doctrinæ; iam omnes erunt Catholicæ. Si Apostolicæ; iam Lutherana non erit Catholica, quæ reiecit Epistolam Iacobi, 2. Petri, 2. & 3. Ioannis, Pauli ad Hebræos, Iudæ Apostoli, & Apocalypsin Ioannis.

Tertiò, Nullum omnino simile est verbum apud Cyrillum cap. 17. sed quædam eorum habentur cap. 18. eorum autem plurima Meisnerus dolo malo, vt vir probus est, prætermisit. Hæc sunt Cyrilli verba ex versione viri eruditissimi Ioannis Grodecij I. V. Doctoris: *Catholica igitur vocatur, quia PER VNIVERSVM TERRARVM ORBEM sit diffusa, à sinibus terra vsque ad extrema; & quia docet CATHOLICE & VNIVERSALITER, & sine ullo defectu vel differentiâ, omnia dogmata, quæ deberent venire in cognitionem; & quod omne genus hominum pie subigat, Principes & Primates. Quæ omnia ad amussim conueniunt cum interpretatione Lessianâ.*

Quartum, pag. 252. *Quando Pontificij à nostris quandoque dicuntur Catholici, tum loquimur secundum eorum opinionem, vel ὑποκρίνω.* Contrà S. Augustinus Tom. 1. De verâ Religione cap. 7. *Velint, nolintue, ipsi quoque hæretici, & schismaticorum alumni, quando non cum suis sed cū extraneis loquuntur, Catholicam nihil aliud quam Catholicam vocant.*

Mendacia Brandij refutata.

Primum, pag. 6. *Catholicum Patribus primitiua Ecclesiæ idem significauit quod Christianum: tandem acce-*

acceperunt quoque pro Christiano Orthodoxo. Quis Patres illos ita malè docuit Græcè loqui? Iam id ex Augustino refutatum. Addam Paciani verba ex Epist. primâ ad Sympron. Christianus mihi nomen est, Catholicus cognomen: illud me nuncupat, istud ostendit; hoc probor, inde significor. Distinguit ergo Pacianus Catholicum & Christianum; sicut nomen & cognomen.

Secundum, ibidem: Lessius ait Catholicum idem esse quod vniuersale latissimè patens, & ad omnia se extendens. Aliter Pacianus docet Epist. primâ ad Sympron. Paciani verba explicationi Lessianæ omnino consentiunt quoad vniuersalitatem, cum dicat Pacianus, ubique idem, esse Catholicum: illud enim & Lessius dicit, Catholicam eâ re dici Ecclesiam, quia ubique locorum una & eadem est.

De verbis verò Vincentij Lyrinensis Brandius, ut homo accuratus est, qui superfluis non oblectatur, truncauit illa quæ Catholici nomen præcipuè explicant: Ille est verus & germanus CATHOLICVS, qui, quidquid VNIVERSALITER ANTIQVITVS ECCLESIAM CATHOLICAM tenuisse cognouerit, id solum sibi tenendum credendumque decernit.

Denique illa omnia, quæ ex Vincentij verbis ineptè in Catholicos intorquet Brandius, grauius multò recidunt in caput Protestantium. Illud imprimis pag. 62. Ostendat Papatus se omnibus mandatis Dei obedire. Deinde ibidem: An non Papista, hominis cuiuspiam auctoritatem, amorem, &c. fidei preponunt, quando Papa Romano summum ius in Ecclesiam tribuunt? Nam mirum, an non magis id Calvinistæ faciant, qui sæculari Magistratui, aut Regi,

Regi, & subinde Regina, ô regio capiti! id iuris tribuant, quod Papistæ suo Papæ. Et profectò, si maximam illi se notam nobis inuisse existimant, cum vel feminam vnam subdolo astu Papam factam fuisse comminiscuntur: quanto turpior erit contumelia, *Calvinistas volentes, & prudentes, femina Ecclesiasticum ultro Magistratum detulisse.*

Septima Lessij Consideratio, ex Successione.

LESSIVS: *Illæ Religio vera Christi Religio censenda est, cuius ministri omnes ab Apostolis descendunt, suntque Apostolorum successores, vel ab eorum successoribus ordinationem & auctoritatem acceperunt. Atqui talis est Religio Catholica. Ergo, &c.*

Responsio utriusque ad Maiorem.

Meisnerus pag. 259. *Successio Apostolica duplex est: altera localis, altera doctrinalis. Hanc si Lessius in Maiore intelligit, facile consentimus, &c. Quod verò spectat successionem; localis, quam proculdubio cum alijs Papiculis primò intellectam vult Lessius, ea indubitata & infallibilis Religionis Apostolica nota censerineque potest, neque debet.*

Nam Primo communis est schismaticis & hæreticis. In veteri Testamento sederunt in cathedrâ Moysis Sacerdotes hæretici, &c. Præterea Act. 20. 22. 29. & 30. prædicitur multos successuros esse Apostolis & Apostolicis Doctoribus, qui tamen futuri sint falsi Prophetæ, & Ecclesiam seducturi; quod ipsum sequentibus temporibus fuit impletum, in Ecclesiâ Antiochenâ,

chenâ, Alexandrinâ, Constantinopolitanâ. Antichristus 2. Thessal. 2. vers. 4. succedit quoad locum, Apostolis.

Secundò, Non est perpetua. Nam in veteri Testamēto aliquoties interrupta, Iudic. 2. 2. Reg. 16. 2. Paralip. 15. 16. In nouo Testamēto veri Episcopi loco pulsī sunt tempore persecutionum. Imò ipsa Romana Ecclesia destituta fuit sapiūs Pontifice summo. Sic & alie Ecclesie particulares multa caruerunt ad tempus benè longum verâ & ordinariâ Pastorum successione.

Tertiò, Hinc sancti Patres nihil omnino tribui voluerunt nudæ personali localive successioni: non enim Religio certò est vera & Apostolica, quia in eâ datur Pastorum successio: sed contrà, successio est vera, quoniam doctrina est Apostolica. Tertullianus lib. De prescriptione, & Nazianzenus Orat. De laudibus Athanasij, Hieronymus apud Gratian. distinct. 40. Ambros. lib. 1. De Pœnit. c. 6. Ius Canon. Dist. 40. cap. Multi. & Card. Bellarm. lib. 7. De Eccles. notis cap. 8. statuit contra Lessium, non affirmatiuè, sed tantum negatiuè concludi posse ex successione Pastorum: ibi nempe non esse Ecclesiam, ubi ea non sit; non autem colligi necessariò posse, ibi Ecclesiam esse, ubi successio sit.

Brandius pag. 63. Maior non est simpliciter vera, &c. Successionem aio esse trium generum: aliam cathedra, seu persona tantum, aliam doctrine tantum, aliam utriusque simul. Iterum, aliam legitimam, aliam contrà, &c. Si igitur successio sit tantum cathedra, &c. ea Religionis probitatem non arguit. Maior de hac intellecta, est merus gannitus. Act. 2. 20. 29. Scio lupos ingressuros, &c. Galat. 1. v. 9. & 10. Qui manet in doctrinâ Christi, &c. & Nazianzenus Orat. funebri in Athanasium, Ambrosius lib. 1. De Pœnit. c. 6.

Refu-

Refutatio.

Primò, Falsum est, à Lessio & Papicolis pro Ecclesiæ notâ haberi successionem solam localem: neque id potuit ignorare Meisnerus, qui ex ipso illo capite Thomæ Stapletoni adfert eius verba, in quo ita disertè scribit Stapletonus *Controuerf. l. qu. 4. art. 2. Non propter eorumdem locorum successionem perpetuam, sed propter EIVSDEM VOCATIONIS, MISSIONIS, ET ORDINATIONIS PERPETVAM CONNEXIONEM, &c. sola vera Ecclesia Pastorum suorum successionem demonstrare potest, ut proprium & indubitatum ECCLESIAE CHARACTEREM.* Vnde apparet maligna Meisneri fraudulentia in explicandis sententiis & mente Catholicorum.

Secundò, Successio, de quâ Lessius & Catholici omnes loquuntur, cùm de notâ Ecclesiæ agunt, includit hæc tria: *Primò, Ab Apostolis esse inchoatam; Secundò, Ad nos usque continuatam; Tertiò, In doctrinâ esse non mutatam*, ut apparet ex Patrum ferè omnium testimoniis, qui ad localem successionem semper adiungunt successionem in eâdem doctrinâ: cùm veritas doctrinæ à legitimâ successionem sit indiuisa, ex promisso Christi, Matth. 28. *Ecce ego vobiscum sum omnibus diebus usque ad consummationem sæculi.* Quare contra hanc nulla faciunt exempla veteris aut noui Testamenti allata à Meisnero. Quicumque enim Pontifices aut Episcopi, etiamsi legitimè ordinati & missi, postea à veteri doctrinâ descinerunt, & de agnis facti sunt lupi, non interruperunt successionem Ecclesiæ, cùm iam fuerint extra Ecclesiam: sed ut Optatus

lib.

lib. 2. Cōtra Parmen. scribit de Victore Garbienti, primo Montensium hæreticorum Episcopo: *Hi sunt filij sine patre, tirones sine Principe; discipuli sine magistro, SEQUENTES SINE ANTECEDENTE.* Vel vt de Nouatiano Cyprianus lib. 1. Epist. 6. *Nemini succedentes, à seipsis incipiunt.* Etiam si verò nonnulli Episcopi interrupissent, non tamen eam ob rem vniuersalis totius Ecclesiæ successio fuisset interrupta.

Tertiò, Magnum est acumen Meisneri, qui putat, successionem iam toties fuisse interruptam, quoties vel depulsis, vel demortuis Pontificibus, aut Episcopis, cathedræ vacauerunt.

— *O te Meisnere, cerebri Felicem!* —

vacatio Sedis non aufert, sed differt successionem.

Quartò, Falsum est, non ideò Apostolicam esse & dici Ecclesiam, quia ab ipsis Apostolis cœpta sit eius successio: cū SS. Patres eam causam adferant: nominatim Tertull. in Præscrip. loquens de successione ab Apostolis: *Per hoc & ipsæ Apostolicæ deputabuntur, vt soboles Apostolicarum Ecclesiarum. Hoc enim modo census suos Ecclesiæ Apostolicæ deferunt.* Et si non inde, quæro igitur, vnde Apostolicæ dictæ sunt Ecclesiæ? An quia Apostolorum doctrinam sequuntur? Rectè. At, an non æquè doctrinam sequuntur Prophetarum & Euangelistarum, atque Apostolorum? Propheticæ igitur & Euangelicæ dicendæ erant potiùs quàm Apostolicæ, cū plura longè sint Prophetarum & Euangelistarum scripta, quàm Apostolorum.

Quintò, Falsum est quod dicit Meisnerus pag. 263. *Successionem doctrinæ, non doctrinam successio probat.* Nam per successionem, vt nobis notio-
torem,

tiorem Patres omnes doctrinam probant. Irenæus lib. 3. cap. 3. *Hac ordinatione & SUCCESSIONE Traditio Apostolorum ad nos peruenit: & est plenissima ostensio, unam & eandem fidem esse, quæ ab Apostolis usque nunc sit confirmata.* Et lib. 4. cap. 43. *Eis in Ecclesiâ Presbyteris obandire oportet, qui successionem habent ab Apostolis: reliquos verò, qui abstant à Principali successione, & quocumque loco colliguntur, suspectos habere vel quasi hæreticos, vel quasi schismaticos.* Augustinus Epist. 42. *Christiana societas per sedes Apostolorum, & successiones Episcoporum, per orbem PROPAGATIONE diffunditur.* Epist. fundament. cap. 4. *Tenet me in Ecclesiæ gremio ab ipsâ Sede Petri usque ad præsentem Episcopatum successio Sacerdotum.* Epiphanius hæresi 27. contra Carpocratianos: *Et nequis miretur quòd hac ita exactè recensemus, tempora nempe succedentium sibi Episcoporum; per hæc enim semper claritas ostenditur.* Tertul. in Præscrip. cap. 19. *Non ad Scripturas promouendum est, nec in his constituendum certamen, in quibus aut nulla aut incerta victoria est, aut parum certa.* Ordo rerum desiderabat, illud prius proponi quod nunc solum disputandum est, *Quibus competat fides ipsa? cuius sint Scriptura? A QUO, ET PER QUOS, ET QUANDO, & quibus sit tradita disciplina, quæ sunt Christiani?*

Sextò, Falsum est, quòd statuat Bellarm. contra Lessiũ, non posse colligi affirmatiuè, ibi esse veram Ecclesiam vbi est successio: eodè enim c. 8. Bellarminus contra Calvinum ita colligit affirmatiuè: *Si in Africâ & Egypto non est Ecclesia, quia ibi non est successio; ergo hic est Ecclesia, quia hic est successio.* Inferiùs autem id non negat, sed tantum dicit, Argumentum

mentum à successione adferri à nobis. PRÆCIPUE ad probandū, non esse Ecclesiam vbi non est successio : quod idem iisdem verbis dicit Tannerus noster Anatom. Part. 2. Demonstrat. 4. §. 4. in Solutione secundæ obiectionis.

Responsio utriusque ad Minorem.

Minor erat: *Atqui Catholica Religionis ministri omnes ab Apostolis descendunt, suntque Apostolorum successores, vel ab eorum successoribus ordinationem & auctoritatem acceperunt.*

Meisnerus pag. 266. Ita enim Thraſonice gloriatur Lesius, &c. Contrarium autem sequentibus Argumentis probatum damus.

Primò, *Quia fidem Apostolorum non tenent, Vbi enim ab Apostolis quidquam traditum fuit de Purgatorio, de Missâ, de Invocatione Sanctorum? vbi de Indulgentiis, de Imaginibus, de Operum meritis, & aliis similibus?*

Secundò, *Quia Pastorum suum accipiunt à Pontifice, cuius Primatus & Episcopatus uniuersalis, fictus est, adeoque nullus. Id quod probatum mendacii centies explosis.*

Tertio, *Quia multi Pontifices fuerunt schismatici, & manifesti hæretici. Id quod confirmat multis historiis falsis, à Bellarmino refutatis.*

Quartò, *Quia sæpè fuit interrupta Pontificum successio. Quod ostendit exemplis partim confectis, partim inualidis.*

Quintò, *Quia Episcopi Papales omnibus veri & Apostolici Episcopi requisitis destituuntur. Quod sex calumniosis ratiunculis propugnat.*

Brandius pag. 65. *Minorem negamus, quoniam*

Papista Petri fidem non habent, &c. Neque habent etiam personalem successionem. Quis enim credat, in tam sanctâ successionem locum posse habere homines tam nefarios, hæreticos, magos, feminam, eamque scortum, Simoniacos, incestuosos, Sodomitas, & id genus homines, quales multi Papa fuerunt, Historicis testibus.

Mendacia Meisneri refutata.

Primum, *Nihil uspiam ab Apostolis traditum est de Missâ, Indulgentiis, Imaginibus, Merito.* Non adscribo testimonia cōtraria, quia toti libri de singulis conscripti, nondum ab hæreticis sunt refutati.

Secundum, *Primatus Pontificis fîctus est.* Nempe, qui etiam si à sexcentis retrò annis tantum cœpisset, iam tamen tot annorum præscriptione iustè esset vindicatus.

Tertium, *Christus omnem dominatum Apostolis prohibuit, Luc. 22. Marci 9. Matth. 18.* Nulla hîc similis prohibitio, nec uspiam alibi.

Quartum, *Christus eandem potestatem omnibus ex æquo Apostolis contulit, Matth. 10. 18. 28. Marci 18. Luc. 9. Ioan. 20. 23. 2. ad Corinth. 5.* Nihil his locis simile. Petrum verò Christus constituit omnium caput (cui soli ordinariè cum eadem iurisdictione esset succedendum) Ioannis 21. *Pasce oves meas.* quæ verba soli Petro dicta esse, ad summam ei conferendam potestatem, demonstrat Bellarm. lib. 1. De summo Pōtifice c. 14.

Quintum, *Christus solus æcumenicus Pastor Ecclesia est, Ezech. 34. Ioan. 10.* Vocabulum æcumenicus nec semel in vniuersis Bibliis est. Res verò sic habet: Christus Pastor supremus est, Pontifices eius Vicarij.

Sextum, *In vniuersâ Scripturâ nihil legitur de Pontificatu Petri.* Meisnere, audi. *Tues Petrus, & super hanc petram adificabo Ecclesiam meam:* Matth. 16. & Matth. 10. *Primus Simon, qui dicitur Petrus.* Ex quo loco Patres colligunt *Primum seu Pontificatum Petri.*

Septimum, *Multos Pontifices schismaticos & hereticos, nominatim Eugenium IV. quem Basileense Concilium pronuntiauit schismaticum.* Idem Basileense Concilium, Lausanæ continuatum, illa sua acta rescidit, vt scripsit Nicolaus V. Eugenij successor, iis litteris, quæ Basileensi Concilio adiungi solent. Ceteros verò omnes Pontifices purgauit Bellarm. lib. 4. c. 14. De Pontif. quò relego Meisnerum, & Brandium qui de eorum magia fabulantur, & aliis sceleribus nefandis.

Octauum, *Interrupta fuit Pontificum series, quoties plures fuere Papa & Antipapa.* Non magis quàm quoties Sedis vacatio est. Vel enim ex pluribus vnus est legitimus Papa, vel nullus: si vnus, iam successio; si nullus, iam vacatio est.

Nonum, *Interruptio facta est, dum femina Pontificatum est adepta.* Neque factum hoc negare Papicola possunt, si modò Historicorum suorum fidem, & numerum Paparum, quibus nomen Ioannis fuit, saluare velint, ait Meisnerus pag. 272. Fabulam hanc esse mendacissimam, iudicabunt omnes etiam heretici, qui vel hæc considerabunt ex Opusculo quod Florimundus Ræmundus conscripsit de Ioannâ Papissâ.

Primò, Huius rei primum Scriptorem fuisse Marianum Scotum, qui vixit post ducentos annos (vt fateatur) quàm res hæc contigit.

Secundò, Eo tempore, quo scripsit Mariānus, iactatum fuisse in vulgus, Constantinopolitanum Patriarcham esse feminam; vt patet ex Epist. i. cap. 23. Leonis IX.

Tertiò, Leonem IV. vixisse annis duobus (teste Anastasio Bibliothecario, qui tum Romæ præfatus erat), postquam scribitur à Mariano, ei iam mortuo successisse Ioannam Papissam.

Quartò, Leoni IV. mortuo, post sex dies subrogatum Benedictum, vt scribitur ab eodem oculato teste: quod idem affirmant Anastasio ferè æquales, Lupus Ferrariensis Abbas, Nicolaus Papa, & Synodus Trullensis.

Quintò, Spatio illo toto ducentorum annorum à Leone IV. vsque ad tempora Mariani Scoti, nullum omnino vel hæreticorum vel Catholicorum de hac re verbum scripsisse. Omnes alios, post Marianum, eiusdem fabulæ narratores pugnare in narrando nomine, loco natali, successione, anno, temporis quo sederit diuturnitate. Nomen aiunt illi fuisse Ioannæ, Agneti, Gilbertæ, Isabellæ, Margareta, Tutta, Dorotheæ. Postulent nunc Meisnerus & Brandius pugillarem, & scribant, an vocabitur Ioanna? Locum natalem aiunt illi fuisse Germaniam, Angliam. Successione faciunt illā Ioannem VII. Ioannem VIII. Ioannem IX. Anno eam cœpisse sedere volunt octingentesimo quinquagesimo tertio, quarto, septimo, octauo, nongentesimo quarto: tempore anni vnus, mensis vnus & dierum quatuor: annis duobus, mēsis duobus, diebus quatuor: annis duobus & medio: annis duobus tantum: quatuor mensibus tantum.

Quàm lepida lexes, composta vt iessera omnes!

Quæ

Quæ vel Milesia fabula fabulosior, atque hæc de Ioannâ Papissâ? Mirum, hæreticos semper ob-
iicere & ingerere, quæ luce meridianâ clariùs
refutata sunt.

Decimum, *Illegitimè eliguntur Papales Episcopi
sine consensu populi, iuxta Cyprianum.* A Meisne-
ro autem nec citatur locus Cypriani, nec ullus
talis est.

Vndecimum, *Claues toti Ecclesiæ sunt data, Mat-
thæi 16. vers. 17.* Quis credat toti Ecclesiæ claves
dari his verbis, (quæ sunt verba loci citati) *Si non
audierit eos, dic Ecclesiæ?*

Duodecimum, *Impiè viuunt, dum legitimum
matrimonium contemnunt, calibatam vouent.* Iam
suprà Proletariis istis Episcopis fibula est ad-
mota, & infrà Lib. 3. denuò de cælibatu quæstio
instituetur.

Octaua Lessij Consideratio, ex consensu veterum Doctorem.

LESSIVS: *Illâ Religio est Christo imputanda,
& ceteris omnibus præferenda, in quâ est summa
Doctorem omnis ætatis & regionis circa fidei capita
consensio; in quâ controuersiarum omnium facilis ter-
minatio; à quâ si recesseris, nihil certi habeas quò te
conferas. Atqui talis est sola Religio Catholica. Ergo
hac sola est vera Christi Religio.*

*Responsio Meisneri ad Maiorem, de
consensu Doctorem.*

Meisnerus pag. 287. *Lubenter concedimus, ve-*

ram Religionem esse unam: non tamen contrà, ubi est Unitas & consensus, statim est vera & Apostolica Religio. Pag. 287. Eò quòd quilibet error etiam in se sit vnus, prouide consensus Doctorum nudè sumptus, non perhibere potest certum veritati testimonium.

Refutatio.

Primò, Est stolidissima ratio illa Meisneri, *quia quilibet error in se est vnus, ideò non posse colligi veritatem Ecclesiæ ex unitate consensionis Doctorum omnium in capita fidei.* Tale enim erit illud Meisneri Argumentum, si ritè disponatur: Vnitas consensionis in errorem aliquem inuenitur in quolibet congregatione circa idem caput errante; ergo vnitas consensionis in omnia veræ fidei capita, non est signum distinctiuum veræ Ecclesiæ. Consequentia probatur, Quia distingui non possunt, consensus in vnum aliquem errorem, & consensus in omnia capita fidei; consensus aliquot hominum, à consensu omnium Doctorum; consensus brevis temporis, à consensu omnium ætatum. Nam in quem vnum errorem hæc omnia simul aliquando conuenerunt?

Secundò, Si verum est, quòd quilibet error in se sit vnus, quomodo verè dicit postea Meisnerus, responsione ad Minorem, *Catholicos in suo errore esse tam discordes & varios, vt neget inter eos esse unitatem consensionis in doctrinâ.* Quomodo Lutheranismus & Calvinismus (qui nobis Catholicis aliisque omnibus, sunt singuli hæreseon errores) singuli in tot tamque diuersas sectas sunt dissecti? Quid denique erunt schismata, si quilibet error in se est vnus? Quomodo veritas unitate

tate, error multiplicitate distinguetur, ex veteri illo scito, *Una veritas, error multiplex?*

Responsio utriusque ad Minorem.

Minor erat: *Atqui in solâ Religione Catholicâ summa est Doctorum omnis atatis & regionis circa fidei capita consensus, & facilis controuersiarum terminatio.*

Meisnerus pag. 298. *In regno Papali externa circa Religionem cōsensus reperitur: qua si pensculatiùs examinetur, longissimè à verâ & Christianâ consensione abesse deprehenditur.* Hoc ut probet Meisnerus,

Primò adfert septem titulos consensionis Catholicæ ex Flaccio; nempe quòd sit *Satanica, Politica, Pecunia, &c.*

Secundò, Pag. 306. adfert quinque diuersas species Theologiæ Papisticæ, nempe *Lombardicam, Thomisticam, Monasticam, Interimisticam, Jesuiticam*: quas omnes ait *secum summis præcipuisque in rebus dissentire.*

Tertiò adfert pag. 309. exempla aliquot dissensionum inter Catholicos in *questionibus quibusdam specialibus*, ut ait, & *minoris momenti.*

Brandius pag. 74. & sequentibus adfert Patrum testimonia, quæ aduersari ait præcipuis ferè capitibus fidei Catholicæ modernæ.

Refutatio.

Primò, Quod attinet ad Matthiæ Flaccij titulos, & reliquas calumnias, ex omnes pridem refutatae sunt à viris doctissimis, Bellarmino, Canisio, & alijs.

Secundò, Quod attinet ad dissensionem Ca-

tholicorum Doctorum in specialibus quæstionibus; quoniam hæ non sunt fidei capita, nihil ea dissensio interpellat consensum, quem pro Ecclesiæ notâ Lessius vindicauit. Vide Adamum Contz cap. 16. De falsâ Germ. pace.

Tertio, Vt Meisnerum faciamus nouum quintuplicis illius Theologiæ nomenclatorem, nulla tamen est earum quæ in aliquo fidei capite ab alterâ dissentit. Omnes enim hæ Theologiæ (quas libuit Protestantibus ita variè appellare pro variâ vertigine suâ) admittunt *Liberum arbitrium*, *Opera bona*, *Meritum*, *Missam pro viuis & defunctis*, *Vota monastica*, *Ieiunia*, *Festos dies*, *Inuocationem Sanctorum*, &c. Vnde neque Meisnerus ipse vel vnum verbum produxit ex aliquâ harum Theologiarum, quo videantur inter se de hisce capitibus dissentire; sed quæcumque adfert, sunt adiaphoræ disputationes, in quibus liberum est pro vnâ alterâve parte opinari sine dissensione in fide. Deinde, singuli harumce partium milites arma Pontifici summo, vel ad eius nutum, submittere sunt parati; neque vlla harumce partium alteram hæreseos damnat, vt faciunt singulæ Protestantium sectæ.

Mendacia Meisneri refutata.

Pag. 307. Lombardus lib. 4. Distinct. 4. reiicit opus operatum in sumptione Sacramentorum. Falsissimum id est; quia ibidem Lombardus dicit, *parulis conferri gratiam per Baptismum*. Atqui id in Lombardi sententiâ non potest fieri ex opere operantis, cum nec pueri, eo auctore, fidem habeant aut meritum ante Baptismum: igitur ex opere
ope-

operato, hoc est, vi Sacramenti operantis per modum entis naturalis, absque cooperatione ullâ meritoriâ suscipientis. Sed Meisnerus (vt initio Præfationis suæ fatetur Theologum se esse parum exercitatum) non sciuit, credo, quid esset *opus operatum*.

Ibidem. *Ponit Communionem sub utrâque specie, Distinct. II. lib. 4.* Vult dicere Meisnerus de Communione laicorum, aliàs nihil diceret. At Lombardus ibi loquitur de solo Sacerdote celebrante & communicante.

Ibidem. *Indulgentiarum planè non meminit.* Meminit clarissimè lib. 4. Distinct. 26. *Indulgentia*, inquit, *diuersis modis accipitur, pro concessione, pro REMISSIONE, pro permissione.*

Pag. 309. *Jesuita communicationem idiomatum tollunt.* Hoc verum est, si de Lutheranâ communicatione idiomatum sit sermo; iuxta quam Diuinitas est mortua, & Christi corpus est vbique, sicut Diuinitas; non autem tollunt eam, quam Scriptura sacra & omnes sancti Patres statuunt: nam quotquot hætenus scripserunt Iesuitæ in Tertiam partem D. Thomæ, vbi de communicatione idiomatum agitur, quæst. 16. omnes, nullo excepto, communicationem asseruerunt.

Responsio utriusque ad Confirmationem Minoris.

Confirmatio Lessij erat huiusmodi: Si denuò post Apostolos contra doctrinam Apostolicam esset in Ecclesiam introductum nouum aliquod dogma, ostendi posset, quo sæculo, quâ ætate id factum esset; quo loco,

& auctore, quinam se huic dogmati opposuerūt? Nul-
lum enim dogma sine magnâ commotione & contradi-
ctione introduci potest: sic enim de singulis haresibus
ostendere possumus, quo tempore & loco, & quo au-
ctore introducta primum sint, quinam se illis oppo-
suerint. Quod si de singulis haresibus id ostendi potest,
quanto magis id ostendi posset de maximis Religionis
capitibus, si aliqua innotatio in ijs esset facta? Perspi-
cuum igitur est, Religionem Catholicam nostram non
solum ministrorum successione, sed etiam doctrinæ
consanguinitate, ut loquitur Tertullianus, cum anti-
quâ & Apostolicâ congruere & continuari.

Meisnerus pag. 316. *Ad demonstrandam muta-
tionem, non requiritur singularum circumstantiarum
accurata notitia. Satis est, si modo demonstretur, fuisse
aliam olim Apostolorum Patrumque, aliam modernam
& Romanensium doctrinam. Primò, Id docet parabola
Christi, Matth. 13. ubi legitur, colonos inuenisse Ziza-
nia, qua unde aduenerint, & quo tempore, ipsi ignora-
bant: Dominus autem respondebat, quod inimicus id
fecerit hominibus dormientibus. Secundò, Exemplum
doctrinæ Iudaicæ, qua tempore aduentus Christi mul-
tis modis fuit corrupta, neque tamen ostendi potest vel
auctor vel tempus. Tertiò, Exemplum Ecclesiæ Con-
stantinopolitanæ. Quartò, Exemplum Ecclesiæ Papi-
sticæ: multas enim corruptelas doctrinæ in eam inuectas
esse, confessus est Adrianus VI. & Cardinales Pau-
li III. Dicant autem tempus, & nomen auctorem.
Quintò, Exemplum politicarum mutationum. Sextò,
Similia. Meretrix nominatur, quæcumque extra legi-
timum matrimonium concepit & peperit, licet ignore-
tur, quando, ubi, à quo oppressa fuerit. Si quis in fo-
neam inciderit, nam negabis eum in foveam esse, donec
intel-*

intelligas, à quo & quando in foveam fuerit coniectus? Distinguendum enim est inter mutationem lentam & subitanam. Quando Religio variatur subito, tunc circumstantia loci temporisque notari plerumque possunt. Quando pedetentim, ipsique Episcopi dormiunt, tum puritatis antiqua fieri inclinationem homines haud ita observant.

Pag. 320. Quare impudens est postulatum Iesuiticum, quando urgent, ut ostendamus, quo seculo, quâ etate, quo loco & auctore novum dogma introductum sit.

Brandius pag. 73. An igitur ob nostram ignorantiam rei alicuius veritas periclitaretur? Attamen unde singula Papiſtarum commenta originem traxerint, facile est probare. A Gnosticis, imagines: à Saturnianis & Marcionitis, calibaturn & ciborum delectum: à Montanistis, traditiones humanas & Crucium signa: à Collyridianis, Sanctorum invocatione: ab Anthropomorphitis, Deum corporatum ut ipsi pingunt: à Pelagianis, arbitrii libertatem, & opera meritoria.

Refutatio Meisneri.

Primò, In omni iudicio, etiam Politico, ad reum aliquem falsi convincendum, necessaria est clara probatio loci, temporis, testium, & ipsius falsi, aliarumque circumstantiarum. Nam velim discere ex Meisnero, ubi aliquod huiusmodi tribunal sit, in quo sine circumstantiâ loci, temporis, aut testium res probata iudicetur? Suaderem creditoribus Meisneri, in Areopagitico illo puteali creditum abiurarent, & se representasse dicerent: credi enim illis deberet, etiam si nec soluti nominis diem, nec locum, nec apocham adferrent.

Secundò, Exemplum parabolæ de zizaniis ab
ini-

inimico (cùm dormirent homines) feminatis, facit pro æquissimâ postulatione Lessij, vt non nisi à dormiente Meisnero videatur esse contra eam allata. Quæ enim clariores circumstantiæ exprimi potuissent, quàm hæ duæ, temporis & personæ? *Inimicus homo hoc fecit cùm dormirent homines.* Constitit ergo, à quo & quando zizania fuerint superfeminata; sicut constat de Troiâ captâ, etsi dormientibus omnibus

Inuadunt urbem somno vinoque sepultam.

Quid? quòd feminata quidem clanculùm, sed non item clâm nata, eodem loco zizania exprimantur? imò statim inter viles fruges dicuntur obseruata? *Cùm autem crenisset herba*, diu nempe ante messem. Imò nominantur ij quoque, qui se zizaniis opposuerunt: *Accedentes autem serui patrisfamilias, dixerunt: Vis inuis, & colligimus ea?* Quæ quatuor, si vmquam in Ecclesiâ Catholicâ, circa vlla doctrinæ zizania feminata aut natâ adnotare possit Meisnerus, dabimus herbam. Sed si adeo Meisnero, ne ampliùs Parabolis tam infelicitè vtatur: periculosam rem esse prònuntiauit Salomon, Proverb. 26. *Quomodo si spina nascatur in manu temulenti*, SIC PARABOLA IN ORE STULTORVM. Parabolâ hac ingeniosissimè vsus est P. Becanus noster c. 15. Disput. De auctore peccati, aduersus Calvinistas, ex eâque probauit firmissimè, Calvinistarum Deum esse diabolû, hoc modo: *Quicumque seminauit Zizania, est diabolus, teste Christo. Sed Deus Calvinistarû seminauit Zizania. Ergo est diabolus.* Minor probatur, *Quia seminare Zizania nihil aliud est, teste Christo, quàm homines reprobos miscere cum iustis seu predestinatis in hoc*

hoc mundo. Hoc autem facit Deus Calvinistarum duplici modo: Primo, Quia aeterno suo decreto efficaciter voluit, & ordinavit, ut inter paucos predestinatos permixti essent multi reprobi. Secundo, Quia hoc decretum ipse exsequitur impellendo, incitando, operando, ut homines excitentur, peccent, obdurentur. Ergo, &c.

Tertio, Falsum est, doctrinam Iudaicam id temporis olim fuisse corruptam, ut ostensum alibi. Tamen qui se à Iudaismo olim in schismata absciderunt, nominantur ab iis omnibus passim, qui de Hebræorum rebus scripserunt, adnotatis auctore, tempore, aduersariis, ut constat ex Iosepho, Philone, Sigonio, aliisque: quemadmodum dicit Lessius circa omnes hæreses nascentes factum.

Quarto, Tempus, quo Constantinopolitana Ecclesia schismatica facta est, notatur à Baronio Cardinale anno 858. auctor schismatis, Photius eunuchus Patriarcha. Opposuerunt se eius schismati, Nicolaus Papa, & Leo Imperator VI.

Quinto, Mendacium est, in Catholicâ nostram Ecclesiam vllam doctrinæ corruptelam irrepsisse vlllo tempore; adeoque, id sic dicere, vbi probandum erat, est principium petere. Neque Meisnerus testem vllum laudat, qui id dixisse Adrianum Papam aut Cardinales scribat. Ut demus tamen hoc Meisnero, errores nempe in Catholicam doctrinam irrepsisse, mirum quâ fronte hîc dicat, eorum auctores aut tempus nominari non posse, quando ipse hac ipsâ Consideratione quintuplicis nostræ Theologiæ, Lombardicæ, Thomisticæ, Monasticæ, Interimisticæ, & Iesuiticæ auctores singulos, & successionis ordinem narrat.

Imò

Imò Brandius pag. 74. ait : *Qui id nescit, quis se dogmatibus illis novis (Catholicæ Ecclesiæ) opposuerit, is nihil scit.* Meisnerus verò ipse pag. 307. scribit, *Lombardū à Sententiariis sapè refutatū, hac adscriptâ formulâ, Hic Magister nō tenetur.* Pag. 304. *Iesuiticam Theologiam prioribus in multis contraxisse.* Pag. 310. *pugnasse inter se circa dogma dubitationis, Sotum & Catharinum; circa Communionem sub utrâque specie, Staphylum, Concil. Constantiense, & Ius Canonicum; circa dogma de Pontificis potestate, Canonistas & Iesuitas; de peccato originali, Durandum, Okanum, & Pighium; de gratia efficaciâ, Becanum & Bellarminum.*

Quæ si ita sunt, & tam in generalibus quàm particularibus dissidiis Catholicorum nominari possunt auctores, & tempora, & aduersarij qui se opposuerunt (vt ab ipso Meisnero censeantur) quomodo mutationem hanc Papisticæ Religionis, pro exemplo clanculariæ corruptelæ Meisnerus adducit, velut incerto auctore, incerto tēpore, nullis contradicentibus in Ecclesiam introductæ?

Quamuis, vt hîc obiter addam, Catholicorum dissensiones non sunt circa dogmata ab Ecclesiâ definita, sed circa adiaphora, ad modum explicandi pertinentia: & omnes parati sunt in omnibus stare iudicio Ecclesiæ. Quod si facerent Lutherani & Calvinistæ, non essent hæretici.

Sextò, Affirmasse alicuius Reipublicæ indeprehensam mutationem, sine exemplo, aut sine teste, non sufficit. Id enim quæritur, quæ Respub. vbi, quando tota mutata sit, nullo obseruante, nullo id testante, nullo repugnante? Scimus quo anno apud Romanos Regia potestas mutata est in Consularem,

rem, quando Consulatus in Dictaturam, quando in Decemviratū, quando in Imperatoriam dignitatem. Easdem mutationes nouimus in Graciā aliisque Rebus publicis factas, quo tempore, quibus auctoribus, &c. Quæ ergo Respub. tota ita clam mutata est, nullo obseruante? Ciconiarum, opinor, quæ aduenisse quidem & auolasse videntur, quâ verò horâ, quâ nocte, nescitur.

Septimò, Quod è lupanari adfert Meisnerus, pro insigni castimoniâ suâ, satis nempe esse probatam meretricem, quæ edito extra coniugium fetu mulierem se probauit, etiamsi neque de oppressore neque de tempore constet in vulgus; mirè ad rem appositum est. Siquidem Catholica nostra Ecclesia allegorico hoc sensu erit meretrix, falsus Doctor erit oppressor, fetus erit falsum dogma. Iam rogat Meisnerus, an si constet meretricem peperisse extra matrimonium, non credemus esse meretricem, nisi antè noscamus oppressorem & tempus? Si vento conciperent hæ lux, Meisnere, vt equæ alibi, non foret inepta quæstio. Sed Ecclesia nostra Christo sponso est nupta, & fatemur peperisse, sed genuinum fetum probi dogmatis. Si de oppressore & tempore nihil habes, quomodo meretricem potiùs probabis quàm coniugem? Itâne tu crederes, vxorculam tuam Veneris partes egisse, si quis diceret cum eâ iacuisse aliquem Martem, nullo tempore, nullo loco, nullo Marte, nullo teste nominato? Quid si & sine te vxorem factam esse quis diceret, an non virum te probare deberes? Quot tu curruca cuculi pullos haberes!

Octauò, In foueam igitur si quem incidisse videro, in foueâ eum iacere credam oculis meis: non credam

credam tamen, si se præcipitem datum ab alio clamer, nisi videro, donec tempus, auctorem, occasionem mihi probet. Cur enim credam potius, deiectum ab alio, quàm imprudentiâ lapsum? Cecidit, prò dolor! Meisnerus in foueam quam fecit; adeoque id mihi credere debet sine teste, sine circumstantiâ temporis aut loci.

Nonò, Volo ex te scire, Meisnere, qui Episcopi, quando ita dormierint, vt mutatio hæc tanta facta sit nemine aduertente? Et tu, vigilasti ne tum inter anseres Capitolinos pernox excubitor, cum canes illi omnes stertebant? Sed Deus, dormientibus Episcopis, Meisnere, etiàmne dormiebat alibi in tabernâ cum Deo Baal? & tu solus tum excubabas, quando inuadebant Ecclesiam

— *somno vinoque sepultam?*

Dignus profectò es, cui ex publico ærario, cum anseribus, diurnum pabulum apud Prætorem decernatur: digni sunt Episcopi illi omnes, quibus crura cum Capitolinis canibus suffringantur.

Decimò, Quod ex Hippocratis aut Galeni scholâ deniq; adfers de morbo sensim nascente, cuius neque causâ neque origo sciri potest, cum certò tamen postea de aperto morbo sciatur, inuius Graetiis adfers contra illius monitum:

Diluis helleborum, certo compescere puncto

Nescius examen: vetat hoc natura medendi.

Quæro enim, an quando morbus se iam prodit (licet occultâ ex causâ & origine natus) non prodatur se, conscio ipso agrotante? An non æger etiam è somno suscitetur, si febris est vehementior, si dolor morbi acerbior? An non statim aduocentur Medici, qui morbo se opponant? An non magna fami-

familiæ fiat perturbatio, si morbus est magnus & inusitatus? Ostende igitur similiter, Meisnere, hæc facta in Ecclesiâ, si noui & inusitati alicuius dogmatis morbus eam aliquando occupauit? Si facta non sunt, fortè fuerit cœpta aliqua morbi tentatio, sed morbum non processisse fatendum est. En quanto tu melius, Meisnere, Harpocratem quàm Hippocratem consulisses.

Refutatio Brandij.

Primò, Falsum esse, *singulorum illorum capitum originem inter Catholicos primùm ab hæreticis manasse*, satis opinor demonstrarunt Bellarminus & alij, qui horum omnium vsum, viguisse priùs in Ecclesiâ ostenderunt, quàm vlla earum omnium hæreseon esset nata; adeoque longè alia à Catholicis, imò semper ferè contraria, docuisse hæreticos.

Secundò, Contrà de Lutheranorum & Calvinistarum hisce ipsis dogmatis contrariis, ostendi potest, eorum singula ab hæreticis esse accepta: verbi gratiâ, *Imaginum colendarum contemptum*, à Xenaia Persâ, apud Niceph. lib. 16. cap. 27. *Calibatus & ieiuniorum abolitionem*, à Iouiniano: vt ex Hieronymo constat: *Sanctorum innuocandorum detestationem*, à Vigilantio, apud Hieronymum Contra Vigilant. *Liberi arbitrij seruilem mancipatum*, à Manichæis, teste Hieronymo Præfat. contra Pelag. *Meritorum & bonorum operum abiectionem*, ab Eunomianis, teste August. lib. De hæres. cap. 54. Id quod de singulis ferè Protestantium dogmatibus eodem modo ostendi potest, estque robustissimum argumentum, quo probare possint, se non nuper natos, (quod toties, prò dolor! eis iniuriosè

obiicitur) sed originem ab antiquissimis hæreticis ducere, qui Apostolorum & Patrum primorum fuere æquales; quemadmodum ex viginti hæresibus, iam tum primorum sex sæculorum interuallo damnatis (quas hoc iterum tempore docent Protestantes) demonstratum est à Cardinale Belarm. lib. De Eccles. notis, cap. De consensu doctrinæ. Insignem verò centunculum (ex omni ferè hæresi sicut ex frustillis conflatum) quo se Horatianæ illæ Nouatorum nostrorum corniculæ inuoluunt, spectandum proposuit facietis hisce versibus Ronfardi, Florimundus Ræmundus lib. 1. De origine hæres. cap. 16.

*Ac veluti pauper Corydon, valdè obsitus annis
Pannisq³, ad ripam fluvij, aut post mœnia, fœdè
Sive cloacina quocumque in fornice, mille
Colligit articulos, frustillaque stercore plena;
Asportâtque domum, disponitque ordine, deinde
Eluta, defricta & depexa reconfuit, & sic
Centonem mirâ tandem consarcinat arte:
Sic simili sunt cusa Lutheri dogmata Marte.*



HERMANNI HVGONIS
E SOCIETATE IESV
D E
V E R A F I D E
C A P E S S E N D A
L I B E R T E R T I V S :

*Quo asseritur nona R. P. LEONARDI
LESSII Consideratio, & XII. Notæ,
sive Rationes, ob quas suspectæ haberi
debent Lutherana, Calviniana & Ana-
baptistica Religiones.*



PRIORE Libro demonstratum
est, octo certissimis Lessianis indi-
ciis veram Ecclesiam infallibili-
ter apprehendi posse, eorumque
nullum quadrare in Ecclesias Lu-
theranam, Calvinisticam, aut
Anabaptistarum.

Superest illud cum Lessio ostendamus, quibus
ex signis Lutherana, Calvinistica, Anabaptistica
Religiones meritò debeant haberi suspectæ.

Lessius id genus signa attulit omnino duodecim.
Primum est, Nouitas. Secundum, Defectus suc-

cessionis. Tertium, Defectus missionis. Quartum, Defectus miraculorum. Quintum, Vita & morum conditio. Sextum, Errores & inconstantia doctrinæ. Septimum, Dolus malus & fraudes. Octauum, Euersio bonorum operum. Nonum, Licentia vitæ. Decimum, Antiquarum hæreseon renouatio. Vndecimum, Defectus regulæ credendi. Duodecimum, Absurdum.

Aduersus hæc digladiantur Meisnerus & Brandius, quorum responsa Lessianis semper Argumentis subiungam. Quia verò in singulis Considerationibus, Libro secundo vindicatis, Lessius obiter quoque de his hæreseon notis fecerat mentionem, Argumenta, ibi consultò à me omissa, hic primùm cum aduersariorum responsis meâquo refutatione adnectam, quòd ita clarior multò disputatio sit euasura.

Prima Lessij Ratio, ex Nouitate.

LESSII ratiocinatio vniuersa includitur hoc syllogismo:

Nulla Religio noua potest esse Religio Christi. Lutheri & Caluini & Mennonis Religio est noua. Ergo Lutheri, Caluini, Mennonis Religio non potest esse religio Christi.

Maiorem probat: *Quia Religio Christi est quasi forma & anima Ecclesia Christi. Ecclesia autem, seu Regnum Christi, res antiqua est & inexterminalis, aduersus quam porta inferorum non praualebunt. Ergo & Religio est res antiqua, per quam vt per animam Ecclesia Christi subsistit.*

Prima

Prima responsio Meisneri ad Maiorem.

Pag. 360. *Novitas duplex est, altera vera, altera apparens. Quæ Religio nova & ultimis primùm saculis inuenta est, illa utique falsa censeri debet, &c. Quòd si Religio aliqua tantùm sit renouata, & ab erroribus pristinis repurgata, atque sic duntaxat apparenter noua, falsitatis ista accusari non debet.*

Refutatio.

Primò, *Æquè insignis hebetudo est, hanc Lessij propositionem, Nulla noua Religio potest esse Religio Christi, distinguere per nouitatem apparentem & veram, ac si quis ad hanc propositionem, Nullus homo est equus, responderet distinguendo inter hominem apparentem & verum.*

Secundò, *Supponere quòd vera Religio obnoxia esse possit erroribus, quibus opus habeat perpurgari, est veræ Ecclesiæ subtrahere columnam & firmamentum veritatis, contra Apostolum 1. ad Timoth. 3.*

Secunda responsio Meisneri.

Pag. 363. *Speciosum quidem antiquitatis nomen est; quòd si tamen nuda tantùm temporis antiquitas intelligatur, sine conuenientiâ cum antiquis scriptis Prophetis & Apostolicis; tum multis sectis, ut Paganismo, Iudaismo, ac Mahumetismo competit; ideoque non certa veritatis tessera, sed ficulneum falsitatis, mæzoma meritis censetur, &c. Inferiùs: Quare nouitatis obiectio neminem in fide turbare debet, &c. Frustraneum est, nudam antiquitatem crepare, & perpetuas nouitates obliuiscere. Missum fiat hoc peregrinum ex-*

ternumque Argumentum, &c. Ridiculum enim, imò iniquum est, velle nouitates obuiere, & nihilominus Scripturarum certamen subterfugere.

Brandius maiorem Lessij propositionem admittit.

Refutatio.

Primò, Lessij Maior erat hæc negatiua: *Nulla Religio noua potest esse Religio Christi.*

Meisnerus dolo malo ad hanc negatiuam respondet, quasi fuisset talis affirmatiua: *Omnis Religio, qua antiqua est, est Religio Christi.* Nam quid alioqui ad rem facit obiecta antiquitas Paganiſmi, Iudaismi, aut Mahumetismi? Sint hæc antiquissima; tamen verum nihilominus est, *nullam Religionem verè nouam posse esse Religionem Christi,* quæ Lessij erat Maior. Inepit ergo pueriliter Meisnerus, neque quidquam adfert contra Lessij propositionem.

Secundò, Non video quo vel pelliceo perizomate Meisnerus tot suas antilogias teget. Suprà fatetur, *Religionem, qua verè noua est, certò falsam esse:* hîc rescribit, *Nouitatis obiectio neminem in fide turbare debet, &c. Ridiculum enim, imò iniquum est, velle nouitates obuiere.* Laudo Meisnerum, qui quòd se implicatum videret, orat instar vulpeculæ, vti missum fiat hoc peregrinum externumque Lessij Argumentum.

Minor propositio argumenti Lessiani erat ista: *Lutheri, Caluini, Mennonis Religio est noua.*

Responsio utrinque ad Minorem.

Brandius pag. 95. *Negamus Protestantium Religionem esse nouam.*

Meis-

Meisnerus pag. 365. *Fidem nostram orthodoxam minime nouam, sed vere antiquam palam & disertè pronuntiamus. Duo autem infallibilia sunt antiquitatis repugnàcia. Primum est, conuenientia cum Scripturis: alterum, continuatio & propagatio per singula secula.*

Conuenientiam cum Scripturis probat decem fidei suę articulis. Quos non aliter refellam, quàm ostendendo, quòd in plerisque etiam iisdem articulis Lutherana fides dissentiat à Scripturâ,

Articulus de Scripturâ.

Meisnerus pag. 365. *Docemus, in dogmatibus fidei nihil esse recipiendum, in cultu diuino nihil suscipiendum, nisi quod Deus nobis verbo suo reuelauit, &c. Ideò nihil credendum aut faciendum Chr. stiano, nisi ex Scripturâ certus sit, Deum istud credi fierique à nobis velle.*

Refutatio.

Primò, Hic articulus repugnat Scripturæ 1. ad Corinth. 11. *Laudo vos, quòd per omnia mei memores estis; & sicut tradidi vobis, praecepta mea tenetis. Quæ praecepta de modo orandi & sumendâ Eucharistiâ nusquam fuisse scripta, docent eo loco Chrysostomus & Theophylactus.* Item 2. ad Thesalon. 2. *Itaque fratres tenete traditiones, quas didicistis, siue per sermonem, siue per Epistolam nostram.* Denique 2. & 3. Epist. Ioan. *Multa habens scribere vobis, nolui per chartam & atramentum.*

• Secundò, Repugnat hisce verbis Lutheri in Protestatione: *Primum protestor, me prorsus nihil dicere, aut tenere velle, nisi quod in & ex Sacris lite-*

ris primò, deinde ex Ecclesiasticis Patribus ab Ecclesiâ Romanâ receptis, hucusque seruatis, & ex Canonibus ac Decretalibus Pontificiis habetur & haberi potest. Item illis Confess. De Cœnâ: Ex corde concedo Cœnam Sacramentum esse, etiamsi in Sacris literis non ita vocetur.

Articulus de Iustificatione.

Meisnerus pag. 367. & 368. Docemus, hominem sine ullis meritis operum, solâ fide in Christum iustificari.

Refutatio.

Primò, Hic articulus repugnat Scripturæ 1. ad Cor. 13. Si habuero omnem fidem ita ut montes transferam, charitatem autem non habuero, nihil sum. Item Iacobi 2. v. 14. Quid proderit, fratres mei, si fidē quis dicat se habere, opera autem non habeat; numquid poterit fides saluare eum? &c. Fides si non habeat opera, mortua est in semetipsâ, &c. Ex operibus iustificatur homo, & non ex fide tantum, &c.

Secundò, Repugnat hisce verbis Lutheri in Visitatione Saxonicâ: Multi clamant, bona opera nihil promereri: sed multò magis conduceret, si homines ad bona opera facienda compellerentur. Multi dum audiunt, fide hominem iustificari, fingunt omnia sibi peccata remitti per fidem, putant omnino se esse mundos, & sic temerarij & securi fiunt. Huiusmodi securitas cum maiore est coniuncta errore, quàm quidquam aliud antea fuit.

Articulus de impletione Legis, & bonis operibus.

Meisnerus pag. 369, Docemus, nullum hominum

in hac vitâ Legem perfectè implere, nedum aliquid supererogare posse: ideoque ex solâ gratiâ, & per nulla operum merita fideles saluari.

Refutatio.

Primò, Repugnat hic articulus Scripturæ, Iosue cap. 11. *Sicut præceperat Dominus Moysi seruo suo, ita præcepit Moyses Iosue, & ille uniuersa complenit. Non prateriit de uniuersis mandatis nec unum quidem verbum, quod iusserat Dominus Moysi.* Item Matth. 11. *Iugum meum suauis est, & onus meum leue. & 1. Ioannis 5. Mandata eius graua non sunt.*

• Secundò, Repugnat hisce verbis Lutheri in Visitatione Saxonica: *Idcirco decem præcepta Dei diligenter predicari debent, ut per ea mereamur.* Istis item, Sermone De indulgentiis: *Idcirco data sunt nobis à Deo præcepta, ut per ea mereamur.*

Articulus de certitudine salutis.

Meisnerus pag. 371. *Docemus, ideò Christum Ministris suis dedisse potestatem absoluendi à peccatis, & instituisse sacrosanctam Cenam, &c. ut ita fides nostra confirmetur, & nullam omnino de remissione peccatorum aut de gratiâ Dei dubitandi ansam habeamus.*

Refutatio.

Primò, Hic articulus Scripturæ repugnat, Ecclesiastæ cap. 9. *Nescit homo utrùm odio vel amore dignus sit, sed omnia in futurum seruantur incerta.* Item Ecclesiastici cap. 5. *De propitiato peccato noli esse sine metu.*

L 5

Secundò,

Secundò, Repugnat hisce verbis Lutheri, Thesi 10. Wittenbergæ anno 1517. propositâ, *Nullus securus est de veritate sua contritionis, multo minus de consecutione plenaria remissionis. Item De decem præceptis: Incertum est homini num sit in statu salutis nec ne.*

Articulus de solo Deo inuocando.

Meisnerus pag. 372. *Honoramus quidem Sanctos, sed non inuocamus; quia in Scripturis nec exemplum, nec præceptum, nec ullam promissionem habemus.*

Refutatio.

Primò, Hic articulus repugnat Scripturæ, Iob cap. 5. vbi Eliphaz loquitur: *Voca, si est qui tibi respondeat, & ad aliquem Sanctorum conuertere.* Item Exodi 32. Vbi Moyses orat in hæc verba: *Recordare Domine Abraham, Isaac, & Israel, seruatorum tuorum.*

Secundò, Repugnat verbis Lutheri, in purgatione quorundam articulorum: *De intercessionem Sanctorum cum totâ Ecclesiâ Christianâ sentio, & iudico, Sanctos à nobis honorandos esse atque inuocandos.* Illis item de præparatione ad moriē: *In mortis articulo beatam Virginem, Angelos, propriū Apostolum, & Sanctos reliquos quibus in vitâ seruauit inuocare non cesset, vt pro se intercedant ad Dominum.*

Articulus de Satisfactionibus, & Purgatorio.

Meisnerus pag. 373. *Docemus, clementia & reuelata Dei voluntati repugnare, quidquid de satisfactionibus & pœnis vel ante vel post mortem in Purgatorio laendis dicitur.*

Resu-

Refutatio.

Primò, Hic articulus repugnat Scripturæ, Danielis 4. *Peccata tua eleemosynis redime.* & Proverbiis 16. *Misericordiâ & veritate redimitur iniquitas.* denique 2. Machab. 12. *Sancta ergo & salubris est cogitatio, pro defunctis exorare, ut à peccatis solvantur.*

Secundò, Repugnat verbis Lutheri in Assert. artic. 8. *Hoc libens concesserim, quòd Ecclesia Mater pio affectu præventura manum Dei, castigat filios suos satisfactionibus quibusdam, ne incurrant flagella Dei.* Item Disputatione Lipsiacâ cap. De Purgatorio: *Ego credo fortiter, imò ausim dicere, Scio esse Purgatorium: facile persuadeor de eo in Scripturis fieri mentionem.* Denique aduersus Bullam Tom. 7. *Purgatorium numquam negavi, & adhuc credo, ut sapè scripsi, & confessus sum.*

Articulus de Missâ.

Meisnerus pag. 373. *Discimus & docemus nos ex verbo Dei, Christum esse unicum Sacerdotem nostrum summum, vnoque sacrificio omnia peccata expiasse, &c.* Meritò igitur in nostris Ecclesiis Missam Papalem omittimus, quia in Scripturis non est fundata, sed potius contradicit omnibus dictis de vno Mediatore Christo.

Refutatio.

Primò, Repugnat hic articulus Scripturæ, Psal. 109. *Tu es Sacerdos in æternum secundum ordinem Melchisedech.* Nullum enim aliud esse potest sacrificium secundum ordinem Melchisedech,
nisi

nisi quod in Cœnâ Christus obtulit sub speciebus panis & vini: quod si iam numquam offertur amplius, otiosum sanè est Christi Sacerdotium, Actor. item 13. ubi dicitur, *Ministrantibus illis*, pro quo Græcè est *λειτουργούντων*, id est, sacrificantibus. Marth. denique 26. *Hoc facite in meam commemorationem*. quibus verbis Christus iussit Apostolos suos idem facere quod ipse fecit. Sacrificauit autem ipse. Apostolos igitur & sacrificare iussit.

Secundò, Repugnat hisce verbis Lutheri, De tertio præcepto: *Sunt quinque facienda pro sanctificatione Festi, &c. Primum, audire Missam.*

Articulus de Primatu Papæ.

Meisnerus pag. 374. *Uulgò iactatum Pontificis Romani Vicariatum supra Consideratione 7. art. 2. ostendimus illum sacris Scripturis aduersari.*

Refutatio.

Primò, Hic articulus repugnat Scripturæ, Ioannis cap. vlt. *Pasce oues meas*. Quo loco Christus Petro commendauit omnes oues suas, etiam seculis temporibus futuras: qui cùm non semper sciretur victurus, in eo Christus etiam successores fuit allocutus; hisce enim æquè est opus ad regendum huius sæculi gregem, atque ijs temporibus opus erat Petro.

Secundò, Repugnat verbis Lutheri in Resolutionibus quarundam propositionum, editis anno 1519. *Primum, quod me monet, Romanum Pontificem esse aliis omnibus Superiorem, est ipsa voluntas Dei, &c. Neque enim sine voluntate Dei in hanc*
Mo-

Monarchiam venire umquam potuisset Romanus Pontifex.

Manifestum igitur est, hisce ipsis articulis Lutheranam Ecclesiam dissentire à Scripturâ, quibus Meisnerus facit eam consentire: imò Lutherum ipsum iisdem articulis repugnasse.

Quod verò de propagatione adfert, dignissimum lectu est, vel ad condiendum fastidium longiusculæ huius disceptationis.

*Meisneri prima Assertio de fidei suæ
propagatione.*

Pag. 381. *Paucis indicabimus, quomodo & apud quos Religio nostra ante Lutherum in Papatu conservata & propagata fuerit.*

Dicimus ergo Primò, Illam semper conservatam esse ratione sui in sacrosancto Scripturarum codice, cuius prælectio in Ecclesiâ Romanâ publicè sonuit. Ex quo deducimus, ne unum quidem dogma à nobis defendi, quod non quouis tempore publicos præcones habuerit, nempe per sollemnem prælectionem textus Biblici.

Pag. 382. *Habemus ergo hic duplicem conservatæ fidei modum, dum semper extitit: Primò, ratione sui, in Scripturis ipsis; Secundò, Ratione publici præconi, in sollemnibus Scripturarum præconibus.*

Refutatio.

Primò, Constat hæc falsa & ridicula esse, vel ex ipsis Meisneri verbis pag. 375. versu 4. à fine: *Cerò, ait, inferitur, [ex consensu cum Scripturis] Religionem nostram semper extitisse, etiamsi nos ubi locorum fuerit exponere non valeamus.* Si non valeat

leat exponere vbi locorum fuerit, quomodo hîc exponit Meisnerus, *fuisse publicè lectam à publicis præconibus inter Papistas in omnibus Academicis & Ecclesiis Papisticis?*

Secundò, Ex verbis etiam Brandij pag. 73. *An igitur ob nostram ignorantiam rei alicuius veritas periclitaretur?* Prò dolor, Brandi, eâ fide vir es, nôsque eâ simplicitate homines sumus, vt tibi ex ignorantia affirmanti quantumuis multa, nihil credamus.

Tertiò, Cui homini sano hæc non videbuntur infana, & Anticyris digna? Catholicos, dum publicè legerunt Biblia, præcones fuisse Religionis Lutheranae, eamque tum apud Catholicos extitisse? Ita enim etiam apud Lutheranos extiterit Religio Caluinistica & Anabaptistica (quod negabunt tamen Lutherani) eodemque modo omnes hæretici (qui semper vsi sunt patrocinio Scripturæ) dicent nouas olim hæreses suas extitisse in Ecclesiâ primitiuâ.

Meisneri secunda Afferitio.

Pag. 384. *Dicimus secundò, benè multos nominari posse, qui verè ad Deum conuersi, fideique nostræ Lutheranae ante Lutherum in Papatu addicti fuerunt: quod ut demonstretur perspicuè & distinctè, nominamus*

Primò, *Infantes baptizatos, &c. Ne autem existiment, nostram Ecclesiam tantum fuisse infantilem; nominamus*

Secundò, *Moribundos, quorum multos in agone mortis fuisse conuersos, nullum est dubium, &c.*

Pag. 385. *Verum ne vterius cauillentur, nos moribundam tantum habuisse Ecclesiam; nominamus*

Ter-

Tertiò, *Christianos viuos, sed latentes, &c.*

Pag. 386. *Tandem ne calumnientur, nos dumtaxat mutam habuisse Ecclesiam; ideò nominamus*

Quartò, *Martyres, & constantes veritatis Confessores, qui Papatui sese publice opposuerunt.*

Pag. 387. *In primâ classe locamus integros cœtus, quò referimus Ecclesias VValdensium vel Pauperum de Lugduno; quorum doctrina Lutherana conformis fuit.* Pag. 389. *VValdensibus simul adiungimus Ecclesias Gracas, &c.*

In secundâ classe ponimus Imperatores, Reges, & Principes, qui sæpius resisterunt Pontificibus, &c.

Tertia classis comprehendit Doctores & Martyres, quorum catalogum hîc texere nimis prolixum foret.

Refutatio.

Quantum, quamque immensum Lutherano-
rum hîc nobis numerum Meisnerus

— *demensum recitat*

Non modio, neque trimodio, verùm ipso horreo.

Cunas infantibus, sandapilas morientibus, speluncas tenebrionibus plenas. Papæ! quàm triumphantem Ecclesiam!

Sed primò, Quomodo moribundi & infantes in Papatu ante Lutherum baptizati, Lutheranam fidem habuerunt, cùm Lutherana fides ea sola sit, quæ à Luthero est purgata? Docent enim ipsi Lutherani, Papisticam fidem vniuersam ante Lutheri tempora fuisse corruptam, Lutherum autem primum fuisse illius purgatores. Atqui Lutherus non potuit prius purgasse fidem, quàm ipse inter homines extiterit; nec moribundi nec infantes ante Lutherum potuerunt habere fidem Lutheranam,

nam, quæ non est alia quàm quæ à Lutherò fuit purgata.

Deinde, si per Baptismum Papisticum infantibus Lutherana fides infunditur, cur Lutherani ipsi dum baptizant infantes (quos sciunt etiam tum ratione vti) verbis concionatoriis suam eis fidem instillant? Commenta sunt hæc, quæ nec pro lallis possint ad infantium cunas memorari. Ita enim facetissimè argumentantur Lutherani: Luc. v. 44. dicitur de Ioanne, *Exultauit in gaudio infans in utero meo*. Si Ioannes infans in vtero habuit actum fidei, ergo etiam reliqui infantes habent actum fidei cum in Baptismo sanctificantur. Ita nempe maturiùs sapiunt Lutherani pueri, quàm Phryges, qui semper sapiunt serò. Planè simile argumentum est, ait P. Becanus Tit. 1. Calvin. ac si dicas, *Asina Baal locuta est, cum à Domino suo percuteretur*, Num. 22. Ergo omnes alia asina percussa etià loquuntur alibi. Quis iam non etià putet verum esse:

Cruda puerperia, & viridis puer excidit alno.

Secundo, Qui viui latentes fidem Lutheri in latebris sunt professi, nondù etiam noto natoque Lutherò? Si latuerunt etiam viui, quomodo iam mortui patuerunt Meisnero? Si in latebris, vbi hæcorum latibula, tam diu inaccessa, iam demum Meisnero patefacta? An Caci, an Trophonij Iouis antrum?

Tertiò, Quis vmquam ex vllò Scriptore intellexit, Græcas Ecclesias (etiã si quidem à Pontifice descuerint) abiisse ad dogmata Lutheranorum? Nec Græcia vmquam tam mendax fuit.

Quartò, Quis vmquam vllos Imperatores aut Principes ante Lutherum ea solâ re fidem Lutheranam

ranam habuisse dixit, quia nonnulli à Pontifice discessionem fecerunt? Tam inepta sunt hæc, ut nec audiri à cordatis, nec ullius calamo refutari mereantur. Quod verò de Waldensibus Meisnerus dicit, infra discutiam aptiore loco. Sanè, veteri illi fabellæ citius credam, quæ Arcades facit lunà antiquiores, quàm Lutheranam fidem credam ante Lutherum extitisse.

Minorem porrò hanc propositionem, *Lutheri, Caluini, Mennonis religiones sunt novæ*, Lessius probavit hisce sequentibus Argumentis.

Primum Lessij Argumentum.

Quia possumus assignare eorum primos auctores, & locum, & tempus, & modum quo sunt introductæ, & ostendere quinam se illis opposuerint, quantæ propter illas ubique commotiones & turba sint excitatæ, denique quomodo & à quibus damnatæ.

Responsio utriusque.

Meisnerus pag. 391. *Sunt hæc signa fidei non prorsus innouatæ, sed tantum renouatæ. Aliud est enim novare, & aliud renouare, &c. Fuit nostra Religio non primum instituta, sed restituta: reducta, non noviter introducta, &c. Quare negamus, Lutherum fuisse primum eius auctorem, idcirco non est nova, sed antiqua.*

Brandius pag. 95. *De Protestantibus assero, illos primum religionis suæ auctorem habere Christum. Illa Religio cœpit paulatim post Apostolorum tempora magis magisque collabi, & vergere ad Papi-smum, &c. donec Deus Ecclesiæ suæ misertus, eam à sordibus repurgare voluit, atque in eum finem aliquot viros excitavit, &c.*

Pag. 96. *Sed illi non debent tum illius Religionis auctores dici.*

Refutatio.

Primò, Lutherum fuisse primum Lutheranicæ fidei auctorem, constat vel ex verbis eius proximè recitatis Præfat. Tomi 1. Latini: *Primò solus eram.*

Secundò, Ex verbis M. Georgij Spalatini in Relatione de Confessione Augustanâ, ipsius Lutheri Tomis insertâ: *Confessio talis non solum non à mille annis, sed nec à condito quidem Orbe umquam facta est. Neque vel in ullâ historiâ, neque apud ullum antiquum Patrem seu Doctorem talis confessio uspiam reperitur.*

Tertiò, Idem probatur posteriore Argumento Lessij, quod adfert in hæc verba; *Constat, veteres Patres & Doctores, qui singulis sæculis floruerunt, Lutheranicæ Religionis non fuisse. Atqui in Ecclesiâ non fuit umquam aliqua Religio habita pro antiquâ, aut Religione Christi, præter eam quam Patres & Ecclesiæ Doctores tenuerunt. Sequitur igitur, Lutheranicam Religionem nec antiquam esse, nec Christi.*

Maiorem (præterquam quod à nobis probata sit Libro superiore, Cōsideratione octauâ) probat Lessius his verbis: *Quia nec Lutherani nec Calvinisti negare eam possunt, sed dicunt esse veterum nanos ea ipsa fidei capita, quibus secum disenserunt. Pulchri sane nani, superstitio, idololatria, impietas! Quod huic responsioni Meisnerus & Brandius opponunt, explosum est superioris Libri eodè loco. Si autem (quod hîc Brandius addit pag. 97. vers. ultimo) ex sacrâ Scripturâ, & non ex Doctoribus, doctrinæ veritas discenda est, iam nulla umquam hære-*

hæresis fuerit noua, cùm omnes habuerint Scripturam sacram.

Secundum Leshij Argumentum.

Ante annum Domini 1517. Religio Lutherana non erat in mundo, similiter nec Calviniana, nec Anabaptistica, quæ duæ sunt soboles Lutherana.

Responsio Meisneri.

Pag. 392. *Clarissimum Jvdd. An enim Scriptura tum non fuit in mundo? Ergo & nostra Religio fuit, quia hæc in Scripturâ continetur.*

Refutatio.

Clarissimum Meisneri delirium. Nam Primò, Sic etiam Lutherana Religio fuisset ante ipsum Christum in mundo.

Secundò, Vel Religio Lutherana continebatur in Scripturâ habente spiritum internum Lutheranicum, vel non habente spiritum & sensum Lutheranicum. Non in non-habente spiritum & sensum Lutheranicum; quia sic Scriptura nihil de Lutheri doctrinâ habet. Non etiam in habente spiritum & sensum illum Lutheranicum; quia ille spiritus seu sensus primùm in Luthero ortus est, neque in mundo fuit ante annum 1517. Hunc enim spiritum (quo nempe Ecclesia nouiter reformata & repurgata fuit ad normam solius Scripturæ) Luthero primùm Deus instinxit, fatente Meisnero pag. 417. affirmante eodem Luthero Tom.6. German. Wittenb. fol. 451. *Scripturam sacram ac Verbum Dei ita in lucem produxi, ut à mille annis numquam fuit.* Vnde & Ecclesiæ renouator

saltem dicitur à Lutheranis. Non igitur Religio Lutherana potuit ante Lutherum in Scripturâ contineri.

Deinde, quis non videat eodem modo ab hæreticis omnibus responderi posse, novas suas hæreses antiquissimas etiam esse, quia contineantur in Scripturis? Nulla enim hæresis non se tuetur patrocinio Scripturæ.

Responsio Brandij.

* Pag. 96. *Quid ergo Lessius respondebit de Husso, Wiclefo, Albigenfibus, Waldensibus, & aliis? Illi fuerunt secuti 1400. 1300. 1200. 1100. & ante; Albigenfium autem Religio, &c. in præcipuis fidei capitibus omnino eadem est cum Protestantium Religione. Fatetur etiam Lessius, Hussiticam iam antè fuisse: illa verò à Protestantium Religione in doctrina fundamentis nihil differt.*

Refutatio.

Primò, Haud grauatè concessero Brandio & Meisnero hanc stirpis suæ insignem propagationem; eorumque protoplastos Lutherum & Calvinum plerasque sepultas Husfi, Wiclefi, Waldensium seu Pauperum de Lugduno, & Albigenfium hæreses fuscitasse.

Secundò, Sed horum omnium doctrina tamquam hæretica, & id temporis noua ab Ecclesiâ damnata fuit. Quomodo igitur per horum confessionem cum primæuâ Ecclesiâ se Meisnerus & Brandius concatenant?

Tertiò, Si Lutherana & Caluipistica Religiones cum istorum præcipuis fidei articulis conueniunt,

niunt, oportet nefandas hasce sententias (ex istorum singulorum præcipuis aliquot articulis descriptas apud Gabrielem Præcolum) doctrinam esse Lutheranicam & Calvinisticam.

*Nefandi aliquot errores VValdensium
seu Pauperum de Lugduno.*

1. Vrente libidine quævis carnalis commixtio & virorum inter se & feminarum est licita.
2. Eucharistiæ Sacramentum conficitur dicendo septies *Pater & Ave*.
3. Nullus Iudex potest damnare aliquem hominem ad ullum supplicium aut pœnam.
4. Numquam licet Christiano iurare, quacumque ex causâ.
5. Nemo vir perfectus debet manibus laborare, etiam si sustentandæ vitæ causâ.
6. Omnis potestas, etiam ciuilis, amittitur peccando mortaliter.

Nefarij errores aliquot Albigenſium.

1. Duo sunt rerum omnium principia, Deus, qui animarum; diabolus, qui corporum est creator.
2. Nulla est resurrectio corporum.
3. Animæ improborum immigrare in corpora pecudum; bonorum, in corpora Principum aut Heroum.
4. Baptismus aut nullus est, aut prorsus inutilis est.

VVicleſi doctrina selecta.

1. Deus dedit obedire diabolo.

M 3

2. Om-

2. Omnia absolutâ necessitate eueniunt.
3. Iuramenta, quæ fiunt ad humanos contractus & commercia ciuilia roboranda, illicita sunt.
4. Sacerdos in peccatò mortali existens, inualidè consecrat & baptizat.

Ioannis Husi aliquot paradoxa.

1. Omnia fiunt necessitate absolutâ.
2. Soli boni continentur in Ecclesiâ.
3. Prædestinatus ne malè agendo quidem fieri potest membrum diaboli; reprobatus verò ne benè agendo quidem membrum Dei.

Hæc fundamenta sunt ex dogmatibus singulorum: quibus si consentire se glorientur Lutherani & Caluinistæ, non habeo quod magnopere reclamem.

Tertium Lessij Argumentum.

Si dicas illarum aliquam, verbi gratiâ, Lutheranam, semper fuisse, sed latuisse: peto, in quo loco fuerit, in quibus Regnis & oppidis? qui fuerint eius defensores? Deinde unde nosti, illam antea extitisse, cum id non nisi ex Scriptoribus constare possit, qui nihil tale insinuant, sed contrarium.

Responsio Meisneri.

Pag. 392. *Impudens postulatum! Hæc enim non latentis sed patentis Ecclesiæ signa sunt.*

Refutatio.

Impudens negatum! Vt enim dicatur latuisse Ecclesiæ, oporteret deprehensas fuisse latebras. Sicut, ut credatur latuisse thesaurus, oportet locus

cus deprehensus sit: si non deprehenderis, dicam non fuisse potius thesaurum, quàm credam latuisse. Querit enim Lessius, *Quis auctor Ecclesiam illam antea extitisse scripserit.*

Quartum Lessij Argumentum.

Cum ubique fuerint heretica prauitatis Inquisitores, quò pacto latere potuit hac Religio per tot centurias annorum, ut numquam detegeretur, numquam aliquis eius sectator incideret in illorū manus?

Responsio utriusque.

Meisnerus pag. 392. Primò, *Etiā tempore Eliæ erant Inquisitores & persecutores Baalitici, & tamen septem millia latebant.* Secundò, *Nihil concludit hac ratio contra Græcos, qui Pontifici non fuere subiecti, nihil etiā contra VValdenses, moribundos & infantes.* Tertiò, *Falsum est, numquam ullum fidei nostræ sectatorem incidisse in manus Inquisitorum, &c. Contrariam euincunt Historia.*

Brandius pag. 97. *Quod de Inquisitoribus suis ait Lessius, nihil derogat veritati,*

Refutatio.

Ad Primum respondet Lessius, Primò, *Quòd aliquid fortè coloris haberet exemplum illorum septies mille latentium tempore Baalitarum, si de tam exiguo breuis vnius persecutionis tempore ageretur: sed fieri non potuisse, ut tot retrò sæculis Lutherana Religio penitus lateret.* Sicut nec diu vinqum latuit inter persecutiones Christiana Religio, nec hæresis vlla, quantumuis tecta inter Christianos,

Secundò, Etiam si in Samariâ ad tempus latuerit Ecclesia, absolutè tamen & vniuersè non fuit occulta : nam in Iuda publicè verus Deus ritè colebatur: neque verò vîpiam dicit Scriptura, vîquam quæsitum esse in eos qui abiurabant Baal. Atque ad vtramque hanc solutionem nec Meisnerus nec Brandius responderunt.

Græcorum Waldensiumque exemplum etiam si nihil ad Lutheranos faciat, tamen & illorû schisma, & horum hæresis quàm citissimè fuit deprehensa.

De infantibus vt nihil dicam, saltem in moribundos, credo, non fuisset prætermittenda quæstio, quando & in mortuos, vt Wiclefum aliosque, non semel habita est.

Denique, cùm vti probatum est, fides Lutherana nusquam fuerit ante Lutherum, non potuit vllus eius sectator antè etiam incidisse in manus.

Quintum Lessij Argumentum.

Si ante Lutherum Lutherana Religio erat in mundo, quomodo eius cultores, qui hætenus latuerant, Lutherò prædicante non se prodiderunt, agnoscetes suæ fidei Doctorem, & suæ Religionis contestationem &c. Nulli tales comparuerunt, sed omnes qui Lutherò se adiunxerunt, antea Catholicam fidem fuerant professi, sicut & ipse Lutherus antea Catholicus & Monachus fuerat, &c. Missas per quindecim annos celebrarat seriò & deuotè, vt ipse fatetur.

Responsio vtriusque.

Meisnerus pag. 393. *Illud negari nec potest, nec debet, multos primo statim tempore Lutheri scripta appro-*

approbasse, & se idem credidisse constanter affirmasse.

Brandius pag. 97. Et cum Lutherus cepit predicare, an non cum magno omnium bonorum applausu receptus est? Imò hoc Papatus adhuc sentit & dolet.

Refutatio.

Primò, Meri fumi sunt, quos hi ambo vendunt, cum nullum testem laudent pro ijs, qui se dixerint eadem pridem credidisse.

Secundò, Brandius videtur de Caluinistica suæ Religionis causâ desperare, qui relicto Caluino Lutherum in arenam traxit, ut suæ Religionis fidem ostendat ab optimis quibusque pro antiquâ fuisse acceptam. Qui verò hi optimi quique Lutheri sectatores, præter vomicas quasdam plebis, &, ut Augustinæ formulæ loquar, carcinomata?

Sextum Leshij Argumentum.

Etiamsi Lutherana & Caluinistica Religiones aliqua dogmata ab hæreticis veteribus acceperint, non tamen idcirco eadem sunt Religiones cum Religionibus hæreticorum, nisi secundum partem: nam Religio est complexio omnium capitum quæ ad fidem pertinere statuuntur.

Nemo ante Lutheranos & Caluinistas eandem dogmatum complexionem docuit.

Prima responsio Meisneri.

Pag. 394. *Eandem omnium capitum fidei nostræ complexionem in Scripturâ proposuerunt sancti Apostoli: hæc cum semper in Ecclesiâ permanserit, ideo & totum doctrinæ nostræ corpus semper existit.*

Refutatio.

Eheu! quàm frigida responsio! Nam in quâ Ecclesiâ post Apostolos? Iam de Waldensibus, de Albigenibus, de Wiclefò, de Græcis (qui ad Apostolos vsque contesserati iactabantur.) dicendum testimonium fuerat: & cur iam siletur horum Ecclesiâ? Foras, lumbrice, foras.

Secunda responsio Meisneri.

Pag. 394. *Distinguendum est inter articulos fundamentales, & minùs principales. Secundùm illos aestimatur consensus fidei, &c. In quibus quòd multi ante Lutherum cum Luthero consenserint, docent exempla VValdensium.*

Refutatio.

Quasi verò sex isti Waldensium articuli sint minùs principales!

Primò, Licitam esse promiscuam Venerem etiam inter viros.

Secundò, Eucharistiæ Sacramentum confici pronuntiando septies Dominicam & Angelicam Orationes.

Tertiò, A nullo iudice hominem vllum supplicio addici posse aut pœnæ.

Quartò, Nullâ vñquam ex causâ licere Christiano iurare.

Quintò, Virum perfectum nullum posse operari manibus.

Sextò, Omnem potestatem, etiam ciuilem, vel vnico peccato mortali amitti.

Oportet profectò magna esse Lutheranorum-

gut-

guttura, quæ has articulorum trabes pro miculâ glutiant.

Septimum Leshj Argumentum.

Eslo, temporibus Apostolorum, & aliquamdiu postea, fuerint Lutherana & Calvinistica Religiones, tamen tertio saltem & quarto saculo cœperunt omnino deficere, quod ipsi Lutherani fatentur. Ergo saltem per 1300. annos Ecclesia Christi collapsa est & intercidit: nam ut minimum tamdiu constat Lutheranam Calvinisticamque Religiones non fuisse. Extincta itaque fuit tot sæculis vera Religio, eversa Ecclesia, &c. At si Ecclesia Christi tot sæculis intercidit, quomodo verum est, ipsam a edificatam esse suprapetram, & non potius super arenam? Quomodo portæ inferi aduersus eam non praualuere? Quomodo ipsa est domus Dei? firmamentum & columna veritatis, &c.

Prima responsio Meisneri.

Pag. 396. *Quod ipsum fidei fundamentum planè defecerit, diffitemur. Quod tertio & quarto saculo ab antiquâ fidei simplicitate paullisper discessum fuerit, fatemur.*

Refutatio.

Deus bone! An non sunt hæc fidei fundamenta quæ tertio & quarto sequentibusq; sæculis, contrà atque nunc apud Lutheranos & Calvinistas docta fuerunt, de Arbitrij libertate (quem articulum Lutherus in Assertionem articul. 36. dicit esse optimum, & summam rerum suarum.) de Bonorum operum necessitate, de Meritis, de Legis diuinæ possibilitate, de Sacrificio Missæ, de Innocatione Sanctorum. Sunt ne hæc tantum quisquiliæ quædam, meta?

metaphoræ, & cærimoniarum indifferentes, &c. Quanta oportet ibi sint fundamenta, ubi res tam grandes tantummodò sunt pulvisculus?

Secunda responsio Meisneri.

Pag. 396. Sicut non interijt Ecclesia Dei in vetere Testamento, licet per aliquot sæcula ante Christum Religio, prout publicè à Phariseis proponebatur, corrupta esset; ita nec in nouo Testamento putandum est intercidisse penitus veritatem, licet ab illâ discesserint Pontifices Romani.

Refutatio.

Vel ipsius Christi testimonio conuincitur falsum esse quod hîc Meisnerus dicit, Religionem veteris Testamenti per aliquot sæcula, prout publicè proponebatur, fuisse à Phariseis corruptam. Mat. 23. vers. 2. Super Cathedram Moysi sederunt Scribæ & Pharisei: omnia ergo quacumque dixerint vobis, seruare & facite. Sanè enim non id præcepisset Christus, si ex Cathedrâ Moysis Pharisei aliquot sæculis publicè docuissent doctrinam corruptam.

Tertia responsio Meisneri.

Pag. 399. Promissiones de perpetuitate Ecclesie sunt impletæ, si non in Ecclesiâ visibili, tamen inuisibili; si non in florente aliquo cætu, tamen in latente.

Refutatio.

Apage inuisibilem illam Ecclesiam ex atomorum quasi concretionem conflatam.

Lucifugarum perfugium est, semper in cætus alicuius inuisibilis latebras se abdere. Et hæ omnes

nes de perpetuitate promissiones, Petro factę sunt, qui Petra fuit visibilis Ecclesię, non ignoti alicuius latibuli, nec ipse inuisibilis Pastor.

Prima Brandij responsio.

Pag. 98. *Concedit Lessius, Apostolorum temporibus, & aliquamdiu postea fuisse Protestantium Religionem, &c. Gratulor Lessio liberale illud ingenium, quod concedit, quod necessitas concedere compellit.*

Refutatio.

Ego verò Brandio gratulor simplicitate suā, ne dicam delirio, qui tam facilè sibi aliquid concessum putat. Hoc ne concedere est, an disputandi more loqui? dicere: Esto, Fuerit.

Secunda Brandij responsio.

Nego Lutheranos fateri quòd illa Apostolica Religionis sinceritas experit saltem tertio, & quarto seculo omnino deficere, nisi illud accipias pro vehementer deficere.

Refutatio.

Imò Centuriā secundā cap. 4. articulo De Libero arbitrio scribunt Centuriatores: *Hac obscuratio (Liberi arbitrij) simul etiam aliarum doctrinarum tenebras secum, & corruptelas varias traxit. Articulo sequente De Lege: Vistata & vera est sententia, Dato vno inconuenienti, sequi solent infinita. Posito igitur hoc fundamento (Liberi arbitrij) postea inde colligunt, Legi posse satisfieri humanis viribus. Articulo De Pœnitentiā: Si quisquam alius hoc seculo de Pœnitentiā periculosas opiniones spargit, Clemens*

mens facit. Articulo De Rebus adiaphoris : Succreuit paulatim error de Traditionibus observandis. Articulo De Statu post resurrectionem : Mirum est, tam crassas ac phantasticas opiniones potuisse venire in mentem Doctoribus huius sæculi, &c.

Item Centuriâ tertiâ ceterisque usque ad decimam Centuriis, cap. 4. singuli passim tituli sunt, *Inclinatio doctrinæ*; adeoque prolixè ibi numerantur *Patrum antiquorum errores* circa hæc capita, quæ sunt omnino fundamentalia : de Deo, de Christo, de Spiritu sancto, de Lapso hominis, de Libero arbitrio, de Peccato, de Lege, de Iustificatione, de Bonis operibus, de Pœnitentiâ, de Baptismo, de Sacrificio, de Inuocatione Sanctorum, de Ecclesiâ, de Coniugio, de Castitate, de Antichristo, de Loco animarum, de Purgatorio, de Salute & præmiis bonorum, denique de Pœnis reproborum.

Fatentur ergo Lutherani, cœpisse omnino deficere sinceritatem doctrinæ ijs sæculis, quandoquidem hisce tot grauissimis fidei articulis testantur fuisse corruptâ. Mentitur igitur quoque Brandius, qui negat id fateri Lutheranos.

Tertia responsio Brandij.

Pag. 98. *Dixerint id tamen Lutherani, an propterea sequetur, Ecclesiam Christi collapsam fuisse & intercidisse? Illa certè, quatenus Ecclesia Christi, collabitur numquam: sed latet aliquando in fragmentis Dominicis, & dicitur collapsa propter externam formam ac speciem corruptam.* Pag. 99. *Est ergo Lessy Argumentum Sophisma accidentis: Ecclesia enim*

externa illa facies etsi absit, nihil tamen hoc ipsi Ecclesie obest.

Refutatio.

Scilicet, Brandi, *doctrina* tantum quædam externa Ecclesiæ forma seu accidens est; cum ipsi Centuriatores scribant Centuriâ 2. cap. 4. *Nunc ad descriptionem interioris (Ecclesiæ) status ac propriæ formæ accedimus, quæ quidem in ipsâ doctrinâ, &c. sita est.* Certè Ecclesiæ doctrina interior eius forma ac quasi vita est, non externum accidens aliquod. Sequitur igitur certò, si ea defecerit, defecisse non solum externam Ecclesiæ faciem, sed ipsam Ecclesiam, ut ritè Lessius est ratiocinatus.

Octauum Lessij Argumentum.

Sed, demus occultam fuisse Ecclesiam Lutheranam & Calvinianam; ergo illa non erant Ecclesia Christi. Hac enim est ciuitas supra montem posita, quæ abscondi non potest, Matth. 5. Hac est mons domus Domini preparatus in vertice montium, & eleuatus super omnes colles, omnibus conspicuus, ad quem fluent omnes Gentes, Isaïæ 2. Hac est regnum Christi diffusum à mari vsque ad mare, & à flumine vsque ad terminos orbis terrarum, Psal. 71. Hac est mons ille magnus, replens vniuersam terram, Daniel. 2. Ecclesia enim Christi mundo debet esse conspicua, tum ut suo cultu & decore, suisque moribus & externâ specie Gentes ad se alliciat; ut qui volunt fieri Christiani, sciant quò se debeant conferre, quos adire, à quibus instructionem petere.

Prima responsio Meisneri.

Pag. 396. *Duplex Ecclesia splendor est: alter internus*

*ternus consistens in fide, spe, & charitate; alter exter-
nus positus in frequentia hominum, absentia persecu-
tionum, ministerio publico, &c. Ille perpetuus est,
hic temporalis.*

Refutatio.

Hoc verò, Meisnere, est captiosè agere : nusquam enim dicit Lessius, Ecclesiam semper debere esse in perpetuo aliquo externo splendore, qualem tu in hominum ingenti frequentia, vacuitate à persecutionibus, alijsq; id genus ornatibus ponis . Hoc dicit tantum, *debere semper orbi esse spectabilem instar montis, instar ciuitatis, instar regni*. Concedit posse oppugnari, imminui, in exilia dissipari; sed affirmat, etiam dum paruo numero censetur, maximis lucefcere solere miraculis; dum Tyrannorum incursionibus vexatur, Martyrum solere triumphare victoriis.

Prima responsio Brandij.

Pag. 98. *An adeò absurdum esset, dixisse, quòd vera Christi Ecclesia, id est, externa vera Ecclesie species, etiam 1300. annos continuos collapsa fuisset? Id adeò prædixerat Ioannes Apoc. 11. 12. & 13. cum diceret Gentes sanctam ciuitatem calcaturas mensibus 42. tantum duos Martyres prophetaturos; Mulierem, qua Christum parit, id est, Ecclesiam, in solitudinem fugituram, ibique latituram, &c.*

Refutatio.

Omnino id absurdissimum esset dicere. Nec iniurià Pontificij negant, Ecclesiam potuisse esse tot sæculis omnino occultam.

Nam

Nam Primò, Quomodo tunc pastor aliquis, Ecclesiæ gregem illum suum inuisibilem pascere potuisset? Quis non rideret, si pastorculus aliquis in campis fistulâ gregem se diceret conuocare, aut pedo glebarumque iactu coërcere, quem nec ipse nec alius quisquam videret aut videre posset?

*Tityre pascere gregē, quē nec Lynx, nec videt Argus,
Quemque nec ipse vides.* —

Secundò, Quomodo tunc possibile fuisset saluari eos qui voluissent fieri Christiani? non enim hi potuissent inuenire. Ecclesiam in secreto illo Democriti puteo latentem, extra quam tamen nulla erat vspiciam salus.

At hi, ait Meisnerus pag. 44. potuissent spirituali accessione, hoc est mente, accedere ad Ecclesiam.

Sed quomodo, inquam, mente hi accessissent, quibus nec in mentem tam occulta & ignotæ Ecclesiæ, ne per amentiam quidem, venire potuisset?

Si, inquit, considerassent constantiam Martyrum.

Sed quæ, malum, hæc inconstantia Meisneri est? Si occulta erat Ecclesia, quomodo manifesti esse poterant eius Martyres? Si manifesti erant, quomodo occulta erat eorum Ecclesia?

Nihilo verò melius huic ratiocinationi occurrit Brandius dicens pag. 100. *eam esse Sophisma non causse: eò quòd neque externa Ecclesiæ facies, neque doctrina propriè gentes conuertat, sed Deus, qui eas ad Ecclesiam suam adducit, ut Saulum, ut Eunuchum, ut Sergium Paulum*: ea ipsa enim exempla cōfirmant Ecclesiam debere esse manifestam, ut ad eam gentes accedant: nam & Paulus etiam si id temporis cæcus, à Christo tamen ad Ananiam missus est, Eunuchus instructus à Philippo, Cor-

N nelius

nelius in Ioppen ablegatus ad Petrum, Sergius Paulus denique accersiu it ad se Barnabam & Paulum. Quantus Sophista est Brandius!

Secunda Responsio Meisneri.

Pag. 398. *Licet Pontificij imaginentur sibi, Ecclesiam semper debere visibilem & palpabilem esse, contrarium tamen firmissimè probari potest.*

Primò, *Ab Ecclesiâ populi Israhelitici in deserto, de quâ Exodi 32.*

Secundò, *Ab Ecclesiâ Iudaicâ tempore Elie & Achabi, lib. 3. Regum 19. tempore Pharisaismi, & predicantis Christi & patientis.*

Tertiò, *A diuinis prædictionibus, Luca 18. Apoc. 3. & 4.*

Quartò, *Ab Ecclesiâ tempore decem persecutionû.*

Quintò, *Ab Ecclesiâ tempore hærescon, præsertim Arrianismi.*

Secunda Responsio Brandij.

Pag. 99. *Quis verò credat, eum hominem (Lectium) esse Theologum, cum non meminerit à Christo questum Luca 18. an sub eius aduentum etiam fides inueniretur? & ab Apostolo prædictum 2. ad Thes. 2. Antichristum sessurum in templo Dei. Quanam posset externa Ecclesia facies tum monstrari.*

Refutatio.

Quis credat, Brandium & Meisnerum tam voluisse esse corniculas Horatianas, ut nullum nisi Bellarmino subreptum & refutatum huc attulerint Argumentum?

Nam Primò, Dum Israheliticus populus Idolatriam

triam exercuit in deserto, restitit ei Moyses cum totâ tribu Leui, eodem cap. Exod. 32. quod dolo malo subticuit Meisnerus. Et non erat tum visibilis Ecclesia in Moysè & tribu Leui?

Secundò, Eliè & Achabi tempore, Ecclesia latuit solûmodò in Samariâ, manifesta autè fuit in Iudâ.

Tertiò, Phariseorum tempore Synagoga (vera tum Ecclesia) omnibus erat nota.

Quartò, Prædicante & moriente Christo, exilis fuit quidem Ecclesia noui Testamenti, sed profectò vix vmquam aliàs illustrior, publicè fidem profitentibus latrone & Centurione, multisque qui reuertebantur percutientes pectora sua. Veteris autem Testamenti Ecclesia nondum id temporis tota obligabatur statum suum immutare statim moriente Christo.

Quintò, Prædictiones allatæ non aliud arguunt, quàm temporibus Antichristi inuentum iri paucos, non verò nullos, aut omnino in latebris occultos: quando pauci illi miraculis etiam futuri sunt clariores Aarone ipso & Moysè, vt demonstratum suprâ Libro 2.

Sextò, Temporibus decem persecutionum tantum abest vt occulta fuerit Ecclesia, vt fuerit etiam infinitis propè Martyrum cadibus illustris.

Septimò, Arrianisimi denique tempore etiam Generale Concilium ab Ecclesiâ aduersus Arrium coactum est. Quomodo tum Ecclesia latuisset? Tam stultum profectò videri debet, dicere, tum latuisse Ecclesiam quando ab hæreticis tyrannisque oppugnata fuit; ac si quis diceret, quoties respublica aliqua oppugnatur, toties eam fieri inuisibilem, & hostes pugnare tantum cum vmbis

more Gallorum. Sunt igitur hæc ipsa Meisneri Brandiique argumenta potius ad Ecclesiæ splendorem illustrandum quàm obscurandum comparata.

Responsio utriusque ad Scripturæ testimonia à Lessio pro Ecclesiæ perpetuâ visibilitate allata.

Meisnerus pag. 402. *Quod attinet ad testimonia allegata à Lessio, respondemus, Primò, esse intelligenda cum exceptione persecutionis & probationis. Secundò, de perpetuitate Ecclesiæ, non de visibilitate. Tertiò, de splendore interno, non externo. Quartò, Ecclesiæ semper est conspicua durâque saltem seu virtute, etiam si non actu ipso. Quintò, Ecclesiæ etiam cum latet conspicitur saltem ab Orthodoxis coniunctim latentibus, imò ab infidelibus etiam conspici posset si attenderent.*

Brandius pag. 100. *Quis nescit illa loca simpliciter esse intelligenda, & secundum floridam illam Ecclesiæ faciem externam?*

Refutatio.

Primò, Non possunt ea Scripturæ testimonia (de Monte, de Ciuitate, de Regno) intelligi cum exceptione persecutionis, seu de tempore solum status florentis.

Primò, Quia Christus disertè dicit Mat. 5. *Non potest ciuitas abscondi supra montem posita* : quod falsum esset, si tempore persecutionis absconderetur.

Secundò, Quia ipse loquendi modus, quo Scriptura utitur ad significandam Ecclesiæ claritatem,

non

non patitur eam interpretationem Brandij aut Meisneri. Vocatur enim *mons preparatus in vertice montium, eleuatus super omnes colles*, Isaïæ 2. Et quomodo, si tota latere posset in cauernosis vallibus, diceretur eleuata super omnes colles in vertice montium? Vocatur regnum à mari vsque ad mare, Psal. 71. Et quomodo si tantillis latibulis circumscriberetur, diceretur tam longè pertinere? Vocatur mons implens vniuersam terram, Daniel. 2. Quomodo verò lateret in terrâ mons ille, qui implet vniuersam terram? Rectius cum Aristophanico Socrate pulicum saltus metirentur Meisnerus & Brandius, quàm magnitudinem Ecclesiæ.

Tertiò denique, Quia sic Deus Ecclesiæ suæ maximam dedisset ansam ignauix, si statim in cuniculos suos se totam instar paudi lepusculi abdere potuisset, imminente bello; ac certè non receptui canere, sed velut classico Ecclesiam suam Deus prouocare in aciem perpetuò consuevit. Ita nempe Luca 12 *Qui negauerit me, ait, coram hominibus, negabitur coram Angelis Dei. Si igitur tot sæculis latuisset Ecclesia, indigna prorsus eo nomine fuisset*, ait Lessius. *Quomodo enim dici potest Ecclesia Christi, qua Christi sinceram doctrinam non audeat confiteri? qua tam pusilli est animi, & ita mortem timet, ut se abdat in tenebras, & tot sæculis non audeat prodire in lucem? denique, qua tot sæculis non solum se occuluit, & sinceram fidei professionem suppressit, sed etiam professa est fidem falsam, nempe Papisticam, adorauit idola, contaminauit se mille superstitionibus? &c. Miserabilior itaque fuisset & deformior Christi Ecclesia ruinis Synagoga, seu sectâ Iudaiæ*

câ, &c. miserabilior & deterior sectis omnibus hæreticis. Nulla epim secta umquam fuit alicuius nominis, quæ non sua templa, vel domos Religiosas, suos conventus, suæ Religionis formam & professionem habuerit ita ut passim cognosci possit.

Meisnerus huic toti ratiocinationi respondet pag. 407. *Miserrimum fuisse Ecclesiæ statum, lubenter agnoscimus: quem nemo mirari potest, qui diuinas de eo prædictiones considerauerit.*

Brandius verò pag. 102. *Quod Ecclesiæ miserabilior sit atque deterior omnibus sectis hæreticis, nequaquam absurdum est, &c. Nec pudet nos crucis & ignominie, sed & in eâ gloriamur.*

Impudentem sanè vtriusque hominis frontem! quos non pudeat tam prodigiosam, imò sceleratam facere Ecclesiæ, quæ deterior sit omnibus sectis hæreticis! Et verò, hocce est crucem & ignominiam ferre, crucis & ignominie metu, dum fatenda esset fides, instar lepusculi perfugere in antra & lucos, ne crucem & ignominiam feras?

Secundò, Non possunt hæc testimonia accipi de perpetuitate solâ, sed de visibilitate: ait enim expressè Christus Matth. 5. *Vos estis lux mundi. Non potest civitas abscondi, &c.* Nec vlla fit temporis mentio in aliis Scripturæ sententiis allatis.

Tertiò, Non possunt item accipi de splendore interno; quia ineptè splendor ille explicaretur similitudine ciuitatis in monte, montis in vertice, Regni tam latè fusi. Neque enim cum his quidquam commune habent Fides, Spes, Charitas, quæ sunt Meisnero splendor Ecclesiæ internus.

Quartò, Non sufficit dicere, quòd Ecclesiæ semper visibilis sit potentiâ, etiamsi non actu. Quia
Chri-

Christus manifestè dicit: *Non potest ciuitas abscondi, &c.* Quibus verbis ostendit, eam semper actu esse visibilem. neque aliàs sanè fatis hominibus illis consuluisse, qui ad Ecclesiam debebant eius splendore adduci. Estque hæc aperta Augustini sententia lib. 2. Contra Petilian. cap. 104. *Ecclesia certum signum habet, quòd abscondi non possit.*

Quintò, Omnino ridiculum est, dicere, quòd sufficiat Ecclesiam conspici saltem ab ipsis Orthodoxis simul latentibus & exulantibus; cùm ob causam iam dictam, tum quia sic nulla familia aut hominum cœtus (licet in remotissimam solitudinem abditus) posset vmquam dici latere: quoniam se inuicem homines illi nempe nossent & viderent, nisi cæci essent, aut dormirent. Ioculare commentum profectò: nam latere dicitur, non qui suos, sed qui alienos oculos latet; vnde vt videri dicatur Ecclesia, non satis est eam à se ipsâ videri.

Antilogia Meisneri.

Pag. 406. *Non omnes Christiani in Papatu latuerunt, sed multi confessionem suam publicè ediderunt. Hinc tanta Martyrum multitudo, &c. Excipi etiam possunt & debent omnes infantes, omnes in agone conuersi, & tota VValdensium Ecclesia.*

Pag. 407. *Miserrimum Ecclesia statum fuisse agnoscimus, quem mirari nemo potest, qui diuinas de eo prædictiones considerauerit. Quomodo tum miserrimus fuit, Ecclesiæ status iuxta prædictiones diuinas, vt vix fides reperiretur in terris, &c. quando tam multi publici Confessores, tanta Martyrum multitudo, tot infantes, tot agonizantes, tota*

denique VValdensium Ecclesia? Sanè neque hoc ipso tempore, quo tamen visibilis admodum est ac spectabilis, tam numerosa Martyribus est Ecclesia Lutherana.

*Secunda Lessij Ratio, ex defectu
Successionis.*

NULLA Ecclesia, qua caret successione Ministrorum ab Apostolis continuato ordine deducta, potest esse Ecclesia Apostolica.

Sed Lutheri, Caluini, & Anabaptistarum Ecclesia caret successione, &c.

Ergo nec Lutheri, nec Caluini, nec Anabaptistarum Ecclesia potest esse Ecclesia Apostolica.

Ad hanc aiunt se Meisnerus & Brandius abundè respondisse suprà Consideratione septimâ.

Ego credo, ibidem vtriusque dicta me satis superque refutasse. Ergo nihil addo.

Tertia Lessij Ratio, ex defectu Missionis.

NULLA Religio qua ab ijs inducta, qui absque legitimâ auctoritate venerunt, missi à se ipsis, potest esse vera Religio Christi.

Sed Lutherana, Calviniana, Mennoniana Religio, ab ijs inducta est, qui absque legitimâ auctoritate venerunt missi à se ipsis. Ergo, &c.

Responsio vtriusque.

Meisnerus pag. 413. *Maiorem concedimus, &c. Minorem simpliciter negamus. Illam multis Argumentis*

mentis Lessius probare nititur, sed omnia sunt præter rem, & statum non attingunt: affingit enim nobis sententiam, ac si statuamus Lutherum immediatè à Christo missum. Verùm non ita sentimus, sed Lutherum ordinariè vocatum, missumque esse docemus. Et consideretur eius promotio, Doctoratus, &c. Missus tum fuit ordinariè, & iuramento insuper obstrictus ad docendam veritatem, & puram doctrinā. Pag. 415. In quo ipso tamen opere aliquid extraordinary meritò agnoscimus, dum Deus singulariter Lutherum illuminavit, excelsò & heroico spiritu donavit, &c.

Brandius pag. 106. Negantur primi illi Religionis Reformatores more mero extraordinario esse missos; (voluit dicere, esse missi) antè enim ostendi, eorum alios fuisse Doctores, alios Pastores.

Refutatio.

Primò, Cùm scribat hoc loco ipse Meisnerus, à suis meritò agnoscì aliquid extraordinary in missione Lutheri: & pag. item 282: in reformatione Ecclesiæ à Luthero susceptæ, & feliciter peractæ aliquid extraordinary delitescere: manifestum est, eam sententiam à Lessio non esse falsò Protestantibus affictam, sed verè assignatam; adeoque Meisnerum sui suorumque dictorum esse immemorem.

Secundò, Ipse Lutherus Tom. 6. Germ. VVittenb. pag. 165. vocat se *Domini nostri Iesu Christi Euangelistam*. & Tom. 2. VVittenb. Lat. *Os meum*, inquit (ò cloacinum os!) *eius est, cuius verbum loquitur, nempe Christi*. Dicit igitur Lutherus, se extraordinariè fuisse missum, quia nemo iam mittitur ordinariè ut *Euangelista*, aut *os ipsum Christi*.

Tertiò, Dicere, Lutherum, aliòve Ministellos

N 5

tunc

tunc ordinariâ missione missos esse, cum apud Catholicos, ipsi Doctores aut Pastores creati sunt, tam stolidum est, ac si quis militari sacramento factus, alicui Reipublicæ auctoratus, ab eaque post profugus, diceretur tum ex sacramento suo legitime agere, quando Rempublicam ipsam oppugnaret. Prorsus enim ita Lutherus cum Doctor crearetur, iuravit se defensurum veritatem (non in genere, ut Meisnerus fabulatur, sed ex mente ipsius Academix, in quâ iurabat) illam ipsam, quæ in illâ Academia id temporis pro veritate habebatur: alioqui Lutherus illusor, impostor, & mendax fuit, qui aliud iuravit, aliud se iurare simulavit. Mox ergo apostata factus, cœpit eandem Academiam, totamque Ecclesiâ (contraria omnia docendo) oppugnare. Quis iam dicat eum id fecisse legitime, & vi iuramenti sui, ad id missum & vocatum? Insania est, ne dicam furor plusquam Orestæus.

Porro pro Minore suâ probat Lessius decem Rationibus, dici non posse, Lutherum, aut Calvinum immediate à Christo esse missos; quarum pleraque quia recantatis tantum ratiunculis Meisnerus oppugnat, eas præteribo, ijs vindicatis, quas novis & non antè dictis rationibus hîc demum conati sunt expugnare.

Tertia igitur inter Lessij probationes erat ista: *Si Calvinus à Deo missus est, ergo Lutherus non est missus à Deo: & è contrario. Quia si uterque à Deo nissus est, Spiritus Dei sibi ipsi adversatur: uterque enim alicuius doctrinam erroris & hæresis damnat.*

Respon-

Responsio utriusque.

Meisnerus nos hoc loco remittit ad responsionem datam suprâ pag. 282. Lib. 2. Consideratione septimâ, vbi sic scribit : *Non video quid hoc contra nos concludat. Sanè quatenus Calvinus neglexit claram Scripturæ literam, eatenus non Doctor, sed seductor censeretur debet, &c. In quantum ex Sacris literis Papales idolomanias demonstravit, eatenus Dei Minister fuisse ipsum non negamus. De Apostolo Petro legimus, Galat. 2. vers. 14. quòd in nonnullis non rectè ambulauerit ad veritatem Euangelij, & tamen quoad cetera erat Legatus Christi.*

Deinde addit hoc loco pag. 422. *Potest esse aliquis Minister Dei, veritatem ex verbo Dei docendo, & simul minister diaboli, falsitatem ex propriâ ratione docendo, &c. Exemplum habemus in Phariseis, qui Ministri Dei erant, quatenus ipsas Leges Moysaicas proponebant, &c. In quantum verò suis expositionibus Legem corrumpebant, eatenus Dei Ministri nequaquam erant, sed fures & latrones, &c. Simile contigit in Pastore Ecclesie Laodicensis, Apoc. 3. vers. 14. partim verum docebat, partim falsum : & sic Dei Minister fuit, prout verum ; & non Dei Minister, prout falsum asseruit. Certum igitur est, quòd idem queat esse missus à Deo, & simul non à Deo missus, alio atque alio respectu.*

Brandius pag. 106. *Hoc postremum (quòd vterque alterius doctrinam damnet erroris & hæresis) non est verum : quia si dissensio inter eos est, ea tantum est in doctrina circumstantiâ quadam, non in eius fundamento, &c. Potuerunt illi non minùs à Deo esse missi, quàm Ierosolymitani illi discipuli & Paulus,*
quorum

quorum illi, existimabant ceremonias Legis adhuc esse observandas: Act. 21. vers. 26. Hic verò docuit eas abrogatas esse, ad Gal. 5. vers. 1. 2. 3.

Refutatio.

Primò, Sicut ingenuè fatetur hebetudinem suam Meisnerus, scribendo se non videre quid contra suum Lutherum concludat illo Argumento suo Lessius; ita necessariò sequitur, imperitè admodum ab eo ad id Argumentum esse responsum.

Secundò, Nam quis ferat, eundem hominem esse & dici posse eodem tempore ministrum Dei, & ministrum diaboli? verum Ecclesiæ Doctorem, & seductorem? à Deo missum, & à Deo non missum? Quis Oedipus hæc ænigmata capiat? Christi in Evangelio vox est: *Nemo potest duobus dominis servire*, &c. *Non potestis Deo servire & mammonæ*, Matth. 6. Quomodo possibile est, vnum aliquem eodem tempore Dei & diaboli esse ministrum? Quomodo esse potest Ecclesiæ Doctor, qui etsi in multis verax, in multis tamen fidei articulis est mendax? cum sit, habeaturque absolute mendax, omnique exciderit apud homines fide & auctoritate, quisquis vel semel est mendacij compertus, licet alias semper constiterit vero? Nam bonum aiunt constare oportere ex integrâ causâ, malum etiam ex singulis defectibus. Sed nimirum distingueret etiam in hoc genere Meisnerus, diceretque, talem quempiam non posse vocari simpliciter mendacem, sed veracem partim, partim mendacem. — *Saniy Lucumonis acumen!*

Denique si quis potest simul minister esse diaboli & Dei, Doctor & seductor, missus à Deo &

non

non missus; quam fidem, quam auctoritatem is homo inter homines esset habiturus? Quam certitudinem doctrinæ item habituri ij, ad quos talis mitteretur? Quomodo illi credent, quem sciunt esse seductorem? Nemo Rex ita delirat, ut cum credi sibi volet, missurus sit Legatum, quem scient omnes tam hosti quàm Regi seruire, & tam crebrò falsum quàm verum affirmare.

Sed hæc non sunt Lutheranis mysteria, qui simul suam fidem habent & non habent, simul fortè saluabuntur & non saluabuntur.

Tertiò, Impiè verò Meisnerus sanctissimum Christi Apostolum Petrum hac in parte parem Caluino facit, quasi S. Petrus quoque fuerit in doctrinâ minister Dei simul & diaboli, Doctor & seductor, missus à Deo & non missus. Nam destitit Petrus statim atque à Paulo erroris fuit admonitus. Neque sanè error Petri ad fidem vel doctrinam pertinebat, sed ad mores & modum conuersandi: neque tantus (omnium Doctorum consensu) ut obeum minister esset diaboli, aut graue peccatum committeret, ut multi Doctores Catholici perspicuè ostenderunt.

Quartò, Pharisei non fuere ministri à Deo immediatè & extraordinariè missi ad fundandam aut erigendam Ecclesiam aliquam penitus collapsam; sed Pastores ordinarij. Hi subinde priuatos errores suos habent, etsi sint Pastores; illi verò nullos habere possunt.

Quintò, Imperitissimè falsissimequè adfert in rem suam Laodicensis Episcopi exemplum, quasi is Apoc. 3. vers. 4. accerferetur falsæ doctrinæ: nulla enim ibi doctrinæ mentio, sed operum, ut
ex

ex ipsis verbis constat: *Scio opera tua, quia neque frigidus es, neque calidus*. Desidero hîc sapientiam Meisneri calidam aut frigidam.

Sexto, Manifestissimum orbi toti mendacium hîc obtrudit Brandius, negando, à Lutheranis Caluinisticam, Caluinistis Lutheranam doctrinam hæreseos condemnari. Nam, vt omittam quamplurimas Cyclopice huius dimicationis historias à Iudoco Coccio diligentissimè collectas lib. 8. art. 10. Lutherus ipse de Cænâ Domini Tom. 2. Germ. hanc ipsam in Sacramentarios execrationem scripsit: *Ego tamquam alterum iam pedem in sepulchro habens, hoc testimonium & hanc gloriam ad tribunal Domini adferam, quòd hostes Sacramenti Carlstadium, Zuinglium & Oecolampadium, eorumque discipulos toto pectore damnarim ac vitarim; nec habeo cum quoquam eorum familiaritatem, neque literis, neque verbis, neque factis; sicut Dominus precepit*. Calvinus verò Admon. 3. ad Ioachimum V Vestphalum, hisce encomiis laudauit Lutheranos: *Lutherani homines sunt vertiginosi, Cyclopes, superba factio Gigantum, phreneiici, bestia, prodigiosè caci, desperatè impudentes, falsarii, & improbi calumniatores, proterui, plus satis bardi, fastuosi, &c. Bruti homines, qui quid valeat, quorsum spectet Cæna, numquam gustarunt, &c. In nos fulminando, omnes Papa scribas & Datarios superant, atque ita debacchando optimam Euangelij causam se obruere posse sperant*. Iterùm Lutherus in Colloquiis mensalibus falsus est, eam inter suos Caluinistasq; sperari posse concordiam, quæ inter Christum & Iudam intercessit. Si quæ verò alia coëunda esset, eam non in Dei nomine, sed in

in nomine omnium diabolorum esse coituram, quod Calvinistæ essent *diaboli incorporati*. Denique loco iam indicato Coccius ingentem numerum librorum censet, quos vtròcitro Lutherani & Calvinistæ in se inuicem tamquam *βελιωμαχοι* scripserunt, ad se mutuò lacerandum. Quamquam & hac de re latius dicturus sim infra Notâ 5. de dissensionibus hæreticorum.

Septimò, Illud item impudentissimum mendacium Brandij est, *contentionem inter hosce non de fidei fundamento, sed de aliquâ tantum circumstantiâ esse*, vt contrâ constat ex Theologiâ Calvinisticâ, quam libris tribus conscripsit Conradus Schlusselfburgius, in quâ adnotantur valdè supra 223. errores contra omnes propè Articulos fidei Christianæ. editus est hic liber Francofurti anno 1592. Quâ item de re latius infra Notâ 5.

Octauò, Denique exemplum Ierosolymitanorum discipulorum, atque etiam Pauli, nihil Brandium iuuat; quia id temporis Lex vetus vix mortificata erat, nedum mortifera. Vnde neque errabant in fide, cùm fides non tam erat vulgata, quàm vulgari cœpta.

Sexta Lessij probatio erat ista:

In politiâ humanâ ad auctoritatem regendi non satis est dicere, se à Principe, qui procul, absit, ad hoc missum; sed Patentes idoneæ exhiberi debent sigillo Principis munitæ: quod idem fieri videmus in Legatis & Nuntiis Apostolicis.

Quenam ergo fatuitas est, in Ecclesiâ & Regno Christi admittere novos non solum Pastores, sed re-
forma-

formatores totius Religionis nullis ostensis Patentibus, nullis exhibitis signis?

Responsio Meisneri.

Pag. 425. *Exhibuit Lutherus noster patentissimas magni Iehouah literas, Biblico codice comprehensas.*

Refutatio.

Quantò verò hæc maior est Meisneri fatuitas! Nam vbi magnus ille Iehouah Lutherò Biblia dedit pro Patentibus? & vbi in Bibliis mandatur Lutherò Prouincia reformandi Ecclesiam? vbi vel Lutheri nomen in hisce Patentibus indicatum est? Possent, nisi fallor, eodem etiam modo Bibliopolæ omnes, dum Biblia venalia ostendunt, dicere, hæc suas Patentes esse ad reformandam Ecclesiam.

Iam hunc in locum reiiciendum duxeram Lessij Argumentum à contrario, suprà positum Consideratione septimâ, vt melius hæc quæstio exhauriretur. Argumentum erat huiusmodi: *Nullus ex nouarum Religionum Ministris ostendere potest se ab Apostolis descendere, aut eorum esse successorem, seu quoad potestatem Ordinis, seu Iurisdictionis. Ergo, &c.*

Responsio utriusque.

Meisnerus pag. 277. *Detrahunt Pastoribus nostris primò Successionem; secundò Ordinationem; tertio Vocationem. omnia falso. Nam Primò, quod successionem attinet, Apostolicam doctrinam tenent. Quamvis igitur ante ipsos in Ecclesiis nostris sederint lupi, atque sic interrupta fuerit vera successio; tamen hoc nihil derogat puritati doctrina.*

Se-

Secundò, *Quod spectat Ordinationem, cuius usus cum non sit Physicus, sed Ethicus, nimirum ut per illam Primò, ministerij dignitas ostendatur; Secundò, minister de sua vocatione certus fiat; Tertiò, oïcula coram velut in eius sinum deponantur, &c. hanc Ordinationis carimoniam in nostris quoque Ecclesiis observamus.*

Tertiò, *Quoad Vocationem, &c. respondemus breuiter, Primò, Ministros nostros legitime vocari ad predicandum ab Ecclesiâ, cui hoc ius propriè competit. Secundò, Lutheri vocatio respectu predicationis fuit ordinaria: Primò, cum ad Ecclesiasticum munus ordinaretur; Secundò, cum professio Theologica illi demandaretur; Tertiò, cum signa Doctoralia illi conferrentur. Respectu autem reformationis in eo aliquid extraordinarij delitescit: procul dubio enim à Deo excitatus est.*

Brandius pag. 66. Protestantes cum habeant eandem cum Apostolis doctrinam, & Ordinem & Iurisdictionem ab Apostolis habent. Instat Lessius, & rogat à quo Lutherus & Calvinus eam potestatem habeant, &c. Audiatur, Lutherum docendi auctoritatem vel in Scholâ vel in Ecclesiâ habuisse, & fuisse sacre Theologie Doctorem, vel Ecclesiæ Pastorem, vel simile quid; Calvinum ab Ecclesiâ Geneuensi iam reformatâ ad docendum vocatum. Esto tamen, extraordinariè sint vocati, an propterea id non factum legitime?

Refutatio quoad Successionem.

Primò, In Apostolicam doctrinam non successisse Lutheranos aut Calvinistas, est suprà ostensum, & pòst ostendetur iterum.

O

Secun-

Secundò, Ridiculè vocat Meisnerus *suas Ecclesias*, antequam *sui* in ijs residerent. Nam vbi quæso ante Lutherum vlla Ecclesia Lutherana fuit?

Tertiò, Si per ingressum luporum in suam Ecclesiam, vt Meisnerus fatetur, *interrupta fuit vera successio* (hæc enim ipsa Meisneri verba sunt) quomodo contendit in suâ Ecclesiâ semper esse, aut fuisse veram successionem? Hæc enim inter se manifestè pugnant.

Quartò, Cùm omnes SS. Patres (vt suprà ostensum est, & à Meisnero etiam concessum) *ex verâ successione* non interruptâ, colligant Ecclesiæ & doctrinæ veritatem; quomodo doctrinæ non derogat, si per luporum ingressum vera successio interrupta sit in Ecclesiâ Lutheranâ?

Quoad Ordinationem.

Primò, Si Ordinatio consistat in triplici illâ cærimoniâ, certum est, Lutherum non esse ordinatum, neque à Lutheranis, neque à Catholicis, neque ab vllis aliis. Non à Lutheranis, quia hi ante Lutheri prædicationem schismaticam nulli fuerunt; ipsi à Luthero Lutherani facti sunt. fuit enim Lutherus primus Lutheranicæ reformationis auctor. Non potest ergo ab ijs esse ordinatus ad primam suam prædicationem aut reformationem. Non à Catholicis, aut vllis aliis; quia Catholici, fatente Meisnero, sunt lupi, qui illegitimè successionem interrupere: neque verò apud eos, aut apud vlllos alios tres illæ Ordinationis cærimoniæ ante Lutherum fuerunt obseruatæ.

Secundò, Stultissimum est illud Brandij Argumentum: *Protestantes habent eandem cum Apostolis*

lis doctrinam. Ergo habent ab ijs Ordinem & Iurisdictionem. Hinc enim sequitur, omnes omnino pueros, viros, feminas, opiliones, subulcos Protestantium, habere Ordinem & Iurisdictionem, quia omnes habent eandem cum Apostolis doctrinam, ex sententiâ Brandij.

Quoad Vocationem.

Si Ministri Lutherani vocati sint ab Ecclesiâ, ergo vel à Catholicâ, vel à Lutheranâ, vel ab aliquâ aliâ.

Non à Catholicâ. Primò, Quia sic ius vocandi legitimè ministros esset penes Catholicam: cum verò Catholici omnes iamdudum fuerint iudicio aduersariorum idololatræ & ministri diaboli, sequeretur, ministros Dei legitimè mitti ab idololatris & ministris diaboli. Secundò, Quia nunquam Catholica Ecclesia vllum vocauit ad prædicandam fidem Lutheranam, sed solummodò Romanam Catholicam Pontificiam. Tertiò, Etiam si vocaret, non esset vocatio valida; quia Catholica non habet potestatem vocandi vllum ministrum, nisi ad prædicandam fidem suam Catholicam. Quartò, Quia si à Catholicâ, tum eodem modo, qui deserto Lutheranismò post Lutheranicam vocationem legitimâ prædicaret Catholicam apud Catholicos, is deberet dici à Lutheranis legitimè vocatus ad prædicandam Catholicam. Quintò, Eodem modo omnes antiqui hæretici ex Episcopis & Sacerdotibus hæretici facti, deberent dici à Catholicâ illâ veteri Ecclesiâ vocati fuisse legitimè ad prædicandas suas hæreses; quæ omnia sunt absurdissima.

Non à Lutheranâ, aut ab vllâ aliâ Ecclesiâ; quia nec illa, nec vlla alia, aut collectim sumpta, aut per partes sumpta, habet vllam auctoritatem à Deo, mediatè vel immediatè, vt legitimè vocet & mittat aliquem ministrum.

Non immediatè; Quia numquam Deus immediatè vel congregationem, vel vnam aliquam personam vocat, nisi eas, velut patentibus litteris, instruat præsidio & ornatu miraculorum. Ita enim instruxit Moysem, Eliam, Elisæum, alios Prophetas, Ioannem Baptistam, Christum, Apostolos, Discipulos, denique omnes & singulos, quos vel nominare possit Meisnerus aliquando vocatos à Deo. Adeoque neque Christus voluit credi sibi tamquam immediatè vocato & misso, nisi per confirmationem miraculorum, Ioan. 10. *Si non facio opera Patris mei, nolite credere mihi: si autem facio, & si mihi non vultis credere, operibus credite.* Atqui neque Lutheranam, neque vllam aliam nouam Ecclesiam, aut aliquam eius Ecclesiæ personam, vquam Deus miraculorum patratorum Patentibus instruxit. Ergo, &c.

Non mediatè; neque enim mediante Ecclesiasticâ potestate, aut ciuili. Non mediante ciuili; quia non potest spiritualis auctoritas vlla dari à ciuili, cum auctoritas illa sit superioris ordinis. Non mediante Ecclesiasticâ; quia nec Lutheranâ, nec aliâ. Nulla est enim Catholica, aut alia talis potestas, quæ possit aut Ecclesiæ, aut personæ, aut Ecclesiæ alicui Lutheranæ legitimam auctoritatem dare prædicandi fidem Lutheranam. Certum est igitur, ministros nullos Lutheranos esse legitimè ab vllâ Ecclesiâ missos,

Se-

Secundò, Nec Lutherus legitimè missus aut vocatus est; quod eodè modo probat firmissimè Tannerus noster Part. 1. Anatom. Demonstr. 5. quia nec mediatè à Deo, nec immediatè. Non immediatè, cùm ob causas iam dictas, tum præcipuè, quia nullo modo credibile est à Deo immediatè missum esse hominem moribus tam impuris ad reformandam Ecclesiam, atque fuit Lutherus. Possum addere, quia suprà obiecit nobis ipse Meisnerus, *iam nullum hominem doceri amplius aut vocari à Deo*. Non mediatè, quia nec à civili, nec ab Ecclesiasticâ potestate. Non à civili, ob causam dictam. Non ab Ecclesiasticâ, quia nec à Catholicâ, nec à suâ. Non à Catholicâ ob res dictas. Non à suâ, quia priùs debuisset ab ipso Luthero eam potestatem accepisse, ac proinde recepisset Lutherus à se ipso.

Iterùm, Vel vocatus fuisset Lutherus ante suam apostasiam, vel post. Non ante, quia à Catholicis Præsulibus fuit vocatus ad prædicandam Catholicam, & cùm Sacerdos, & cùm Doctor factus est; nec potuit ab ijs mitti ad prædicandam Lutheranam. Non post, quia neque à suis, qui ipsi eam potestatem debebant accepisse ab illo. Neque à Catholicis, quia illi Lutheri prædicationi se opposuerunt. Non à Catholicorum apostatis Præsulibus, quia iam illi potestatem eo ipso amiserant. Certissimum igitur est, Lutherum nec ordinariè seu mediatè, nec extraordinariè seu immediatè à Deo esse vocatum, siue ad prædicandum, siue ad reformandum.

*Quarta Ratio Lessij, ex defectu
Miraculorum.*

OMNES illa Religiones cum suis auctoribus meritò habenda sunt suspectæ, quæ introductæ sunt absque ullis miraculis aut signis diuinis. Sed Lutherana, Calviniana, Anabaptistica Religiones introductæ sunt absque ullis miraculis. Ergo meritò cum suis auctoribus habenda sunt suspectæ.

Prima responsio utriusque.

Meisnerus pag. 430. Non sunt nunc necessaria miracula, quia veritas doctrinæ æstimatur ex Scripturis: & Doctorem quoque arguit sua doctrina, prorsus ut miraculis opus non sit, neque ad euincendam Doctoris legitimam missionem, nec ad demonstrandam doctrinæ veritatem. Pag. 431. Fatemur quidem miraculis clariuisse plerosque Prophetas immediatè missos, non tamen omnes. Nihil enim legitur de miraculis Ieremia, Ioëlis, Osea, & Amos, qui tamen omnes veri & extraordinarij vocati Doctores fuisse.

Brandius pag. 110. Dico noxium fore, si post confirmatum ab Apostolis per miracula Euangelium, de-nuò miracula fierent, eaque signa prauæ Antichristianismi fore. Pag. 111. Tum etiam neque omnes qui immediatè missi fuerunt, instructos fuisse miraculis, nos docent exempla quorundam Prophetarum, &c. inter alios Amos.

Refutatio.

Primò, Ad probandam veritatem doctrinæ, non solum collatione Scripturarum, sed etiam miraculis

culis esse opus, manifestum est exemplo Christi ipsius, qui licet manifestissimè doctrinam suam Scripturarum testimoniis confirmarit, eandem tamen maximis præterea miraculis stabilivit: *eum in finem* (fatetur Meisnerus pag. 431.) *ut eò citius hominum animi commouerentur*, præsertim cum doctrina Evangelica Leges Moyseicas abrogaret, atque sic quodammodò noua esset. Vnde ita argumentor:

Si Christus, qui solùm inducebat nouum Religionis statum (quem clarissimè ex Scripturis poterat demonstrare) nec veterem falsitatis arguebat, vsus est tamen miraculis, ut eò citius hominum animi mouerentur: oportuit igitur multò magis Lutherum & Calvinum (qui nouam omnino induxerunt Religionem, & veterem in plurimis articulis falsitatis condemnarunt) miraculis uti ad hominum animos commouendos. Nam etiamsi quidem Meisnerus & Brandius negent Religionem suam esse nouam; fateri tamen debent, toti Ecclesiæ, quæ ante Lutherum fuit, omnino nouam esse. Quare à Papistis iure meritò exigì miracula ad nouitatem tantam persuadendam.

Secundò, Ad probandam Doctòris legitimam missionem opus esse saltem tignis aliquibus diuinis, etsi non miraculis, apparet exemplo omnium omnino quotquot vniquam fuere missi Doctores.

Nam Primò, etiam Ieremias, Ioël, Oseas, & Amos, (quos solos Meisnerus Brandiusque excipiunt) claruerunt saltem Spiritu Prophetico, ut patet ex Scripturâ; quod solùm Lessius postulauit.

Secundò, Hi ipsi Prophetæ non fuere missi ad renouandam Ecclesiæ doctrinam, sed tantum ad

corrigendos populi mores.* vnde, vt miraculis clarentur, nihil erat opus.

Tertiò, Ioannes Baptista (quamquàm portentosum omnino habuerit natalem) quia & ordinarius minister erat (vt pote filius Sacerdotis) neque contra communem doctrinam quidquam docuerit, miraculis non eguit, maximè quando eius aduentus etiam ab Isaiâ Prophetâ fuerit Scripturæ vaticinio prænuntiatus, vaticinium interpretante ipso Christo. Quid verò horum omnium simile fuit in Luthero aut Caluino?

Quartò, Ridiculum est quod Brandius scribit, *noxia potius iam fore miracula quàm utilia Ecclesia demonstrande.* Nam ita noxia fuissent quoque miracula Christi post miracula Moyſis, Eliæ, & Elifæi, miracula Apostolorum post miracula Christi, miracula edita quatuor primis sæculis post miracula Apostolorum.

Secunda responsio utriusque.

Meisnerus pag. 438. *Suprà docui, Religionem Lutheranam miracula habere, tum antiqua Prophetarum, Christi, &c. tum noua, nempe admirandum reformationis opus, & repentinam Euangelij propagationem: quod posterius Lessius contendit non esse miraculum, Primum, quia id ortum traxit ex permisso licentia viuendi, ad quam omnes propendimus; Secundò, quia id miraculum ab omnibus aliis Religionibus adferri possit, cum ad eas plurimi etiam affluerint. Sed Prima obiectio est instantia Pharisaica, nam & illi sic calumniabantur Christum & Apostolos. Deinde, licet Religio nostra ductu Scriptura libertatem Christianam asserat, nec ieiunium, chameuniam, &c.*
impe-

imperet: attamen cum magnis persecutionibus carni molestissimis, primo potissimum tempore, coniuncta fuit, &c. Denique calumnia est, Religionem Lutheranam vivendi licentiam tribuere.

Ad Secundam obiectionem quod attinet (pag. 441.) non argumentamur ex solo confluxu, sed ex causâ confluxus, &c. efficaciâ solius doctrinae, &c.

Anabaptistarum Religio nihil est quàm subditorum servitij impatientium seditio. Calvinianos quod attinet, multos y decipiunt, &c.

Brandius pag. 111. & 112. Circa primos Religionis reformatores etiam mira acciderunt, quòd hominum secundum carnem tam viliũ operâ Antichristianismus tam brevi tempore convulsus est. Pag. 117. Calumniatur verò Lessius, cùm ait Protestantium doctrinam carni licentiã aliquam, nedum omnem tribuere, &c. Quòd verò illud miraculum non omnibus Religionibus commendandis servit, inde est, quòd etiam necesse sit ut doctrina sinceritas ijs quoque adsit.

Refutatio.

Primò, Cùm fateatur Meisnerus, Lutherum ordinariã missione ad prædicandum accessisse, clarum est, eã ex parte nihil fuisse miraculi. Non fuit autem etiam miraculi quidquam circa opus reformationis (ad quod Meisnerus ait eum extraordinariẽ missum) quia nec in modo, nec in re. Non in modo; quia non reformavit Ecclesiam, nisi prædicatione, sermone, & exemplo; ad prædicationem autem ordinariẽ vocatus est; scriptio eius mendaciis, exemplum vitiis scatet. Primò, Prædicationem Lutheri nullam accepimus fuisse miraculosam, qualis fortè illa Petri, Act. 2. cap.

O 5 quã

quâ *apposita sunt animæ circiter tria millia*; & illa Act. 4. *quâ quinque hominum millia* ad Christum fuere conuersa. Secundò, Scriptionem item Lutheri tantum abest vt quis credere possit miraculosam fuisse, vt etiam certum sit, vix vllum vquam hominum scripsisse ab omni retrò memoriâ inconstantius, mendaciùs, atq; inuerecundiùs, quemadmodû Libro primo ostensum est. Tertiò, Exemplum denique qui sequi volet, nepos fiat oportet, gurges & ganeo, aut si quid est ad omnem turpitudinem proiectius, vt mox ostendemus. Non etiam in re; quia nec reformatio morum nec doctrinæ fuit miraculosa. Non morum, quia, vt probatum suprà, mores Euangelicorum in peius lapsi sunt, quam ad rem non fuit opus peculiari miraculo. Non doctrinæ, quia, vt etiam antè demonstratum, Scriptura à Luthero pluribus locis corrupta, ex eaque pestilentissima dogmata plurima sunt producta. Nullum igitur miraculum est ipsum opus reformationis, nisi fortasse miracula sunt, *templa vastata incendio, dissipata sacrarum imaginum statua, Monachorum Virginumque disturbata Monasteria, Respublica subuersa, cades denique & laniena Ecclesiasticorum*: qualia Lutheri exemplo à Calvinistis in solâ Galliâ perperrata ex Fontenò innumera refert Adrian. Iungius noster lib. 1. De moribus Euangelicorum cap. 13. in hæc verba: *In vno Gallie Regno, duobus tumultibus anno 1562. & 1567. templa supra decem millia à Calvinianis partim incensa, partim diruta. Monasteria supra sexcenta solo æquata, plurima incensa. Sanctorum ossa aut concremata, aut in profluentem deiecta, inter quæ D. Martini ossa apud Turones, &c. Sacer-*
dores

dotes supra quinquies mille lentis variisque suppliciis excarnificati. Sacra Virgines innumera partem violata, partem occisa; plurima urbes ferro ignique vastata. Denique undecim annorum spatium, in Gallia & Belgio quingenta minimum hominum millia sunt interfecta. O Neroniana miracula!

Secundò, Non est Pharisaica instantia dicere, ex vitæ concessâ licentiâ tantam tam subito factam esse Lutheranismi propagationem, cum nec Christo nec Apostolis eius umquam obiecta sit vlla à Phariseis laxioris vitæ licentia, ne quidem cum apud Iudices falsorum testium criminationibus traduceretur; sed tantum violatio quorundam caerimonialium præceptorum, baptismatum, & leuioris alicuius ieiunij. Quin contrà, Christus arctiorem longè disciplinam à suis exigebat, quàm à se Pharisei; ut apertè professus fuerit, suos numquam fore saluos, nisi iustitia eorum abundaret plusquàm iustitia Phariseorum. Vnde & eos inuitabat ad intrandum *per angustam portam, ad tollendam crucem, ad diligendos inimicos, ad seruanda consilia paupertatis & castitatis*: quæ omnia longè arctiora magisque ardua erant, quàm illæ hypocritæ Phariseorum.

Tertiò, Ridiculum planè est, à Meisnero hic adduci persecutiones Lutheranismi illatas, in exemplum susceptæ auctoritatis: nam furciferi & patibularij eodem modo venditare possent carnis afflictionem, post habitas in se quæstiones, & sumptum virgarum supplicium; quamquam neque tam durè cum Lutheranis ferè vsipiam actum sit.

Quartò, Hoc ipsum est quod Lessius scire contendit, cur potius apud Lutheranos, quàm Caluini-

uinistas aut Anabaptistas, credemus esse Scripturarum sinceritatem, quæ causa sit tanti confluxus? Nam hîc Meisnerus eam ait apud suos esse, & Calvinianos deceptores appellat. Brandius contra ait apud suos esse. Anabaptistæ dicunt apud se esse. Quibus tandem sciemus esse credendum? Denique addo Argumentum Lessij à contrario suprà ex Consideratione quartâ, huic loco opportuniùs reservatum.

*Argumentum Lessij à contrario, de miraculis,
ex Consideratione quartâ.*

Numquam mortui ab ullis hæreticis excitati, aut cæci illuminati, aut claudi erecti, aut paralytici curati, aut demones è corporibus hominum fugati. Numquam talia à Luthero, vel Caluino, vel horum sectatoribus profecta. Mox addit, contrariis miraculorum successibus turpiter illusos fuisse Lutherum & Calvinum, ex Cochlæo & Bolsecò.

Prima utriusque responsio.

Meisnerus pag. 233. *Nota Primò, Religionem nostram Lutheranam non esse nouam, sed antiquam & Apostolorum. Quare iamdudum confirmata est, & luculenter enicta omnibus istis miraculis quæ ediderunt Propheta, Christus, & Apostoli, &c.*

Brandius pag. 47. *Apostoli fecerunt miracula, & Protestantes in illis sua miracula habent.*

Refutatio.

Ne quid ex antedictis Refutationibus fortè cum nausea hîc iterùm ingeram, Lutherus ipse non solum se miraculis Apostolorum ac Patrum, sed
&

& doctrinæ consensu & antiquitate destitutum esse scripsit ad Erasimum anno M. D. XXV. lib. De seruo arbit. Tom. 2. Latino VVittenb. fol. 469. col. 2.

Ex hac parte (Catholicæ) stat eruditio, ingenium, multitudo, magnitudo, altitudo, fortitudo, SANCTIMONIA, MIRACVLA, & quid non? ex meâ verò parte vnus VViclef, & alter Laurentius Valla (quamquam & Augustinus, quem præteris, totus meus est) sed isti nihil ponderis habent præ illis. Reliquus est Lutherus vnus priuatus, nuper natus cum suis amicis, in quibus neque tanta eruditio, nec tantum ingenium, nec multitudo, nec magnitudo, nec SANCTIMONIA, nec MIRACVLA, VT NE CLAVDVM VNUM EQVVM sanare queant. Nihil igitur apud nos, quam vt lupus ad philomelam damnatam dixit, Vox es, præterea nihil. Dicunt enim, & hoc solo, ais, sibi credi volunt. Fateor, mi Erasme, te non immerito istis omnibus moueri.

Lutherus eodem lib. De seruo arbit. vult nulla abs se miracula, neque noua neque vetera exigi ad fidem suam stabiliendam. Cur igitur vetera requirit Meisnerus, vt necessaria Religionis suæ.

A nobis (inquit Lutherus) qui negamus liberum arbitrium, miracula exigi non debent: à vobis, qui asseritis, debent. Nimirum Lutherus instar Mahumetis volebat vocari Elnabi, id est Interpres Dei; & credi sibi omnia solâ auctoritate suâ plusquam Pythagoricâ, absque omni testimonio miraculorum, quæ ipse tamen ab aliis fidei nouatoribus perpetuò scripsit exigenda.

Respon-

Responsio secunda Meisneri.

Pag. 234. *Iniquum postulatum est, requirere à nobis miracula, cum nulla extet promissio, velle Deum ultimis mundi temporibus per magna & varia signa veram doctrinam notificare.*

Refutatio.

Ambula mecum in Ius, Meisnere, ad Tris viros, ad Lutherum, Melanchthonem, & Erasimum, quos suprà mihi Iudices tulisti. Lutherus æquissimum id esse præiudicavit libro De seruo arbitrio: *Nobis mandatum est, prorsus nullum dogma admittere signis diuinis non antè probatum.* Id ipsum postulauit fieri à Muncero Neoapostolo, scribens ad Senatum Mulhusinum, Tom. 2. *prudenter eos facturos, si Muncerum interrogarent, a quo predicandi acceperit potestatem? Si dicat, à Deo; id ei probandum, & vocationem suam miraculo aliquo confirmandam. id si facere non possit, extrudendum; quòd Deo proprium sit, voluntatem suam per miracula declarare, quoties vsitatum ordinem mutari velit.* Eodem modo scribit Tom. 5. ad Anabapt. lib. 3. cap. 4. *Si quis fortè, inquit, ad vos venit, & concionandi potestatem petit; querite an habeat missionis. seu vocationis sue testimonia: si à Deo se missum dicat; querite ubi ipsius sunt miracula?*

Melanchthon in cap. 3. Matthæi: *Sic postea sapè, quando mundus serè fuit oblitus promissionem & doctrinam Euangelij, tunc vocauit Deus novos Doctores. Sic quando magna tenebra erant, Deus vocauit Ioannem: & semper addit Deus miracula, ut certò sciamus à Deo missos.*

Eras-

Erasmus in Diatribe suâ De libero arbitrio: *Apostolis, inquit, quoniam excutiebant viperas, sanabant agrotos, excitabant mortuos, &c. ita demum creditum est, & vix creditum est illis paradoxa docentibus. Nunc cum iuxta opinionem communem adferant paradoxotera, nullus illorum adhuc existit, qui vel equum claudum sanare potuerit.*

Addo Bullingerum in quartum subscriptorem, si quem fortè ex tribus ludicem eieret Meisnerus. Is enim cum Anabaptistis disputans de vocatione Pastorum, *miracula ab ijs exigit, ut se diuinitus missos probent.*

Et quid? An non suprâ iam demonstraui ex promissione Christi, miraculorum gratiam numquam ab Ecclesiâ ablatum iri? Dixerint Augustinus, Chrysostomus, à Costa noster, *miracula subinde cessasse, cum ijs opus non esset*; an dixerunt illi, à Christo sponsæ suæ Ecclesiæ, dotis suæ partem, miraculorum inquam potentiam, vniquam fuisse ereptam? Aliud longè est, miracula subinde cessare, aliud, miraculorum non habere potestatem.

Denique æquissimum id esse postulatum, videot mihi demonstrare posse ex his ipsis principiis aduersariorum. Primò aiunt, *suam doctrinam ipsissimam esse illam veterem Apostolorum.* Secundò aiunt, *nostram iam à sexcentis retrò annis cœpisse mutari & corrumpi.* Tertio aiunt, à *Luthero & Caluino* (diximus scilicet hominibus!) *nostra fidei cœptam esse nouam reformationem.*

Quæ si ita sunt, quæro, cur non sit æquum nos exigere miracula, saltem ad confirmationem nouæ illius reformationis, quam & ipsi aduersarij esse nouam fatentur, & à Luthero Caluinoque cœptam?

pram? Etenim saltē nobis reformatio illa aduersariorum noua est, & sexcentis iam annis ignorata.

Non iniuriā itaque postulamus, dogmata, etiam si antiqua, nobis saltē inaudita, miraculis confirmari. Numquid Christus, etsi ipsemet fidem suam tot illustribus miraculis probasset, post tamen eandem voluit ab Apostolis & discipulis confirmari prodigiis nouis? Numquid Apostoli, quoties ad nouā Gentem (cui inaudita erat Christi fides) veniebant, noua miracula perpetrabant, etiam si alibi miraculis eandem fidem antē ipsi comprobassent? Numquid post Apostolorum miracula Sancti plurimi, etiam primis quadringentis annis, eandem Apostolorum fidem nouis miraculis illustrarunt?

At, quid erat opus, postquam eadem illa fides tot prodigiis fuerat confirmata? Nempe id Gentibus illis (quibus & fides & miracula erant inaudita) parum profecisset, nisi noua ijs fuissent miracula perpetrata. Merito igitur & iure nos etiam miracula poscimus, quibus Lutherana Caluiniannaque reformatio hucusque fuit inaudita.

Tertia responsio Meisneri.

Pag. 234. *Quod si vsque adeo morose in postulato suo, licet iniquo, persenerent, loco miraculi allegare possumus magnum illud & admirandum reformationis opus. Erat Lutherus misellus Monachus, nec ferro, sed verbo Domini aggrediebatur Papam. Omnes Academia, doctrina eius se opponebant: omnes Cardinales & Episcopi execrabantur, omnes Reges & Principes persequabantur eum: ipse terror Orbis Imperator Carolus unum istum Monachum debellare, veraque*

raque doctrina prædicationem impedire, cum maximè vellet, non potuit. Eiecta sunt è claustris damonia [monachi,] captiui sub tyrannide Papali potenter sunt educti, &c. Magna hæc fuerunt miracula & opera Domini, adeò ut qui attentè legit Historias illorum temporum, non possit non exclamare, *A Domino factum est istud, & est mirabile in oculis nostris.*

Refutatio.

Primò, Qui vel ipsa Lutheri scripta tantùm legit (ne longius abeamus) exclamabit, *A damone factum est istud!* ipse enim Lutherus quo auctore hæc miracula fecerit, scripsit Præfatione Tomi sui primi Latini: *Solus eram, inquit, & cerè ad tantas res tractandas ineptissimus & indoctissimus: casu enim, & non voluntate nec studio in has turbas incidi, Deum ipsum testor.* Non ergo auctore Deo, sed casu ita ferente Lutherus ad Religionem suam difseminandam accessit.

Iterùm Respons. ad Hircum Lipsienf. *Cor meum, inquit, ita affectum est, ut sperem me in Dei nomine hoc opus esse aggressum: non tamen eius audacia sum, quòd de eo iudicium feram, prædicemque publice pro certo, aliter non esse. Nollem libenter diuinum iudicium super hac re sustinere.*

Nesciuit ergo Lutherus, an auctore Deo, an diabolo ageret partes suas? Certè, quòd contra conscientia suæ instinctu fecerit, adeoque fecisse doluerit, apertè falsus est verbis illis Colloq. mensal. *Numquam eas cogitationes ex animo dimitto, nimirum quòd optarem & cuperem, negotium hoc à me inceptum non esse.* Sed nimirum, quòd Cæsari dubitanti, an urbem Romanam porrò euertere per-

P

geret,

geret, in mentem venit, Rubicone iam traiecto, ut diceret, *Iacta alea est*; id Lutherus imitatus videtur, cum in Mensalib. colloq. pag. 24. seipsum adhuc animi pendentem ita excitauit: *Quia causam hanc ingressus sum, videndum mihi nunc est, & dicendum, eam iustam esse.* Ingenuè alioqui non à Deo se fuisse instinctum confessus est, ne dubitare possemus; cum in Disputatione Lipsiensi contra Eckium exclamauit, *Hac causa neque propter Deum coepit, neque propter Deum finietur*, ut de eo scribit Cochleus in Actis Lutheri, anno M. D. XIX. Non igitur à Domino factum est istud, sed à demone principe hæreticorum; nec mirabile, sed miserabile est in oculis nostris.

Secundò, Non magis miraculum est, impios multos abiectâ Legis Christianæ seueritate, Monachos flagitiosè effractis Monasteriorum claustris, ad Lutheri mollissimam libertatē accurrisse, quàm vultures ad cadauer, Ægyptios ad ollas & pepones aduolasse. Quid enim mirum, inueniri multos, qui in eâ Religione esse velint, in quâ sine omni pœnitentiâ, sine omni opere bono, solius fidei pretio venale proponitur regnum cælorum? in quâ nec fornicationes, nec libidines vllæ, sunt peccata pœnâ vllâ punienda? Imò miraculū esset, perniciosos homines plerosque ad Religionem tot tantisque elegantiarum priuilegiis illustrem non aduolare.

Tertiò, Ita miracula erunt primus conuentus opilionum & flagitiosorum ad asylum Romuli, feruorum supra viginti millia ad præstigias Euni, accursiones nefariorum hominum ad Religionem Mahumetis, quæ multò fuere frequentiores &

maio-

maiores omnibus societatibus Protestantium.

Quartò, Ita denique miraculum erit, copiosius crescere lolium, quàm sanam frugem. Sed è contrario certè hoc ipsum Christus reliquit nobis pro indicio errorum & seductionis, Matth. 24. *Et multi Pseudoprophetae surgent, & seducent multos: & quoniam abundabit iniquitas, refrigescet charitas multorum.*

Quintò, Etsi fortasse multos Lutherus à Catholicâ Romanâ fide abstraxerit, non tamen eos omnes ad vnam aliquam sectam suam adduxit, cùm iam Lutheranismus sit multorum capitum & schismaticorum hydra, vt ostendemus infra.

Sextò, Mendacium est, à Carolo Cæsare, omnibusque Principibus, tantos adhibitos fuisse conatus ad coërcendam audaciam Lutheri. Iam enim ante quinquennium circiter Lutherus turbatâ potiebatur Germaniâ, quàm Cæsar Carolus in Germaniam veniebat, anno nempe 1521. cùm à Luthero anno 1517. incendium cœptum esset excitari. Deinde, tantum potuit Wormatiæ apud Cæsarem Friderici Saxonie Ducis auctoritas, vt ab hoc passus sit intercedi postularis Pontificij Legati Alexandri, qui ob XL. articulorum hæresim Lutherum ad pœnas vocabat. Denique & ipse Cæsar omnesque Imperij Principes, Luthero, vt Wormatiam veniret, Saluiconductus literas dederunt; nec verò (quod iure potuisset Cæsar) Luthero contra mandata sua concionanti, fidemque frangenti in viâ, fidem fregit.

Quid? quòd Caietanus Cardinalis Lutherum, aliquando nullâ Cæsaris auctoritate aut Saluiconductu (vt vocant) munitum, liberè vagari

permiserit Augustæ & alibi, quem nullo negotio comprehendere potuisset: quod prætermissum fuisse, iure meritò dolet cum bonis plurimis Florimondus Ræmundus Historiæ suæ De origine hæreseon, lib. 1. cap. 9.

Ipse verò Cæsar Carolus edicto suo quod aduersus Lutherum scripsit anno 1521. 19. Aprilis, *Meam, ait, ego vobis sententiam restatam facio, pœnitere memora, quâ contra ipsum Lutherum & falsam eius doctrinam procedere distuli. Mando ergo, ut quamprimum ex mandati præscripto reducatur, caneatque ipse ex conditionibus in Saluoconductu præscriptis, ne publicas conciones habeat. Sed neque conditionem hanc Lutherus seruauit, ausus etiam publicè concionari Isennaci in Thuringiâ, remisso Cæsaris caduceatore, qui ei tamquam actionum custos testisque appositus erat.*

Septimò, Mendacium est, Lutherum sine ferro ac viribus tot homines subiugasse, cum toties ipse velut tuba quædam seditionum, omnes ad capessenda arma aduersus Catholicos excitarit, Asserti. artic. sui 13. Tom. 2. Latini Wittenbergensis: *Qui habet aures audiendi, audiat, & à bello Turcico abste-
neat, donec Papa nomen sub calo valet.* Et lib. contra Siluestrum Prieratem: *Si fures furcâ, latrones gladio, hæreticos igne tollimus; cur non magis hos magistros perditionis, hos Cardinales, hos Papas, & totam istam Romanæ Sodome colluuiem, qua Ecclesiam Dei sine fine corrumpit, omnibus armis inpetimus, & in eorum sanguine manus nostras lauamus?* Denique Tom. 2. Ienens. fol. 132. lib. contra Ordinem falsò Ecclesiast. dictum: *Quicumque opem ferunt, corpus, bona, & famam in hoc impendunt, ut Episcopatus deuaster-*

uastentur, & Episcoporum origo extinguatur, hi sunt dilecti filij Dei, & veri Christiani.

Atque hoc veluti classico rustici omnes inflammati, correptis armis, non modò Ecclesiasticorum, verùm etiam Principum Nobiliumque aliorum multorum bona vasta fecerunt: quo audito Lutherus velut receptui canens, nouo libro aduersus rusticos scripto, Nobilium arma vicissim in rusticorum internecionem prouocauit, vt his ipse verbis scripsit Colloq. mensal. 250. *Ego Martinus Lutherus in bello rusticano omnes rusticos occidi: iussi enim eos trucidari. Omnium eorum sanguis in meis humeris est.* Quis igitur non videat à dæmone factum esse istud, quod à Domino factum Meisnerus vociferatur?

*Alterum Lessij Argumentum, ab infelici
miraculorum successu:*

*Quæ frustra tentata à Luthero scribunt Staphylus
& Cöchlaus; à Caluino, Bolfecus.*

Responsio utriusque.

Meisnerus pag. 235. *Manifesta sunt impudentissimi Cochlai mendacia, qui publicorum Iudoyegnum aliquoties conuictus fuit.*

Brandius pag. 55. *Quod ad Lutherum verò & Caluinum, quod illi conati fuerint miracula patrare, quomodo illud probat? Testibus Friderico Staphylo, Cochlaeo, & Hieronymo Bolfeco, qui quoniam malo viros illos bonos oderant, quis non habebit testimonium illud suspectum?*

Refutatio.

Primò, Vnde, quæso, manifestum hæc esse mendacia? Nemo in hunc vsque diem de Lutheranis omnibus aut Calvinistis, vllò scripto libro, aliquem ex hisce tribus testibus refutauit. Si falsum scripserunt, cur id temporis nemo inuentus est Lutheranorum vel Calvinistarum, qui honorem suorum Apostolorum tueretur?

Secundò, Staphylus testis fuit oculatus; vt impudentissimæ frontis sit, iam demum post tam diuturnum silentium illi fidem abrogare.

Tertiò, Meisnerus scribit, *Cocblæum falsi fuisse conuictum*; sed silet quo in iudicio, quibus testibus.

Quartò, Si eâ re suspecta est horum trium fides, quia Lutherum & Calvinum oderant; eodem nomine suspectæ erunt omnes narrationes SS. Patrum de similibus miraculis hæreticorum; hos enim illi semper oderunt: multò verò minoris fidei haberi debebunt omnia testimonia Protestantium de Catholicis, quia Catholicos oderunt odio Vatiniano.

*Quinta Lessij Ratio, ex vita morumque
Conditione.*

INCREDIBILE est eas esse veras Religiones, quæ introductæ sunt ab hominibus male vitæ, & infamiâ notatis, superbiâ, inuidiâ, & maledicentiâ singulari, & nihil minus quàm spiritum Apostolicum præferentibus.

Sed Religio Lutherana & Calviniana à talibus hominibus

minibus, Luthero & Caluino sunt introductæ. Ergo incredibile est eas esse veras Religiones.

Responsio utriusque.

Meisnerus pag. 443. *A prauitate vite ad falsitatem doctrina non est argumentari, &c. Moyses fuit impatiens & incredulus, Num. 11. Aaron idololatra, Exod. 32. Dauid homicida & adulter, 2. Sam. 11. & tamen doctrina ipsorum fuit verissima.*

Brandius pag. 117. *Esto, fuerint illi primæ reformatæ Religionis instauratores tales, indene dependet Religionis probitas? An, quia Iudas Iscariotes erat fur, diabolus, proditor, Euangelium, quod prædicauit, falsum est?*

Refutatio.

Primò, Omnino maximæ efficacitatis ponderisque argumentum est apud omnes cordatos à prauitate vitæ ad falsitatem doctrinæ, maximè cùm prauitas etiam tum perseverat, quando doctrina primùm inducitur aut reformatur. Nam cùm fidei prima inuectio aut reformatio sit omnino insigne opus Spiritus sancti, scribente Apostolo Petro Epist. 2. cap. 1. *Omnis Prophetia Scriptura propriâ interpretatione non fit: non enim voluntate humanâ allata est aliquando Prophetia, sed Spiritu sancto inspirati locuti sunt sancti Dei homines: quis credat, tantum, tam sublime opus committi homini alicui nefario & improbo, & in sceleribus perseveranti, quando Sap. 1. dictum est: In maleuolam animam non introibit sapientia?*

Quamobrem, vt Lessius scribit, *Apostoli, etiam si fuerint conditione humiles, & primùm indocti, repente*

facti sunt sapientiâ, vita sanctitate, & miraculorum gloriâ admirabiles. Miram illis erat animi demissio, mansuetudo, mirus gloria terrenarumq; voluptatum contemptus, adeoque similes mores fuisse in omnibus, quibus Deus usus est vel ad Gentium conuersionem, vel ad morum reformationem.

Alia verò huius rei causa non est, quàm quòd fides non fuisset facile ijs habita, si fuissent improbi & scelerati.

Secundò, Nullum omnino exemplum ex ijs, quæ contrà allata sunt, quidquam probat. Nam Primò, mendaciû est, Moysen fuisse incredulum: Num. c. 11. Quantus autem vir fuerit, quàm innocentis vitæ, Scriptura legatur Num. cap. 12. Secundò, Aaron numquam fuerat idololatra ante missionem suam. Tertiò, Dauid nec primus vspiam inuexit fidem, nec fidem renouauit. Quartò, Iudas Iscariotes fur & proditor fuit, sed post suam vocationem ad Apostolatam, nec vquam missus à Christo est post prodicionem, per quam infamis factus est, ad prædicandum Euangelium, cum gulam sibi fregerit ante Christi mortem, post quam prius Apostoli missi sunt. Incepta igitur sunt hæc Meisneri Brandiiq; exempla: neque vel vnicum est, quo probari possit, vllam vinqû infamiâ aut flagitiis nobilem missum à Deo esse ad docendam aut reformandam fidem, tum etiam cum in flagitiis perseueraret, qualis id temporis erat Lutherus, cum ad Ecclesiæ reformationem est aggressus. Vnde apparet, futilem quoque esse tertiam Meisneri responsionem, quâ ait plerosque Pontifices fuisse homines nefarios: nam vt ita sit, nullum tamen omnino Meisnerus potuit

DE VERÆ FIDE CAPES. LIB. III. 233
potuit nominare ex primis Pontificibus, qui fidem primùm disseminabant; sed ex ijs tantum qui sunt ævo posteriores.

Meisneri responsio pro vitâ Lutheri.

Pag. 444. *Quæ de Lutheri vitiis & sceleribus profert Lessius, nihil sunt quàm calumnia & mendacia, &c.*

Refutatio.

Non esse mendacia, constat ex Luthero, quem Conradus Andreæ Germanicè edidit. Quò in libro, omnia hæc vitia in Luthero hæsisse, ipsius Lutheri verbis est demonstratum.

Responsio utriusque de sacrilegio Lutheri.

Meisnerus pag. 446. Primò, *Sacrilegium dicunt, quia Monasticen, quam vovit, deseruit, & Monialem sibi copulavit.* Pag. 447. *Sed vorum Monastices & perpetui calibatus esse illegitimum & impiū, Parte 2. Confid. 1. Art. 3. probatum est. Quare Lutherus benè fecit, quod istud infregerit, & Monasteriū deseruerit.*

Brandius pag. 118. Putat Lessius eiusmodi Monachos & Monachas Christi coniuges esse, ideoque adulterio pollui, si coniugio saculari iungantur, &c. En os blasphemum! Matrimonium, quod Hebr. 13. honorabile inter quosuis & impollutum dicitur, hoc os dicit esse sacrilegium & adulterium, &c. Coniugium eiusmodi cum Christi coniugio non pugnat. Itaque quivis fidelis, quamvis Christi coniux, si donum continentia non habet, ex doctrinâ Pauli ad coniugium se conferto ne vratur, 1. Cor. 7.

Refutatio. .

Etiam si superiore Libro satis refutata sit Monasticae criminatio, adscribam hîc tamen quædam ex Ambrosio, Hieronymo, Chrysostomo, & Augustino (quos Meisnerus & Brandius pro suis agnoscunt) quæ abundè sint pro responsione præsentis rixæ.

S. Ambrosius lib. ad Virginem lapsam cap. 5. *Dicit aliquis, Melius est nubere quàm uri. Hoc dictum ad non pollicitam pertinet, & nondum velatam. Ceterum qua se sponduit Christo, & sanctum velamen accepit, iam nupsit, iam immortalî iuncta est viro; etiamsi voluerit nubere communi lege connubij, ADULTERIVM perpetrat.*

S. Chrysostomus Epistolâ 2. ad Theodorum Monachum lapsum: *Bonum quidem nuptias, & ipse confiteor; HONORABILES NVPTIÆ, ET CVBILÆ IMMACVLATVM, ad Heb. 13. Sed te Monachum iam servare non convenit privilegia nuptiarum. Angelorum enim societati semel iunctum, illam relinquere, & VXORIS LAQUEIS IMPLICARI, adulterij crimen incurrere est. Quamvis frequenter hoc ipsum, nuptias voces, ego tamen & adulterio illud tanto peius affirmo, quanto maior ac melior mortalibus Angelus. Neque ullus tibi fortè persuaserit, dicens: Nihil de non accipiendâ uxore Dominus præcepit. nec me ignorare confiteor, quòd adulterium interdixit, non autem nuptias vetuit; verùm in te adulterij nomen accepit, &c. Et quid mirum, si nuptia tales, quibus offenditur Deus, adulterio comparantur? &c. stupere desiste: si nuptia peiores adulterio indicantur, quoties Christus offenditur, &c. Nunc nihil penitus in te tui iuris*

iuris est, quippe qui tanto Imperatori militare coepisti. Nam si mulier proprii corporis non habet potestatem, sed vir; multo magis hi qui Christo potius quam sibi viuunt, conditionem corporis sui habere non possunt?

S. Hieronymus lib. 1. aduers. Iouin. cap. 7. Si nupserit virgo, non peccauit; non illa virgo quae semet Dei cultui dedicauit: harum enim si qua nupserit, habebit damnationem, quia primam fidem irritam fecit, &c. Virgines enim, quae post consecrationem nupserint, non tam adulterae sunt quam incestae.

S. Augustinus in Psalm. 75. Nescio quae Castimonialis nubere voluit. Quid voluit? quod & virgo qualibet. Quid voluit? quod & mater ipsius. Aliquid mali voluit? Mali planè. Quare? Quia iam vouerat Domino Deo suo, &c. Quid ait Apostolus de quibusdam quae vouerunt & non reddiderunt? Habentes, inquit, damnationem, quia primam fidem irritam fecerunt. Quid est, Primam fidem irritam fecerunt? Vouerunt, & non reddiderunt. Nemo ergo positus in Monasterio Frater dicat: Recedo de Monasterio; neque enim soli qui sunt in Monasterio, peruenturi sunt ad Regnum calorum, &c. Respondetur ei: Sed illi non vouerunt, tu vouisti.

Dicat iam Brandius, etiam sanctis hisce Patribus, quod Lessio obiecit, *En os blasphemum!* Quanto maiore iure ei responderetur, *En os mendax!* qui scribit coniugium ad Hebr. 13. vocari honorabile inter quosuis; cum nusquam dicat Paulus, inter quosuis, contrarium autem dicat Scriptura frequentissimè.

Responsio Meisneri de Lutheri ebriositate.

Pag. 448. *Probent ipsi quod dicunt. Aliud est honestum conuiuium, aliud Epicurea compositio: illud concessum, hæc prohibita: illi Lutherus sapè interfuit, hanc numquam exercuit.*

Refutatio.

Habemus confitentem Lutherum ipsum, qui Tom. 6. German. V Vittenbergen si se vocat ebriosum lurconem. Ita ergo miser ego ac ebriosus lurco euomebam amissas hæc literas, quas nunc porci deuorant. Tomo verò 2. cap. De Christianis, Ego, inquit, Martinus Lutherus vix ullam consolationem ex Resurrectione & morte Christi capere possum; bonis autè corporalibus, ut edere panem, & bibere cernisiam, optime possum. Testem præterea habemus Bughenhagium Pomeranum, Tom. 2. V Vittenb. Germ. Si quando Lutherus in mensâ moderate lætitiæ limites excedebat, id ipsimet postea displicuit.

Fertur verò in sympotiacis solitus siccare ingentem calicem vno ductu, à quo omnes etiam Nouellij & Tricongij abhorrebant.

Prima responsio Meisneri, de libidine Lutheri.

Pag. 448. *Lutherus in coniugio castè vixit, & scortationibus operam numquam dedit, &c.*

Refutatio.

Quid hîc aliud dicam, quàm illud Maroniam de Elisâ,

*Coniugium vocat, hoc prætexens nomine culpam?
Quomodo enim coniugium castum esse potest,
Mona-*

Monachi cum Monachâ frequentatus supra viginti annos incestus? Nolim alterius stare indicio, quàm vel vnus Henrici Octavi Angliæ Regis, qui de his nuptiis ita ad Lutherum ipsum eruditè sanè & elegàter scripsit: Ego non paullo magis admior, quòd te non pudet calo lenare palpebras, & vel in Deum vel in hominem quempiam probum oculos intendere; qui te passus sis, instigante diabolo, in eâ ingenij lenitatem cadere, vt ob carnis ineptias & obscœnas libidines, cùm Frater Augustinianus esses, Monacham Deo dicatam scelerato compressu violaris. Quid, quòd non compressisti solùm (quale flagitium si designasses olim apud Romanos Ethnicos, & illa terram vna subiisset, & tu ad mortem vsque verberibus esses multatus) verùm etiam, quòd nimio est execrabilius, publicè pro uxore incestuosissimis nuptiis traduxisti, atque palàm, summo cum totius mundi stupore, summo per orbem totum opprobrio vestro, summo cum sacrosancti coniugij contemptu, summâ cum sanctissimorum votorum contumeliâ, per nefas abuteris in quotidianam prostibulum.

*Secunda vtriusque responsio de libidine
Lutheri.*

Meisnerus pag. 449. *Necessarium verò dixit vsum femina, partim ratione finis, propter conseruationem speciei humana; partim ratione instinctus naturalis. Lutheri porrò sententia nequaquam fuit, vt si uxor coniugale debitum recusaret, maritus cum ancillâ concumbat, &c. sed potiùs hoc dedit consilij, vt vir primùm admoneat coniugem sui officij; deinde si recuset, pertinaciam illius aliis significet; & tandem si obedire prorsus nolit, ad Magistratum deferat,*
qui

qui illam vel cogat ad cohabitationem, vel à marito iuxta monitum Apostoli separet, & tum licere in matrimonio sumere ancillam, non secus ac Assuerus inobedientem Vasthi reiecit, & post famulam Esther sibi sociavit.

Brandius pag. 119. Si quid lenius Lutherus dixit quàm quod virum grauem decet, &c. id non reddit propterea cum improbum, &c. si ipse à flagitiis & vitiis abstinuit.

Refutatio.

Non aliter Ethnicus ille respondebat, quàm Brandius;

Nam castum esse decet bonum Poëtam

Ipsam, versiculos nihil necesse est.

Quod ad primam Lutheri sententiam attinet de necessitate ducendæ vxoris, ea ita claris verbis perscripta est, vt nullo fucō velari possit: *Quàm parum*, inquit, *in meâ potestate situm est*, vt vir non *sim*, tam *parum* etiam in meâ potestate situm est, vt *absque muliere sim*, &c. *Quia* hac res non est arbitraria, seu consilij, sed res necessaria ac naturalis, vt omnis vir mulierem habeat, &c. Estque hoc plusquam preceptum, magisque necessarium quàm comedere & bibere, purgare & expuere, dormire & vigilare: Tom. 6. Wittenb. Germ.

Non igitur agit Lutherus tantum de necessitate aliquâ quæ sit ratione finis, vel ratione naturalis instinctus, sed de necessitate absolutâ, quæ maior est quàm edendi, bibendi, & dormiendi; maximè cum scribat Tom. 7. Wittenb. Latin. & Tom. 6. Germ. Ἀγαμέμνων [calebs] vinere volens, planè ἀδύνατα θρηῖν, ὡς ὁλως θεομαχεῖν. id est, impossibilia tentat, & prorsus Deo repugnat.

Quod

Quod ad postremam sententiam de *vocandâ ancillâ in locum recusantis uxoris*, ea etiam ex Meisneri sensu explicata repugnat Evangelio Christi Matth. 5. *Ego autem dico vobis, quia omnis, qui dimiserit uxorem, exceptâ fornicationis causâ, facit eam machari.* Eo enim loco Christus abrogauit inueteratam inter Iudæos consuetudinem repudiandi uxorem quacumque ex causâ.

Reliquæ verò Meisneri Brandiique spongiæ, quibus effingere conantur carcinomata Lutheri, ita parum tergunt, vt nulla ei sit abluta macula.

Ego verò eiusdem generis frustra aliquot prætereâ conferam ad pertexendum Lutheri de castitate centunculum, quò meliùs hircum hunc extraham è capreis Tiberianis, mundo spectandum.

Primò ergo, sicut dispensauit cum quouis priuato, vt nolente uxore vocet ancillam, Tom. 2. Germ. Ien. De vitâ coniugali, & Tom. 6. German. Wittenb. fol. 177. ita quoque dispensauit

Secundò, Vt si cui mulieri maritus frigidus, caballus ille in cliuo scilicet, aut lorum in aquâ obtigisset, posset illa à marito licentiam postulare concubendi cum illius patre aut cognato proximo, eamque licentiam maritus dare teneretur; si negaret, uxorem fugere posse, & alteri alibi nubere: Ibidem in Germanico Wittenb. fol. 173.

Tertiò, Dispensat, si alter coniugum adulterium committat, posse sine peccato alterum cum altero tertio contrahere, planè ac si mors ei alterum coniugem abstulisset: Ibidem.

Quartò, Dispensat, vt Christiani omnes simul plures uxores possint habere: Tom. 4. Germ. Ien. in cap. 16. Genes. & Tom. 5. Germ. Wittenb.

Quin-

Quintò, Dispensat, vt quiuis Christianus possit simul duas sorores habere pro vxoribus, Tom. 4. Germ. Ienens. & Tom. 5. Germ. Wittenb. Comment. in c. 29. Genes. Quâ doctrinâ inuitati Philippus Lantgravius Hassiæ, & Oldendorpius vir aliàs Iuris cōsultissimus, duas simul vxores duxerunt. Alius verò non nemo Anabaptista scribitur à Luthero simul vigintiquatuor habuisse vxores. Narratur à Lindano Ludouicus Hetserus, celebris Anabaptista, simul habuisse vxores tredecim. Adeoque in Poloniâ plurimi, vt Winthoniensis scribit, Lutheri auctoritate freti, plures simul vxores duxerunt.

Sextò, Dispensauit secum Lutherus, vt deposito Philosophico pallio, vxorem ipse duceret, quæ pridem desierat esse Vestalis; tam auspiciatis nuptiis, vt pauculis post decantatum hymenæum diebus noua nupta pepererit, teste Erasmo in Epist. ad Danielem Mauchium.

Responsio Meisneri de Lutheri maledicentiâ in Reges.

Pag. 454. *Quod duriora Lutheri verba attinet, semetipsum satis excusauit in fine libri contra Regem Angliæ, vbi sic scribit: Si quem offenderit mea in Regem asperitas, hoc sibi responsum habeat: cum insensatis monstris me hoc libro agere, &c. Viget etiam exemplum Christi, Phariseos nominantis hypocritas, homicidas, cacos, stultos, &c. itemque Apostoli Pauli, qui falsos Doctores appellauit canes, filios diaboli, &c. Quod ergo nonnumquam senerius errores errorumque patronos taxauit, ex heroico magnanimoque zelo, ex nullo maledicentia studio profluxit.*

Re-

Refutatio.

Primò, Pulchrè sanè Lutherus ijs se verbis excusat, quibus etiam Regem nudè *monstrum* appellat. Hoccine se purgare est, an nouo petulantiae crimine obstringere?

Secundò, Magnam Principibus omnibus gratiam facit Meisnerus, qui eos non minùs ritè docet à Luthero vocatos fuisse *maximos fatuos, nebulones pessimos, lictores, carnifices Dei, &c.* quàm à Christo Phariseos fuisse hypocritarum nomine appellatos. Sunt enim hæc ipsa Lutheri encomia de potestate sæculari ad Ioannem Ducem Saxonie: *Ab initio mundi rara admodum auis est Princeps prudens, adhuc multò rarior Princeps probus. Sunt communiter maximi fatui, aut pessimi nebulones super terram, &c. Ipsi sunt lictores & carnifices Dei, quibus utitur ira diuina in ultionem malorum.*

Quamquam ex nullo maledicentiæ studio, sed ex heroico magnanimoque zelo Lutheri (vt vir erat ardentissimo zelo) hæc omnia sunt profecta, affirmante Meisnero.

Sexta Lessij Ratiò, ab erroribus & inconstantia doctrinæ.

QUICVMQVE vel in uno errat in suâ doctrinâ, hic non est missus à Deo. Lutherus & Calvinus in plurimis errant in suâ doctrinâ. Ergo non sunt missi à Deo.

Maior probatur, Primò, *Exemplo Prophetarum, Apostolorum, ceterorumque omnium, quotquot um-*
Q
quam

quam à Deo missi sunt, in quorum scriptis ne minimus quidem error est repertus.

Secundò, *Ipsis verbis Lutheri, quæ septies repetit variis Operum suorum locis: Qui semel mentitur hic certissimè ex Deo non est, & suspectus in omnibus habetur.*

Minor probatur Primò, *Quia Lutherus & Calvinus gravissimè saltem in hisce duabus rebus errarunt, in tollendâ arbitrij libertate, & Deum faciendo auctorem peccati.*

Secundò, *Quia Lutherus, ut ex Cochlaio libro De Luthero Septicipite patet, in omnibus propè fidei capitibus secum pugnat: adeoq; in solâ eius tractatione de sumendâ Eucharistia, notata sunt à Gasspare Querhamero contradictiones 36. In tractatione Communionis sub virâque specie, capita contradictoria septem à D. Cochlaio.*

Calvinus verò à Coccio deprehensus est contradixisse sibi vicies quater. Errant ergo toties Lutherus & Calvinus in alterutrâ contradictoriarum, quarum semper alteram necesse est esse falsam.

Responsio Brandij ad Maiorem.

Pag. 121 Syllogismus, quem Lessius struit, non coheret; quia Maior non est simpliciter vera, &c. Ibid. superius: Patres enim aliqui subinde sibi ipsis contradicunt, tamen Lessius vult illis stari. Aaron errabat, Exod. 32. Erravit Petrus, ad Galat. 2.

Refutatio.

Primò, Nota medullam Philosophicam. Syllogismus non coheret, ait Brandius, quia Maior non est vera; ac si diceret, Mala est consequentia, quia falsa est Maior. Sophos! Sophos!

Sc-

Secundò, Oportebat nominasse Patres illos, qui sibi contradixerunt.

Tertiò, Aaron, cùm auctor fuit populo vituli adorandi, & Petrus cùm docuit exemplo suo Gentes Iudaizare, non admisserunt vllum errorem doctrinæ, sed conuersationis, vt Tertullianus monet lib. De Præscript.

*Prima responsio Meisneri ad Minorem
pro Luthero.*

Pag. 477. *Caluinianorum hæc est sententia, non Lutheranorum* (De arbitrij sublatâ libertate, & Deo auctore peccati) *statui enim à Luthero & nostris contrarium, patet ex Augustanæ Confessionis artic. 18. & 19. Pag. 478. Non equidem diffitemur, Lutherû lib. De seruo arbitrio aliquas duriores phrasas adhibuisse, &c. Pag. 479. Sed quoniam pugnam ipsæ erat contra nimios liberi arbitrij assertores, duriuscula nonnumquam verba protulit.*

Refutatio primæ responsionis.

Hanc vtramque de libero arbitrio, & Deo auctore peccati, esse Lutheri & Philippi sententiam, commodiùs infrâ ostendam Ratione nonâ plusquam duodecim testimoniis ipsius Lutheri, & decem Philippi. Cùm verò contrarium hîc ab ijs dictum esse in Augustanâ Confessione, fateatur Meisnerus; fatetur haud dubiè id quod hîc Lessius contendebat, *Lutherum fuisse in doctrinâ inconstantem.*

Secundò, Operæpretium est expendere, quas Meisnerus vocet phrasas tantulùm duriusculas. Verbi gratiâ, lib. De seruo arbitrio: *Iusti non agunt,*

Q²

sed

sed aguntur Spiritu Dei, sicut ferra aut securis agitur. Ibidem: Perpetuò asserui vsque in hanc horam, liberum arbitrium esse nihil. Item: Hoc fulmine sternitur & conteritur penitus liberum arbitrium. Iterum in Assert.artic. 36. Tom. 2. Latin. Ien. impresso anno 1557. & Tom. 2. Latin. Wittenb. impresso anno 1562. Liberum arbitrium est figmentum in rebus, seu titulus sine re; nihil potest nisi peccare. Dum facit quod in se est, peccat mortaliter: si aliud potest liberum arbitrium quam peccare & persenerare in peccatis, Christus mentitur. Satanâ magistro venit in Ecclesiam hoc nomen liberum arbitrium, ad seducendos homines à viâ Dei! Nulli est in manu suâ quidquam cogitare boni aut mali; sed, quod Poëta voluit, quando dixit, — certâ stant omnia lege.
Hæc omnia de libero arbitrio dicta, tantum sunt phrasæ duriores, iudicio Meisneri.

*Secunda responsio Meisneri ad Minorem
pro Luthero.*

Pag. 489. *Aliud sunt ἀντιλογίαι vera, aliud apparentes & ficta: has Cychlaus & Querhamerus in suis libris obiecerunt, illas numquam demonstrarunt, &c. Quæ opponuntur ad idem, secundum idem, eodem respectu & tempore, &c.*

*Tertia responsio Meisneri ad Minorem
pro Luthero.*

Pag. 491. *Prætercâ aliud est contradictio, aliud prioris sententia mutatio, &c. Qui scripta primo tempore retractat postmodum, & aliud docet, is sibi non contradicit, &c. Fecere hoc ipsum sancti etiâ Patres, &c. Idem planè censeri debet de Luthero nostro, in cuius scri-*

scriptis reperiri fatemur quædam dissentanea, sed ea tantum sententiæ in melius mutationem arguunt. Fuit ille primum Monachus, & in Papisticis tenebris educatus. Mirum ergo non est, quod primo tempore non statim in omnibus fidei articulis veritatem sit affectus, sed quosdam errores Papisticos defenderit.

Refutatio secundæ & tertiæ responsionum.

Primò, Apertissimas esse Lutheri antilogias, patet ex sententiis singulis, sibi è regione oppositis à Gaspare Querhamero, quarum nullam (vti neque ullam à Cochlæo collectam) ullus umquam Lutheranorum propugnauit. Et cur Meisnerus non excerpserit ullam aliquam ad refutandum Cochlæum aut Querhamerum?

Secundò, Risu quàm refutatione dignius est, dicere quod non tam sibi contradixerit Lutherus, quàm sententiam mutarit exemplo Patrum antiquorum, qui multa item retractarunt. Nam quis, oro, sanctorum Patrum umquam retractauit doctrinam aliquam fidei, quam se dixerat aut scripserat accepisse à Deo? ad quam disseminandam se iactauerit primitus missum vt Euangelistam & Prophetam?

Quis umquam adeò Vertumnus fuit, vt toties eodem de fidei articulo fidem variaret? Nam, quod æternâ memoriâ dignum est, Lutherus de solo libero arbitrio diuersis temporibus sexies sententiam suam in scriptis suis mutauit, vt obseruatum à Sixto Sartorio quondam Lutherano, post Catholico.

Anno 1518. in Explicatione Orationis Dominicæ. Anno item 1520. in Commentariis

Epist. ad Galatas, *docuit esse liberum arbitrium.*

Anno 1521. in Assert. artic. 36. Anno item 1525. lib. De seruo arbitrio, *liberum arbitrium negavit.*

Anno 1528. in Visitatione Saxonica denuò *docuit esse liberum arbitrium.*

Eodem anno in confessione de Cœnâ Domini, *iterum negavit.*

Anno 1530. in approbatione Confess. Aug. art. 18. *docuit esse liberum arbitrium.*

Anno 1538. in Art. Smalkald. (quos Lutherum scripsisse aiunt Theologi Wittenb.) *rursus negavit.*

Tamen non est hæc (si Dñs placet) vocanda inconstantia, aut contradictio, sed mutatio tantum sententiæ in melius, iudicante Meisnero. Quantò rectius (quod & in Lutherum quadrat) de Manichæo olim Epiphanius hæresi 66. *Quanta est huius prestigiatoris nugacitas, & ebrietatis obliuio! Nam qua ab ipso dicta sunt, obliuioni tradit; & qua dicere videtur, transmutat & destruit, propria dogmata dissoluens, aliàs aliter atque aliter narrans. Et posteriora destrunt priora; & qua in prioribus destruxit, rursus postea edificat ac extruit, ita ut ostendat, quòd à seipso non consistat: sed dum à Spiritu immundo impellitur, alia pro aliis narrat, quemadmodum qui ex phrenesi mente capti sunt.*

Tertiò, Neque eâ re excusari potest Lutheri de libero arbitrio error & inconstantia, quòd primum Monachus fuerit, Papisticisq; tenebris immersus. Quia non è Monachatu aut Papismo hic ei error negatæ libertatis adhæsit (qui numquam in Papismo auditus fuit, sicut nec ille de Deo auctore peccati) sed contrà in Papismo veritatem de arbi-

arbitrij libertate, deque verâ peccati causâ, didicit, quàm & tenuit quinque ferè primis euangelizationis suæ annis, donec eam anno 1520. primum abiecit. Non igitur tum sententiam in melius, sed in peius mutauit, in errorem (vt Meisnerus fatetur) Calvinianorum.

Denique, Cur Lutheri inconstantiam frigido illo inuento excusemus, quod Spiritus sanctus non statim primo susceptæ reformationis tempore, simul ei omnem veræ scientiæ doctrinæque lucem instillarit, cùm Lutherus ipse non tulerit Carolstadium eodem scuto inconstantiam suam vindicantem? *Carolstadius*, ait Lutherus Tom. 2. contra scelest. Prophet. eo se excusat, quod initio spiritum satis fortem non habuerit. At Dei Spiritus hac excusatione non vitur. O demon, iam scio quis sis!

Prima responsio Brandij ad Minorem pro Caluino.

Pag. 122. Caluini quoque antilogias Lessius perstringit vigintiquatuor ex Coccio; sed cùm duas tantum narret, reliquas habeo calumnias.

Refutatio.

Optimum factum, facillimaque respondendi ratio! Ita poterant dicenti Christo, *Multa habeo de vobis loqui, & iudicare*, Ioan. 8. respondere Pharisei: Sed quia nihil eorum narrat Christus, sunt calumniæ. Dicenti Ioan. 16. *Adhuc multa habeo vobis dicere, sed non potestis portare modò*, poterant respondere Apostoli: Quia ea non explicat,

reliqua habemus calumnias. Bellè, præclare! Sed an ceteras antilogias quoque non satis narrat Lessius, cùm ad eas apud Coccium indicato loco expressas etiam digitum intendat?

Secunda responsio Brandij.

Pag. 123. Si Lessius verba Caluini non ita mutilasset, &c. *fraus se ipsa detexisset.*

Refutatio.

Conferamus tabulas Brandij & Lessij. Verba quæ Brandius è Caluino adfert pro sinceris, sunt hæc: *Commentum illud de absolutâ 'Dei potentia, quod Scholastici innexerunt, execranda blasphemia est.* Quæ Lessius adfert, sunt ista: *Illud somnium de potestate absolutâ in Deo, quam Scholastici introduxerunt, execranda blasphemia est.*

In his hæc tantùm differunt: *Commentum*, pro *somnio*: *potestas Dei*, pro *potestate in Deo*: *innexerunt*, pro *introduxerunt*. En quantum crimen falsi admissum à Lessio! certè eodem modo item vt Lessius, eadem verba Caluini recitarunt Feuarden- tius & Coccius; vt ita in aliis exemplis ea haberi mihi sit persuasum.

Tertia Brandij responsio.

Pag. 124. Non dicit (Calvinus) simpliciter *Patri Filium subiectum esse, vel minorem eo, etiâ secundum diuinitatem; sed tantùm eorum sententiam non approbat, qui illud Christi, Pater maior me est, ad humanam eius naturam restrinxerunt, cùm ille non dubitet illud extendere ad totum complexum: quia, tametsi Deus sit æternus, cùm tamen ad nos descendit,*
medius

medius esse cœpit inter nos & Deum. Aliud est autem, Christum respicere διὰ τὸ πρῶτον; aliud, eius naturas seorsum considerare, &c.

Refutatio.

Primò, Hoc ipsum est Christi diuinitatem simpliciter minorem facere diuinitate Patris, dicere hanc sententiam, *Pater maior me est*, extendi ad totum complexum seu suppositum Christi. Si enim Christus, quâ totum suppositum est, seu quâ Deus simul & homo est, minor Patre est; igitur etiam simpliciter quâ Deus est, minor Patre est. Neq; enim natura humana hypostasi diuinæ coniuncta, hypostasim illam infra Patrem imminuit vlllo modo, vt eam fecerit Patre minorem.

Secundò, Etsi Christus, quâ totum suppositum, mediator sit inter homines & Deum, non tamen est medius interuallo aliquo inæqualitatis. Indoctè igitur Brandius medetur erroribus Caluini.

Septima Lessij Ratio, ex dolo malo & fraudibus quibus vtuntur.

EA Religio suspecta habenda est, cuius auctores & propugnatores vtuntur dolo malo, fraudibus, & mendaciis ad eam propagandam. Atqui auctores & propugnatores Religionis Lutheranae & Calvinisticae, multum vtuntur fraudibus & mendaciis ad suæ sectæ propagationem. Ergo suspecta meritò habenda est.

Minorem probat Lessius sex omnino Argumentis.

Primum Leshj Argumentum.

Lutherani & Calvinista Catholicis multa dogmata falsò imponunt, ut eos faciliùs oppugnent, & eorum Religionē infament. Verbi gratiâ, Primò, A Papistis adorari statuas, ligna, truncos, saxa, sicut ab Ethnicis idola. Secundò, Ab ijs adorari panem pro Deo. Tertiò, Omnem ab ijs fiduciam poni non in Christi meritis, sed in suis, & in Sanctis. Quartò, Doceri ab iis, iustificari hominem non per fidem Christi, sed ex propriis meritis.

Prima responsio utriusque ad primam partem primi Argumenti: Falsò accusari Catholicos quòd adorent imagines sicut Ethnici idola.

Meisnerus pag. 497. Papicolas colere imagines eodem cultu quo colunt Deum, praterquam quòd ipsa experientia satis doceat, ex sequentibus insuper testimoniis evidentissimum crit. Adfert autem testimonia ex D. Thomâ Aquinate, Concilio Nicæno II. Stellario Coronæ, & Bonaventurâ; quibus clarè illi affirmant Imaginem Trinitatis & Trinitatem, Imaginem Christi, Crucem Christi, & Christum, eodem adorationis genere, latriâ nempe, debere adorari.

Brandius pag. 128. Hic miror, Leshium, dum alios fraudum accusare vult, tam fraudulenter agere. Ille negat statuas Sanctorum in Ecclesiâ tamquam Deos adorari: sed de imagine Dei Patris, Filij, Spiritus sancti, imò & Crucis, magis mutus est quàm piscis: quæ tamen imagines, teste Bellarmino, ita adorantur.

Refu-

Refutatio.

Quod de furibus quibusdam crumenifecis audisse memini, ita rapinis fuisse assuefactos, ut etiam in viâ eas exercerent, dum ad furcam ducebantur; id usu venisse videtur Brandio & Meisnero, qui se adeo mendaciis fraudibusque assuefactos ostendunt, ut ne tum quidem ab iis sibi temperare potuerint, quando fraudis vel mendacij se purgare vel maximè sunt conati. Etenim hæ ipsæ Meisneri Brandiique pro extusandis fraudibus suis responsiones, nouâ fraude doloque sunt confutæ. Nam cum Lessius solummodo questus sit, accusari falso Catholicos, tamquam qui Sanctorum statuas patriæ cultu adorent, sicut Ethnici sua idola; id à Catholicis nihilominus fieri, probant iterum isti impostores per illa Catholicorum testimonia, quibus Catholici docent, Dei tantum & Christi imagines, & sacrosanctam Crucem, eodem patriæ cultu esse adorandas: quod se docere numquam Catholici sunt inficiati, nedum questi, se falso eius criminis fuisse aliquando accusatos.

Primo, An nõ sunt hæ manifestæ strophæ & circulationes, cum agitur solum de imaginibus Sanctorum (quas numquã docuerunt Catholici patriæ cultu esse adorandas) perfugere ad imagines Dei & Christi? & quia has docent ita adorandas, vel improprie, vel per accidens tantum proprie, inde conficere, quod idem doceant de imaginibus Sanctorum? Quid magis fraudulentum?

Secundò, Cum numquam docuerint Catholici ulli Doctores, imagines Dei, Christi, Crucis,
aut

aut Sanctorum, adorandas distincto aliquo adorationis actu, qui primariò tendat in ipsas imagines, æqualiter atq; in ipsa prototypa (sicut adorant idola sua Gentiles:) an non est egregiè conflata calumnia, vociferari quòd doceant Sanctorum imagines adorandas iuxtà ac Gentiles adorabant deattros suos?

Tertiò, Aiunt pugnare inter se Lessiū & Bellarminum, quòd Lessius hîc scribat, cultum apud Catholicos non terminari in ipsis imaginibus, quasi illis aliquid excellentiæ insit, sed ita, ut transeat ad prototypum; Bellarminus verò scribat lib. 2. De imagin. Sanct. cap. 21. *Imagines Sanctorum venerandas esse etiam per se, ita ut ipse terminent venerationem ut in se considerantur, & non solum ut vicem gerunt exemplaris. Sed & hæc iterum manifesta fraus est & calumnia: nam statim eodem cap. explicat Bellarminus, quomodo etiam tum cum ipsæ imagines per se terminent cultum, cultus nihilominus transeat ad prototypum, his verbis: Quando imago honoratur per se & propriè, ita ut in ipsam verè terminetur honor, tunc honor eius transit ad exemplar, non immediatè, sed mediatè: quemadmodum, qui facit pauperi elemosynam, Christo illam fecisse dicitur; pauperi nempe immediatè, Christo mediatè. Manifestum igitur est, mentiri Brandium & Meisnerum, cum aiunt pugnare Lessium & Bellarminum: loquitur enim Lessius de terminatione ultimâ & remotâ, Bellarminus de primâ & proximâ.*

Secunda utriusque responsio ad eandem partem.

Meisnerus pag. 501. *Præterea quidquid sit, licet*
non

non imaginem, sed in imagine Christum Sanctosque venerari se cogitent; attamen & hoc ipsum gentile, superstitiosum, & idololatricum est. Nam & Gentiles & Iudæi idololatra in deserto non fuerunt adeò stupidi, ut existimauerint, sculptilia, quæ ipsi effecerant, esse verum Deum creatorem cali & terra, &c. sed per cultum sculptilium honorare voluerunt deos suos, quos illa representabant. At verò hunc ipsum cultum reiecit & damnavit Dominus.

Brandius pag. 129. Addo, Ethnicos etiam satis scuisse, simulacra illa non fuisse ipsos deos suos, nec ita ut deos suos coluisse, sed illum ipsum simulacrorum cultum ad deos suos retulisse, &c. Conatur Lessius commentum illud excusare imagine Regis erectâ; cui si honor exhibetur, honoratur ipse Rex. Sed similia nihil probant.

Refutatio.

Primò, Et hæc altera iterum amborum fraudulentia & insigne mendacium est à Caluino acceptum, refutatumque à Bellarmino lib. 2. De imagin. cap. 13. Iudæi in deserto, ait Meisnerus, non erant tam stupidi, ut existimauerint, sculptilia, quæ ipsi effecerant, esse verum Deum. At Meisnerus ita stupidus est, ut crediderit non venturum nobis in mentem illius Psal. 105. Fecerunt vitulū in Horeb, & adorauerunt sculptile, &c. Obliti sunt Deum qui salvavit eos. & illius Sap. 13. Aut ignem, aut spiritum, aut citatum aërem, aut gyrum stellarum, aut nimiam aquam, &c. rectores orbis terrarum deos putaverunt. Et Brandius æquè videtur ignarus etiam Grammaticalium literarum, quàm ignarus, quid putarint Ethnici esse sua simulacra. Neque enim

enim negasset, Ethnicos sua simulacra pro veris diis habuisse, si vel illud Satyrici legisset:

—— Felices quibus hæc nascuntur in agris

Numina! — vel illud Venufini:

Olim truncus eram ficulnus, inutile lignum;

Cùm faber incertus, faceret scamnũ, anne Priapum,

Maluit esse deum.

Secundò, Nouum Brandij paradoxum est, *Similia nihil probant*. Erit itaque expungendus in posterum ex Argumentorum sedibus, Locus à Similibus.

Tertia responsio Meisneri.

Pag. 504. Sanctis in Papatu deferri cultum latria (ut maximè negent Iesuitæ) probari tamen firmissimè potest, Primò, Quia adorant Mariam ceu victricem & conculcatricem serpentis. Secundò, Quia inuocant Sanctos ut saluatores, redemptores, & liberatores ab irâ Dei, à peccato, satanâ, & aternâ damnatione. Tertiò, Quia spem & fiduciam suam in Sanctis habent defixam. Quartò, Quia Sanctis defunctis gratia & celestium donorum elargitionem & applicationem tribuunt. Quintò, Quia in suis preculis offerunt Sanctis sacrificium laudis, &c. templa ipsis & altaria origunt, festa instituunt, candelas accendunt, thura adolent, suffitus faciunt, flamines & sacrificulos constituent, per illos iurant, vota ipsis nuncupant, & quæ sunt alia his similia.

Refutatio.

Hæc item omnia dolo malo in Catholicos fabricata sunt, & maximâ parte falsa. Primò, Quod ad sacratissimâ Virginem Mariam attinet, eam ut serpentis victricem colimus, sed nullo vi-
toris

etoris Christi præiudicio; quia per Christum vicit, Christi ope adiuta: sic inquam vicit serpentem, sicut nos iubet Apostolus resistere diabolo serpenti cum Christi gratiâ. Hocine est cultu latriæ Virginem colere?

Secundò, Sanctos colimus non vt saluatores, redemptores aut liberatores primarios, sed vt salutis nostræ procuratores & patronos; quemadmodum Paulus de seipso loquitur ad Rom. 1. *Vt saluos facerem aliquos ex illis.* & 1. Cor. 9. *Vt omnes facerem saluos.* quemadmodû clientuli, adiudicatâ sibi lite, Aduocatos suos vocant Deos fortunarû suarum.

Tertiò, Spem in Sanctis ponimus item vt patronis, quemadmodum inter homines fieri amat, non vt in diis.

Quartò, Mendacia sunt, Sanctis apud nos attribui gratiæ applicationem & largitionem, aliter quàm impetratiuè: templa illis & aras ædificari aliter quàm pro memoriæ monumentis & sepulchris: soli enim Deo consecrantur templa & aræ. Flamines illis consecrari & sacrificulos, impudentissimum est mendacium. Vota illis nuncupari aliter quàm vt deprecatoribus, gratitudinis ergò, impostura. Festos dicari, vt dijs, nota in vulgus calumnia; Festos dicari, vt triumphatoribus palatinis magni Imperatoris Dei, non est latriæ cultus. Ita enim Augustinus lib. 8. De Ciuit. cap. vlt. *Nec tamen nos eisdem Martyribus templa, Sacerdotia, sacra, sacrificia constituimus, quoniam non ipsi, sed Deus eorum nobis est Deus.* cùm tamen idem Augustinus scribat lib. 20. contra Faust. c. 21. *Populus Christianus memorias (basilicas intelligit) Martyrum religiosâ solemnitate concelebrat.*

Re-

Responsio utriusque ad secundam partem primi Argumenti: Falsò accusari Catholicos, quòd sint ἀρτολάτρηαι, seu adoratores panis.

Meisnerus pag. 508. *Et si statuant Catholici, panem non amplius in Eucharistiâ esse, sed in Corpus Christi verè & realiter transsubstantiari; videndum quid faciant, non quid facere se existiment.*

Brandius pag. 130. *Non queritur quid illi credant, sed quid credere debeant.*

Refutatio.

Primò, Imò certè id solùm sufficeret ad eos idolatriæ crimine absolueudos, sicut suffecit Patriarchæ Iacobo sua fides ad purgandum se de adulterio cum Liâ, quam crediderat fuisse Rachel. Sicut suffecit Paulo, ad purgandum se de contumeliâ in ignotum Pontificem iactâ. Malâ igitur fide accusant Catholicos, ut Panicolas, qui verè credunt, se adorare Christum, non panem.

Secundò, Non esse panem quem adorant, sed reuerà Deum, ab infinitis propè Catholicorum Scriptoribus est certissimò demonstratum, si ustrâ oblatrantibus hæreticis omnibus, & nihil alicuius momenti adferentibus.

Responsio utriusque ad tertiam partem primi Argumenti: Catholicos accusari, ut qui fiduciam ponant non in Christi, sed Sanctorum & suis meritis.

Meisnerus pag. 510. *Non culpamus Papicolas, quòd penitus tollant, aut directè negent meritū Christi;*

sti; sed quòd fiduciam suam non unice ponant in obedientiâ & satisfactione Christi.

Brandius pag. 131. *Accusantur Papistæ, quòd fiduciam suam non collocent solùm in meritis Christi, sed & in suis meritis, & in Sanctis.*

Refutatio.

Nouæ sunt sycophantiæ : nam Lutherus in cap. 50. Genes. scribit aperte, *Asini isti Louanien- ses palam negant Christum esse Prophetam; negant nos habere remissionem & vitam æternam per Christum, & abolent sententiam: Ecce Agnus Dei, ecce qui tollit peccata mundi.* Confessio Mansfeldensium cap. De erroribus Iesuitarum: *Error sectæ Iesuiticæ est, quòd Christus, etsi mediator & intercessor noster fuerit, nunc tamen non sit amplius, sed iam solos Sanctos intercessores ac mediatores nostros esse.*

Imò Meisnerus ipse pag. 85. hoc ipsum doceri à Catholicis probare nititur isto argumento: *Si nostris operibus vitam æternam meremur, & si per Legem datur iustitia, igitur frustra Christus mortuus est.* Quod argumentum non valeret, si à Catholicis putaret Meisnerus admitti aliquam ex parte meritum Christi. Tum enim eam ex parte Christus non esset frustra mortuus, adeoque pag. 86. scribit, *tantum detrahi λύτρω Servatoris nostri, quantum opellis monachalibus tribuitur.* Cum è contrario tantò nos plus Christi merito tribuamus, utpote per quod etiam bona opera nostra vim nata esse merendi doceamus.

Brandius quoque hoc ipso loco, ubi se accusare Catholicos eo solo crimine dicit, quòd non collocent fiduciam solùm in meritis Christi, ita addit

R

versu

versu sequenti : Deinde cùm ita Catholici coniungant merita sua & Sanctos Christo, an non ipsum Christum suo solio deturbant? Gratia Dei in Christo, & merita nostrorum operum non concurrunt. Vbi manifestè docet, à nobis Christum solio suo deturbari, & merita nostra non stare cum gratiâ Dei in Christo, seu meritis Christi. Accusant igitur, quasi tollamus omne meritum Christi. Et quæ frons istorum hominum, qui tam apertè mentiuntur, etiam dum profitentur se excusare mendacia sua?

Responsio utriusque ad quartam partem primi Argumenti: Falsò accusari Catholicos, quòd doceant iustificari hominem meritis propriis, non per fidem Christi.

Meisnerus pag. 514. *Esse hanc Pontificiorum sententiam, mirum est reperiri quemquam qui neget. An non enim fidem specialem, quâ meritum Christi apprehendimus, impugnant, & nequaquam illi iustificationem acceptam ferunt? &c. Equidem non diffitemur, fidem illos in iustificatione cum operibus coniungere; sed non intelligunt fidem specialem & saluificam, quæ est apprehensio meriti Christi, sed tantum generalem, in nudo assensu, qui diabolis etiam communis, consistentem.*

Brandius pag. 131. *An non & hoc verum est? An in iustificationis causis fides & operum nostrorum merita concurrere possunt? Nihil magis quàm gratia Dei & opera hominum.*

Refutatio.

Quid impudentius vel hoc ipso Meisneri mendacio?

dacio? Catholici, quia negant fidem illam specialem, non aliam fidem habent, quàm quæ diabolis est communis: cùm semper omnes Catholici docuerint actum fidei suæ supernaturalis, imperari per pium voluntatis motum, qualis nullus in diaboli esse potest.

Ecce ut etiam fraude & mendacio excusant hæretici fraudes suas.

Secundum Lessij Argumentum.

Lutherani & Calvinista, &c. non solum dogmata, sed etiam crimina falsa imponunt, presertim ijs quos maxime putant suis successibus obstare: nimirum cades, prodiones Principum, & varia turpitudinem genera. Id quod probat ex famosis libellis eorū, nuper non vno loco editis, in viros Religiosos innocentissimos, Magistratum iudicio absolutos.

Responsio utriusque.

Meisnerus pag. 515. vers. ultimo: *Lessius, abiecto omni pudore & perfrictâ fronte affirmat, cades, prodiones, & turpitudines falso obijci Romanis, cùm tamen id ipsum testentur Historia, &c. Quarum plura exempla Meisnerus adfert.*

Brandius fol. 132. *Iesuitas notat Lessius, &c. Sed quidni credam eiusmodi libellos aliquando ab ipsis Papistis edi, &c. ut, si quando alij eduntur qui vera continent, minus fidei illis habeatur, &c. Sed tamen, quoniam Iesuita se ab omnibus flagitiis tantopere excusant, quare non respondent libello illi supplici Universitatis Parisiensis, &c. ubi ostenditur, doctrinam Iesuitarum tendere ad Regicidia. Cur non respondent Anticottonio?*

Refutatio.

Iesuitas præcipuè indicari à Lessio, benè obseruauit Brandius: vnde Meisnerus malitiosè responderet, quasi generatim de Romanensibus egisset Lessius, adeoque tam stulta est eius responsio, vt risu excipi mereatur. Qualis enim ista est ratiocinatio; A Catholicis multa millia Waldensium & Hussitarum occisa sunt, multæ cædes aliæ editæ sunt, &c. Verè igitur in Religiosos viros (qui præcipuè Protestantium successibus intercedunt) omnia illa crimina conferuntur, quæ tot libellis editis sunt conficta. Sed mirè quoque felix Brandij in diuinando ingeniū. Credit ille nempe, ab ipsis Papicolis, aduersus seipsos spargi calumniosas illas chartas; vt cum vera aliàs produntur ab aliis crimina, fidem quoque amittant. Vaferrimum consilium! Iam credam quoque in posterum, Flores Calvinisticos, & Caluini Vitam non à Bolseco, sed Calviniano aliquo esse conscriptam, vt vera Caluini crimina perderent fidem. Tota autem hæc Brandij diuinatio nititur exemplo libelli à F. Costero editi, quo ille scribit, de se inter hæreticos iactatum, Costerum à Catholicorum castris ad Protestantium signa transfugisse. De quo rumore Brandius non habuit aliud dicere quàm, *Non puto Protestantium quemquam vel per somnium de eâ re aliquid cogitasse, imò vix credo vel millesimum quemque scripsisse adhuc enim esse in viuis.* Insolubilia argumenta! *Non puto, non credo: fabulas igitur finxit Costerus.*

Deniquè Anticottonio, quod Brandius postulat, responsum est ab Andream nostro Eudæmon-
Ioan-

Ioanne, aliisque: & nupera Iesuitarum in Galliam restitutio, & recens in Parisiensem Vniuersitatem adlectio, pro magno Apologetico est aduersus eiusdem Vniuersitatis accusationes.

Tertium Leshij Argumentum.

Caluinista & Lutherani dolo malo utuntur in suis dogmatibus confirmandis, Scripturarum & Patrum sententiis aliquid addendo, vel detrahendo, vel immutando, vel omisis perspicuis, proferendo quasdam obscuras.

Lutherus enim ad Rom. 3. vbi Apostolus ait, *Arbitramur hominem iustificari per fidem; adiecit solam. 2. Pet. 1. vertens illam sententiam Petri, Quapropter, fratres, magis satagite, ut per bona opera certam vestram vocationem & electionem faciatis; omittit illud, per bona opera.*

Psal. 75. vers. 12. *Vouete, & reddite;* addit ad marginem hoc glossema: *Quod pro Deo vestro illum habere velitis, quemadmodum requirit primum preceptum, & nolite vouere Sanctis, vel alia vota.*

Ad illud Prou. 31, *Mulierem fortem, &c.* in margine adscribit: *Nihil amabilius in terrâ mulierum amore, cui is obstringere potest.*

1. Cor. 9. *Numquid non habemus potestatem mulierem sororem circumducendi; Lutherus de suo addit, in uxorem.*

Zwinglius loco illorum, *Hoc est corpus meum;* in editione Germanicâ posuit, *Hoc significat corpus meum.*

Beza Act. 2. v. 7 loco illius, *Non derelinques animam meam in inferno,* scribit, *Non relinques cadaver meum in sepulchro: ψυχή animam* vertit in

cadaver, ἀδελφὸν οὐκ ἐν σελήνῳ.

Calvinus elidit omnem vim Scripturarum, quibus SS. Patres asseruerunt Trinitatem personarum, Divinitatem Filij & Spiritus sancti.

Totum cap. 53. Isaia, quod manifestè loquitur de morte & passione Christi, exponit metaphoricè de molestiis, quibus populus Iudaicus affecit Deum peccando.

Illud Matth. 19. [Si vis ad vitam ingredi, serva mandata,] vult ironicè dictum esse.

Illud ad Hebraeos 5.v.7. [Exauditus est pro suâ reuerentiâ] exponit [pro suo metu.] ὑπακούειν interpre-
tans [metum & dubitationem] ita ut Christum pro metu mortis significet propè incidisse in desperationem salutis aeternae.

Dominus de Plessis Calvinista plusquam centum testimonia Patrum & Doctorum corrupisse conuictus coram Christianissimo Rege ab Illustrissimo Cardinale d' Eurenx.

Responsio utriusque pro corruptelis Lutheri.

Meisnerus pag. 518. Rectissimè facit Lutherus, addendo [solam] sui que facti aliquot rationes attulit Tom. 5. Ienens. Germ. edit. anno 75. Desumitur autem prima ab officio Interpretis fidelis, cuius est, verum & nativum sensum exprimere, &c. Secundum idiotismum linguae Germanicae, exclusivam merito addidit. Secunda ab exemplo Scripturae, & tertia ab exemplo Interpretum, in aliis Scriptura testimoniis, &c. Pag. 521. His rationibus qui contenti esse noluerunt, sed morosè Luthero crimen falsi sine omni ratione obiecerunt; eos merito nominavit asinos.

nos, &c. atque istos Aristarchos versiculo hoc rectè excepit :

Sic volo, sic iubeo : sit pro ratione voluntas.

Non quòd rationes sua versionis nec velit nec possit adferre, &c. sed ut illorum petulantiam redargueret, & iura Interpretis assereret.

Pag. 522. *Lutherus omisit 2. Petri 1. vers. 10. illa verba [per opera bona] quia vertere debuit non ex Latinâ impurâ versione, sed ex fontibus Græcis, in quibus illa verba non reperiuntur.*

Pag. 523. *Ad Psal. 75. vers. 12. Vouete & reddite, apposuit in margine: Quòd pro Deo vestro illum habere velitis, quemadmodum requirit primum Preceptum. Et nolite vouere Sanctis, vel alia vota. Respondeo: Scriptura ubi mentionem facit votorum, Deo tantum esse vouendum innuit, &c. Pag. 524. Ideoque peccant Papales Monachi, qui vota sua ad homines etiam dirigunt.*

Pag. 524. *Ad Proverb. 31. vers. 20. [Mulierem fortem] Lutherus apposuit rhythmum amatorium. Respondeo: Omnia munda mundis, &c. ad Tit. 1. v. 15.*

Pag. 525. *Nihil autem esse amabilius matrimoniali mulierum amore (quem solum Lutherus intellexit) ipsa aliquoties Scriptura subinnuit.*

Pag. 525. *1. Cor. 9. v. 5. Numquid habemus potestatem mulierem sororem circumducendi, Lutherus de suo addidit [in uxorem.] Respondeo: Nihil de suo addidit, sed sensum Apostoli perspicuè reddidit. Loquitur enim Paulus de continuâ unius mulieris circumductione. Ea autem fuit concubina, aut legitima uxor. Prius absurdum, posterius igitur verum.*

Brandius pag. 134. Ad Rom. 3. [Per fidem, &c.] Textus illius circumstantia, & eius cum aliis Scri-

ptura locis collatio, illum ita intelligendum euincunt. Non corrumpit ergo hunc locum Lutherus addendo [solam.] 2. Pet. 1. vers. 10 Verba illa [per bona opera] omittit, &c. Non sunt in textu Græco; non malè ergo illa omisit, &c. Glossema ad marginem Psal. 75. Glossema item ad marginem Pron. 31. ego neutrum in meo inuenio. Et ut utrumque in margine appositum sit, sicut posterius improbo, ita dubium est an id à Luthero sit factum. Deinde marginalis nota non est ipse textus.

Pag. 135. An non habemus potestatem mulierem sororem circumducendi, 1. ad Cor. 9. de suo accusatur addidisse [in uxorem] &c. Meum exemplar non habet illud [mulierem] & Lessius scit (si Græcè scit) textum, ad verbum, seruatò ipso verborum ordine, ita posse transferri: An non habemus potestatem sororem uxorem circumducendi? Cum enim non solum mulierem, sed & uxorem significat.

Refutatio.

Primò, Lutherum posse meritò vocari murem Ponticum, ab arrosâ Scripturâ (ut Marcionem olim eadem de causâ argutè appellauit Tertullianus) nemo, credo, negabit, cum ea non modò Catholicorum, sed & aliorum fuerit de Lutheri falsitate opinio. Bucerus enim ipse Dialogo contra Melancthonem scripsit, Lutheri in vertendis Bibliis lapsus nec paucos esse, nec obscuros: testaturque Mansfeldensis Confessio, Lutherum ab Osiandrinis egregia falsitatis in explicandis Scripturis fuisse notatum, referente Petro nostro Canisso, De corruptelis verbi Dei.

Secundò, Cochlaeus in Vitâ & Actis Lutheri
anno

anno 1522. narrat, notatas fuisse mille circiter Lutheri corruptelas in nouâ translatione Testamenti noui. Solus Hieronymus Emserus Præfat. in nouum Testamentum, *mille & quadringentos errores fatetur in Lutheri versione repertos.*

Tertiò, Nulla omnino ratio à Meisnero allata Lutherum excusat falsitatis; quia Luthero etiam monito suorum errorum, nulla earum rationum in mentem vmquam venit: neque aliam rationem pro se attulit, atque illam, *Sic volo, sic inbeo.* Nusquam vllum exemplum Scripturæ, aut Interpretis eo modo Scripturam interpretantis, produxit, vt interpretationem suam vindicaret. Non fuit ergo motus rationibus illis Meisneri ad versionem suam condendam.

Quartò, Eriam si Luthero alicuius harum rationum venisset in mentem, illa tamen nihilo magis eum purgaret falsi; quia etiam hæ ipsæ omnes rationes falsæ sunt. Nam Primò, addendo *solam*, tantum abest vt natium eius loci sensum expresse- rit (quod fidi fuisset Interpretis) vt etiam sensum peruerterit, iudicio totius Antiquitatis, atque adeò ipsius Scripturæ. Secundò, Nusquam Scriptura seipsam explicauit alibi in contradictorium sensum, vt eam facit hîc se interpretari Lutherus. Contradicût enim sibi ista: *Arbitramur iustificari hominem per fidem* SOLAM, ad Rom. 3. & *Ex operibus iustificatur homo, & non ex fide* TANTVM, Iacobi 2. Non ergo pro Luthero facit: quia nullus ante Lutherum interpret aut Græcus, aut Syrus, aut Latinus, aut etiam Germanus, hunc Pauli ad Romanos locum ita est interpretatus. Quare aut dicendus est Lutherus malefidus Interpret, aut

omnes alij ante Lutherum fuisse malefidi.

Quòd verò alibi subinde Græcus Latinusque Interpretes addiderint etiâ particulas, *Soli & Tantum*, vbi eas Hebræus textus non habebat; id illi fecêre ijs tantum in locis, quibus eas addi posse saluo sensu, Scripturæ ipsius sententia ostendebat. Verbi gratiâ, Deuteron. 6. vers. 14. Hebræus textus habet: *Dominum Deum tuum timebis, & ipsi seruias.* Matth. 4. vers. 10. id Christus ita reddit: *Illi soli seruias*, quemadmodum & Græcè reddiderunt Septuaginta; quia nempe loco Deuteronomij citato expressè dictum erat, *Non ibis post deos alienos.* Vnde sequebatur necessariò, *Etgo soli Deo seruias.* Deuteron. 4. vers. 35. dicitur de Deo, *Non est alius prater eum*; id quod Deuteron. 32. vers. 39. redditur: *Videte, quòd ego sim solus.* quod posterius necessariò sequebatur ex priore.

At nihil simile est in loco illo Pauli ad Rom. 3. vnde colligi potuit, addendam fuisse particulam *solam*. Est autem secundum caput Iacobi, vnde demonstratur addi eam non potuisse: *Non ex fide tantum*. Denique, Lutherum id egisse solâ deprauandi libidine, vel ex eo patet, quòd scribat, *dolere se, quòd non etiam addiderit prater à duas hasce particulas, OMNIS & OMNIBVS*, ad reddendam huiusmodi sententiam: *Arbitramur hominem iustificari per fidē SOLAM, sine OMNIBVS operibus OMNIS Legis.* Quo verò aut Scripturæ aut Interpretis alterius simili hîc se defendet exemplo? Facere suggerit Becanus noster Titulo 1. Calvinistarum, fore admodum è re & priuilegio Vestalium, quas pro vxoribus habent Prædicantes, vt ad illud 1. Timoth. 2. vers. 15. *Mulier saluabitur per filiorum generationem,*

nem, addant etiam, *SOLAM*. sic viuent nempe cum Venere Martialem vitam.

Quintò, Ineptè perfugit Meisnerus ad Germanicæ linguæ idiotisimū; quasi verò verba illa, *Arbitramur iustificari hominem per fidem sine operibus Legis*, non possint saluo idiotismo explicari sine particulâ *solam*! Quid ergo? Interpretes omnes Germani fuerunt tam idiotæ, qui ante Lutherum Biblia Germanico idiomatici reddiderunt, vt contra idiotisimū peccauerint omnes eo Pauli loco?

Sextò, Nimis absurdum crassumque fuit Lutheri in deprauandis Scripturis consilium, quàm vt quemquam oculatiorem præterire posset. Quis enim, nisi planè hebes, non sentiat, has quas dicam corruptelas deditâ operâ à Luthero commissas esse, ad stabiliendam doctrinam suam aduersus opera bona? Nimirū ad Rom. 3. *per fidem SOLAM*. 2. Petri 1. expunctum *per opera bona*, de quo dicturus sum infrâ. 1. ad Thess. c. 4. omissum, *Abstinea- tis vos à fornicatione*. Tota denique Iacobi Epistola (semper ab omni retrò Antiquitate iudicata Canonica) sacro Canone proscripta, quia docet *iustificari hominem ex operibus, non per fidem tantum; fidem autem sine operibus esse mortuam*. Quis non videat, hanc harmoniam deprauationum dolo malo esse conflaram?

Denique ferulâ quàm responsione dignius est illud Meisneri argumentum; *Femine quas perpetuò Apostoli circumducebant, vel erant concubinae, vel uxores. Prius absurdum est, igitur posterius verum est. Acutè! ac si dicas, Feminae, quæ Luc. 8. sequebantur Christum, vel concubinae erant, vel uxores. Prius ab-*

absurdum est, posterius igitur verum est. Reliquæ verò Brandij obiectiunculæ à Bellarmino sunt difflatæ cap. De cælibatu Clericorum.

Iure igitur concludo, Lutherum fuisse impudentissimum Bibliomastygem, qui tot locis Scripturam sacram deprauavit.

Responsio utriusque pro corruptelis

Zuvinglij, Beza, Caluini.

Meisnerus pag. 526. Subiungit Læsius exempla quadam vitiosarum Scriptura interpretationum ex libris Calvinisticis; ad quas respondere opus non est, cum ipsi illas improbemus. Quod addit de Mornao, de eo nihil nobis constat: fortassis est veritas Iesuitica, hoc est, mendax calumnia.

Brandius pag. 136. Zuvinglium Læsius accusat, quod loco illorum verborum, Hoc est corpus meum, &c. posuit, Hoc significat corpus meum. Non credo. Consului Germanicam versionem quæ in Ecclesiâ Tigurinâ in usu est, illud non inveni. Et quamquam ita esset, præterea tamen Auctorum sententias corrupisse accusari non posset. Si enim Patribus veteribus credimus, ille est eorum verborum sensus, &c. Subiungit Læsius, Beza, &c. quod ψυχὴ [animā] vertat in [cadaver] & θνῶ [orcum] in [sepulchrum.] Si quid Beza peccavit, id correxit, veterem translationem restituendo, &c. Pag. 137. Interea Beza demonstrat, animam apud Hebræos interdum significare cadaver, &c. & infernum, sepulchrum, &c. illumque esse illius loci sensum, evincit adductâ oratione Petri Apostoli. Calvinus, ita est, multa Scriptura loca de Trinitate, &c. aliter intelligit, quoniam vidit eorum circumstantias id exigere. Pag. 138. Quod cap. 53. Isaia de Christi passione

ne, &c. loquatur metaphoricè, &c. illudque Matthæi 19. Si vis ad vitam ingredi, serua mandata, doceat à Christo dictum esse ironicè; neutrum est verum. Consulantur eius Commentaria, & deprehendes Lestij calumnias, &c. Nusquam item dixit Calvinus, Christum dubitasse, aut in desperationem aliquam, nedum salutis æternæ, incidisse, &c. Pag. 139. Εὐλαβία autem significat quoque metum, Actorum 23. Εὐλαβηθεὶς ὁ χιλιαρχὸς, Timens tribunus, &c. Nihil ergo est quod Calvinus accusetur.

Refutatio.

Primò, Non modò à Catholicis, sed à Lutheranis eos pro falsariis habitos esse, probant vel ipsa recitata Meisneri Lutherani verba, quibus ait, à suis quoque vitiosas illas Calvinistarum interpretationes non probari.

Secundò, Petrus noster Cottonius ducentas annumerat Calvinistarum in Scripturâ corruptelas, libro quem vocat *Genevam Plagiariam*; quò Brandium Meisnerumque remitto.

Tertiò, De Zwinglio hæc scribit Iudocus Coccius lib.8. De signis Ecclesiæ, ex lib.2. cap.6. Theologiæ Calvinisticæ Conrardi Schlusselfburgij: *Zwinglius ut suam Sacramentariam blasphemiam probet, sceleratissimè, tamquam manifestus falsarius & deprauator, verba Filij Dei vini corrumpit. Vbi Græcus textus, Latina versiones omnes, & Tigurina versio habent, Hoc est enim corpus meum; Zwinglius posuit, Hoc significat corpus meum, Hoc significat sanguinem meum. Das bedeutet meinen Leib/ Das bedeutet mein blutt. Vidi exemplar Munderæ, anno 1560. ait Conrardus Schlusselfburgius. Neque verò eum esse illorum verborum sensum,*
pro-

probarunt Catholici Doctores omnes quotquot de Eucharistiâ scripserunt.

Quartò, De Bezâ ita certa historia est, vt fateatur Brandius ab eo Scripturam, quam corruperat, dénudè instauratam: erroris enim admonitus fuerat à Castalione. Quæcumque autem adfert hîc Brandius pro Bezâ defensione, clarissimè refutata sunt à Bellarm. lib. 4. De Christo, cap. 10. vbi ostendit, Bezam pugnare secum, dum contra Brentium scribit pro Bullingero; cæcutire eos qui ex Luc. 16. cap. & Num. 16. cap. & Psalmo 138. non vident *hixw* significare *infernum*: & iterum cæcutire eos qui eandem vocem Luc. 16. item cap. non vident accipi debere pro *sepulchro*, non autem pro *inferno*, dum scribit contra Castalionem. Denique notat Bellarminus, Henricum Stephanum in magno Thesauro suo non vnâ attulisse auctoritatem, quâ probaret *adlw* significare *sepulchrum*.

Quintò, Calvinus si ritè interpretatus est Scripturas de Trinitate & Diuinitate, dicendus profectò est solus sapuisse post tot Ecclesiæ doctissimos Interpretes, Græcos iuxtà ac Latinos, quorum nemo ita vt Calvinus eas explicauit. Stancarius liberè scripsit: *Tua, Caluine, de Filio Dei doctrina, tota Arriana est.*

Sextò, De cap. 53. Isaïæ hæc eius verba citat Coccius loco suprâ notato: *Qui hunc locum de Christo exponant, sensum Prophetæ torquent. Quare simplicior mihi videtur hæc interpretatio. Conqueritur enim Dominus, quòd homines eum peccatis suis molestum onus subire cõegerunt.* Quâ igitur fronte negat Brandius à Caluino dictum, non quadra-

re

re locum hunc in hominem Christum passum, sed in solum Deum.

Septimò, Commentariis in cap. 19. Matthæi vers. 20. ad hæc verba, *Dicit illi adolescens, Omnia hæc custodiri*; ita scribit in Harmon. Gallicâ, impressâ anno 1563. apud Michaëlem Blanchier: *Cependant toutesfois Christ ne requiert rien de luy (ce ieun homme) oultre les commandemens de la Loy, &c. ie confesse qu'il n'y a endroit de la Loy par lequel il nous soit commandé, vendre tout: mais veu que la fin de la Loy est, d'amener les hommes à un renoncement d'eux mesmes, & veu qu'elle condamne expressement la concupiscence; nous voyons, que Christ n'a regardé autre chose, qu'à corriger la faulx persuasion & presumption de ce ieun homme. Id est, Interea tamen nihil Christus ab illo, adolescente, exigit ultra mandata Legis, &c. Equidem fateor, nullum esse Legis præceptum, quo iubeamur omnia vendere: sed nimirum cum finis Legis sit, adducere homines ad sui abdicationem, ipsaque expresse concupiscentiam damnet; videmus non aliò spectasse Christum, quam ut corrigeret falsam persuasionem presumptionemque huius adolescentis. Et ad versum 22. Abiit tristis: Christ en luy commandant de vendre tout, n'a point voulu faire une addition à la Loy. Id est, Christus mandando ei ut venderet omnia, noluit additionem aliquam adiungere Legi. Quid verò est hoc aliud dicere, quam Christum dixisse adolescenti ironicè, *Vende omnia qua habes*? volebat enim eum omnia vendere, sed animum adolescentis tantùm explorabat.*

Octandò, De Christi angore & metu ita scribit in Instit. Gallic. impressis anno 1562. sine nomine.

Typo-

Typographi & loci, lib. 2. cap. 16. §. 10. 11. 12.
 Paragraph. 10. *Parquoy il ne se faut esmerveiller
 s'il est dit qu'il Christ est descendu aux enfers, ven
 qu'il a enduré la mort, de laquelle Dieu punit les mal-
 faicteurs en son ire.*

In Latinis impressis apud Antonium Rebulium
 anno 1561. *Ergo si ad inferos descendisse dicitur,
 nihil mirum est; cum eam mortem pertulerit, qua
 sceleratis ab irato Deo infligitur.*

Deinde ibidem explicat quæ sit illa mors: *Sça-
 chions, que non seulement son corps a esté livré pour
 les pris de nostre redemption, mais qu'il y a eu un au-
 tre pris plus digne & plus excellent, d'auoir enduré
 les tourmens esbouuentables, que doivent sentir les
 damnez & perduz.*

Ibidem in Latinis: *Sciamus non modò corpus
 Christi in pretium redemptionis fuisse traditum, sed
 aliud maius & excellentius pretium fuisse, quòd diros
 in animâ cruciatus damnati ac perditì hominis per-
 tulerit. O perditum damnatumque Caluini
 ingenium!*

*At hinc sequitur necessario, ait Bellarminus, Chri-
 stum quoque desperasse: quia tam essentialiter despe-
 rationem includunt damnatorum tormenta, quàm
 Beatorum premia securitatem.*

Paragraph. 11. *Le Fils de Dieu a esté saisy de tri-
 stesses & angoisses, que l'ire de la malediction de
 Dieu engendre.*

Ibidem in Latino: *Filius Dei implicitus fuit do-
 loribus, quos parit maledictio & ira Dei.*

Ibidem inferiùs: *Iesu Christ a esté exaucé de sa
 crainte, non pas pour estre exempt de la mort, mais
 pour n'y estre point englouty comme pecheur.*

Ibi-

Ibidem in Latino : *Christus ergo cum lacrymis & clamore valido orans, à metu suo exauditur, non ut à morte sit immunis, sed ne absorbeatut ut peccator.*

Paragraph. 12. Certains bronllions dressent les cornes contre ceste doctrine, &c. Ils disent que ie fais grande iniure à Iesu Christ, pour ce qu'il n'est point convenable, qu'il eut crainte pour le salut de son ame. Puis ils se desbordent plus outre en leur calumnie; c'est que i'attribue au Filz de Dieu desespoir contraire à la foy. Premièrement quant à la crainte, & estonnement de Iesu Christ, que les Euangelistes preschent si clairement, ces canailles sont trop hardis d'en esmouvoir question.

Ibidem infra: Estans convaincus, ils se tournent à une autre cauillation, combien que Iesu Christ a craint la mort, toutesfois qu'il n'apas redoubté la malediction, & l'ire de Dieu, de laquelle il se sentoit assésuré, &c. Quelle honte seroit il, que le Fils de Dieu eust esté si effeminé de se tourmenter insques là, pour la mort commune, qu'il suast sang, & ne peut estre recrée, que par la vene des Anges? &c.

Ibidem in Latino: *Nebulones quidā, &c. clamitant, me atrocem facere Christo iniuriam; quia minimè consentaneum fuerit eum de anime salute timere. Deinde calumniam durius exagitant, me desperationem adscribere Filio Dei, quæ fidei contraria sit. Primum de metu pauoreque Christi, quem tam apertè predicant Euangelista, controuersia ab his improbè mouetur, &c.*

Et infra: *Conuicti, ad aliud tandem cauillum transiliunt; quamuis mortem timuerit Christus, maledictionem & iram Dei, à quâ se tutum esse nouerat, non timuisse, &c. Quàm pudenda fuisset hac*

Christi mollities, eoque torqueri ob communis mortis formidinem, ut sanguineo sudore diffunderet, neque posset recreari nisi Angelorum conspectu?

Denique in Harmoniâ cap. 27. Matth. dicit, Christum emisisse vocem desperationis: *Deus meus Deus meus, ut quid dereliquisti me?* Verba eius sunt: *Sed absurdum videtur, Christo elapsam desperationis vocem. Solutio facilis est, &c.* Sed acutè Calvinum oppugnat Bellarminus: *Si vocem desperationis Christus emisit, vel deliberatâ voluntate emisit, vel non. Si deliberatâ, ergo verè desperavit; & peccavit. Si non, ergo fuit in Christo inordinatio passionum quod negat Calvinus lib. 2. Instit. c. 16. §. 12.* Ex quibus omnibus apertissimè patet, à Caluino esse scripta, quæ ei Lessius ceterique Catholici assignarunt.

Denique ratiunculas, quas pro suâ versione attulit Calvinus Comment. in Epist. ad Hebræos, fuites esse, doctissimè ostendit Bellarminus lib. 4. De Christo cap. 8. Primò, Quia ὑλάβη, teste ipso Bezâ, sumitur non pro quocumque timore, sed reuerentiâ. Secundò, Etiam si alibi ὑλάβη significaret horrorem, at hoc saltem loco ad Heb. cap. 5. à nullo Catholico aut hæretico, præterquam à Caluino & Bezâ, accipitur pro horrore, sed pro reuerentiâ. Ita Chrysostomus, Theophylactus & Occumenius Græci, quibus in patrio sermonè magis, opinor, credendum, quàm Caluino. Tertiò, Quia ὑπὲρ non solum significat à, ex, de, sed etiam idem quod διὰ, id est, pro, vel propter. Actor. 12. vers. 14. Ἀπὸ τῆς χαρᾶς, *Pro gaudio, vel propter.* Luc. 22. vers. 45: Ἀπὸ τῆς λύπης, *Pro, vel propter tristitiam.* Ita Luc. 24. vers. 41. Matth. 13. vers. 44. & alibi, ἀπὸ sumitur pro διὰ. Quartò, Quia etiam si in

in Græco textu desit *sua*, non potest inde confici, legendum esse *metum* pro *reuerentiâ*. Quintò, Nemo non videt, versionem hanc à Caluino factam esse contra omnium sententiam, ad confirmandum execrabile illud dogma de horrore & desperatione Christi, & tollendum eius descensum ad inferos: qui error ita puerilis ac ridiculus est, vt vel ex solius Symboli Apostolici ordine refutetur. Cùm enim hic Symboli sit ordo, *Crucifixus, mortuus, & sepultus est, descendit ad inferos*; Caluini subtilissimo inuento ita reformandus est ordo: Primò, *Crucifixus est*; deinde, *in cruce mortuus est*; mox, *in sepulchro positus est*; denique iterùm *in cruce percutit diros cruciatus damnati ac perditionis hominis, quod est, Descendit ad inferos*, ait Calvinus lib. 2. Institut. cap. 16. §. 10.

Certum igitur est, Zwinglium, Bezam, Calvinum esse fallarios, & Scripturæ corruptores, verèque eis suas corruptelas à Lessio assignatas.

Obiectio Meisneri.

Pag. 541. *Scripturam depravant Catholici, idque dupliciter. Primo, approbando versionem Vulgatam, in quâ tamen innumera sunt menda & errata varia. Secundo, vitiosissime exponendo, & in alienam planè mentem trahendo*, pag. 544. Quod quia frigide admodum & ridiculè à Meisnero probatur, non refutabo.

Refutatio.

Primò, Quis non videat, plusquàm Bæotico stupore hallucinari Meisnerum, dum ita argumentatur: *Catholici approbant Vulgatam versionem,*

in quâ sunt innumera menda. Igitur Catholici deprauant Scripturam. Imò verò contrà rectissimè sequitur, Approbant Catholici Vulgatam; non ergo deprauant Scripturam: quia non possunt approbare deprauatam, nisi supponatur antè fuisse deprauata.

Sed dicet Meisnerus, Approbando Vulgatam Latinam, deprauant Hebræam & Græcam Scripturam. At neque hoc sequitur: quia Catholici, etiamsi approbent Latinam, non tamen eâ re damnant Hebræam aut Græcam.

Secundò, Etiam si, quod Meisnerus mentitur, innumeris mendis scateret Vulgata, non tamen eam approbando, dicendi essent Catholici deprauasse Scripturam, sed tantùm approbasse menda. Aliud enim est deprauare, aliud iam deprauatum approbare. Ridicula verò ratiocinatio est, quâ probat à Catholicis deprauari Scripturam, quia *Isidorus Clarius, & ipse Pontificius, testatur annotasse & emendasse se in Vulgatâ octoginta millia errorum.* Nam si emendauit, quomodo non inde sequitur, Pontificios emendare potiùs Biblia, quàm deprauare?

Tertiò, Quam verisimilitudinem habere potest, deprauari à Catholicis Scripturam, cum Damasi Pontificis iussu diuus Hieronymus *nouum Testamentum*, vt ipse loquitur, *Græca fidei reddiderit, vetus iuxta Hebraicam transtulerit*; in Vulgaris verò Latinæ emendatione versatus sit eo studio ac religione, vt scribat ad Damasum Præfat. in Euang. *ita calamum temperauimus, vt ijs tantùm quæ sensum mutare videbantur, correctis, reliqua pareremur manere, &c.*

De-

Denique, Nostrâ ferè memoriâ à Cardinale Ximeniò, Archiepiscopo Toletano, excudì iussa sunt Compluti Biblia, de quibus ita scribit ad Leonem Decimum: *Iussimus archetypas sacre Scripturæ linguas cum adiunctis variarum linguarum translationibus impressioni mandari.* Antuerpiæ item Biblia Catholici Regis pietate & studio impressa sunt anno 1572. Ac vetus quidem Testamentum Hebræicâ, Græcâ, Chaldaicâ linguis, cum triplici versione Latinâ; Nouum Græcâ & Syriacâ, cum duplici versione Latinâ. Adiecta est autem præterea Sanctis Pagnini interpretatio, Hebræo textui ad verbum respondens.

Latina Biblia, ad amussim viginti sex antiquissimorum codicum reuocata, operâ Ioannis Hentenij Mechliniensis, Louanij impressa sunt anno 1547. Antuerpiæ & Venetiis sæpius. Iterum ad fidem plurium manuscriptorum castigata Biblia operâ Louanienfium Theologorum anno 1573. & impressa Antuerpiæ quàm sæpius.

Quâ igitur fronte assignat Catholicis Meisnerus, Scripturam ab ijs deprauari? quæ toties linguis omnibus excusa, toties libroriorum mendis emendata, semper facta tecta seruata fuit?

Quartò, Cùm certum sit, & Hebræa & Græca Biblicorum exemplaria nunc temporis corrupta esse, ineptè ipse Meisnerus recurrit ad eorum authenticam, quasi ad rectam amussim. Hebræa enim (seruari olim solita in Templo Iudæorum à solo Sacerdote summo, vt scribit ex Philone Eusebius lib. 8. De præparat. Euang. cap. 2.) corrumpi penitus cœperunt post Hieronymi mortem, priusquam

quam Rabbinii suum Thalmud composuissent: eo namque temporis intervallo tanta prodit Hebraicarum versionum varietas, ut vix duo exempla sibi similia inuenirentur, teste Eliâ Leuitâ, Præfatione libri quem appellat Masoreth hamasoreth, id est, Traditio traditionum. Ergo Iudæi (ut gliscētibus hisce corruptelis occurrerent) Tiberiade Palæstinæ oppido conuentum indixerunt anno circiter 508. In hoc conuentu Masoreth, seu puncta, primùm à Rabbinis Iacob & Aaron (illo Asier, hoc Nephthalum, filijs) sunt inuenta. Paullò post Thalmud compositum, & magnum Iudæorum Masoreth; in quo vetus Testamentum prout eorum arbitrio non correctum, sed corruptum penitus est; versibus etiam literisque vniuersæ Scripturæ sic corruptæ adnumeratis, ne qua in posterum mutatio clam ijs interueniret. De his autem corruptionibus omnibus etiamnum constat apertè ex Præfatione tertiâ Eliæ Leuitæ in suum Masoreth: & Calvinus ipse cap. 49. Genes. vers. 10. existimat probabile, à Iudæis corruptam esse illam Prophetiam, *Non auferetur sceptrum de Iudâ, &c.* Notat item lib. 1. Institut. cap. 13. §. 9. corruptum vers. 16. Ierem. cap. 33, *Hoc est nomen, quo vocabunt eum, &c.*

Manifestum est igitur, Hebraicum codicem esse mendotum, eaque re ad eum tutò recurri non posse ut ad normam.

Sed etiam si planè virgo esset etiamnum Hebraica Scriptura, nullo vel Typographi næuulo vitata; non esset tamen tutum certumque, ab eâ solâ, absque Traditionis suffragio, oracula fidei postulare. Primò, Quia vix vllum Hebraicum vocabulum,

lum, imò vix litera est, quæ non habeat diuersas significationes. Verbi gratiâ, sola litera *Vau*, habet has omnes significationes, norante Pagnino lib. 1. Grammat. cap. 22. 23. 24. *Et, quia, vel, neque, super quanto magis, ad, in, cum, numquid, si, antequam, postquam, nunc, quando, sic, sed, quamuis, ut, ne fortè.* Quis verò ex hac tantâ significationum varietate abique Traditione genuinum sensum assequatur?

Secundò, Quia plurima verba sunt, quæ duas habent significationes planè contrarias. Verbi gratiâ תאב *thaab*, in primâ coniugatione significat appetere, in secundâ significat abominari. שרש *scharasch*, in primâ coniugatione significat radicare, in secundâ eradicare. In eâdem verò significatione & modo simul contraria significant ברכ *berck*, benedicere & maledicere: סכן *sachan*, thesaurizare & depauperare: סיה *sith*, accedere & recedere: קדש *kadasch*, sanctificare & profanare, seu mundare & immundum reddere: נצר *natzar*, seruare & destruere: שוב *scub*, conuertere & auertere.

Imò verò etiam subinde quædam vocabula eodem planè modo ijsdemque literis scripta, significant res planè contrarias. Verbi gratiâ חטא *chete*, significat peccatum, Psal. 51. vers. 7. & sacrificium quo aufertur peccatum, Gen. 4. vers. 7. Quis verò hæc mysteria assequetur sine Traditione? Quare non immeritò olim Deus, ne fides & communis nostra salus ex solis literis punctisve penderet, fideique ac salutis nostræ fundamentum essent solæ literæ & characteres scripti, qui vel à librariolis corrumpuntur, remittere solebat populum pro Scripturæ explicatione ad Sacerdotes & interpretes, qui scriptarum rerum sensum retinebant Tra-

ditione. Vnde à Malachiâ dictum est cap. 2. v. 7. *Labia Sacerdotis custodient scientiam, & Legem requirunt ex ore eius*; quia nempe non semper sufficit sola Scriptura.

Græcum item Testamentum nouum, de quo solo mihi hîc agendum est cum aduersariis meis, corruptum esse, experti questique sunt S. Irenæus lib. 1. aduersus hæreses c. 29. Tertullianus lib. 5. contra Marcionem : Origenes cap. vlt. Epist. ad Romanos : Dionysius, aliique plures apud Eusebium lib. 4. Historiæ, cap. 22. 23. & lib. 5. cap. vlt. Theodoretus lib. 1. De hæresibus, cap. De Tatiano.

Neque igitur ad Græcum codicem tamquam ad Sibyllinum folium certò recurri potest. Verba verò illa, *Per opera bona*, 2. Pet. cap. 1. quæ nunc in Græcis Bibliis non apparent, in tribus Græcis tamen se inuenisse scribit Robertus Stephanus, & è Græco item citantur à Marco Monacho, qui vixit anno Domini tercentesimo, vt Lorinus notat in hunc Petri locum.

Latina verò Biblia Vulgatæ versionis (quam Augustinus *Italiam* vocat lib. De doct. Christianâ, cap. 15. & ab eo præcipuè laudata est) iam à mille retrò annis Ecclesia pro authenticis habuit: adeoque hæc ea versio est, quam Hieronymus iussu Damasi Papæ cum Hebræis & Græcis voluminibus (id temporis ferè incorruptis) contulit & emaculauit. Sola igitur hæc incorrupta est: quare ad hanc solam quoque adeundum est pro fidei oraculis; debetque ad eam, tamquam ad normam & amussim, castigari Hebræorum Græcorumque codicum obliquitas. Neque enim Hebræa Græcæque Biblia, quæ nunc habemus, porrò au-
togra-

tographa sunt; sed Latina Vulgata sola versio, quæ autographorum olim Hebræorum & Græcorum integritatem etiamnum retinet, veri autographi loco habenda est.

Ineptè igitur Meisnerus & Brandius Lutherum falsi excusare moliuntur, recurrendo ad Hebræa & Græca exempla, quæ ipsa sunt falsa, quæque eo consilio in nonnullis interpretari voluit Lutherus, Latinorum relictâ fide, ut callidiùs falleret.

*Octava Lessij Ratio, ex bonorum operum
euerfione.*

Hic Meisnerus omnino nihil, Brandius nihil præter fumum & nebulas offundit: exhausti, opinor, suis responsionibus datis Consideratione primâ De studio bonorum operum, ad Argumentum Lessij à contrario, quod ibi consultò omissum hîc repeto.

Argumentum Lessij à contrario.

Cetera Religiones, præsertim Lutherana, Calviniana, & Anabaptistica, tantum abest ut doceant carnem macerare, terrena contemnere, voluptates carnis refecare; ut ieiunium vocent Traditionem humanam, &c. abstinentiam carniû, superstitionem; vota Monastica, impia; castitatem, impossibilem, &c. Neque solum eximiam illam sanctitatem impediunt, sed etiam omne studium bonorum operum: docent enim hominem in omnibus suis operibus peccare, per bona sua opera nihil apud Deum mereri, &c. solâ fidem coronari, &c. Igitur nulla harum potest esse vera Religio.

ditione. Vnde à Malachiâ dictum est cap. 2. v. 7. *Labia Sacerdotis custodient scientiam, & Legem requirunt ex ore eius*; quia nempe non semper sufficit sola Scriptura.

Græcum item Testamentum nouum, de quo solo mihi hîc agendum est cum aduersariis meis, corruptum esse, experti questique sunt S. Irenæus lib. 1. aduersus hæreses c. 29. Tertullianus lib. 5. contra Marcionem: Origenes cap. vlt. Epist. ad Romanos: Dionysius, alique plures apud Eusebium lib. 4. Historiæ, cap. 22. 23. & lib. 5. cap. vlt. Theodoretus lib. 1. De hæresibus, cap. De Tatiano.

Neque igitur ad Græcum codicem tamquam ad Sibyllinum folium certò recurri potest. Verba verò illa, *Per opera bona*, 2. Pet. cap. 1. quæ nunc in Græcis Bibliis non apparent, in tribus Græcis tamen se inuenisse scribit Robertus Stephanus, & è Græco item citantur à Marco Monacho, qui vixit anno Domini tercentesimo, vt Lorinus notat in hunc Petri locum.

Latina verò Biblia Vulgatæ versionis (quam Augustinus *Italiam* vocat lib. De doct. Christianâ, cap. 15. & ab eò præcipuè laudata est) iam à mille retrò annis Ecclesia pro authenticis habuit: adeoque hæc ea versio est, quam Hieronymus iussu Damasi Papæ cum Hebræis & Græcis voluminibus (id temporis ferè incorruptis) contulit & emaculauit. Sola igitur hæc incorrupta est: quare ad hanc solam quoque adeundum est pro fidei oraculis; debetque ad eam, tamquam ad normam & amissim, castigari Hebræorum Græcorumque codicum obliquitas. Neque enim Hebræa Græcæque Biblia, quæ nunc habemus, porrò autogra-

tographa sunt; sed Latina Vulgata sola versio, quæ autographorum olim Hebræorum & Græcorum integritatem etiamnum retinet, veri autographi loco habenda est.

Ineptè igitur Meisnerus & Brandius Lutherum falsi excusare moliuntur, recurrendo ad Hebræa & Græca exempla, quæ ipsa sunt falsa, quæque eo consilio in nonnullis interpretari voluit Lutherus, Latinorum relictâ fide, ut callidiùs falleret.

*Octaua Lessij Ratio, ex bonorum operum
euerfione.*

HVC Meisnerus omnino nihil, Brandius nihil præter fumum & nebulas offundit: exhausti, opinor, suis responsionibus datis Consideratione primâ De studio bonorum operum, ad Argumentum Lessij à contrario, quod ibi consultò omissum hîc repeto.

Argumentum Lessij à contrario.

Cetera Religiones, præsertim Lutherana, Calviniana, & Anabaptistica, tantum abest ut doceant carnem macerare, terrena contemnere, voluptates carnis refecare; ut ieiunium vocent Traditionem humanam, &c. abstinentiam carniû, superstitionem; vota Monastica, impia; castitatem, impossibilem, &c. Neque solum eximiam illam sanctitatem impediunt, sed etiam omne studium bonorum operum: docent enim hominem in omnibus suis operibus peccare, per bona sua opera nihil apud Deum mereri, &c. solâ fidem coronari, &c. Igitur nulla harum potest esse vera Religio.

*Responsio utriusque ad singulas partes,
ac primum de Ieiunio.*

Meisnerus pag. 106. *Non simpliciter omnia ieiunia damnamus : pag. 109. sed ieiunium ordinarium flauumque, & Papatui proprium. Et quidem eo fine, ut habeat rationem, Primò, cultus; Secundò, sanctificationis; & Tertiò, meriti. Atque hoc ieiunium cum Luthero appellamus superstitionem & Traditionem humanam, &c. Nam Primò contrariatur libertati Christiana, ut patet ad Coloss. 2. vers. 10. Secundò, Est doctrina demoniorum, 1. Timoth. 4. vers. 2. 3. Tertiò, Est præceptum merè humanum, Matth. 15. v. 9. Quarto, Detrahit Christi merito. Quintò, Est simoniacum: quia Pontifex pecuniam dentibus relaxat legem ieiunij. Sextò, Est hypocriticum.*

Brandius pag. 28. *Lesius his rebus reprehendis, obloquitur partim ipsi sacra Scriptura, partim falsa crimina aduersariis impingit. Pag. 26. Ieiunium nemo aduersariorum Lesij, vocat simpliciter humanam Traditionem, &c. sed Papistarum ieiunia, quæ constant statis diebus, & certorum ciborum abstinentiâ.*

Refutatio, quoad doctrinam de ieiunio.

Cùm aiant Meisnerus & Brandius, se tantum reprehendere ieiunium Papisticum, aiunt se reprehendere simpliciter omne ieiunium veteris & Apostolicæ Ecclesiæ, quam constat non aliud ieiunium obseruasse, atque Catholici moderni hodieque obseruant.

Tribus enim rebus semper constituisse & veteris & Apostolicæ Ecclesiæ ieiunium, docuit ipse Calvinus lib. 4. Instit. cap. 12. Tempore, Quantitate, Qua-

Qualitate: & constat ex Tertulliani doctissimo libro De ieiunio aduersus Psychicos, *Tempus definitum* semper fuisse aut vespérâ diei, aut horâ nonâ; nunc verò horâ meridianâ ex consuetudine & Ecclesiâ permissu (quod negat Calvinus) clarissimè Bellarminus docet lib. 2. De oper. bonis, cap. 2. atque ita Iudicum 20. *ieiunauerunt vsque ad vespéram*: quod idem habetur 2. Reg. 1. & 3.

Qualitatem ieiunij semper omnis antiquitas definiuit certorum ciborum delectu. Danielis 10. *In diebus illis ego Daniel lugebam trium hebdomadarum diebus, panem desiderabilem non comedi, & caro & vinum non introierunt in os meum.* Sanctus Ioannes Baptista ab omni cibo & potu abstinnuit, praterquam locustis & siluestri melle, Matth. 3. S. Petrus Apostolorum Princeps, pænè semper ieiunans, non aliud in cibum adhibebat, quàm lupinos minuto asse veneuntes, auctore Gregorio Nazianzeno. S. Matthæus Apostolus baccis & oleribus, non carnibus victitauit, teste Clemente Alexandrino Pædagogia lib. 2. Contrà, Lutherus De libertate Christianâ, Philippus in Confessione Augustanâ, Brennius in Confessione Wittenbergenfî, Centuriatores lib. 2. Cent. 1. cap. 4. Calvinus Instit. lib. 4. c. 12. & Kemnitius 4. Part. Exam. Concilij Tridentini, volunt eam esse in solâ reiectione lautitiarum.

Quantitatem omnis retrò Ecclesia definiuit vnicâ refectione. Calvinus permittit plures, modò solito minus edas.

Ergo aduersarij simpliciter vocant ieiunium humanam Traditionem, quod eîs Lessius assignauit.

Sed ne videar omnino nullam aduersariis in ieiunando

iunando laudem concedere, fatebor etiam ingenuè, quæ de rigidissimis Lutheranorum ieiuniis legisse me memini apud Lutherum & nonnullos Lutheranos.

Qualia Lutheranorum ieiunia.

Lutherus in Colloq. Latin. Tom. 1. cap. De ebrietate: *Nos Germani ingurgitamus nos potando ad paupertatem, mortem, & infernum usque.*

» *Viniite lurcones, comedones, viniite ventres!*

Iacobus Andreæ in cap. 21. Lucæ: *Nulla sentitur apud illos [Lutheranos] morum emendatio, &c. Loco ieiunij, comessationibus & compotationibus nocte dieque vacant.*

» *Quanta pernis pestis, quanta labe larido!*

» *Quanta sumini absumedo; quanta callo calamitas!*

» *Quanta laniis lassitudo, quanta porcinaris!*

Philippus in cap. 6. Matthæi: *Loquitur res ipsa, in his Regionibus omne ferè studium conniviorum apparatibus, & ebrietati, atque immamibus poculis impendi, &c. Ea barbaries est in populo, ut plerisque persuasum sit, se, si unum diem ieiunent, noctem continuò sequentem non posse vivere.*

» *Harpyiis gula digna rapacibus!*

Atque hæc testimonia scio à Lessio non esse prætermittenda invidiâ laudis alicuius in aduersarios suos conferenda: nisi ipsum præterissent festinantem, haud dubiò, ut vir omnino ingenuus est, ea in medium attulisset ad hostium suorum commendationem. Eius tamen præteritionem supplebo elegatissimâ descriptione Tertulliani de moribus Psychicorum, lib. De ieiun. cap. 16. *Deus vobis venter est, & pulmo templum, & aqualiculus altare,*

& Sacerdos cocus, & sanctus Spiritus nidor, & condimenta charismata, & ructus Prophetia vetus est, &c. Cap. 17. Apud vos agape in cacabis fernet, fides in culinis calet, spes in ferculis iacet. Sed maior his est agape: quia per hanc adolescentes vestri cum sororibus dormiunt. appendices scilicet gula lascinia atque luxuria est, &c. Quis sanctior inter vos, nisi conuiuandi frequentior, nisi obsonandi pollucibilior, nisi calicibus instructior? &c. Cur ergo non constanter predicatis; Manducemus & bibamus, cras enim moriemur? Sicuti nos non dubitamus exerce mandare; Ieiunemus fratres & sorores, ne forte cras moriamur.

Responsio utriusque de Castitate & Calibatu.

Meisnerus Pag. 111. Negamus, quod vera & summa sanctitas tantum in calibatu locum habeat, &c. Intolerabilius autem, summeque Tyrannicum iudicium est Romanorum Pontificum, quo omnibus omnino Ministris Ecclesie perpetuum calibatum imperant. Hoc enim Primo est contumeliosum in ipsum Deum coniugij auctorem. Secundo, Aduersatur Apostolica commendationi coniugij, Hebr. 13. vers. 4. Tercio, Et clarissimus Pauli verbis, quibus Episcopum posse vxoratum esse innuit, 1. Timoth. 3. v. 2. Tit. 1. vers. 6. Quarto, Exemplis Sacerdotum, Prophetarum, Apostolorum, aliorumque virorum Apostolicorum, quos in ipso etiam munere sacerdotali & genuisse liberos, & post ordinationem duxisse vxores, confirmauit Paphnutius in Concilio Nicano, teste Nicephoro lib. 8. Historia Eccles. cap. 19.

Brandius Pag. 27. Quod Lessius aduersariis imputat, ac si dicerent castitatem esse impossibilem, etiam falso id criminis illis impingit, &c.

Refu-

Refutatio, quoad doctrinam de Calibatu.

Primò, Nusquam dicit Lessius, summam sanctitatem tantum in cælibatu habere locum. Sunt hæc Meisneri diuerticula. Tantum ait, in Ecclesiâ vigere studium perfectionis, quia cælibatuum suadet, &c.

Secundò, Non esse Tyrannicum, nec Deo contumeliosum, nec Apostolorum verbis factissime contrarium edictum de Clericorum cælibatu, demonstravit Bellarm. lib. 1. De Clericis, à cap. 18.

Tertiò, Tantum abest ut Paphnutius confirmet in Nicænâ Synodo apud Niçephor. lib. 8. cap. 19. Sacerdotes etiam post Ordinationem solitos uxorem ducere, aut liberis operam dare, ut contrâ etiam ibidem dicat: *Quapropter pro eo atque antiquitus servari solitum est, deinceps quoque obtinere oportet, ut qui sacerdotalē susceperunt dignitatem, calibes postea quoque à coniugio abstineant.* Quis verò iam in posterum Meisnero habebit fidem? Denique quæ sit de castitate aduersariorum sententia, iam eorum testimoniis docebo.

*Doctrina aduersariorum de Calibatu
& Castitate.*

Non posse à quoquam servari continentiam cælibatus (quam ἀντονομαστικὴ Lessius castitatem appellavit) docuit Lutherus Tomo 6. VVittenb. Germ. pag. 171. *Quàm parum in meâ potestate est ut vir non sim, tam parum etiam in meâ potestate situm est, ut absque muliere sim. Ac rursus, quàm parum etiam in tuâ potestate est, ut mulier non sis, tam parum etiam in tuâ potestate est, ut absque viro sis.*

sis. Quia hac res non est arbitraria, seu consilij, sed res necessaria ac naturalis, ut omnis vir mulierem habeat, & omnis mulier virum, &c. Estque hoc plusquam preceptum, magisque necessarium, quam comedere & bibere, purgare & expuere, dormire & vigilare.

Hoc dictum Lutheri, ait Brandius pag. 27. utcumque rude, ac primâ facie absurdum, non tamen ab eo valde absonum est illud Pauli 1. ad Corinth. 7. Sed propter fornicationem suam quisque habeto propriam uxorem, & proprium quaque virum. Paruum sanè discrimen est & parum absonum! Nam eodem cap. Paulus dicit, De virginibus preceptum Domini non habeo, consilium autem do: Lutherus tantum dicit, concubitum esse necessarium, & plusquam preceptum. Paulus dicit, Qui matrimonio iungit virginem suam, benè facit; & qui non iungit, melius facit: Lutherus ad Dominos Ordinis Teutonici, Tomo 6. V Vittenberg. Gerin. pag. 252. tantum dicit, Quomodo fieri potest, ut tale votum [continentiæ] non sit peius quam ullum adulterium vel fornicatio? Ferè itaque convenit inter Paulum & Lutherum. Paulus dicit, Beatior erit vidua si permanserit, secundum meum consilium: puto autem quod & ego Spiritum Dei habeam: Lutherus Tomo 7. Latin. V Vittenberg. pag. 505. & Tomo 6. Germ. pag. 256. in epistolâ ad V Volfangum Reifembuse tantum dicit, Castè & integrè vivere, tam non est in manu nostrâ, quam omnia reliqua Dei miracula, &c. Qui verò vult aīyau, hoc est calebs vivere, ille nomen hominis à se deponit; planum faciet se Angelum esse aut spiritum. Homini enim à Deo nullo modo conceditur, &c. Quare aīyau seu calebs

calebs vivere volens planè αδύνατα θηρεῖ, καὶ ὅλως θεομαχεῖ, id est, *impossibilia tentat, & prorsus Deo repugnat.*

Quis ex his verbis non videat, à Luthero dici clarissimè, *impossibilem omnino esse omnibus hominibus (etiam qui non videntur) continentiam? quæ homini à Deo nullo modo conceditur? quam qui servare tentat, Deo repugnat; cum mulierem habere sit res naturalis & necessaria, plusquam præceptum, & magis necessarium quàm edere, bibere, dormire?* Quid ergo est quod hîc falsò Lessius assignavit Luthero, qui nec omnia eius dicta protulit? quale est & illud omnino insigne Tom. 6. Wittenb. Germ. pag. 273. Primò, *Ponamus, quòd aliquis voveat condere nomas stellas, montesq; transferre: an non iure vocares amentiam?* Sed enim votum castitatis à tali voto nil differt. Cedò, Meisnere, vbi hîc Lutherus præsupponit vstionem? vbi hîc damnat continentiam tantùm hætenus, quatenus meritoria sit aut satisfactiva, qui loquitur de eius absolutâ impossibilitate? Verè igitur Lessius hoc dictum contulit in Lutherum.

*Responsio Meisneri de impedimentis
operum bonorum.*

Pag. 90. *De studio bonorum operum: hoc non impedimus, &c. Ex Religionis enim nostræ hypothefibus multa bonorum operum irritamenta sunt. Nam Primò docet, fidem iustificantem non esse otiosam, &c. Pag. 91. Secundò, Legem moralem non destruit, &c. Pag. 92. Tertiò, Quotidianam carnis mortificationem præcipit, &c. Pag. 94. Quartò, Multas causas proponit, quibus ad bona opera hortatur: Primò, propter Deum; Secundò, propter Angelos; Tertiò, propter pro-*

proximum; Quarto, propter nos ipsos; Quinto, propter diabolum, ne in illius nassam incidamus. Pag. 95. Oportet igitur crassissimam esse calumniam, & diabolicum mendacium, quando Iesuita omne studium bonorum operum à nostrâ Religione impediri clamitant. Pag. 97. Depravat Iesuita nostram sententiam. Non enim docemus, omnia renatorum bona opera formaliter esse peccata, ac si nihil in ipsis sit boni quod Deo placeat; sed alio, eoque tergemino respectu in operibus bonis peccari statuimus: Primo, Quatenus sunt sub opinione perfectionis & meriti. Secundo, Quatenus considerantur absque fide Christi meritum apprehendente. Tertiò, Quatenus omnia bona opera sunt imperfecta. Pag. 100. Hac Lutheri mens fuit & sententia, quando hominem in omnibus suis operibus peccare asseruit. Quod autem clamitat, studium bonorum operum à nobis impediri, quia doceamus hominem apud Deum nihil per omnia sua opera mereri; respondeo Primo, negando consequentiam: quia alia eaque gravissima sunt rationes, quibus ad bona opera irritamur. Secundo, Non sunt proponenda falsa ut eveniant bona: unde, quia meritum Scripturis aduersatur, non est docendum, ut homines ad bene agendum magis stimulentur. Tertiò, Confundit premium & meritum. Aliud enim est meritum vite aeternae aliud premium: prius inficiamur, posterius fatemur.

Eiusdem de chameuniâ aliisque corporis afflictionibus responsio.

Pag. 118. Castigandum esse corpus ne luxuriet, monemur ex Apostolo 1. Corinth. 9. vers. ult. interim tamen suus etiam honos habendus est corpori, ad Coloss. 2. vers. ult. Quâ in parte peccarunt multi, qui

T

tamen

tamen in Papatu habentur sanctissimi, ut Albericus Monachus apud Gerardum à Nazareth cap. 14. Dominicus Nazarethanus, Balduinus Archiepiscopus Cantuariensis, & Franciscus Assisius, &c. Num verò in his stoliditatibus & carnificinis veram sanctitatem Deique cultum consistere existimabimus? &c. Ineptiebant ita olim Baalite, 1. Reg. 18. & Esseni Phariseique. Assidue verò orare, in verbo Domini meditari, appetitui carnis non obtemperare, & in praeceptis Domini ambulare, hæc illa sunt salutaria exercitia, quibus mortificatur vetus homo, &c. Pag. 121. Quocirca primam istam considerationem Lesbianam sic inuertimus: Ea Religio præferenda est, qua hortatur ad veram sanctitatem, non ab hominibus confictam, sed à Deo præscriptam, exemplis Prophetarum & Apostolorum confirmatam, &c. At talis est Religio Lutherana, & non Papistica. Ergo Lutherana præferenda est: quod erat demonstrandum.

Responsio Brandij.

Pag. 28. Isaias autem cap. 64. vers. 6. cum dicit, Facti sumus omnes immundi; & Paulus 1. ad Cor. 13. vers. 9. & 12. cum docet nos nunc ex parte cognoscere; quid aliud sibi volunt, quam hominem in omnibus suis operibus peccare? Hominem verò per omnia bona opera sua nihil mereri apud Deum, an non Christus ipse docet Luca decimosextimo? Solam fidem apud Deum aestimari & coronari, an non disertè Paulus docet Rom. 3. 17. & 18? Quòd dicit nos docere, hominem per bona opera nihilo gratiorem fieri, nihilo iustiores, nihil amplius præmij habiturum, siue plurima, siue pauca, siue nulla bona opera fecerit; est mera calumnia. Pag. 29. Hoc tantum volumus, hic nihil meritis homi-

hominum, sed omnia pura puta gratia diuina accepta ferenda.

Refutatio,

Scribit Meisnerus pag. 90. ex *Lutherana Religionis hypothesibus multa fluere bonorum operum irritamenta. Primò, Quia docet, fidem iustificantem non esse otiosam.*

Contrà Lutherus dicit Primò, ab eo negari fidem, qui præter fidem requirit opera bona. Secūdò, Comment. in Epist. ad Galat. cap. 2. *Papista, & quotquot iustitiam Christi ignorant, aut non rectè tenent, non possunt non facere ex Christo Moysem & Legem, & ex Lege Christũ. Sic enim docent: Fides in Christum iustificat quidem, sed simul seruari oportet etiam præcepta Dei; quia scriptum est, Si vis in vitam ingredi, serua mandata. Vbi statim Christus negatus, & fides abolita est. Et lib. De votis Monasticis: Fides & opera in re iustificationis extremè aduersantur, ita sit, ut doctrina operum sit doctrina damoniorum.*

Secundò dicit, Moysis discipulos esse, non Christi, qui præter fidem requirunt opera, eodem loco citato: *Papiste, & phanatici spiritus, nos, qui tantà diligentiam inculcamus & urgemus fidem, rident, dicentes: Ha, ha! fides, fides! Expecta donec fide peruenias in calum. Nitendum est ad sublimiora, oportet te Legem Dei implere, iuxta illud, Hoc fac, & viues. Oportet te multa pati, &c. Sic fiunt meri Legista & operarij, à Christo ad Moysem deficientes.*

Tertiò dicit, Christianum ab omnibus esse liberum, & nullis operibus indigerẽ, lib. De Christianà libertate: *Ex ijs clarè videre potest quilibet, quomodo Christianus homo liber est ab omnibus, & su-*

per omnia; ita ut nullis operibus ad hoc indigeat ut iustus & saluus sit, sed sola fides hac omnia largitur abundè. Quòd si sic desiperet, ut per ullum opus bonum præsumeret iustus, liber, saluus Christianus fieri, statim amitteret fidem cum omnibus bonis.

Quartò dicit, Hominem, quamdiu fidem retinet, propter nulla alia flagitia posse damnari, lib. De captiu. Babylon. titulo De Baptismo: *Homo Christianus etiam volens non potest perdere salutem suam quantiscumque peccatis, nisi nolit credere: nulla enim peccata cum possunt damnare, nisi sola incredulitas.* Et contra Ambrosium Catharinum: *Nullum est peccatum, nisi incredulitas; nulla iustitia, nisi fides.*

Quintò dicit, Opera bona esse oneri & impedimento ad salutem, Concione ad Euang. Feriæ 2. Pentecostes: *Quia angusta est via, oportet te fieri tæperrum, si vis per eam transire. Ceterum qui operibus onerati sunt, sicut conchylibus onustos videmus Iacobi Peregrinos, ij non poterunt penetrare.*

Sextò dicit, Opera bona esse dimittenda ut ad Deum venias, Sermone De piscaturâ Petri: *Erga Deum non operibus, sed nudâ fide indigemus: debemus enim cum solo Iſaac venire, hoc est cum fide; seruos & asinas, hoc est opera, dimittere oportet.*

Septimò dicit eodem in Sermone: *Quantò sceleratior es, tantò citius Deus suam gratiam infundit.* Ita Antinomi quoque in Mansfeldensi Confess. *Quàm primum cogitas, Sic & sic in Christianismo res compositas esse oportet, Ibi debent compositi, modesti, temperantes, sancti & casti homines esse; Euangelio iam excidisti. O sanctum Euangelium!*

Quomodo ex huius Lutherânæ sectæ hypothesibus profluere possunt multa bonorum operum
irri-

frutamenta? cùm doceat, sceleratiores gratiæ diuinæ esse aptiores: opera bona dimittenda esse, quia oneri sunt & impedimento: imò fidem amitti, si opera ei coniungantur. Quis cordatus, & vel mediocriter sapiens, non videat, per hæc hypothesen huius impiissimæ sectæ viam strui ad omnes libidines & detestanda quæque flagitia, bona verò opera omnia damnari & excludi? Quomodo igitur dicit Meisnerus, *diabolicum esse mendacium*, cùm clamitant Iesuitæ, ab suâ Religione Lutheranâ omne bonorum studium impediri? Nam quæ doctrina, quæ secta posset amplius eorum studium impedire, atque illa quæ diceret, per bona opera amitti fidem, nullum peccatum esse præter incredulitatem, nullam iustitiam præter fidem, bona opera impedimenta esse salutis; eos verò gratiæ esse aptiores, qui sunt sceleratiores? Quæ omnia dogmata sunt sectæ Lutheranae.

Scribit secundò Meisnerus, per *Lutheranam suam Religionem non destrui Legem moralem*.

Contrà Lutherus Primò, Sermone de Moyse, *Ex textu, inquit, clarò patet, quòd etiam Decem præcepta ad nos non pertineant. Non enim nos, sed solùm Iudeos Dominus ex Aegypto eduxit.*

Secundò, in Epist. ad Galatas cap. 4. *Thomas Aquinas, & ceteri Scholastici Theologi, cùm loquuntur de abrogatione Legis, asserunt Legem Moysei ceremonialem & iudicialem abrogatam esse, moralem autem (quæ Decalogum continet) non esse abrogatam. Hi quid loquantur, ipsi non intelligunt. At verò tu cùm de Lege agis, vide ut de eâ Lege loquaris quæ vera Lex est, nempe spiritualis Lex. Et sic vniuersam Legem complectere, nec ullam differentiam admitte inter*

cerimonialem, iudicialem, & moralem Legem, seu Decalogum. Nam cum D. Paulus testatur, nos per Christum à maledicto Legis redemptos esse, reuera loquitur de vniuersa Lege, & precipue de Decem praeceptis, &c. *Quæ cum ita sint, affirmamus, quòd etiam Decalogus in ijs conscientijs, quas Christus per gratiam suam gubernat, nihil inris obtineat, &c. quoniam Christus huius Legis aduersus nos ius abrogauit.*

Tertiò, Melanchthon in cap. 6. Epist. ad Rom. editionis primæ: *Cerimonia & iudicialia sunt antiquata: est & Lex morum antiquata.*

Quartò, Antinomi in Confessione Mansfeldensi, pag. 91. *Omnes qui circa Moysen versantur, ad diabolum pertinent. Ad patibulum cum Moysse. Petrus Christianam libertatem ignorauit. Dictum Petri, Magis satagite ut per bona opera certam vestram vocationem faciatis, nihil valet.*

Quomodo ergo Lutherana secta non destruit Legem moralem?

Scribit tertiò Meisnerus, quòd sua Religio Lutherana quotidianam carnis mortificationem praecepiat. Definit verò mortificationem pag. 119. his verbis: *Assidue orare, in verbo Domini meditari, appetitui carnis non obtemperare, & in praeceptis Domini ambulare, hæc illa sunt salutaria exercitia quibus mortificatur vetus homo. Insignem profectò definitionem!*

Nam Primò, Quis vnquam orationem, & meditationem, & in praeceptis Domini ambulationem, vocauit carnis mortificationem?

Secundò, Quam suauis & delicata oportet sit illa carnis mortificatio, quæ nullam habet corporis afflictionem! *Sed sancti Patriarchæ, & Prophetae, & Apostoli, ait Meisnerus pag. 119. in corpus suum*
num-

numquam sanierunt. At illud mendaciū est Meisneri: nam & Ioannes Baptista aspero victu cultūque corporis carnem suam domuit, Matth. 3. vt contra Centuriatores probat Petrus noster Canisius: & Apostolus Paulus de seipso scribit 1. ad Corinth. 9. *Castigo corpus meum, & in seruitutem redigo, ne forte cū aliis pradicauerim, ipse reprobus efficiar.* Vbi pro *castigo* Erasmus ex Theophylacto, & Paulinus Epist. 58. ad Augustinum vertunt *linidum facio.* ὑπωπιάζω enim (vt legunt Erasmus, Theophylactus, & Oecumenius) significat *oculos sanguinis notā suggillo*: quod Beza, Melanchthon, Castalio, & Henricus Stephanus vertunt *contundo.* Contusio autem non fit sine percussione & verberare, seu baculo seu flagello. Vnde Gretzerus noster lib. 1. De disciplinis cap. 4. doctissimè probat, Paulum Apostolum ita quoque sæuisse in corpus suum, præterquam quòd inediā longā illud macerârit.

Tertiò, Quæ potest apud Lutheranos præcipi carnis mortificatio, qui vnico illo Pauli ad Coloss. dicto, *Habeto honorem corpori*, velut falce quadam excindunt omnem corporis afflictionem? Adeò enim honorabilem faciunt corporum suorum maiestatem, vt velut læsæ maiestatis reum agant, qui delicatissimi corpusculi sui cuticulam vel setâ vnâ duriùs confricuerit.

——— *O suaves Sybarites!*

In cute curandâ plus a quo operata inuenitis!

Sed demus tamen hoc Meisnero, tam blandam esse carnis mortificationem, vt sine inediâ, sine verberare, sine chameuniâ, sine sacco, sine cinere exerceatur; vt consistat in solâ oratione, præceptorum

Dei obseruatione, & carnalium appetituum frænatione: nec talem quidem Lutherana Religio præcipit mortificationem. Quî enim præciperet orationem, aut præceptorum obseruationem, quæ doceat præceptorum impletionem esse impossibilem? Legem omnem, etiam moralem, esse antiquatam? omnia denique opera bona, vt salutis impedimenta, esse abiicienda? Quomodo præciperet appetituum carnalium frænationem, quæ doceret vxoriam esse plusquam præceptum; & qui ab eâ vult abstinere, Deo repugnare; neque omnino quemquam eâ magis carere posse, quàm cibo, potu, & somno? Denique, vt breui velut in tabellâ proponam Meisnero, quot bonorum operum irritamenta fluant ex suâ Religione, depingam ea Lutheri verbis & Lutheranorum.

*Quæ bonorum operum exercitia apud
Lutheranos.*

Lutherus in Postillâ domesticâ Ienæ impressâ, Conc. 2. Dominicæ 1. Aduent. *Mundus ex hac doctrinâ [meâ] quotidie redditur deterior. Iam homines singuli septenis diabolis obsidentur, cùm antea [in Papatu] unico tantùm obsessi fuissent. Diabolus iam cæternatim in homines ingreditur, vt nunc in tam splendidâ Euangelij luce sint auariores, callidiores, inuastiores, crudeliores, proteruiore, multo denique deteriores, quàm prius in Papatu fuerant.*

Dominicâ 26. post Trinitatem: *Antea cùm ad Pontificis seductionem & falsum Dei cultum cogermur, ad bonè operandum quilibet ultrò sequebatur: nunc nihil quisque aliud dicit, nihil nouit, quàm exactionibus, manifestis rapinis, furtis, mendaciis, v. suris*
omnia

omnia ad se transferre. Tam insigniter maligni fieri homines coguntur in gratiam Euangelij, cuius virtute ex captivitate Pontificis in gratiam asserti sunt; ita ut etiam non amplius humano, sed diabolico more omnem misericordiam exuerint.

In Sermonibus conuiuialib. Germ. fol. 55. Mirabilis & plena offendiculo res est, quod ab eo tempore, quo primum pura Euangelij doctrina in lucem est reuocata, mundus de die in diem deterior euasit.

In iisdem Sermonibus fol. 623. Post reuelatum Euangelium virtus est occisa, iustitia oppressa, temperantia ligata, veritas à canibus lacerata, fides clausa, nequitia quotidiana, deuotio pulsa, hæresis relicta.

Philippus Melanchthon ad cap. 6. Matthæi: Loquitur res ipsa, in his regionibus omne ferè studium conuiuiorum apparatus, & ebrietati, atque immanibus illis poculis impendi, &c. Ea barbaries est in populo, ut plerisque persuasum sit, se, si unū diem ieiunent, noctem continuo insequentem non posse viuere.

Brentius ad cap. 3. Matthæi: Tanta est morum corruptio his temporibus, & tantum studium iniustitiae, ut nullam videamur habere occasionem confidendi bonis operibus. Quid enim confidas, quibus cares?

Andreas Musculus Dominicâ 1. Aduentus: Cum nobis Lutheranis hoc tempore ita agitur, ut si quis videre velit ingentem turbam nebulonum, hominum turbulentorum, fallacium, sceneratorum, impostorum, ciuitatem aliquam adeat in quâ Euangelium purè predicatur; caternatim tales ibi reperiet. Nam meridiana luce clarius est, quod hominum effratorum & indomitum, & apud quos omnis virtus & honestas penitus extincta est, & apud quos pro peccato nihil reputatur, nusquam plures, ne quidem apud Eth-

nicos, Turcas, aliosque infideles, quam apud Evangelicos, apud quos omnia frana diabolo laxata sunt, reperiuntur.

Iacobus Andreæ Concione 4. ad cap. 21. Lucæ: *Altera pars & turba Germanorum, suum quidem locum verbo Dei, ut predicetur, tribuit; nulla vero sentitur in illis morum emendatio, sed horrenda, Epicuræa, bestialis eorum vita cernitur in conversationibus, compotationibus, cupiditatibus, pompis, & divini Nominis profanationibus sine blasphemis, &c. Mandat Deus in verbo suo, & à suis Christianis requirit seriam & Christianam disciplinam; hæc vero apud nos novus Papatus novusque Monachismus existimatur. Sic enim inquiunt: Didicimus modò, per solam fidem in Christum salvari, qui suam mortem pro peccatis omnibus satisfecit: nos vero non satisfacere possumus nostris ieiuniis, eleëmofynis, precationibus, ac aliis operibus. Quamobrem sine & permitte, ut huiusmodi opera missa faciamus, cum per Christum alioquin salvari possimus, & solum gratiam Dei, Christi que meritis nitamur. Atque ut totus mundus agnoscat eos non esse Papistas, nec bonis operibus quidquam fidere, illorum etiam operum nullum penitus exercent. Ieiunij loco comestationibus & cõpotationibus nocte dieque vacant: ubi pauperibus benefacere oporteat, eos deglubunt & excoriant: precationes vertunt in iuramenta, blasphemias, & divini Nominis execrationes; idque tam perditè, ut Christus ne ab ipsis quidem Turcis hodie tantopere blasphemetur, &c. Atque hoc univèrsa vita genus, ab illis Evangelicum dicitur institutum. Interim sibi persuadent homines miserrimi, se rectam veramque in Deum fidem in animis suis retinere, & sibi propitium esse Deum, imò etiam se probiores impiis*

piis & pseudo-Apostolicis Papistis indicant.

Paulus Eberus in Præfat. Comment. Philippi in Epist. ad Corinth. *Vniuersa nostra Evangelica congregatio tot schismatibus scatet; ut nihil minus sit quam quod se esse gloriatur. Si Evangelicos Doctores intuearis, vides quòd illorum alij vanâ gloriâ & inuido zelo permoti, veram doctrinam perturbant, & plures sunt, qui omne id quod verâ doctrinâ edificarunt, malâ & sceleratâ vitâ destruant. E regione, si hic Evangelicos auditores intuearis, vides summâ reprehensione dignum abusum, Religionis & libertatis Christianæ contemptum, & omissionem Ecclesiastici Ministerij, & neglectum omnis disciplina, effranem contumaciam adolescentiæ. Quæ mala cum quisque propriis oculis intuetur, merito dubitat, an noster Evangelicus cætus vera sit Ecclesia, in quâ tot sunt schismata, & tam enormia vitia conspiciuntur.*

En quot & quanta bonorum operum irritamenta ex Religione Lutheranâ!

Studium bonorum operum apud Calvinianos.

Neque certè pauciores profluunt è Calvinianâ Ecclesiâ bonorum operum riui. Calvinus in cap. 11. Danielis ipse testatur: *In exiguo, inquit, illo numero, qui sese ab idololatriis Papalibus subdlexerunt, maior pars plena est perfidiâ & dolis.* Comment. in 2. Petri 1. *Vix eorum decimus quisque est, qui alio sine Evangelio nomen dederit, quam ut solutus in omnem lasciviam diffunderet.* Denique Serenissimus Iacobus Britannia Rex, Præfatione suâ monitoriâ ad Imperatorem & Reges, &c. scribit, *Calvinistas Primò esse homines furiosos & incendiarios: Secundò, Plus se fidei in efferis latro-*
nibus

nibus quàm in Calvinistis inuenisse : aliâq; id genus.

Ex his omnibus igitur videor mihi iure concludere posse, verè dixisse Lessium, ab aduersariis impediri omne studium bonorum operum : castitatem vocari impossibilem , ieiunium appellari humanam Traditionem : quod ab eo in aduersarios, confictum fuisse , falsò confinxerunt Brandius & Meisnerus.

Reuertar ad reliquas de Lessio querelas.

Obiectio Brandij.

Non docemus, ait Brandius, *hominem nihilo fieri gratiorem, instiorem, nihilo plus premij habiturum, seu plura seu pauca bona opera fecerit. Hac vera calumnia est. Hoc tantum volumus, nihil meritis hominum, sed omnia pura Dei gratia ferenda esse accepta.*

Refutatio.

Contrà Calvinus lib. 3. Instit. cap. 14. §. 9. *Nullum*, inquit, à sanctis exire potest opus, quod non mereatur iustam opprobrij mercedem. Et in Antidoto Concilij, Sess. 6. cap. 11. *Non sunt tantopere exagitandi, qui dixerunt, qualibet bona opera, si exacto rigore censeantur, aternâ potiùs damnatione quàm vita aterna premio digna esse. Quibus ex verbis ita argumentor: Auctore Caluino omne opus bonum meretur iustam opprobrij mercedem, & aternâ potiùs damnatione quàm premio vita aterna dignum est. Sed impossibile est, aliquem fieri iustum, Deo gratum, plus premij mereri per opus quod potiùs aternâ poenâ dignum est quàm premio. Igitur auctore Caluino nemo iustior, gravior est, aut plus premij meretur, seu plura, seu pauca, seu nulla bona opera faciat: quod Caluino assignauit Lessius.*

Maior

Maior propositio constat verbis solis ipsius Caluini. Minor probatur: Quia inauditum & portentosum est, aliquem fieri iustiorum & Deo gratiorum per idem opus, per quod Deo sit inimicus, ingratus, & iniustus, & dignus æternâ pœnâ.

Obiectio Meisneri.

Pag. 97. *Deprauat Iesuita nostram sententiam. Non enim docemus, omnia renatorum opera bona formaliter esse peccata, ac si nihil in iis sit boni quod Deo placeat.*

Refutatio.

Contrâ Lutherus Tomo 1. Latin. VVittenberg. Disputatione, Vtrùm bona opera faciant ad salutem: *Fides, nisi sit sine ullis etiam minimis operibus, non iustificat, imò non est fides.* Et Tom. 1. Germ. Comment. in cap. 2. ad Gal. *Sola fides iustificat; & non fides, quæ includit dilectionem.* Iterùm De captiuit. Babylonicâ, cap. De Baptismo: *Nullâ aliâ viâ potest homo cum Deo conuenire aut agere, quàm per fidem: opera ille nihil curat.* Quomodo dicit Meisnerus, aliquid in iis esse quod Deo placeat, si Deus ea nihil curat? Quomodo per ea homo fieri potest Deo gratior, & plus ab eo præmij mereri? Nam certè ita iam Deus bona opera curaret.

Iterùm in Assertionibus, art. 32. *Opus bonum optimè factum, est peccatum veniale, secundùm Dei misericordiam; mortale, secundùm iudicium.*

An non est hæc formalis locutio; Bonum opus est peccatum mortale? Si Lutherus putasset in bono

no opere aliquid esse boni, & aliquid tantum mali; debebat dicere, In opere bono, etsi optimè factò, adhuc aliquod est peccatum.

Item ad Euangelium in die Natalis Christi : *Opera bona sunt velamen turpitudinis, & hypocrisis.* Quid boni esse potest in hypocrisi quod placeat Deo?

Iterum De votis Monasticis : *Doctrina operum, est doctrina demoniorum.* Aliquid ne placere potest Deo in doctrinâ demoniorum?

Nicolaus Amsdorffius lib. contra Georgium Maiorem : *Lutherus expressè scribit plusquam in uno loco, quòd bona opera sint perniciofa ad salutem.* Si perniciofa ad salutem, quomodo faciunt Deo gratiorem? Quomodo facient hominem iustior-rem? quomodo merentur plus præmij? quomodo aliquid in eis est quod Deo placeat?

Colloquium Altenburgense, impressum Ienæ 1570. *Ab Apostolo Paulo non solum bonorum operum meritum, sed etiam bona opera nostra excluduntur. Paulus enim in semetipso adeò separat opera & iustitias à salute, ut ea pro reiectamentis, atque adeò pro damnis salutis deputet. Falsa est propositio, Opera sunt necessaria. Adeò necessaria illa non sunt, ut etiam ad salutem incommodent, sintque perniciofa.*

Ex quibus omnibus ita infero : Igitur nihil est boni in operibus bonis, quod placeat Deo, quod mereatur præmium, quod faciat hominem gratiorem. Imò non solum verum est, quod Lutheranos & Calvinistas docere dixit Lessius, nempe *sen pauca, sen plura, sen nulla opera bona facias, nihilo te plus habiturum præmij, nihilo fore Deo gratiorem*: sed præterea verum est, eos consequenter docere debere,

debere, quò plura habes opera bona, hoc plura habere salutis impedimenta : si verò habes nulla, oportet ut sis Deo gratissimus, & minimè à salutis viâ impeditus. Atque illud est, quod clarè docuit Lutherus in illa verba, Sic *Deus dilexit mundum*, Feriâ 2. Pentecostes : *Via arcta est, &c. Si grandibus humeris, destinatis saccis operum refertis adueneris, nisi deposito prius onere non pertransibis.*

En quàm fucatæ sunt Brandij excusationes ! quàm certa Meisneri mendacia, qui vult non aliter à Luthero dictum esse, quòd bona omnia opera sint peccata, quàm Primò, *Quatenus sunt sub opinione meriti* ; Secundò, *Quatenus considerantur absque fide apprehendente meritum Christi* ; Tertiò, *Quatenus omnia bona opera sunt imperfecta*. Primò enim Altenburgense colloquium dicit, non solùm bonorum operum meritum, sed & bona opera à Paulo excludi : & Lutherus dicit passim simpliciter, *opera bona esse perniciofa impedimenta salutis*, etiam nullâ factâ mentione meriti ab opere distincti. Secundò, Lutherus tantum abest ut dicat bona opera hætenus tantùm peccata esse, quatenus sine fide sunt, ut etiam fidem & opera extreme aduersari in re iustificationis, dicat lib. De Votis Monasticis, & *fidem solam retinendam, & veniendum cum Isaac, seruos & asinas, hoc est opera, dimittenda*. Tertiò, Quomodo Lutherus opera bona eâ solùm re vocasset peccata, quòd sint imperfecta, cum dixerit, *opus bonum optime factum esse peccatum mortale secundum Dei iudiciũ* ? Potest ne peccatum mortale esse opus bonum imperfectum ? Et Philippus in Locis communibus primæ editionis : *Omnia hominum quantumvis laudabilia opera, planè vitiosa*

vitiosa sunt, & morte digna peccata. Quæ eadem fuit sententia Caluini. Si enim sint planè vitiosa, & morte digna, quomodo possunt esse imperfecta bona?

Atque hæc quidem omnia ex Consideratione primâ Libri superioris commodiùs hoc loco dicta sunt. Nunc breuiter expedio quod hîc nouum à Læssio est allatum ex personâ aduersariorum.

Læssij obiectio ex personâ aduersariorum.

Nec refert, quòd subinde dicant, Deum requirere bona opera in testimonium seu signum fidei, &c. Nam quomodo Deus ea requirit, si sunt peccata? An requirit in fidei signum, ut peccemus? Quomodo requirit in fidei testimonium ea quæ potius testantur fidei defectum? Nam qui de bonis operibus sunt solliciti, eo ipso testantur fidem non sufficere.

Prima utriusque responsio.

Meisnerus pag. 553. Sic opera fidelium signa sunt fidei, quatenus bona sunt, & cum Lege conueniunt. Signa sunt renouationis imperfecta, & imbecillitatis natura quatenus mala sunt, & non conueniunt cum Lege. Unde facile patet quomodo Deus erga illa se habeat. Requirit & remunerat, ut bona sunt; non requirit, quatenus mala.

Brandius pag. 151. Dixi suprâ, fallaciam esse accidentis, Bona opera sunt peccata, ergo Deus ea non requirit, quia non requirit peccata. Bona enim opera cum fiant Spiritus sancti operatione, in se sunt bona, sed inquinantur à peccato nobis inhabitante, &c. Quemadmodum pura aqua, si per immundum canal-

lem

lem fluat, ita opera bona semper Spiritum redolent, quantum in se.

Refutatio.

Primò, Quomodo ex Meisneri sententiâ ideo opera sunt bona, quia cum Lege conueniunt? cùm ex Lutheri sententiâ per Christum Lex omnis extincta sit, etiam moralis, vt iam mox ostendi testimonio ipsius Lutheri.

Secundò, Quomodo vllum opus bonum potest cum Lege conuenire? cùm ex Lutheri sententiâ omne opus bonum, etiam optimè factum, sit mortale peccatum secundum iudicium Dei. Potestne mortale peccatum conuenire cum Lege? aut mandat aliquid per Legem suam Deus, quod ipsius Dei iudicio sit peccatum mortale?

Tertiò, Quæ in hoc syllogismo sit fallacia accidentis, postulo à Brandio monstrari: *Quicumque aliquid requirit quod est peccatum mortale, is requirit peccatum mortale. Sed Deus, requirens opus bonum, requirit aliquid quod est peccatū mortale. Ergo Deus requirens opus bonum, requirit peccatum mortale.*

Quartò, Cùm Brandius affirmat pag. 151. *opera fidelium, vt à Spiritu sancto fiant, in se esse bona*, contradicit sibi ipsi dicenti pag. 149. *Isaias Propheeta cap. 64. fatetur, omnes iustitias nostras esse quasi pannum menstruatae. Quæ quid ex se apud Deum aliud mereantur quàm mortem æternam?* Impossibile enim est, & repugnans, idem opus in se esse bonum, & in se, seu ex se, mereri mortem æternam.

Quintò, Quomodo opera fidelium, si contaminantur carnis contagio, redolere possunt Spiritum sanctum? cùm aqua pura per immundum cana-

lem fluens (quæ ipsa Brandij similitudo est) non iam oleat suam puritatem amissam, sed afflatam canalis graueolentiam & fœtorem.

Sextò, Opera bona Caluinistarum per impurum canalem lapsa, ita credenda sunt in se redolere Spiritum sanctum, sicut Caluinistarum epulæ per canalem inferioris gutturis lapsæ redolent priores delicias ciborum.

Secunda utrinque responsio.

Meisnerus pag. 553. *Negamus hanc consequentiam, Si bona opera requiruntur, ergo fides non sufficit. Non enim hæc sunt opposita, sed subordinata. Sola fides sufficit ut instrumentum in actu iustificationis, & tamen bona opera requiruntur non ut causa, sed ut effecta iustificationis.*

Brandius pag. 151. *Et quamquam de bonis operibus anxie solliciti simus, eo ipso tamen non testamur fidem, &c. non sufficere, sed nos Deo gratos esse pro tantâ salute nobis gratis in Filio suo collatâ.*

Refutatio.

Utrumque hoc responsum repugnat dogmatibus Lutheri & Caluini. Ac quidem Lutheri, quia is ita scribit lib. De votis Monast. *Fides & opera in re iustificationis extremè aduersantur, &c. Doctrina operum, discessio est à fide.* item 2. Comm. in 2. cap. Epist. ad Galat. *Papiste sic docent: Fides in Christum iustificat quidem, sed simul seruari oportet præcepta Dei, &c. Vbi statim Christus negatus, & fides abolita est.* ibidem Tom. 1. Germ. *Sola fides iustificat, & non fides qua dilectionem includit.* Ex quibus certissimâ con-

consequentia sequitur : *Si bona opera requiruntur, ergo fides sola non sufficit.*

Caluini dogmatibus repugnat, quia is scribit lib. 3. Instit. cap. 11. §. 13. *cum iustitia fidei nullo modo sociari posse operum iustitiam.* §. 14. *Nec solum opera, quæ sunt solis naturæ viribus, sed excludi quælibet opera, etiam quocumque oriantur titulo.* Igitur excluduntur etiam opera quæ gratitudinis titulo requirit Brandius post iustificationem.

*Nona Lessij Ratio, ex licentiâ vitæ,
quam tribuunt.*

ILLÆ Religiones non sunt Christo auctori assignandæ, quæ mentibus hominum timorem Dei penitus eximunt, & latissimam portam ad omnia scelera omnemque vitæ impuritatem aperiunt. Atqui id faciunt Religio Lutherana & Calvinistica. Ergo, &c.

Huius Argumēti Minorem Lessius suprà Consideratione 2. probauit Primò, septem firmissimis Rationibus. Deinde, quòd Lutherana Calvinianæque Religiones ampliùs etiam quàm ipse atheismus aperiant omnibus sceleribus viam, demonstrauit Rationibus aliis quatuor. Hic denique addit nouas Rationes duas. Studio in hunc locum superiora omnia Argumenta seruaui, vt ne hic denudò essent adferenda. Ordine igitur nunc expeditio singula.

Quòd aliæ Religiones timorem Dei excutiant, & ad omnem peccandi licentiam viam aperiant.

Primò, Quia tollunt Confessionis Sacramentum. Secundo,

cundò, *Quia tollunt Pœnitentia virtutem, dum negant necessariam esse contritionem.* Tertiò, *Quia negant satisfactionum necessitatem.* Quartiò, *Quia negant Purgatorium.* Quintò, *Quia negant remanere pœnam remissâ culpâ.* Sextò, *Quia docent solum fidem sufficere.* Septimò, *Quia docent, habenti fidem specialem nullum peccatum imputari.* Octavò, *Quia docent, Decalogum non pertinere ad Legem Christi.* Nonò, *Quia nullum faciunt discrimen operum bonorum & malorum coram Deo.*

*Responsio Meisneri ad singulas partes:
& Primò de Confessione.*

Pag. 168. *Confessionem qua fit Deo, nequaquam tollimus.* Pag. 169. *Plenaria autem illa singulorum peccatorum confessio iure à nobis reiicitur, ob causas suprà enumeratas.*

Refutatio.

Primò, Iam suprà ostensum est, mendaces esse causas omnes, ob quas se Meisnerus aiebat repudiare Confessionem Catholicorum.

Secundò, Audire velim qualis ea demum Lutheranorū Calvinistarumque confessio esse possit quam aiunt facere se coram Deo. Neque enim se accusare illi alicuius culpæ possunt, qui ad omnia scelera se impulsos credunt à Deo; sed accusare Deum ipsum debent suorum scelerum auctorem. Neque culpam suam deprecari possunt; quia impossibilia sibi credunt omnia Dei præcepta, adeoque ademptâ prætereà libertatem. Oportet igitur necessario similem esse Lutheranorum Calvinistarumque confessionem: *Confiteor tibi Deo omnipotenti,*

potenti, me nullam habere arbitrij mei libertatem, præterea verò tantam esse gravitatem praeceptorum tuorum, ut ea observare omnino impossibile mihi sit. Cum verò tu Deus me excitaveris ipse, & impuleris ad peccata mea omnia perpetranda, tua culpa, tua culpa, tua gravissima culpa est, ea à me esse perpetrata. Quare denique non oro ea mihi remitti, cum solâ fido debeam iustificari; neque pro iis poena quidquam suscipiam, pro quibus Christus affluenter satisfecit.

Misereatur vestri Deus, miserrimi Lutherani & Calvinistæ, ut meliùs aliquandò velitis confiteri.

Responsio Brandij.

Pag. 32. Ego nego, Confessionem eam vim habere, ut coërceat peccandi licentiam: quoniam qui putat omnia peccata unicâ confessione posse deleri, ille quidlibet audebit. Id res ipsa docet: quia quamquam in Papatu passim illa auricularis Confessio in usu sit, vix usquam tamen profligatius vinitur.

Refutatio.

Primò, Oportet Brandium hominem esse perfrictæ frontis, & pudorem omnem deuorasse, qui si quidlibet etiam quantumcumque facinorosum admisisset, non ab eo auocaretur aliquo saltem pudore confessionis apud hominem faciendæ.

Secundò, Calumnia est, nusquam viui profligatius atque in Papatu; cum Lutherus ipse confessus sit in Postillâ Dominicæ 1. Aduentus, & Dominicâ 26. post Trinitatem, Lutheranos suos, ex quo à Papatu descinerant, multò quàm antea vixisse profligatius. Et Calvinus de suis scribat Comment. in 2. Pet. 1. Vix eorum decimus quisque

est, qui alio sine Euangelio nomen dederit, quàm ut solutus in omnem lasciviam diffunderet. Magna igitur gratia & laus est, si vel Brandius edecumatis illis Euangelicis, ut vir bonus adscribi possit.

Tertio, Qui in Papatu viuunt ad flagitia proiecti, ij ferè sunt qui raro Confessione vtuntur; contrà verò sanctè innocentissimeque viuunt plerumque, qui sæpè se confitendo expurgat. Quod certum est pro Confessionis vi argumentum.

Quarto, Mirum est, à Brandio eam Confessionis vim esse negari, cum Meisnerus vsque aded magnam illam esse crediderit, ut non solum deterrere à peccando, verum etiam præ terrore in desperationem agere posse scripserit pag. 60.

Quinto, Eà maximè re hæretici omnes nobis obiciunt Confessionem nostram reiiciendam esse, quod per eam violetur propria fama. At certè si ita est, nemo negabit, etiam in politicâ Repub. magnum esse aduersus flagitia frænum, *merum amittendæ fama*. Ergo Cōfessio nostra eodem illo metu necesse est ut peccandi licentiam refrænet.

Sexto, Nemo Catholicus docet, deleri peccata omnia solâ & vnicâ Confessione. Docemus enim (quod ipsi vos nobis obicitis) præterea necessariam esse contritionem & satisfactionem; adeoque si hæc paria omnino non fuerint delictis, remissâ culpâ porro superesse pœnam.

*Prima responsio Meisneri, de Contritionis
& Pœnitentiæ virtute.*

Pag. 171. *Quando Lutherus scripsit, Contritionem nihil prodesse, sed magis facere peccatorem, art. 6. intellexit Contritionem Papisticam cum opinionis*

nione meriti, vel Contritionem seorsim sine fide.

Refutatio.

Primò, Lutheri verba sunt: *Contritio facit hypocritam, imò magis peccatorem; quia solùm timore præcepti, & dolore damni id facit.* Quibus verbis illam causam adfert, (non quam Meisnerus, de opinione meriti, aut sine fide) quia solùm timore præcepti, & dolore damni excitetur.

Ergo rectè assignat Lessius Luthero hanc suam propositionem, *Contritio facit magis peccatorem; aliter acceptam, quàm de Papisticâ Contritione.*

Secundò, Falsum est quòd sumit Meisnerus, Contritionem opinione nostrâ mereri remissionem peccatorum, si de vero seu condigno merito sit sermo.

Secunda Meisneri responsio.

Pag. 172. *Respondeo ad Secundum, Etiam si Pœnitentia non sit secunda post naufragium tabula, non tamen propterea virtus eius euacuatur. Conducit enim nihilominus ad remissionem peccatorum, & æternam salutem consequendam.*

Refutatio.

Non explicat Meisnerus (quia aqua ei hæret) quomodo Pœnitentiæ virtus non euacuatur, si non sit homini lapsò è salutis nauigio, altera ad salutem tabula. Nam si absque Pœnitentiâ per solius Baptismi recordationem (vti ipse vult) à quibusvis peccatis post Baptismum admissis expeditor; quid, malum, mihi cum Pœnitentiâ?

Deinde, Si fœdus Baptismale, vti faterur, navis

mystica est, si per peccatum ex hac exciditur, quomodo ad eam rediri potest per solam recordationem? Oro Deum, ut Meisnerus numquam è nauigio in mare excidat. nam profectò solâ nauis recordatione numquam ad eam appelleretur; sed vel tabulâ esset vel natatu opus.

Brandij responsio.

Pag. 33. *Calvinus non tollit contritionem, neque negat eam in Pœnitentiâ esse necessariam, &c. Nihilominor calumnia est, quòd ille in hoc dicto, Pœnitentia est secunda tabula post naufragium, Hieronymum inexcusabilis impietatis condemnet, &c.* Pag. 34. *Cùm non dictum Hieronymi à Caluino, sed eius in peruersum sensum Papiistica contorsio reprehendatur iamquam impia.*

Refutatio.

Primò, Si Calvinus reprehendere tantùm volebat Papiſtas, interpretes Hieronymi; cur ita scripsit, *Cuiuscumque dictum sit, cùm planè impium sit, excusari non potest?* Certè hoc est Hieronymum reprehendere, non Papiſtas, de quibus dicere debuiſſet, Papiſtas excusari non posse, qui ab Hieronymi mente ita longè abiissent. Quòd verò addat Calvinus, *illud dictum excusari non posse, si ex eorum sensu exponatur, qui cum Papiſtis sentiunt, quasi per peccatum deleatur Baptismus;* id merum calumniæ palliaſtrum est, quo illam suam acerbitem in S. Hieronymum ſtudet malitioſè contegere. Alibi certè, quâ eſſet in Hieronymum obſervatione, celare non potuit: *Hieronymus*, inquit ad cap. 4. Iona, verſ. 14. *vir naturâ fuit canillator, luſit proteruè in cor-*

corrumpendâ Scripturâ: nulla fuit illi religio, huc & illuc torquere Scriptura locos. ut mirum sit, Brandium voluisse hîc ab Hieronymo stare, contra mentem Caluini magistri sui.

Secundò, Non potuit ignorare Calvinus, eamdem esse mentem Hieronymi de Pœnitentiâ, quæ est & Catholicorum. Nam quòd ait ab eis doceri, Baptismum deleri per peccatum, impostura est; cùm credant & doceant, tantummodò fœdus illud violari & innocentia stolam, quæ in Baptismo dantur; neque Baptismi vim extendi ad ea peccata, quæ post eius initiationem cōmittuntur. Quod idem & credidit & docuit Hieronymus. Vnde certa manifesta que apparet Caluini versutia.

Tertiò, Quomodo potuit aliter atque Catholici de Pœnitentiâ sentire Hieronymus, qui passim idem dictum suum repetens, eodem id quo Catholici explicat modo, nominatim Epist. 65. ad Pammachium & Oceanum cap. 2. *Secunda post naufragium tabula est, culpam simpliciter confiteri. Si Hieronymus cum Caluino sensisset, dixisset, Secunda tabula est, Baptismatis recordari.* Clarissimè verò lib. 1. Dialog. aduersus Pelagianos cap. 1. *Et qui ligna cedit, si securi aut ferro fugiente de ligno homo fuerit occisus, pergere iubetur ad urbem fugitiuorum, & tamdiu ibi esse, quamdiu Sacerdos Maximus moriatur, id est, redimatur Sanguine Saluatoris, aut in domo Baptismatis, aut in Pœnitentiâ, quæ imitatur Baptismatis gratiam per ineffabilem clementiam Saluatoris.* Denique lib. 5. Commentar. in cap. 16. Ezechielis: *Secunda post naufragium tabula est, cùm peccaueris, erubescere.* Vbicumque autem loquitur Hieronymus de hominis per Pœnitentiam

tiam præparatione, semper agit de operibus Pœnitentię, lacrymis, ieiunio, plâctu, castigatione, &c. nusquam, nusquam vel verbum facit de recordatione illâ Baptismi Calvinianâ. Verbi gratiâ, Tom. 1. Epist. 39. *Petrus ter negantem amara in sinum restituere lacryma*, Tom. 2. Epist. 46. ad Ruficum: *Petrus trinam abnegationem amaritudine abluuit lacrymarum*.

Ecquis adhuc dubitat, quin hanc in rem consentiat cum Papistis Hieronymus?

*Responsio utriusque de Satisfactione,
Purgatorio, & reatu pœnæ.*

Meisnerus pag. 174. *Non diffitemur, illa dogmata [de Satisfactione, Purgatorio, reatu pœnæ] multum facere ad homines terredos, &c. Quia verò falsa, & Scripturis contraria, ideò merito à nobis negantur.*
Brandius pag. 34. *Quidni neget ea dogmata Calvinus? An non produxit negationis sue rationes, quas quidem multi oppugnarunt, sed numquam quisquam expugnauit?*

Refutatio.

Primò, Ex hac saltem amborum concessione, quòd nempe hæc dogmata faciant ad deterrendos à peccati licentiâ homines, rectè sequitur, Ergo Ecclesia Catholica Romana coërcet his dogmatibus peccandi licentiam, quod nec facit Lutherana nec Calviniana: quod Lessius affirmavit.

Secundò, Dogmata hæc Scripturis asserta esse, demonstratum est à plurimis Catholicis Doctoribus, & à Bellarmino libris integris, quibus & Calvinus mendacia & straminea argumenta confregit,

Respon-

*Responsio utriusque de solâ fide ad salutem
necessariâ & sufficiente.*

Meisnerus pag. 174. *Sola fides dicitur sufficere, vel ratione sui, quod sola existat; vel ratione remissionis, quod sola sit medium per quod peccatorum remissio conferatur. Priorem sensum Papicola omnes accipiunt, &c. ac si doceamus, peccata remitti per fidem à charitate & omnibus operibus bonis seiunctam. Pag. 175. Sed exclusiva illa [sola] tantum excludit Primò aliud iustificationis instrumentum; Secundò, alia generalia fidei obiecta; Tertiò, omnem operum in iustificando causalitatem. Pag. 176. Neque verò hoc dogmate aperitur porta sceleribus, eò quod veram fidem bona opera immediatè comitentur.*

Brandius pag. 34. *Quid ni hac doceat Calvinus cùm illa irrefutabiliter probet ex sacris Scripturis?*

Refutatio.

Primò, Excuso hîc Meisnerum, qui verecundè conatur celare turpitudinem patris sui, & conquirat vnde quaque velut emplastra ad medendum desperato dogmati *de solâ fide sufficiente ad salutem*. Brandium non iudico novâ responsione dignum.

Secundò, Sed frustra est Meisnerus. Nam quis non videat, Lutherum docuisse ἀγαθὰ bonorum operum, & non ἀείρεσθαι à fide tantum? Lutheri verba expressa sunt Tom. 1. Lat. Wittenb. Disputatione, vtrum bona opera faciant ad iustificationem, & Tom. 1. Latin. Ienenf. *Fides nisi sit sine ullis etiam minimis operibus, non iustificat, imò non est fides.* Et Tom. 1. Germ. Comment. in cap. 2. Gal. *Sola fides iustificat, & non fides quâ dilectionem includit.*

Et

Et Sermone De piscaturâ Petri: *Debemus cum sola Isaac venire, hoc est cum fide; seruos & asinas, hoc est opera, deorsum dimittere oportet.* Si opera deorsum dimittenda sunt, quomodo opera fidem immediate comitabuntur? Iterum in Euangelio Feriæ 2. Pentecostes: *Ad calum via arcta est: tenuem te oportet fieri, si transire velis. Qui operibus ceu Iacobita Peregrinatores cochleis circum undique muniti sunt, penetrare non possunt, &c. Si grandibus humeris, destinatis saccis operum refertis adueneris, nisi deposito prius onere non pertransibis.* Si operum bonorum sarcina est deponenda, auctore Lutherò, quomodo simul erunt opera & fides quoad coëxistentiam, ut vult Meisnerus? Alibi 2. Comment. in Epist. ad Gal. cap. 2. *Papista sic docent: Fides in Christum iustificat quidem, sed simul seruari oportet precepta Dei, &c. Ubi statim Christus negatus, & fides abolita est.* Si per operum cum fide coniunctionem fides aboletur, quomodo necessariò semper fides operibus coniuncta est?

Tertiò, Lutherus Artic. 32. dicit, *opus bonum optimè factum, esse peccatum mortale secundum Dei iudicium.* Et Philippus in Locis commun. editionis primæ, *omnia hominum quantumvis laudabilia opera, planè vitiosa esse, & morte digna peccata.* Quod si ita est, quomodo Lutheranum dogma esse potest, quòd fides illa sua (quæ sola sufficit ad salutem) causa sit remissionis peccatorum? sola sit instrumentum iustificationis? cum ex fide illâ eadem, ut è scaturigine ac fecundâ quadam matrice, emanant opera bona talia, quæ optimè facta, sunt planè vitiosa & morte digna. Sanè si fides, ut docet Meisnerus, causa sit ac veluti mater bonorum operum

om.

omnium, adeoque sine ijs numquam existat, opera autem illa omnia iuxta dogma Lutheranorum sint peccata mortalia; quomodo non aperitur porta omnibus sceleribus per talem solam fidem, quæ omnium scelerum est causa? Et quomodo eadem fides potest sola esse causa iustificationis, quæ causa est tot peccatorum? Nimis igitur desperata res est dogmatis illius Lutherani, ut nec Æsculapius aut Machaon aliquis ei possit facere medicinam.

Responsio Meisneri de fide speciali, ob quam nulla homini imputantur peccata.

Pag. 178. *Quando peccata credenti non imputari dicimus, non intelligimus crassa, malitiosa, & voluntaria peccata; sed natos inuoluntarios, & ex infirmitate ortos.* Pag. 180. *Hac Lutheri, hac nostra doctrina est, &c.*

Refutatio.

Contrà Lutherus semper intellexit grauissima & nefanda etiam scelera; natos verò inuoluntarios, aut leuia & venialia peccata, imò communia mortalia etiam crassa, nec digna quidem propter quæ ad misericordiam Dei confugeretur, aut ad Confessionem iretur. Lutherus Tom. 1. Epist. ad Philip. Ienæ edit. *Si vera est gratia, verum non fictum peccatum fert. Deus non facit saluos, fictos peccatores. Esto peccator, & pecca fortiter: sed fortius fide, & gaude in Christo. Sufficit quòd agnouimus Agnum qui tollit peccata mundi. Ab hoc non auellet nos peccatum, etiamsi millies millies vno die fornicemur aut occidamus.* Hanc verò doctrinam confirmat verbis Cōfessarij sui Staupitij in Colloq. conu.

uii. Islebiæ edit. titulo De peccato: *Christus est remissio verorum & legitimorum peccatorum, cuiusmodi sunt parricidium, blasphemia aperta, Dei contemptus, adulterium, &c. Hac huiusmodi vera sunt peccata, quibus plenum catalogum habere te oportet, si modo a Christo innari seu saluari cupias.* Comment. in cap. 17. Ioan. Tom. 4. German. Wittenb. Nos ita dicimus, quod veri & germani Sancti debeant esse fortibus & atrocibus peccatis obnoxij, ac tales etiam manere, quos non pudeat orare, *Dimitte nobis debita nostra.*

Denique Antinomi in Confessione Mansfeldensium Ministrorum, fol. 89. *Si scortum es, si scortator, si adulter, vel alioquin peccator; crede, & in viâ salutis ambulas: cum in peccatum demersus es ad summum usque; si credis, in mediâ beatitudine versaris.*

Ex quo igitur tempore intelligere cœperunt Lutherani, per peccata, quæ ob fidem condonantur, non grauiâ illa & malitiosa, sed inuoluntarios tantum nauos? Fortasse Lutheranis, infirmis cheu vasculis! millies vno die fornicati aut occidere, inuoluntarij tantum sunt nauï, & ex infirmitate commissi. Nam Lutherus talia nequidem se indicasse Confessario suo Staupitio, scribit in Colloq. Islebienst. tit. De tentat. fol. 291. *Doctori Staupitio sapè confessus sum, non de mulieribus, sed verò atrocibus & solida facinora.* Et quis hanc doctrinam audiens, non credat Lutheranos iam Geloos esse factos, qui, vt scribunt ex Epiphanio Centuriatores Centur. 4. cap. 15. censebant contra Legem naturæ esse viuendum, & malefacientes suis legibus laudabant.

Octa-

Octauum Lessij Argumentum, hac nonâ eius Consideratione de nouo allatum, est huiusmodi: *Lutherana Religio docet, Decalogum non pertinere ad fideles Christi. Ita Lutherus Sermone de Moyse, & in cap. 4. Epist. ad Gal. & in cap. 20. Exodi. Caluinus eandem doctrinam occultè insinuat. Primò, Cùm docet, legem Dei sanctis esse impossibilem: nemo enim obligatur ad impossibile. Secundo, Cùm docet, omnia nostra opera esse inquinamenta, sordes, & peccata coram Deo: at nemo obligatur ad peccatum, ergo non obligamur vel conari etiam implere Decalogum.*

Responsio utriusque pro Luthero.

Meisnerus pag. 556. *Lutherus, quamuis videatur durius de Lege locutus, nihil aliud notatum voluit, quàm ex Lege non esse iustificationem, &c. Hoc verò si est obligationem Legis planè tollere, & ad omnia scelera portam aperire, Apostolum Paulum prius accuset, qui ubique remouet in doctrinâ iustificationis omnem Legem Moysaïcam, etiam moralem.*

Brandius pag. 152. *Lutherus Decalogi obedientiam non reicit simpliciter, sed secundum pedagogiam. Nos enim noui Testamenti homines ab illâ pedagogiâ non sumus: ad Gal. 4. per totum caput.*

Refutatio.

Apertissimum esse mendacium, quod hîc pro defendendo Luthero attulit Meisnerus, patet ex ipsis Lutheri verbis, lib. De capt. Babylon. cap. De Baptismo: *Homo Christianus, inquit, etiam volens non potest perdere salutem suam quantiscumque peccatis, nisi nolit credere; nulla enim peccata eum possunt damnare, nisi sola incredulitas. Vbi Primò Lutherus*

therus loquitur de homine iam iustificato per fidem: ait enim, *Homo Christianus*. Secundò, Docet, hunc hominem Christianum non posse damnari, nisi ob solam incredulitatem. Manifestum est igitur ex Lutheri sententiâ, homini iam iustificato, seu habenti fidem iustificantem, nullam incumbere obligationem Legis moralis: nam certè si incumberet, peccando etiam contra eam (et si retinens fidem) posset damnari: quod Lutherus inficiatur.

Iterùm clarissimè Concione in Euang. Feriæ 2. Pentecostes, loquens non de primâ hominis iustificatione, sed de hominis in cælo beatificatione: *Quia*, inquit, *angusta est via, oportet te tennem fieri, si vis per eam transire. Ceterùm qui operibus onerati sunt, sicut conchylibus onustos videmus Iacobi Peregrinos, ij non poterunt penetrare. Quibus verbis docet, Legis observationem homini iam iustificato etiam obesse ad salutem.*

Denique Meisnerus ipse, sui, opinor, oblitus, pag. 562. scribit: *Præcepta, etsi impossibilia, animi morbos sanant: quia efficacia media & instrumenta sunt, per quæ Spiritus sanctus corda nostra regenerat. Vbi agnoscit, præcepta locum habere in regeneratione seu iustificatione, tamquam efficacia instrumenta; quod hîc omnino negat.*

De pædagogîâ Legis quæ hîc Brandius dicit, Pædagogi potius scepero digna sunt quàm alio responso.

Responsio Meisneri pro Caluino.

Pag. 557. *In foro Politico ultra posse nemo obligatur, &c. Quoad Dei verò Legem, & divina præcepta,*

cepta, planè dispar ratio est: quæ iusta sunt, & nequaquam tyrannica, licet sint impossibilia.

Refutatio.

Primò, In quo dispar illa ratio sit, altum Meisnero silentium est.

Secundò, Si quæ disparitas esset, ea potiùs efficeret, longè minùs diuina præcepta posse esse impossibilia, quàm præcepta fori Politici: Diuinum enim forum quouis Politico est æquius.

Tertiò, Ratiunculæ omnes, quibus nititur patrocinari impossibilitati Legis, meræ quisquilæ sunt. Verbi gratiâ, quòd Lege obligentur etiam nondum renati, quibus tamen Lex impossibilis est; nisi dicamus cum Pelagio, Legem solis naturæ viribus posse impleri. Quasi verò ij qui nondum renati sunt, obligentur sine gratiâ, solis naturæ viribus, Legem obseruare. Iterùm, quòd Isa. 42. dicatur: *Audite surdi, & cæci intuemini.* Matth. 9. præcipiatur mortuæ, *Puella surge.* Ioannis 11. sepulto, *Lazare veni foras.* Act. 9. defunctæ, *Tabitha kumi.* Quibus omnibus locis præcipitur aliquid, quod non erat in eorum potestate quibus præciebatur. Quasi verò cæci, surdi, mortui & sepulti ea iubeantur facere viribus suis, & non viribus ipsius Dei, quibuscum id illis possibile fuit. Nihil igitur omnibus illis locis præcipitur impossibile, nisi etiam impossibilia præceperit Deus, cùm dixit, *Fiat lux, Fiat firmamentum, Fiant luminaria in firmamento.*

Deinde prorsus ἀπερὸν, & à proposito sunt aliena hæc præceptorum exempla: eorum enim nullo quidquam præcipitur ita faciendum, vt si

omittatur, peccatum sit mortale, & culpa supplicio digna; qualē admitti hæretici docent, cū præcepta Decalogi, etsi impossibilia, non implentur. Aliis ergo pigmentis, alio exemplorum fūco erat opus ad cerussandum febriculosum hoc paradoxum.

Responsio Brandij pro Caluino.

Pag. 152. Calvinus non dixit, Legem Dei etiam Sanctis impossibilem esse simpliciter; sed in hac vitā præstari perfectē non posse. Negat Lessius illam doctrinam? Deinde Calvinus non considerat Legem ut est in se, sed pro natura nostræ infirmitate, &c. Nemo obligatur ad impossibile, quod tale est simpliciter. At Lex Dei est in se possibilis. Potuit perfectē præstari à primo homine ante lapsum. A Christo perfectē præstita est, & in calis perfectē præstatur.

Refutatio.

Primò, Calvinus docuit, Legem esse in se impossibilem simpliciter. Ita enim scribit lib. 2. Inst. cap. 7. §. 4. *Itaque si Legem dumtaxat intuemur, nihil aliud possumus quàm animum despondere, confundi, ac desperare, &c.* Oritur ergo desperatio (auctore Calvino) dumtaxat ex cōsideratione Legis in se, non verò ex cōsideratione imbecillitatis nostræ. Iterum §. 5. *Non texā hic longas ambages de variis possibilitatis generibus. Impossibile appello, quod nec fuit umquam, & ne in posterum sit, Dei ordinatione ac decreto impeditur.* Atqui nullus umquā purus homo aut seruauit, aut seruabit etiam in posterum totam Legem, auctore Calvino. Igitur Calvinus simpliciter docuit Legem impossibilem omni puro homi-

homini; quod mox ibidem addit apertissimis verbis: *Si ab ultimâ memoriâ repetamus, neminem Sanctorum exiitisse dico, qui corpore mortis circumdatus, ad eum dilectionis scopum pertigerit, ut ex toto corde, ex totâ mente, ex totâ animâ, ex totâ potentiâ Deum amaret, &c. Dico item, neminem post hac futurum, qui ad vera perfectionis metam peruenturus sit, nisi corporis mole solutus. In hanc rem suppetunt aperta Scripturæ testimonia, &c. clarissimè omnium Paulus, &c. probat, omnes qui sub Lege sunt, maledictioni subiectos; quia scriptum sit, maledictos omnes qui non permiserint in omnibus eius mandatis; innuens scilicet, imò pro confesso assumens, neminem permanere posse.*

Secundò, Etiam si dixisset Calvinus, Legem impossibilem esse tantummodò respectu imbecillitatis nostræ in hac vitâ; inde tamen sequeretur, Legem simpliciter impossibilem viatoribus esse in hac vitâ. Illud enim simpliciter nobis impossibile est, quod, positis omnibus viribus quas habemus, aut habere est in nostrâ potestate, nullo modo præstare possumus. Vnde etiam si Beatis Lex sit possibilis, viatoribus tamen simpliciter dicenda esset impossibilis: sicut volare, simpliciter impossibile est homini, etiam si possibile sit aubus.

Tertiò, Etiam si Calvinus docuisset, Legem impossibilem esse tantummodò respectu præsentis imbecillitatis nostræ; ex eo dogmate nihilominus sequerentur incommoda & absurda omnia, quæ Lessius ex priore confici demonstraui.

Quartò, Hæc Caluini doctrina vel tali palliastro inuoluta, repugnat Scripturæ Genes. 6. *Noë*

vir iustus atque perfectus fuit. 4 Reg. cap. 23. Similis illi non fuit ante cum Rex, qui reuerteretur ad Dominum in omni corde suo, & in totâ animâ suâ, & in uniuersâ virtute suâ. Iosue 11. cap. Et ille [Iosue] uniuersa complenit: non prateriit de uniuersis mandatis nec vnum quidem verbum.

Nonum Lessij Argumentum, de nouo hîc allatum, sic habet: *Hæ duæ Religiones [Lutherana & Caluinistica] nullum faciunt discrimen operum bonorum & malorum coram Deo, sed solùm coram hominibus! Mala enim apertam habent malitiam, bona occultam à concupiscentiâ internâ, ratione cuius malitia coram Deo censentur peccata mortalia. Si ita est, cùm utraq; sint mala coram Deo, cur non potius præferam opera mala (in quibus saltem voluptas est) operibus bonis, reuerà coram Deo malis, in quibus molestia & asperitas?*

Responsio Brandij.

Pag. 153. *Ad rem respondeo. An non differt aperta malitia ab occultâ? Sed aliud est quoque discrimen. Mala simpliciter sunt prohibita; bona, quamuis à nobis per accidens contaminentur, præcepta sunt, nec omittenda.*

Refutatio.

Hem! quàm aptè ad rem! Brandi tuam fidem! Nam quis negat differre occultam malitiam ab apertâ? Sed quid, oro, in genere malitiæ differunt coram Deo, malitia hominibus occulta, & aperta? An quæ hominibus occulta est, non æquè atque altera Deo est aperta? Quid igitur vna differt coram Deo ab alterâ, coram quo utraq; est aperta?

LH-

Lutherana & Calvinistica Religio aequè & magis peccatis aperiunt viam atque atheismus.

Probat hanc suam sumptionem Lessius Consideratione secundâ, quatuor hisce ex causis.

Pauci, inquit, athei certò statuunt nullum esse Numen, sed plerique dubitant & reformidant oppositum: itaque non sunt absque metu vindictæ, qui illos in multis compescat.

At istæ Religiones certò & indubitanter statuunt, firmissimèque credi iubent,

Primò, Nulla omnino peccata, quantumvis ea sint multa vel magna, credentibus imputari.

Secundò, Omnes qui habent veram fidem esse prædestinatos.

Tertiò, Omnia inenitabili necessitate fieri, sine libertate arbitrij; hominemque non posse vias suas facere bonas aut malas.

Quartò, Omnia hominum opera, tam mala quàm bona, ab æterno esse à Deo prædefinita, & ut in tempore fiant, voluntates hominum ad ea omnia à Deo inclinari, impelli, incitari, determinari.

Atqui quatuor hisce modis tollitur omnis omnino timor Dei & inferni ex hominum mentibus, certius quàm per atheismum. Ergo, &c.

Responsio Meisneri ad primum modum, quod dicit Lessius tolli omnem vindictæ & Numinis metum per non imputationem ullius omnino peccati.

Meisnerus pag. 181. Vbi vera fides est, ibi peccandi studium abest, quò timorem & tremorem, quod

cum credentes operantur salutem suam, ad Phil. 2. vers. 12.

Refutatio.

At ubi fides adeò specialis est, quâ quis tenetur certissimò sibi persuadere, se nullo modo daminari posse, nisi ob solam incredulitatem; quo cum tremore aut timore is operabitur salutem suam? *Quid timeat? An gehēnam, inquit Lessius, an purgatorios ignes? At fides, ô fidam fidem! facit ut credeti nullum peccatū imputetur gehennā expiandum.* Purgatorios verò ignes Lutherani & Calvinistæ pro inanibus terriculantis habent, voluntque nescio quâ Deucaleoneâ pluviâ extinctos. O aureum Iouis imbrem! *An timeat iram divinam? At Deus non imputat, & propter Christi satisfactionem non potest peccanti & credenti irasci.* O sine felle columbulum Deum! *An satisfactionem temporalem, aut Confessionem? At illa tamquam superstitiosa sublata sunt.* O divinum Lutherum! *Quid ergo Lutheranus aut Calvinista magis timeat quàm quivis atheus? An nocturna lemurum monstra,*

*Quæ pueri in tenebris paudent, creduntq; futura? Nihil certè superest aliud, quàm ut cum Luca-
no dicam:*

*Felices errore suo! quos ille timorum
Maximus band urget Erebi metus. Inde rucendi
In facinus mens prona viris, animaq; capaces
Flagity. —*

Brandij responsio.

*Respondco: Oderunt peccare boni virtutis amore,
non pœna timore.*

Resu-

Refutatio.

Mira est Brandij stupiditas & stultitia, qui ad vetus illud Poëtæ scitum, illud suum inscitum adiungit, *Non pœna timore*; cùm id & falsum sit, & altera Parœmia etiam vulgatissima sit:

Oderunt peccare mali formidine pœna.

Fatetur ergo, malis saltem & improbis in suâ Ecclesiâ Caluiniisticâ nullum esse libidinis & licentiæ frangum. Quamquam quid ego ita malè ratiocinor aduersus Caluinistas, apud quos nemo malus, nemo improbus est, omnes quotquot fuere, sunt, erunt, prædestinati sunt, electi sunt, tantum-non canonizati sunt?

Meisneri responsio ad secundum modum, quo Lessius dicit, metum omnem tolli per hanc fidem, quòd credētes omnes prædestinati sint.

Pag. 182. *Si absolutum decretum prædestinationis intelligit, tum ratiuncula hæc nihil concludit contra nos, quippe qui istud modis omnibus reicimus & detestamur.*

Refutatio.

Primò, Bucerus in Colloquio Ratisbonensi, tit. De æternæ salutis fiducia & certitudine, affirmat de absolutâ prædestinatione, *eum non esse verum Christianum, qui non eâdem certitudine credit se habiturum esse vitam æternam, quâ credit Deum esse, & Christum etiam esse.* Quod idem docet lib. De concordia, in conciliatione articuli De iustificatione, & Petrus Martyr quoque in Commentariis ad cap. 8. Epist. ad Romanos. Aliàs enim si

intelligeret de decreto non absoluto, falsum esset, eâdem certitudine debere credi sui prædestinationem, quâ creditur Deus esse, & Christus.

Secundò, Lutherus ipse loco suprà citato dicit, quòd *Christianus, nec volens quidem possit amittere salutem, quamdiu retinet fidem*. Atqui impossibile est, id esse verum sine absoluto decreto prædestinationis; aliàs enim volens perdere salutem, posset eam perdere.

Brandij responsio:

Pag. 35. Rogat Lessius, *Si omnes teneantur firmissime credere (qui fidem specialem habeant) se esse prædestinatos; cur illi sint solliciti? &c. Respondeo Primo, ut Deus per eorum opera laudetur; Secundò, ut alij in Christo lucrifiant; Tertiò, ut electionem & vocationem suam firmam efficiant.*

Refutatio.

Prima causa non valet: nam Primò, etiam si nos quidem per bona opera sciamus & credamus laudari Deum, qui dicimus bona opera verè bona esse & meritoria; tamen cum bona omnia opera ex Caluini sententiâ sint æternâ morte digna, non video quomodo per ea possit Deus laudari. Secundò, Cum ex Caluini sententiâ etiam nulla mala opera fidelium Deo displiceant, aut ab eo imputentur ob solam fidem, eo dogmate velut aquâ omnis boni operis ardor refrigeratur.

Secunda causa non valet, Primò, quia Caluistæ aspernantur propè omne externum boni operis exercitium, quo tamen proximi Deo possunt acquiri in lucrum. Secundò, Quia nemo Cal-

Caluinista libertatem habet vt ad Christum conuertatur: cur igitur conentur Caluinistæ aliquem suo exemplo quærere?

Tertia caussa stulta & ridicula est. Nam cur solliciti sint illi certam facere suam vocationem & electionē, qui certissimò credunt se iam vocatos esse & electos; electio verò semel facta ab æterno à Deo, retractari non possit, non magis quàm Beati in cælo solliciti sunt perdere salutem? Meliùs, meo quidē iudicio, stetit Brandius ab Arminio Caluinistâ, qui roboream hanc certitudinem etiam vacillare dixit Legato Palatino, cùm duos hos illi articulos cum ceteris obtulit, tamquam dubios: Primum, An quis fidelis certus esse possit se à fide non defecturum. Secundum, An fideles credere teneantur, se à fide non defecturos?

Responsio Meisneri ad tertium modum, quod dicit Lessius metum omnem tolli per fatalē arbitrij necessitatem.

Pag. 182. Concedimus arbitrij libertatem in hemisphærio inferiori, vt loquitur B. Lutherus; hoc est, in externis actibus, &c. Negamus autem arbitrij libertatem in hemisphærio superiori, quod continet actus spirituales ante conuersionem.

Refutatio.

Primò, Faciamus à Luthero negatam esse tantum libertatem in nouo inauditoque illo hemisphærio actuum interiorū; an non est ea execranda doctrina? Nam si interiùs liber non sum, igitur nihil pecco, remittendo habenas omnibus concu-

piscentiæ motibus, omnibus odij, blasphemiar, libidinum cupiditatibus ; cùm tamen docuerit Christus, eum mœchatum esse, qui vel viderit ad concupiscendum.

Secundò, Certū est, & à Philippo Melanchthone clarissimè esse negatam omnem omnino arbitrij libertatem etiam in externis actibus , vt demonstrarunt ex eius verbis Gretserus in Luthero Academico, & Sartorius in Caussis motiuis deserti abs se Lutheranismi, quorum hîc labore utar.

Lutheri doctrina de libero arbitrio.

Tom. 2. Lat. Ienenſi, impresso anno 1557. & Tom. 2. Lat. Wittenberg. impresso anno 1562. in Assertionē art. 36. *Liberum arbitrium post peccatum res est de solo titulo; & dum facit quod in se est, peccat mortaliter.* Ibidem: *Infelix liberum arbitrium! Iustus in bono opere peccat mortaliter, & ipsum iactatur ante iustitiam aliquid esse & posse? Est autem articulus nixus primò in verbo Augustini De Spiritu & litterâ cap. 4. Liberum arbitrium sine gratiâ non valet nisi ad peccandum. Rogo, quæ est libertas, quæ non nisi in alteram partem potest, eamque peiorem? Est hoc esse liberum, non posse nisi peccare?*

Ibidem: *Atqui hæc sunt duo opera liberi arbitrij, scilicet peccare, & perseverare augescereque in peccatis; foras mitti, & crescere: si enim aliud potest liberum arbitrium, Christus certè mentitur.*

Ibidem: *Via hominis est ea, quam ipsi [Papistæ] vocant naturalem vim faciendi quod in se est. Ecce hæc non est in arbitrio hominis seu liberi arbitrij. Quid ergo liberum arbitrium est, nisi res de solo titulo? Quomodo potest sese ad bonum preparare, cùm neque in potestate*

testate suâ sit, suas vias malas facere? nam & mala opera Deus in impiis regit.

Ibidem: Sic rursus Prouerb. 16. *Hominis est præparare cor, Domini est gubernare linguam. Hoc est: Homo multa solet proponere, cum tamen ad eum non sint in manu opera eius, ut nec verba quidem in hoc ipsum habeat in potestate suâ, coactus mirabili Dei providentiâ & loqui & facere aliter quàm cogitavit, &c. Vbi ergo est liberum arbitrium? Fingentium est penitus.*

Ibidem: *Quis audet negare, se etiam in malis operibus sapius coactum aliud facere quàm cogitavit? &c. Ad eum non est homo in manu suâ, etiam mala operans & cogitans. Et verè Paulus dixit, Deus operatur omnia in omnibus.*

Ibidem: Perit itaque hic etiam generalis illa influentia, quâ garriunt esse in potestate nostrâ, naturales operationes operari. Secus rem habere, monstrat experientia omnium. Et vide nos insensatos: ipsam radicem operum, nempe vitam ipsam, quæ caput est omnium operum, scimus omnes nullo momento esse in manu nostrâ; & audemus dicere, aliquam cogitationem esse in manu nostrâ? Quid absurdius dici potest? &c. Unde non est dubium, satanâ magistro venisse in Ecclesiam hoc nomen, liberum arbitrium, ad seducendos homines à viâ Dei in vias suas proprias.

Ibidem: *Habes, miserrande Papa, quod hic oggannias? Vnde & hunc articulum necesse est renocare: male enim dixi, quod liberum arbitrium ante gratiam sit res de solo titulo: sed simpliciter debui dicere, liberum arbitrium est figmentum in rebus, seu titulus sine re; quia nulli est in manu suâ quidpiam cogitare boni aut mali, sed omnia (ut VViclefi articulus Constantiæ damnatus rectè docet) de necessitate absolutâ*
euc-

eueniunt : quod & Poëta voluit , quando dixit ,
 — Certâ stant omnia lege.

Notandum porrò , de postremis hisce Lutheri verbis inter Lutheranos & Catholicos controverti , an ea ita fuerint scripta. Aiunt Lutherani hæc verba non esse Lutheri , *Vt VViclefi articulus Constantiæ damnatus rectè docet , de necessitate absolutâ ;* sed ista illorum loco , *Omnia sub Deo sunt , contra quem nihil possumus , nisi quantum permittit aut facit ipse.* Verum mentiri Lutheranos , constat Primò ex hisce Lutheri ipsius verbis Tom. 2. Latin. Wittenberg. impresso anno 1546. De seruo arbitrio , contra Erasmum , in fine primæ Partis , fol. 491. §. 3. lin. 5. & Tom. 6. German. Wittenberg. impresso anno 1553. fol. 516. §. 1. lin. 9. & Tom. 6. Germ. Wittenberg. impresso denuò anno 1559. fol. 493. *Christiani verò non libero arbitrio , sed Spiritu Dei aguntur : Rom. 8. Agi verò , non est agere , sed rapi , quemadmodum ferra aut securis a fabro agitur.* Et hîc ne quis dubitet Lutherum tam absurda dicere , verba eius recitat Diatribe , quæ sanè agnoscit : *Fateor enim , articulum illum VViclefi , omnia necessitate fieri , esse falsò damnatum in Constantiensi conciliabulo , seu coniuratione potius & seditione.* ita de seipso suaque doctrinâ Lutherus. Verba autem Diatribes Erasmiæ (quæ Lutherus pro suis hîc agnoscit) sunt ista : *Nulli est in manu quidpiam cogitare mali aut boni , sed omnia , ut VViclefi articulus Constantiæ damnatus rectè docuit , de necessitate absolutâ eueniunt.*

Secundò , Ea verba hoc loco esse Lutheri ipsissima verba , constat relatione eorum omnium , qui statim initio aduersus Lutherum scripserunt , eaque

que singuli ex eius Operibus recitauerunt. Igitur Erasmus semel, iterum, & tertium, ea verba pro Lutheri verbis citauit Tomo 9. Operum Basileæ impress. anno 1540. in Diatribe contra Lutherum; item in Diatribe hyperasp. lib. 2. fol. 1142. & fol. 1217. Ioannes Cochläus in Septicipite Luthe-
ro cap. 40. Ioannes Fischerus, Episcopus Rossen-
sis, in Confutatione Assertionis huius articuli 36. Ioannes Fab. in Antilogiâ Lutheri cap. 41. Andreas
Fabr. in Harmoniâ Confessionis Augustanæ, im-
pressâ Colonie; Ioannes Hofmeisterus in Harmo-
niâ ad art. 20. Wetterhan, Staphylus, Eckius, &c.

Tertiò, Constat ex edicto Wormatiensi, ab Imp.
Carolo V. aduersus hæc Lutheri dogmata scripto,
& Epistolâ Georgij Saxonie Ducis ad Henricum VIII. Angliæ Regem.

Quartò, Ex ipsâ impressione articulorum Lu-
theri, à Leone X. damnatorum anno 1521. mense
Februario Basileę in 4. editâ, & Wittenbergæ item
in 4. eodem anno excusâ. Ex quibus constat, Pri-
mò, Mutilatas esse editiones recentiores Ienensem
& Wittenbergensem Latinas, & Germanicam
Wittenbergensem anni 1554. Secundò, Manife-
stum esse mendacium Wittenbergensium Theo-
logorum lib. De verâ & solidâ refutatione Bellar-
mini & Hanssonij, dum aiunt, *Malitiosam esse cor-
ruptelam verborum Lutheri, quâ Iesuiticus Para-
phrastes Petrus Hanssonius hoc loco usus est.* Nam
Hanssonius non potuit primus corrupisse Lutheri
verba anno 1586. quæ eodem modo legebantur in
libris tanto antea annorum intervallo editis.

Sed pergamus in recensendâ Lutheri doctrinâ
de libero arbitrio. Igitur ibidem ita Lutherus: *No-
bis*

bis ad inferna spectantibus res omnes videntur arbitrariae & fortuitae, sed ad superna spectantibus omnia sunt necessaria: quia non sicut nos, sed sicut ille vult, vivimus, facimus, patimur omnes & omnia. Cessat liberum arbitrium erga Deum, quod apparet erga nos. Tom. Latin. Wittenb. anno 1546. lib. De seruo arbitrio, Tom. item 6. German. Wittenberg. anno 1553. eodē lib. & Tom. 6. German. anno 1559. eodem libro: Idē ad extrema eundem est, ut totum negetur liberum arbitriū, & omnia ad Deum referantur. Tom. 2. Lat. Wittenberg. anno 1546. ibidem: Hoc autem deprecor, mi Erasme, ne credas, me causam hanc [quod homo simpliciter non habeat liberum arbitrium] studio magis, quā iudicio agere. Non patior me insimulari eius hypocrisis, ut aliter sentiam, & aliter scribam. Nec defensionis calore (ut tu scribis de me) huc praeiectus sum, ut nunc primum negem totum liberum arbitrium, quia antea illi nonnihil tribuerim; nec hoc tu vsipiam in libellis meis ostendes. Scio, extant themata & problemata, in quibus perpetuo asserui vsque in hanc horam, LIBERVM ARBITRIVM ESSE NIHIL, ET REM (eo verbo tum utebar) DE SOLO TITVLO. Veritate victus, & disputatione provocatus ac compulsus, sic sensi ac scripsi.

Patet igitur ex hisce omnibus, à Luthero negatum fuisse totum liberum arbitrium in externis iuxta atque internis actionibus; quod negabat Meisnerus.

Doctrina Philippi de libero arbitrio.

Necessario omnia eveniunt in omnibus creaturis, in cap. 8. Epist. ad Rom. Argentorati 1523. Omnia necessario evenire, Scriptura docent. Esto, videatur tibi

in rebus humanis contingentia: iudicio rationis hic imperandum est: in Locis, tit. De libero arbitrio. Contingentia quadam in rebus videntur, cum tamen sit necessitas: ibidem. Nihil tam mirari humana ratio solet, quam cum omnia videantur contingenter ac non necessario fieri, necessario tamen ita destinata fiant: ibidem. Et vel hac sola sententia doceat, quam sit salutare nobis, quod non simus relictis nostris viribus, consiliis, & libertati voluntatis nostrae: ibidem.

In Biblicis historiis palam apparet, quod quamquam carni ita videatur, tamen non sit rerum contingentia, sed necessitas quadam iuxta destinationem Dei: ibidem.

Quid liberum arbitrium? Ridiculum commentum est liberum arbitrium: ibidem.

Nihili commentum, & dogma Scholasticum de libero arbitrio: ibidem.

Omni libertatem voluntatis nostrae tollit predestinatio divina: ibidem.

Nulla est libertas, si voluntatem humanam ad predestinationem conferas: ibidem.

Voluntati nostrae libertatem per predestinationis necessitatem adimit Scriptura: ibidem.

Libertatem homini adimit divina predestinatio. Eueniunt enim omnia iuxta divinam predestinationem, cum externa opera, tum interna cogitationes in omnibus creaturis: ibidem.

Etiam iuxta naturae iudicium, in affectibus nulla est libertas: ibidem.

Nullam libertatem esse voluntati humana in sumendis vel ponendis affectibus spiritualibus, amore, metu Dei, fide, spe, &c. perspicuum est. Nam carnales nihil moror, quamquam neque in his libera est: ibidem.

Quid

Quid si respicias affectus carnales? Nam neque in his libertas est: ibidem.

Est igitur manifestum quoque ex hisce Philippi sententiis, omnem omnino libertatem homini ab eo esse ademptam.

Prima responsio Meisneri ad absurda quæ inferebantur ex negatione liberi arbitrii.

Pag. 183. *Neque tamen hinc sequitur, iniuste puniri hominem, quia se ipsum conuertere nequeat. Quoniam enim malitiose resistit Spiritui sancto in corde operari volenti, ideo aternâ damnatione dignus est.*

Refutatio.

At quæ mens capiat, illum resistere malitiose, qui se ipsum conuertere non potest? Si enim non potest, quomodo malitiose? *Nam hoc manifestum est adco, inquit Augustinus lib. De verâ Relig. cap. 14. ut nulla hîc doctorum paucitas, nulla indoctorum turba dissentiat.*

Secunda Meisneri responsio.

Ibidem: Ad malum est liberum, ad bonum est servum hominis arbitrium.

Refutatio.

Quomodo igitur Lutherus scripsit in Assert. art. 36. *Nulli est in manu suâ cogitare quidpiam boni, aut mali? Quomodo ibidem interrogat, Quis audet negare, se etiam in malis operibus sæpè coactum, aliud facere quàm cogitat? Coactus, opinor, hæc scripsit Lutherus, & Meisnerus coactus ea scripta negare.*

Bran-

*Brandij responsio pro doctrinâ Caluini
de libero arbitrio.*

Pag. 35. *Calvinus loco citato nihil huiusmodi dicit:
si alibi id dicit, ostendat. locum.*

Refutatio.

Imò hoc ipsum, & amplius dicit eo ipso libro
& capite, nempe lib. 1. Instit. cap. 16. deprauans
etiam verba ipsius Prophetæ verbis suis Galli-
cis, quæ eo consilio adscribo ex impressione an-
ni 1562. *Le Prophete Ieremie, c. 10. v. 23. crie hault
& claire, Je sçay, Seigneur, que la voye de l'homme
n'est pas en sa liberte, & que ce n'est pas à luy s'ad-
dresser ses pas.* cùm tamen Prophetâ nusquam
nominet libertatem, & hæc tantùm eo loco sint
eius verba: Scio, Domine, quia non est hominis via
eius, nec viri est, ut ambulet, & dirigat gressus suos.
Deinde ita pergit ex eâ sententiâ ratiocinari: Di-
cant nunc ij, contra quos ego disputo, quòd habeat ho-
mo instinctum naturalem quidem naturalis suæ pro-
pensionis, & quòd cum huc & illuc verset pro libitu
suo. Quia si verum id foret, haberet homo in manu
suâ dispositionem viarum suarum. Quòd si negent,
scilicet nihil posse sine potentiâ Dei; è contrario re-
plico, Cùm manifestum sit, ab Ieremiâ & Salomone
tribui Deo non solum unam aliquam vim similem
qualem ipsi fabricantur, verùm etiam consilium, de-
cretum, & certam determinationem eius quod fieri
debet; numquam sanè illi efficient, quin sibi Scriptura
aduersetur.

Iam ne desim Brandio petenti sibi alios præ-
tereà locos ostendi, numerabo aliquot illustrio-

Y

res,

res, quibus arbitrij libertatem penitus Caluinus tollit.

Primò, Titulus capitis 2. lib. 2. Institutionum est iste: *Hominem arbitrij libertate nunc esse spoliatum, & misera seruituti addictum.* id quod toto illo capite probat prolixè.

Secundò, Libro 3. Instit. cap. 23. §. 7. *Decretum quidem horribile, fateor: inficiari tamen nemo poterit, quin præsiciat Deus quem exitum esset habiturus homo, antequam ipsum conderet; & ideo præsiciat, quia decreto suo sic ordinat. Quæ cum decreto adamantino hoc stare queat libertas?*

Tertiò, Libro 3. Instit. cap. 23. §. 8. *Non dubitabo simpliciter fateri, voluntatem Dei esse rerum necessitatem; atque id necessario esse futurum, quod ille voluerit, quemadmodum ea verè futura sunt, quæ prauiderit.*

Quartò, Libro contra Pighium: *Decreto Dei constitutum est, hominem per peccatum labi debere; & nihil contingit ei, quod Deus non decreuerit: nihil ergo liberum est homini.*

Quintò, Ad cap. 9. Epist. ad Rom. vers. 17. *Non modò præcognita fuit impiorum perditio, sed impij fuerunt destinati creati ut perderentur.*

Ex quibus omnibus luce clarius est, omnem à Caluino sublatam esse arbitrij libertatem, quæ cum hoc Dei decreto stare non potest.

Responsio Brandij ad absurda quæ inferebantur ex negatione liberi arbitrij.

Pag. 35. *Sed quid si hac doceantur, ut Lessius proponit; an inde sequitur nullum ibi esse propriè peccatum, quia nulla est libertas?* Pag. 36. *Neque enim*
necessi-

necessitas quavis, sed coactio tollit libertatem; & necessitas inenitabilitatis cum libertate voluntatis potest consistere.

Refutatio.

Primò, Quis non videat hîc stuporem Brandij, dubitantis de integritate huius Argumenti, *Nulla est libertas, nullum ergo propriè dictum peccatum?* Nam quis caudex vel inter hæreticos id vîquam ritè sequi negavit? cùm & Pelagiani obiecerint Augustino ex lib. eius tertio De libero arbitrio: *Quis peccat in eo quod caneri non potest?* & Brandius ipse pag. 36. vt non cogatur tollere omne peccatum, dixerit, *libertatem consistere cum necessitate inenitabilitatis* (quam Calvinistæ admittunt) *non autem cum necessitate coactionis.* Fatetur ibi igitur, nullum fore peccatum, si non esset saltem ea libertas, quam ait constare cum necessitate inenitabilitatis.

Secundò, Quem non misereat illius hominis qui alterâ statim paginâ eiusdem folij secum pugnat, cùm dicit, *Neque enim quavis necessitas tollit libertatem?* Nam si libertas aliqua porrò constar cum inenitabilitate (quam Lessius Caluino permittit & assignat) quomodo ait, Lessium malè ita ratiocinari, *Nulla secundum Caluinum libertas, ergo nullum peccatum?*

Tertiò, Qualis libertas possit consistere cum necessitate inenitabilitatis, nolim ab aliis inuestigare, quàm ab ijs quos sibi magistros adhibuit Augustinus lib. De duabus animabus, cap. 11. *Nec hic,* inquit, *libri obscuri mihi scrutandi erant, unde discerem, neminem vituperatione suppliciove dignum, &c.*

qui id non faciat quod facere non potest. Nonne ita cantant in montibus pastores, & in theatris Poëta, & in circulis indocti, & docti in bibliothecis, & Magistri in scholis, & Antistites in locis sacris, & in orbe toto genus humanum? Et cap. 12. Peccati reum teneri quemquam, quia fecit quod facere non potuit, summa iniquitatis est & insania.

Meisneri responsio ad quartum modum, quo dicit Lessius, metum omnem peccandi tolli per doctrinam, quâ docetur, omnia mala opera hominum à Deo esse prae definita, à Deo hominum voluntates ad ea incitari, impelli, determinari, &c.

Pag. 185. Non nostra hæc est, sed Calvinianorum sententia.

Refutatio.

Quid aliud hîc exclamem, quàm, *Erubuit Meisnerus, salva res est?* Nam sanè omnino pudendum est illud dogma Lutheri, quod non iniuriâ quivis à suâ religione repellat. Quare & Herbrandus Lutheranus, homo virginæ frontis, negavit unquam in Lutheri scriptis fuisse hæc verba, *Mala opera in impiis operatur Deus.*

Doctrina Lutheri de Deo auctore peccati.

Quàm impudenter mentiti sint Meisnerus & Herbrandus, negando id esse Lutheri dogma, Primò apparet ex his ipsius Lutheri verbis in Assertion. artic. 36. excusis Basileæ, & Wittenbergæ anno 1521. *Et mala opera in impiis operatur Deus, ut Proverb. 16. dicitur, &c. Quis audeat negare, se etiam*

iam in malis operibus sapè coactum aliud facere quàm cogitavit? &c. Si præsciuit Deus Iudam fore proditorem, necessario Iudas fiebat proditor, nec erat in manu Iudæ, nec ullius creaturæ, aliter facere, aut voluntatem mutare, licet id fecerit volendo, non coactus; sed velle erat opus illius, quod omnipotentia suâ monebat Deus, sicut & omnia alia.

Porro huius utriusque editionis, Basileensis & Wittenbergenfis, tot extitère exempla, ut Herbrando neganti eam esse doctrinam Lutheri, responderit Georgius Schererus, *eorum multitudine & obrui & sepeliri potuisse Herbrandum*, referente Gretsero lib. 2. De iure prohibendi libros malos.

Secundò, Hæc verò etiamnum extant Lutheri verba Tom. 2. Ienens. Lat. impresso anno 1557. & Tom. 2. Lat. Wittenb. impresso anno 1562. in Assert. artic. 36. *Quis audeat negare, se etiam in malis operibus sapiens coactum aliud facere quàm cogitavit? &c. Adeò non est homo in manu suâ, etiam mala operans & cogitans. Et verè Paulus dixit, Deus operatur omnia in omnibus; etiam peccata, interprete Luthero.*

Ibidem: *Quid ergo liberum arbitrium est, nisi res de solo titulo? Quomodo potest se ad bonum preparare, cum neque in potestate suâ sit suas vias malas facere? nam & mala opera Deus in impijs regit. Si ita Deus ea regit, ut non sint in potestate liberi arbitrij, est igitur Deus eorum auctor.*

Ibidem: *Nobis ad inferna spectantibus, res omnes videntur arbitrariæ; sed ad superna spectantibus, omnia sunt necessaria. Quia non sicut nos, sed sicut ille [Deus] vult vivimus, facimus, patimur omnes & omnia. Facimus igitur etiam peccata, quia Deus vult.*

Doctrina Philippi de Deo auctore peccati.

Annotat. in Epist. ad Roman. Argent. anno 1523
 Nos dicimus, non solum permittere Deum creaturis
 ut operentur, sed ipsum omnia proprie agere: ut sicut
 fatentur, proprium Dei opus fuisse Pauli vocationem,
 ita fateantur opera Dei propria esse, siue quæ media
 vocantur, ut comedere, bibere, communia cum brutis;
 siue quæ mala sunt, ut Davidis adulterium, Manly
 seueritatem animaduertentis in filium.

Ibidem: Sit hac certa sententia, à Deo omnia fieri
 tam bona quam mala.

Ibidem: Constat, Deum omnia facere non permis-
 siuè, sed potenter; id est, ut sit eius proprium opus, Iudæ
 proditio, sicut Pauli vocatio.

Mentitur igitur Meisnerus, negando hanc suo-
 rum Lutheranorum esse doctrinam.

Brandij responsio pro Caluino.

Pag. 36. Citat Lessius Calvinum Instit. lib. 1. c. 17.
 §. 5. & cap. 18. distinct. 1. Legatur Calvinus eo ipso
 loco, nihil aliud comperietur dicere, quam maleficos
 esse Dei instrumenta, &c. Item, satanam & impios
 omnes ita sub manu Dei esse, ut eorum malitiam in
 quemcumque visum est finem dirigat. Ex ipsa Caluini
 verba. Mera est igitur impudentia, Caluino isthac
 impingere.

Refutatio.

Primò, Calvinum docuisse ita ut Lessius scribit,
 scripserunt non solum Catholici, verum etiam ipsi
 Calviniani, Zwingliani, Lutherani, Bernenses Mi-
 nistri, & Geneuenses. Vnde planè apparet, eum
 esse

esse communem omnium sensum & iudicium de Caluino.

Ex Calvinianis Arminius odiosissimis cum Gommaro præliis iam Hollandiâ totâ notus. Is enim in *Declaratione sententiae suae* ad Nobiles & præpotentes Hollandiæ Ordines scribit, Caluini doctrinam de Deo auctore peccati & prædestinatione multis nominibus sibi non probari; adfertque causas omnino quindecim aut plures, quarum pleræque reperuntur denuò in Dedicatoriâ, quæ præfixa est Collationi Arminij cum Iunio. Item Venator, qui ab Arminio contra Gommarum & Iunium fortissimè stetit, asseuerans eam esse Caluini de Deo auctore peccati doctrinam. Adeoque hisce dimicationibus componendis, prima hæc pro Gommaro Synodus Dordracum conuocata est.

Ex Zwinglianis Petrus Vermilius Tigurinorum Professor, in lib. 2. Reg. cap. 6. Caluini sententias de Deo peccati auctore appellat *libertinas, execrandas, sacrilegas, abominandas, & planè diabolicas.*

Ex Lutheranis Tilmannus Heshusius libello De erroribus Caluini: *De fato, & causâ peccati, planè impiè docet* [Calvinus] *ut ex multis eius libellis probari potest; utpote qui dicat, Deum impiorum scelera non tantum permittere fieri, sed & efficaciter operari, &c. Hæc omnino & Dei voluntatem incertam faciunt, & Deum peccati auctorem asserunt. Hic autem error est in Deum horribiliter contumeliosus.*

Bernenfes Ministri ad Senatum suum de hoc Caluini dogmate retulerunt, & libellos eius in id argumentum conscriptos lictoris manu exuri iusserunt, Plebiscito facto, nequis intra eorum di-

tionem illi dogmati patrocineretur. Id quod Feuardentius lib. 2. Theomachia Caluinistica c. 12. narrat contigisse anno 1554.

Genevæ Castalio & Seruetus nascenti huic paradoxo se obiecerunt; easque ob res, cum ibi valeret plus viribus Calvinus, eorum alter solum vertit, alter flammis viuis addictus est, etsi hæresis Arrianæ prætextu.

Denique ne fortasse non satis hæc sint Brandio, superest libellus alter P. Martini Becani De Calvinistarum Deo, alter De Quæstionibus Calvinisticis; quo utroque plus satis probatum est, eam esse Calvini doctrinam.

Secundò, Calvinum ita docuisse ijs ipsis locis quos Lessius attulit, & aliis, probabo testimoniis ipsius Calvini ad verbum allatis, quæ omnino sunt clarissima.

Doctrina Calvini de Deo auctore peccati.

Primò, *Adami peccatum Dei decreto esse factum.* Lib. 3. Instit. c. 23. §. 7. impress. apud Antonium Rebulium anno 1561. *Disertis verbis, hoc constare negant, decretum fuisse à Deo, ut suâ defectione periret Adam, &c. Decretum quidem horribile, fateor: inficiari tamen nemo poterit, quin præsciuerit Deus quem exitum habiturus esset homo; & idè præsciuerit, quia decreto suo sic ordinaverit. In præscientiam Dei si quis hîc inuehatur, temerè & inconsultè impingit.*

Secundò, *Posterorum ruinam non solum permissu, sed voluntate Dei contigisse.* Lib. 3. Instit. c. 23. §. 4. *An non itaque iniustus [Deus] qui creaturis suis tam crudeliter illudit? §. 8. Lapsus est enim primus homo,*
quia

quia Dominus ita expedire censuerat. Fateor sanè, in hanc quâ nunc illigati sunt conditionis miseriam, Dei voluntate decidisse vniuersos filios Adam: atque id est, quod principio dicebam, redeundû tandem semper esse ad solum diuinæ voluntatis arbitrium. Et §. 7. ibidem: Nec absurdum videri debet., quòd dico, Deum non modò primi hominis casum, & in eo posterorum ruinam præuidisse, sed arbitrio quoque suo dispensasse.

Tertiò, Tam Adami quàm posterorum ruinam ab æterno esse à Deo volitam & prædestinatam. Libro 3. Instit. cap. 21. §. 1. Quòd si palàm est, Dei vultu fieri ut alijs ultrò offeratur salus, alijs ab eius aditu arceantur, &c. Hic magna & ardua protinus emergunt quæstiones, &c. Quia nihil minùs consentaneum putant, quàm ex communi hominum turbâ alios ad salutem, alios ad interitum prædestinari. §. 5. Non enim pari conditione creantur omnes; sed alijs vita æterna, alijs damnatio æterna præordinatur. Itaque prout in alterutrum finem quisque conditus est, ita vel ad vitam vel ad mortem prædestinatum dicimus. Cap. 23. §. 5. Dico cum Augustino Epistolâ 106. esse à Domino creatos, quos in exitium ituros sine dubitatione præsciebat; idque ita factum, quia sic voluit. §. 6. Ecce, cum rerum omnium dispositio in manu Dei sit, cum penes ipsum resideat salutis ac mortis arbitrium; consilio nutnque suo ita ordinat, ut inter homines nascantur ab utero certa morti deuoti, qui suo exitio ipsius nomen glorificent. §. item 8. Hic ad distinctionem voluntatis & permissionis recurritur, secundum quam obtinere volunt, permittente modò, non autem volente Deo, perire impios. Sed cur permittere dicemus, nisi quia ita vult?

Quartò, Æterni huius decreti non aliud esse finem

Deo propositum, quàm ut misericordiam suam condonando, iustitiam puniendo demonstret. Lib. 3. Instit. cap. 24. §. 12. Quos [Deus] in vita contumeliam, & mortis exitium creavit, ut ira sua organa forent, & seueritatis exempla, eos ut in finem suum perueniant, nunc audicndi verbi sui facultate priuat, nunc eius predicatione magis excacat & obstupefacit. §. 14. Quod igitur patefacto sibi Dei verbo non obtemperant reprobi, probè id in malitiam prauitatemque cordis eorum reuocatur; modò simul adijciatur, ideò in hanc prauitatem adiectos, quia iusto, sed inscrutabili Dei iudicio suscitati sunt ad gloriam eius suâ damnatione illustrandam.

Quintò, Omnia peccata actualia, quæ ab hominibus fiunt, æterno Dei consilio decreta & predestinata esse. Lib. 1. Instit. cap. 18. §. 1. quem locum Lessius citauit: Quod nihil efficiant homines nisi arcano Dei numine, nec quidquam deliberando agitent nisi quod ipse iam apud se decreuerit, & arcanâ suâ directione constituat, innumeris & claris testimoniis probatur. Lib. contra Pighium: Decreto Dei constitutum est, hominem per peccatum labi debere: & nihil contingit ei, quod Deus non decreuerit.

Sextò, Omnia peccata actualia, dum in tempore fiunt, non fieri tantùm Deo permittente, sed volente, adeoque Deum eorum esse auctorem. Lib. 1. Instit. cap. 18. §. 1. Tergiuersando itaque effugium quarunt, Dei tantùm permissu, non etiam voluntate hoc fieri. Ipse verò palam se facere pronuntians, effugium illud repudiat. Ibidem §. 3. Et iam satis aperre ostendi, Deum vocari eorum auctorem, quæ isti Censores volunt otioso tantùm eius permissu contingere. Ibid. §. 1. Colligimus, eius probationis, cuius satan & scelesti latro-

latrones ministri fuerunt (loquitur de Iobo) Deum fuisse auctorem. Commentariis in cap. 9. Epist. ad Roman. Friuolum est illud effugium, quod de præsentiâ Scholastici habent. Neque enim prauideri impiorum ruinam à Domino Paulus tradit, sed eius voluntate & consilio ordinari. Non modo præcognita fuit impiorum perditio, sed impij fuerunt, destinato creati ut perderentur.

Septimò, Deum mandare satana, cumque impellere, ut homines ad peccata inducat. Lib. 1. Instit. cap. 18. §. 1. *Quidquid agunt homines vel satan ipse, Deus tamen clauum tenet, ut ad exequenda sua iudicia conuertat eorum conatus. Vult Deus perfidum Regem Achab decipi: operam suam offert diabolus: mittitur cum certo mandato ut sit spiritus mendax in ore omnium Prophetarum. Si Dei iudicium est, excacatio & amentia Achab, nuda permissionis figmentum euanescit. Ibidem §. 2. Fateor quidem, interpositâ satana operâ, sapè Deum agere in reprobos, sed ut eius impulsu satan ipse suas partes agat & perficiat, &c. Dicitur satan excacare infidelium mentes. Sed unde hoc, nisi quòd à Deo ipso manat efficacia erroris?* Lib. 2. Instit. cap. 4. §. 5. *Spiritus impurus, Dei spiritus vocatur, quia ad eius nutum potentiamque respondet. Instrumentum magis ipsius in agendo quàm à seipso auctor. Deus igitur magis auctor est peccati quàm satan.*

Octauò, Præterea Deum ipsum per se occultâ quadam vi incitare & necessitare homines ad peccata. Lib. 1. Instit. cap. 18. §. 2. *loquens de peccatis Assyriorum: Unde apparet, certâ destinatione Dei fuisse impulsos.* §. 4. *Homo iusto Dei impulsu agit, quod non licet.* Lib. 3. cap. 23. §. 9. *Excusabiles peccando*

cando haberi volunt reprobi, quia euadere nequeunt, peccandi necessitatem; præsertim cum ex Dei ordinatione sibi iniiciatur huiusmodi necessitas. Nos verò inde negamus ritè excusari, &c.

Nonò, Deum præterea unà nobiscum peccata nostra operari, sicut principale agens cum instrumentis. Lib. 1. Institut. cap. 18. §. 1. Absalom incestu coitu patris torum polluens, detestabile scelus perpetrat; Deus tamen hoc opus suum esse pronuntiat: Tu fecisti occultè, ego palàm. Lib. 2. cap. 4. §. 2. Omitto hic universalem Dei motionem unde creatura omnes ut sustententur, ita efficaciam quidvis agendi ducunt. De illà speciali actione tantum loquor, qua in unoquoque facinore apparet.

Decimò, Denique post admissa peccata reprobos ita à Deo excacari & obdurari, ut conuerti non queant, aut dolere de peccatis. Lib. 1. cap. 18. §. 2. Nihil clarius potest desiderari, quàm ubi toties pronuntiat, se excacare hominum mentes, ac vertigine percutere, spiritu soporis inebriare, incutere amenitiam, obdurare corda. Hac etiam ad permissionem multi reiciunt, &c. Sed cum disertè exprimat, Spiritus, iusto Dei iudicio infligi cacitatem & amenitiam, nimis friuola est illa solutio. Lib. 2. cap. 4. §. 5. Addendum quod à Paulo traditur, diuinitus efficaciam erroris ac seductionis immitti, ut credant mendacio.

Quis iam ex his omnibus non videat, clarè id doceri à Caluino, quod ei Lessius assignauit, Deum auctorem esse peccati? Scribit enim Calvinus Primò, decretum à Deo fuisse primi hominis lapsum; Secundò, etiam lapsum omnium posterorum, Tertiò, utrumque hoc decretum esse

ab æterno constitutum; Quartò, vtriusque huius decreti finem vnicum esse ostensionem misericordix & iustitiæ; Quintò, omnia actualia hominum peccata à Deo ab æterno esse decreta; Sextò, ea ipsa, dum in tempore fiunt, fieri volente Deo; Deū eorum vocari auctorem; auctorem esse etiam eius quod faciunt satan & latrones, cum permissio nuda sit figmentum; Septimò, Dei mandato & impulsu concitari satanam vt hominēs peccare faciat; Octauò, insuper occultā vi nos ab ipso Deo per se ad peccata impelli; Nonò, ipsum peccatum, dum à nobis fit, esse etiam opus Dei, vt principalis agentis; Decimò, cæcitatem post hæc omnia à Deo immitti & obdurationem, ne conuerti possimus. Quid, quæso, præterea à quoquam addi posset, vt quis diceretur peccati auctor? Nec dæmon qui est incentor & peccati suasor; nec ipse homo qui peccati est perpetrator, tantum in ipso suo peccato facit, quantum à Deo fieri scribit Calvinus. Quomodo igitur non est ab eo factus peccati auctor?

Rectè igitur hanc præcipuè ob rem ita ratiocinatus est Lessius pag. 29. *Caluinisticam & Lutheranam Religionem hac perniciosissimā doctrinā omnem diuini Numinis timorem ex animis hominum tollere, & tantam omnium scelerum tribuere licentiam, quantum nec atheismus ipse*. Adeoque Becanus noster Disputatione De auctore peccati, scribit, *cuius prudenti satis instam debere esse causam, vel ob hoc vnum sceleratissimum Caluini dogma deferere Calvinismum, sicut Castalio fecit; cum & Plato, homo Ethnicus, censuerit in Republicā cum non esse ferendum, qui Deum peccati faceret auctorem*.

Atque,

Atque, ut illud addam de viâ quam Caluinismus aperit ad ipsa adyta atheorum, Godefridus à Valle, qui Lutetiæ anno 1572. publico ignis supplicio combustus est, in libello suo, quem scripsit De arte nihil credendi, testatum reliquit, cum, qui vellent atheus fieri, oportere prius esse Calvinistam. Quod quàm verum sit, ostenderunt apertè ex Calvinistarum atheorumque in doctrinæ capitibus consensu Feuardentius lib. Theomachia, & Reginaldus in Caluino-Turcismo: denique P. Becanus in Titulis Calvinistarum, recenset quinque paradoxa atheistica recentiorum Calvinistarum, Titulo Orthodoxia. Ut verò hanc omnem disputationem semel exhauriam, non video quid hîc aliud à Calvinistis dici possit, quàm à Caluino alibi quoque negarum esse, *Deum vocari posse auctorem peccati*, lib. De æternâ Dei prædestinatione; id quod ego haud grauatè iis concedam. Sed ex eo reuerà facile constabit inter omnes, quàm fuerit vaftrum, quàm fraudulentum Caluini ingenium, qui non alio consilio id fecit, quàm ut rudibus tantò fraudis suæ securioribus occultiùs doctrinæ suæ venena instillaret: Ita enim negat Calvinus Deum auctorem esse peccati, quia Deus nimirum proxima seu immediata peccati causâ non est, nec peccatum ipse per se suis quasi manibus & membris operatur: licet alioqui Deus auctor & causâ principalis sit omnis peccati, peccatores excitans, adhortans, impellens ad peccatum. Insignem (si diis placet) distinctionem, quam adfert Calvinus lib. De æternâ Dei prædestinatione! *Nec verò oblivione, ait, tegendâ est quam posui causarum dixer-*

diuerſitas, quòd alia eſt propinqua, alia autem remota cauſſa; ut ſciamus quàm longè inter æquabilem Dei prouidentiam & turbulentos hominum impetus ſit diſtantia. Deum autem remotam eſſe cauſſam, ſcribit cap. 14. aduerſus Libertinos: Magna eſt differentia inter opus Dei & opus impij, cùm eo Deus vice inſtrumentum utitur. Clariùs lib. 2. cap. 4. §. 5. Longo diſcrimine ſemper diſtat in eodem opere id quod agit Dominus, ab eo quod agit ſatan, & impij moliuntur. Ille mala inſtrumenta, quæ ſub manu habet, ſeruare iuſtitia ſua facit; hi prout mali ſunt, nequitiam ingenij prauitate conceptam effectum pariunt. Sunt igitur peccatores, ex Caluini ſententiâ, cauſſæ ſolummodò inſtrumentales & propinquæ; Deus verò cauſſa remota & primaria peccati: peccatores tantummodò miniſtri & executores; Deus verò peccati primus auctòr, ut ipſe diſerte affirmat lib. 1. Inſtitut. cap. 18. §. 1. in hæc verba: Colligimus, eius probationis, cuius ſatan & ſceleſti latrones miniſtri fuerunt, Deum fuiſſe auctorem. Atque hæc illa doctrina eſt, de quâ ita loquitur hoc ipſo loco: Quomodo Deus in opere communi ab omni culpâ ſit immunis, miniſtros autem ſuos damnet, vix capit ſenſus carnis. Nam quid miri, cùm nec capiat ſenſus ſpiritus? Myſterium enim eſt, ut ipſe vocat libro De æternâ Dei prædeſtinatione: myſteriũ, de quo ita myſticè magnus myſtes Zwinglius Sermone De prouidentia cap. 5. Numen ipſum auctòr eſt eius, quod nobis eſt iniuſtitia. cap. 6. Quod Deus operatur per hominem, homini vitio vertitur, non etiam Deo. ibidem infrà: Vnum igitur atque idem facinus, puta adulterium, aut homicidium, quantum Dei eſt auctoris, motoris, impul-

pulſoris opus, crimen non eſt; quantum autem hominis,
crimen ac ſcelus eſt. Μυσία τὰ μυσία!

*Decima Leſſij Ratio, ex eo quòd
hæreſes antiquas renouent.*

OMNIS Religio vitanda, quæ continet hæreſes
olim ab Eccleſiâ Catholica damnatas, quæ ſem-
per pro hæreſibus habita fuere. Atqui id faciunt nona
iſta. Ergo vitanda ſunt.

Minorem probat Leſſius decem exemplis: ad
quæ non aliter respondent ambo, quàm impuden-
tiſſimè ſingula negando. Vnius tantum alterius-
que ſpecimen adferam. Tu, Lector,

— crimine ab uno

Diſce omnes. —

Uterque, Caluinus & Lutherus, docet, ait Leſ-
ſius, habenti fidem nihil obefſe peccata, quantumlibet
multa & magna; horum enim malitiam non imputari
credenti. Quæ olim fuit hæreſis Eunomianorū, & Ba-
ſilidis, & Harpocratis, teſte Irenæo lib. 1. c. 23. & 24.

Reſponſio Meiſneri.

Pag. 571. Docemus, cum fide ſtare poſſe peccata
innoluntaria, parua, & venialia; ſed non peccata craſ-
ſa & voluntaria. Longè aliud docuit Eunomius, de
quo Auguſt. lib. De hæreſ. cap. 54. Fertur bonis operi-
bus uſque adeò inimicus, ut aſſereret, quòd nihil quid-
piam obefſet quorumlibet perpetratio ac perſeuerantia
peccatorum, ſi huius, quæ ab illo docebatur, fidei par-
ticeps eſſet.

Reſp-

Refutatio.

Quis ferat hanc mendacissimi hominis audaciam? Nam Primò scribit in hæc verba Lutherus Tom. 1. Ienensi, Epist. ad Philippum: *Si vera est gratia, verum non fictum peccatum ferto. Deus non facit saluos, fictos peccatores. Esto peccator, & pecca fortiter; sed fortiùs fide, & gaude in Christo. Sufficit quòd agnouimus Agnum qui tollit peccata mundi. Ab hoc non auellet nos peccatum, etiamsi millies millies uno die fornicemur aut occidamus.* Et Tom. 4. German. Wittenb. in cap. 17. Ioannis: *Nos ita dicimus, quòd veri & germani Sancti debeant esse fortibus & atrocibus peccatis obnoxij, ac tales etiam manere, quos non pudeat orare, Dimitte nobis debita nostra.*

Quid igitur interest inter Eunomij hac in parte & Lutheri hæresim? Et quâ fronte audet asseuerare Meisnerus, doceri à suis, non nisi parua peccata constare cum fide suâ? nisi fortè hæc itabes, festuæ tantum sint in oculis istorum Polyphemorum.

Alterum specimen. *Vtrque*, ait Lessius, *docet Deum esse impulsorem omnium scelerum, & omnia mala fieri ex vi decreti diuini. At olim fuit ista hæresis Simonis Magi, & Florini.*

Responsio vtriusque.

Brandius pag. 157. *Non est verum, Protestantes illud docere.*

Meisnerus pag. 569. *De Caluino hac vera, de Luthero falsissima sunt.*

Refutatio.

Primò, Eam esse Caluini doctrinam, fatetur hoc

Z

loco

loco Meisnerus. Secundò, Fatentur alij Lutherani, Zwingliani, Ministri Bernenses & Gencuenses, quorum verba à me allata sunt Ratione non à: quo etiam loco inter alia decem clarissima ipsius Caluini testimonia, hæc verba adscripsi ex lib. 1. Instit. cap. 18. §. 1. *Et iam satis apertè ostendi, Deum vocari eorum auctorem, quæ isti Censores volunt otioso tantum eius permissu contingere.* Tertiò, Eamdem item esse Lutheri doctrinam, constat ex Assertion. artic. 36. excusis Basileæ, & Wittenbergæ anno 1521. vbi in hanc sententiam scribit: *Et mala opera in impiis operatur Deus, ut Proverb. 16. dicitur, &c.* Porro, quia parcus admodum Lessius fuit in solis decem hæresibus numerandis, remitto Meisnerum & Brandiû ad cap. vlt. libri primi De ortu & progressu hæreseon Florimundi Ræmundi; vbi plures longè à Luthero Caluinoque refuscitatæ hæreses recensentur.

Undecima Ratio, ex defectu regulæ credendi.

LESSIVS: *Ista nona Religiones nullam habent certam credendi regulam quam sequantur, Ergo non sunt admittenda.*

Assumptio probatur Primò, *Quia neque Traditiones Ecclesiæ, neque Conciliorum Oecumenicorum auctoritatem, neque veterum Ecclesiæ Doctorum, & eorum qui ante nostras lites extiterunt, iudicium admittunt.*

Respon-

*Responsio utriusque ad probationem
Assumptionis.*

Meisnerus pag. 586. *Hinc minimè sequitur, nos omni penitus credendi regulâ destitui. Habemus enim firmiorem Propheticum sermonem, cui attendimus, &c. 2. Pet. 1.*

Brandius pag. 162. *Certè nullam esse aliam credendi regulam, quàm sacram Scripturam, iam antè satis superque audinimus, &c. Nisi quòd alia scripta possint haberi credendi regula, si cum sacrâ Scripturâ congruant.*

Refutatio.

Sola Scriptura, inquit Lessius, pro fidei normâ non sufficit. Addo contra Brandium Calvinistam: Calvinistæ parem auctoritatem tribuunt Catechismo Heidelbergensi & Scripturæ. Ita Vorstius Calvinista pleniorè Resp. ad postremam Admon. pag. 17. Multi ex nostris nullum planè discrimen inter Catechismum & ipsum Dei verbum ampliùs agnoscunt. Pag. 20. Non desunt qui idolum ex Catechismo faciant. Alij æqualem cum Scripturâ auctoritatem tribuunt Confessioni Belgicæ & Catechismo. Ita Iacobus Arminius Calvinista in Responsionè ad 31. articulos, pag. 310. Hic enim quotiescumque probare voluit, articulos suos non esse hæreticos, qui ut hæretici sibi obiiciebantur, hoc solo argumento apud Ordines perpetuò usus est: Nihil continent articuli mei contrarium Scripturæ, Catechismo, & Confessioni. vide pag. 154. & 160. Alij denique Calvinistæ, reiecto omni verbo Dei, solam credendorum omnium normam fecere Cate-

chisimum & Confessionem. Ita Adolphus Venator Minister Alcmariensis, Tractatu De præcipuis doctrinæ controuersis, pag. 174. *Vera, optima, certissima, & perfectissima norma totius fidei Christianæ est Confessio Belgica & Catechismus Heidelbergensis, qui articulus adfertur vt aliorum Calvinistarum. & pag. seq. Ex verbo Dei non potest pura doctrina clarè intelligi, sed solum ex Confessione & Catechismo.*

Responsio vtriusque.

Meisnerus pag. 591. *At verò hoc sine Scriptura data est Ecclesia, vt ex eâ veritas infallibiliter cognosceretur, & homines ad salutem perfectè instruerentur, &c. Quidquid enim primum vniâ voce prædicatum, illud postea in Sacras litteras est relatum. Exodi 24. v. 3. 4. Actor. 1. v. 1. 2. 1. Joannis 1. v. 3. 4. 5. Quod Euangelium Apostoli præconauerunt, illud postea per Dei voluntatem in Scripturis nobis tradiderunt, &c. ait Irenæus lib. 3. c. 1.*

Brandius pag. 163. *Hoc aduersatur ipsi Paulo 2. Timoth. 3. dicenti, Scripturam diuinitus inspiratam vtilem esse ad docendum, conuincendum, corrigendum, erudiendum in iustitiâ, &c.*

Refutatio.

Primò, Manca est vtraque vtriusque ratiocinatio. Prima, Scriptura data est Ecclesiæ ad cognoscendam veritatem infallibiliter, & utilis est ad docendum, &c. Ergo Scriptura sola est sufficiens regula omnium credendorum. Brandius Brentio & Kemnitio hoc sophisma sublegit, & refutatum apud Bellarminum lib. 4. De verbo Dei, cap. 10. & à P. Becano, Titulo primo Calvinistarum; cuius face-

facetam solutionem appendo: *Ex hoc loco 2. ad Timoth. 3. dupliciter argumentantur Evangelici. Alij sic: Omnis Scriptura utilis est ad docendum, &c. Ergo supernacua sunt Traditiones. Perinde ac si dicas, Omnis cibus est utilis ad nutriendum; Ergo supernacaneus est potus. Alij sic: Omnis Scriptura est utilis, id est sufficiens; Ergo supernacua sunt Traditiones. Ac si dicas: Prima ad Timoth. 4. Pietas ad omnia utilis est, id est sufficiens; Ergo Sacramenta, conciones, pœnitentia, ceteraque omnia supernacanea sunt. Secunda item manca est: Scriptura data est vt homines perfectè ad salutem ducat; Ergo sola sufficit, vt sit regula fidei: quia etiam Traditiones non scriptæ, ipsius Scripturæ auctoritate credendæ nobis asscuntur 2. ad Thessal. 2. Tenete Traditiones, quas didicistis siue per sermonem, siue per Epistolam.*

Secundò, Falsum omnino est, relata esse in Sacras litteras omnia quæ viuâ voce aliquando fuerè prædicata. Ioannis cap. vlt. *Sunt autem & alia multa quæ fecit Iesus; quæ si scribantur per singula, nec ipsum arbitror mundum capere posse eos qui scribendi sunt libros.* In quem locum S. Augustinus Tractat. 49. in Ioannem ait, *multa Christum & dixisse & fecisse quæ scripta non sunt.*

Tertiò, Etiamsi omnia fuissent in Scripturam relata, quia tamen multa de libris veteris Scripturæ interiøre, verbi gratiâ, *tria millia Parabola Salomonis, & quinque millia carmina*, de quibus 3. Reg. 4. & de nouâ item Pauli ad Laodicenses Epistolâ, cuius ipse Paulus meminit vlt. cap. ad Coloss. non possumus certò scire sintne omnia etiamnum in reliquâ Scripturâ, quæ fuere in vniuersâ.

Quartò, Falsò allegantur Scripturæ testimonia, cum eorum nullo dicatur, scripta fuisse omnia quæ fuere prædicata.

Quintò, Irenæi auctoritas, vt Bellarminus ostendit lib. 4. De verbo Dei cap. 11. non probat, omnia omnino scripta esse, quæ fuere prædicata.

Rationes Lessij, cur Scriptura sola non sit sufficiens regula omnium credendorum.

Prima Ratio.

QUIA per Scripturam non possumus iudicare de ipsamet Scripturâ. Ex Scripturâ enim constare non potest, hunc librum esse veram Scripturam, hanc, vel illam sententiam non esse peruersam, non esse incertam; denique, nihil esse additum vel detractum quod ad doctrinam substantiam pertineat.

Responsio utriusque.

Meisnerus pag. 594. Dicimus, ex internis xetigions certè concludi & demonstrari posse, libros Canonicos non hominem, sed ipsum potius Deum auctorem habere. Adfert autem xetnæia primùm tria, mox alia vndecim, quæ in refutatione censebuntur.

Brandius pag. 163. Certè ipsa sacra Scriptura, & unaquaque eius pars habet in se varia diuina originis vestigia & signacula, &c. quibus hominum piorum ac religiosorum animos inuocat & alloquitur, ac si diceret, Ego sum sacra Scriptura. Sed hunc terra Chanaan sermonem non intelligunt profani ac peregrini illi Esanita, Iebusita, & id genus alij.

Re-

Refutatio.

Primò, At quæ, malum, sunt illa interna *κερτήρια*? quis ille arcanus sermo terræ Chanaan, quem non audierint, non intellexerint tot antiqui Patres, tot Orthodoxi Doctores? omnes nempe Iebusitæ, & Esauitæ, Batauaque anre præditi ante asininas auriculas Lutheri & Caluini? Nullus enim Patrum de Scripturæ auctoritate vîquam ex internis *κερτήρις* iudicauit, sed ex solâ Traditione.

Concilium Tridentinum Sess. 4. eosdem libros pro Canonicis censuit, quos Canonicos esse iudicauerat Concilium Florentinum, centum ampliùs annos antiùs. Iterùm eosdem Canonicos esse didicerat Florentinum Concilium à Gelasio Papâ in Concilio Romano, cap. *Sancta Romana*, Distinct. 18. Rursum Gelasius ita statuerat ex traditione Augustini lib. 2. De Christianâ doctrinâ, cap. 8. Augustinus ita retrò acceperat à Concilio Carthagenensi III. quod alij Quartum, alij Sextum vocant. Carthagenense Concilium denique ab Innocentio I. Epist. 3. ad Exuperant. qui Innocentius vixit anno post Christum 402. Ex quo tempore inter Catholicos creditum est, eos omnes Scripturæ libros esse Canonicos, qui hodieque pro Catholicis censentur.

Secundò, Quo interni Spiritus sermone intelligit Lutherus, Iacobi Epistolam esse *stramineam*, Ioannis Apocalypsim *dubia esse auctoritatis*, Epistolam ad Hebræos *non esse Apostolicam*? Quas omnes interno quoque *κερτήρις* Calvinus iudicauit esse merum verbum Dei.

Tertiò, Quo interno *κερτήρις* Lutherus in Con-

uiual. tit. De Patriarchis & Prophetis, scribit, se non credere omnia ita esse gesta, ut narrantur in libro Job? Et tit. De libris veteris & noui Testamenti, librum Iob esse veluti fabula argumentum? Auctorem Libri qui Ecclesiastes dicitur, sibi videri ocreis & calcaribus destitutum, equitare tantum in foccis, quemadmodum ipse soleret, cum adhuc esset in cœnobio? Odisse se librum Esther, & cupere non extare. Librum Tobia esse poemam in quo de mulieribus agitur; multa in hoc libro stulta & ridicula contineri. Librum Iudith non esse Historiam, sed figmentum compositum ad imitationem Virgiliana Aeneidos, & Homerica Iliados. Ecclesiasticum esse concionatorem Legalem & Iuristam, non Prophetam, & nihil docere de Christo; esse librum sicut Thalmud ex variis libris collectum. Libros Regum precedere centum & mille cubitos scripta Paralipomenon. Quo, inquam, xetripw? An xetripw interno magistri sui, qui secum disputauit de Missa? an genij illius nocturni, quem Zwinglius nesciuit albûsne esset an ater?

Quartò, An non vera sunt de hisce à Luthero reiectis Scripturæ libris tria hæc Meisneri xetripw? Primò, contineri in ijs vaticinia de rebus post multa secula euenturis, quæ reipsâ iam euenerunt? Secundò, miraculis eorum doctrinam esse confirmatam? Tertio, eorum predicatione diuinos planè motus in hominum animis fuisse excitatos? An non vera item cetera Meisneri encomia, apparere in ijs Dei loquentis maiestatem, mysteriorum diuinitatem, visionum diuinarum admirandam varietatem, preceptorum sanctitatem, styli singularitatem, doctrina antiquitatem, mundi recipientis auctoritatem? &c.

Quintò, Brentius in Prolegomenis, & Kemnertius

tius in Exam. Concilij Tridentini fatentur, hanc Traditionem vnicam esse recipiendam, *Scripturam esse verbum Dei; neque aliter etiam constare posse qui libri sint Scriptura sacra vel non.* Ita verò docent apud Eusebium lib. 6. Serapion, cap. 10. Clemens Alexandrin. cap. 11. & Origenes cap. 18. *sine Traditione constare non posse qua sint Epistola Petri, quæ & quot sint Evangelia, nec plura esse quàm quatuor.* Augustinus verò disertè lib. 28. contra Faustum cap. 2. *Sicut ego credo illum librū esse Manichei, quoniam ex ipso tempore, quo Manichæus vivebat in carne, per discipulos eius certā successione prepositorum vestrorum ad nostra usque tempora custoditus atque perductus est; sic & tu istum librum crede esse Matthæi, quem ex illo tempore, quo Matthæus ipse in carne vixit, non interrupta serie temporum, Ecclesia certā connexionis successione usque ad tēpora ista perduxit.* Vnde apparet, sanctos Patres de Scripturā iudicasse non ex internis illis ~~scriptis~~, sed ex Traditione.

Sextò, Insufficiētia sunt hæc ~~verba~~ ad asserendam Scripturam. Nam Primò, vt faciamus Scripturam, tamquam nocturnā Ageriam quamdam, nouis istis Pompilijs Protestantibus ita clarè de se in aurem loqui, *Ego sum sacra Scriptura:* at quæ, obsecro, est illa Nympha, quæ ijs in aurem insufurrat, *Jacobi Epistola non est Scriptura? Quæ Sertorij cerua, Epistola ad Hebræos non est Scriptura? Quæ Mahumetis columba, Apocalypsis dubia est auctoritatis?* Quis verò contraria omnia immurmurat in aurem Caluino, *Hæc omnia sunt Scriptura?* An Scriptura iam vno ex ore calidum simul efflat & frigidum? Et aliud Caluinò, aliud fabulatur Luthero?

Secundò, Vnde constare potest, Scripturæ vaticinia impleta esse, nisi iterùm ex ipsâ Scripturâ? Si igitur Scripturam quis in dubium vocet, non magis credet vaticinia fuisse impleta, quàm fuisse prænuntiata.

Tertiò, Vnde sciet item quis, ea Scripturæ miracula esse vera, nisi ex Scripturâ? Si igitur Scripturam quis reiiciat, nec miraculis eius credet. Quod addit Meisnerus pag. 596. *Negari ista non posse, quia profana quoque Historia eorum faciant mentionem*; Primò est Scripturæ auctoritatem postponere Historiæ profanæ; Secundò est ab interno *κειμήλιω* recurrere ad testimonium externum.

Quartò, In Apocryphis quibusdam scriptis extant subinde quædam vera vaticinia & miracula iam reipsâ impleta, aut certè extare possent; possent item ciere pios animorum motus: non tamen inde sequeretur, ea scripta esse Scripturas. Denique si ex internis *κειμήλιis* iudicanda est Scriptura; non ergo Scriptura deinceps erit iudex controuersiarum, sed *κελήνη* illa interna ius dicent pro tribunali, depulsâ Scripturâ.

Secunda Lepsij Ratio.

Quia cum Scriptura vis non consistat in sono verborum, sed in sensu, qui est vita & anima Scriptura, possunt esse mille controuersie de sensu, quæ ex Scripturâ, semotâ Traditione & expositione Patrum, decidi non possunt.

Responsio Meisneri.

Pag. 597. *Contumeliosum hoc est in Deum, qui Scripturam eo fine dedit, ut voluntas eius ex ea à nobis*

nobis perspicuè cognosceretur, &c. Non adeò obscurum est Dei verbum, ut à nobis intelligi nequeat, &c. Sin autem quaras, unde verum Scriptura sensum habeamus, Respondeo, nequaquam ex nostro iudicio, sed ex clara litera, &c. ex ipsis perspicuis Scriptura verbis, quæ veri sensus infallibilia signa sunt.

Deinde adfert Meisnerus clara nonnulla varijs è libris Scripturæ dicta, quæ sine Doctore facile capi possint.

Refutatio.

Primò, Si in Deum contumeliosum est, Scripturam intelligi non posse semotà Traditione; etiam contumeliosum est, Scripturam intelligi non posse sine priuato illo spiritu: quia etsi priuatus ille Spiritus Protestantibus sit Spiritus ipse sanctus, Catholicis etiam Traditio est verbum Dei.

Secundò, Quædam Deus obscurioribus parabolarum nebulis inuoluit, ad comparandam ipsi Scripturæ auctoritatem, ut ne sine Doctore intelligeretur. Ita Dauid, qui vniuersam sui temporis Scripturam nouerat, orat tamen Psal. 118. *Revela oculos meos, & considerabo mirabilia de Lege tuâ.* Ita Deus ipsis discipulis interpretatus est Scripturas, Luc. ult. cap. Et Philippo interroganti Act. 8. *Putas, intelligis quæ legis?* respondit Eunuchus: *Et quomodo possum, nisi aliquis ostenderit mihi?*

Tertiò, Non alio utar quàm Lutheri testimonio, quod Meisnero esse debet grauiissimum. Ita scribit Lutherus Præfat. in Psalmos: *Scio esse impudentissimæ temeritatis eum, qui audeat profiteri, unum Scripturæ librum à se in omnibus partibus intellectum. Id quod quàm verum sit, facile esset sexcentis etiam Scriptura-*

pturarum obscurissimarum exemplis demonstrare?

Quartò, Quomodo verus sensus Scripturæ semper accersitur ex clarâ literâ, cum litera seu sensus literalis sæpè sit obscurissimus?

Quintò, Quomodo sensus ex literâ? cum pagina. 597. scribât, ex internis rebus apparere, nihil Scripturæ additum, nihil detractum. Estne litera, quam hîc vocat, *signum sensus, internum rebus?*

Tertia Leshj Ratio.

Quia Scriptura contrariis dogmatibus & Religionibus aequè potest accommodari, &c. Lutherani enim dicunt se Scripturâ nisi, similiter Calvinistæ, tantumdem & Anabaptistæ.

Responsio utriusque.

Meisnerus pag. 606. Nos cum sanctis & Orthodoxis Patribus respondemus, Scripturam manere clarâ, & sufficientem fidei normam, etiamsi eâ hæretici abutantur. In litibus publicis allegantur Leges utrimque, & tamē norma iudicij non est alia quàm Lex scripta, &c. Denique miramur, cur Pontificij sua ex Scripturis dogmata demonstrare non desinant, si omnis illa regula non sit idonea, quæ ab alijs aliter accommodatur, &c. Distinguant igitur inter veram & apparentem Scripturæ accommodationē. Illa solis Orthodoxis est propria, hac verò hæreticis communis, quorum fraus ex diligenti textus consideratione facile fiet obuia.

Brandius pag. 167. Sacra Scriptura contrariis dogmatibus & Religionibus non equali iure accommodatur (etsi equali factò:) ipsa enim se à violentis sui usurpatoribus vendicat.

Re-

Refutatio.

Primò, Nullus Patrum solam Scripturam fecit sufficientem credendi normam, eâque re non vnus Patrum à Meisnero testis laudari etiam potuit.

Secundò, Manifestus stupor est Meisneri, affirmantis solam Legem scriptam esse iudicij normam, quando eadem aliqua Lex allegatur à partibus aduersis: tum enim, nisi Iudex Legem pro alterâ parte interpretaretur, numquam cessaret controuersia. Adeoque ipsemet infra pag. 610. huic suo stupori contradicit in hæc verba: *In foro qui litigant, non possunt pro se solas allegare Leges, sed necesse est ut vtraque pars vnum eligat iudicem.* Quomodo igitur hîc ait, solam Legem scriptam esse iudicij normam?

Tertiò, Nihil mirum, obiici à Catholicis Scripturam, etiamsi credant eam solam non sufficere pro normâ omnium credendorum; quia docent eam saltem sufficere in multis, cum nempe & omnino clara est, & ab omnibus eodem modo explicatur. Cur verò tum eâ non vterentur? Deinde Scripturæ coniungunt consensum interpretum sanctorum. Cur eam abiicerent?

Quartò, Hoc ipsum in quæstione est, quomodo ex solâ Scripturâ constare possit, verè & non apparenter eam à diuersis ad contraria dogmata accommodari: quomodo se ipsa vindicet à violentis vsurpatoribus: quomodo id pateat ex diligenti consideratione ipsius textus; cum vociferentur omnes, se textum

Nocturnâ versasse manu, versasse diurnâ.

Quar-

Quarta Lefſij Ratio.

Quia Scriptura (ſepoſitâ Eccleſiæ & Patrum expoſitione) ſemper ita fert ſententiam, ut non poſſit liquidò utrique parti conſtare, utri parti faueat. Atqui index, qui ita ſemper ferret ſententiam, ut neutri parti conſtares, utri litem adiudicaret, omnium iudicio eſſet index inidoneus. Ergo ridiculum eſt, ſolam Scripturam conſtituere indicem.

Reſponſio Meiſneri.

Pag. 608. *Antecedens fallit. Sic enim perſpicuè loquitur Scriptura in articulis fidei, ut heterodoxis liquidò conſtet, vel certè conſtare poſſit, ſe eſſe damnatos. Pag. 609. Aut ergo loquitur [Lefſius] de notiâ iudicij, aut de ſilentio indicatorum. Notitiâ quod attinet, ſciunt ſua dogmata à noſtratibus ex Scripturis eſſe diiudicata. Si dicant ſe noſtros non agnoſcere indices; ſtatim retorqueo, neque nos Pontificem agnoſcere indicem, &c. Vnde apparet, numquam in hoc mundo ſic hæreſes diiudicari, ut hæretici ad ſilentium adigantur.*

Refutatio.

At Primò, Negant id ſibi conſtare omnes heterodoxi, quibus in hac parte credendum eſt. Neque enim poteſt Meiſnero conſtare, an Caluiſtæ & Anabaptiſtæ iudicent verè ſe damnatos allatis contra ſe à Lutherano quopiam Scripturæ testimoniis, niſi priuato ſuo ſpiritu id etiam odorentur. Deinde, Idem affirmant Caluiſtæ de Lutheranis, idem Anabaptiſtæ de utriſque. Ecquis igitur tandem erit controuerſiæ finis, clamantibus

bus singulis, aduersarios suos scire se esse conuictos & damnatos? Denique quod dicit, eo se iure non agnoscere Pontificem iudicem, quo iure Catholici reiiciunt iudicium Lutheranorum; eodem iure facit, ac si fures dicerent, se nec iudicari nec suspendi velle à Magistratu.

Quinta Lessij ratio, à simili.

Qui Scripturam solam iudicem faciunt, eo ipso indicant, se nullum iudicem admittere prater iudicium suum priuatum. Perinde enim faciunt, atque si Titius & Caius litem civilem habentes, nollent alium iudicem quàm Codicem Iustiniani cum Pandectis, seposità Doëtorum interpretatione: & Titius pro suo iure produëtâ unâ aliquâ Lege, affirmaret per eam manifestè causam sibi adiudicari; Caius verò negaret: similiter, Caius allegatâ Lege, diceret clarum esse eam Legem sibi fanere, Titius verò negaret; & ita ambo causâ indecisâ discederent. Nōne res esset ridicula, omnesq̃ue dicerent, neutrum admittere alium iudicem quàm iudicium proprium?

Responsio utriusque.

Meisnerus pag. 610. *Similitudo Lessiana planè inepta est, cum longè alia sit ratio iudicis Politici, & alia Ecclesiastici. In foro qui litigant, non possunt pro se solas Leges allegare, sed necesse est ut utraque pars vnum eligat iudicem, cuius sententiam velint amplecti, & non amplius prouocare. Si qui ergo immorigeri sunt, hi à Magistratu coguntur ut acquiescant. In Ecclesiâ verò talis decisio coactiua non habet locum, sed datur tantum discretiua. Vnde fit, ut licet Doëtores Orthodoxi veritatem ex Scripturis*
aperiè

apertè dēmonstrent, reliqui tamen iudicium illud recipere nolint.

Brandius pag. 167. *Multò alia hīc est ratio, quàm in Iurisprudentiā aut aliā facultate humanitus dictatā.*

Refutatio.

Longè ineptissima est Meisneri solutio: quia ut faciamus ita esse, statuamusque in Ecclesiastico foro solam esse potestatem discretivam (quod falsissimum est) valet nihilominus æquè Argumentum Lessij à similitudine fori Politici ductum. Quemadmodum enim in foro Politico ex solis Legibus scriptis discerni non potest, quæ pars æquum postulet, quæ iniquum; ita nec in foro Ecclesiastico discerni potest ex solâ Scripturâ, quæ pars verum, quæ falsum dicat. Igitur quemadmodum iure rideretur is, qui ex solâ Lege scriptâ, sine alio iudice, vellet iudicium postulare; ita meritò quoque rideretur, qui ex solâ Scripturâ, sine alio iudice, vellet de fide controuersias decidi. Apparet igitur, hanc Meisneri distinctionem (præterquam quòd falsa sit) nec in loco nec in tempore esse allatam. Nam qualis, oro, est hæc ratiocinatio: In foro Ecclesiastico cogi non possunt sicut in foro Politico qui iudici non acquiescunt; Igitur non faciunt ridiculè, qui talem iudicem statuunt in rebus fidei, qui neutri parti apertè adiudicet vel ab iudicet litem? Hoc enim agebatur.

Denique quæ sit illa diuersa ratio inter fidei & Iurisprudentiæ iudicia, non indicat Brandius, quare nec responsum aliud auferet.

Sexta Lessij Ratio, ab experientia.

Quam non sufficiat ista credendi regula, indicat ipsa experientia. Nam videmus, nullum apud eos esse finem controuersiarum, etiam de grauissimis fidei capitibus. Dissentiunt enim Lutherani, Calvinista, & Anabaptista. Dissentiunt ipsi Lutherani tum inter se, tum à Lutherò; adeo ut hoc tempore numerentur tredecim præcipuæ Lutheranorum sectæ, &c. Dissentiunt inter se Calvinista maxime in articulo De capite Ecclesiæ, &c. Dissentiunt inter se Anabaptista, ita ut quatuor eorum diuersæ sectæ numerentur, nominibus & dogmatibus distinctæ.

Responsio Meisneri.

Pag. 612. Imaginatur sibi Iesuita, controuersias coactione terminandas esse, ut nulli supersint dissentientes. Deinde lubenter audirem, quæ sunt illæ tredecim sectæ.

Nobis Lutheranus non est, nisi qui Augustanæ Cōfessioni illi inuariata, quæ anno 1530. Carolo V. exhibita, & in Formulâ Concordiæ repetita & explicata est, sincero animo subscribit. Quæ cum in se sit una, nulla inter nos sunt sectæ.

Refutatio.

Primò, Nihil tale sibi Lessius imaginatur, neque etiam imaginari habuit opus: quia ne quidem discerni potest ex solâ Scripturâ, à quorum parte veritas, à quorum stet falsitas, priusquam ad coactionem veniatur.

Secundò, Tredecim illæ sectæ censentur hisce

nominiſibus apud Iudocum Coccium lib. 8. De ſignis Eccleſiæ: 1. Antinomi: 2. Oſiandrini: 3. Stanc-kariani: 4. Maioriſtæ: 5. Amsdorſiani: 6. Synergiſtæ: 7. Flacciani: 8. Adiaphoriſtæ: 9. Subſtantiarij: 10. Accidentarij: 11. Pfeffingeri: 12. Muſculani: 13. Vbiquiſtæ. Vt verò etiam liberalis ſim, addam prætereà ex Hiſtoriâ Florimundi Ræmundi, qui ad ducenta ferè ſcribit adnotata à Pantaleone, Funcchio, & Lauatero, hæreſis nata poſt Lutherum monſtra.

Sunt *Lutherani Rigidi*, ſeu *Stoici*, quorum principes Matthias Flaccius Illyricus, Nicolaus Gallus, Merlinus, Amsdorffius, per Saxoniam ſparſi, Magdeburgi, Brunſwici, & Lübeckæ.

Lutherani Molles, ſparſi per Miſniam & Franconiam, Norimbergæ, Vlmæ, &c.

Interimiſta duplicis generis, duobus ferè ante Lutheri mortem annis nati.

Adamitæ, Adamo Paſtore duce renati denuò poſt S. Athanaſij tempora primùm ſub Zifcâ, deinde anno 1535. in Hollandiâ. Horum ſe conuenticula Kemnitius quoque Antuerpiæ viſiſſe memorat anno 1581. tempore rebellionis. Nudi conueniunt. Abi pudor! Scribit Alanus Dialogo 6. ex his puellam quamdam inueſtem prædiſſe in publicum, reſpondiſſeque (cùm veſtis offerretur tegendo pudori) non aliâ ſe veſte vti velle, atque eâ quam acceperat à ſponſo ſuo Chriſto.

Orebite, qui æternam Chriſti filiationem negant, & Moyſis reditum expectant.

Sabbatary, qui Dominici diei loco Sabbathum colunt; quòd huius in Scripturâ ſit mentio, nulla verò illius.

Clan-

Clanculary, qui docent, fidem corde non ore esse profitendam.

Dauidista, anno 1544. in Frisiâ nati, auctore Dauide Georgio Hollando, histrionis filio.

Mennonista, patre Mennone orti, quem sibi notum fuisse Lindanus scribit, docuerunt, Christum non esse Filium Dei.

Tritheista, propagatore Georgio Paulo in Lithuaniâ & Poloniâ, qui Symbolum Athanasij vocabant *Satanasij*.

Antitrinitarij, auctore Serueto, per Poloniam, Morauiam, Lithuaniam dissipati.

Antimariani, à Steinbergero Melanchthonis discipulo in Morauia suscitati.

Infernales, qui infernum non aliud esse docebant, quàm sepulchrum, & huc tantùm descendisse Christum.

Boquiniani deinde, à Boquino dicti, qui docebat, Christum passum non pro improbis, sed pro solis fidelibus mortuum.

Hutiste, à quodam Ioanne Hut. Hi quotidie extremum iudicij diem fore credunt, vt Iudæi quotidie expectant suum Messiam.

Inuisibiles, ita dicti quòd assererent Ecclesiam esse inuisibilem.

Quintinista, à Quintino quodam Picardo sartore, qui Libertinorum primus fuit auctor.

Amoris familia, ab Henrico Nicolai Hollando instituta, mox per Angliam propagata.

Effrontes, dicti quòd frontem ad sanguinis usque fluxum radant, ac tum oleo vngant, credentes ita se baptizari, vt testatur Erasmus.

Valentinista, à Valentino Gentili dicti, qui

negant tres esse in essentiâ personas, &c.

Hofmannista, qui docent, hominem in gratiâ receptû, & suâ culpâ in peccatum relapsû, saluari nō posse: à quodâ Melchiorre Hofmâno appellati.

Fraticelli, aliàs, *Iesu Christi Infantes*, qui brutorum more, extinctis luminibus, corpora nullo discrimine miscent.

Semilutherani, Antilutherani, Luthero-Osiandri- ni, Luthero-Zwingliani, Luthero-Caluiniani, Luthero-Papista, Mansfeldiani, Heshusiani, Lipsenses.

Swenckfeldiani, dicti à Gaspare Swenckfeld, quem Lutherus Stinckfeld solebat ioco appellare, omnem Scripturæ auctoritatem abrogabant.

Spirituales, solâ meditatione dicebant esse opus ad salutem, relicientes omnia Sacramenta.

Anabaptista, ex Luthero item varij. *Puri*, nempe qui se peccato carere credunt. *Impuri*, qui polygamiâ vtuntur. *Tacentes, Separati, Precantes, Rapti, Liberi*, alijsque id genus; vt non iniuriâ admirandus rogauerit Lutherus: *Quid hoc esse dicam? Vix unum os diaboli obturo, & ecce decem ille alia aperit!*

Tertiò, Si nullus Lutheranus est, nisi qui subscribit Augustanæ Confessioni exhibitæ Carolo V. anno 1530. igitur Lutherus ipse non fuit Lutheranus. Nam Lutherus, præterquam quod pluribus locis suprâ citatis ostensus sit aliter sensisse, quàm Confessio illa prima Augustana; solo libro De libertate Christianâ scribit has sex propositiones, omnino repugnantes articul. 6. Confessionis primæ Augustanæ. Prima est, *Fides sola est salutaris & efficax vsus verbi*. Secunda, *Verbum Dei nullis operibus, sed solâ fide suscipi, & coli potest.*

Ter-

Tertia, *Fides est brevis & consummata plenitudo legis.* Quarta, *Sola fides sine operibus iustificat, liberat, & saluat.* Quinta, *Sola fides sufficit ad salutem.* Sexta, *Nulla res tam mala, quæ non in bonum mihi cooperetur, si modò credidero.* Nec Philippus Melancthon Lutheranus fuerit, qui, Musculo teste, primam illam Augustanam Confessionem duodecies refabricauit. Nec vllus ferè iam supererit Lutheranus; quia vix vllus iam sequitur primam illam Confessionem Augustanam. Adeoque Fredericus Staphylus in Trimembri Epitome Theologiæ Lutheraniæ Wormatiæ durante Colloquio exhibitâ, inter solos Confessionistas numerat omnino sectas viginti, triûm factionum nomine dimicantes, *Rigidorum, Mollium, & Recalcitrantium.*

Brandij responsio.

Pag. 167. *Aio, Protestantes inter se nihil dissentire in iis quæ ad fidei & Religionis fundamenta pertinent. Quæ Lessius producit, non sunt fundamentalia, &c. Anabaptistas non moramur.*

Refutatio.

Quàm inter se fraterculi illi Protestantes soleant *ad se ipsos* & Doricè concinere, domesticis tantùm Protestantium testibus comprobabo, etiam si id abundè præstitum sit ab Andreâ Iurgiewiczio, in Bello quinti Euangelij, quod ille cruditissimè descripsit aduersus laruatam Harmoniam Geneuensem, & Consensum Sendomiriensem.

Itaque Stanckarus in Opusculis Cracouiæ editis anno 1562. Præfat. lib. De Trinitate; *Tigurini & Geneuenses Arrianam, Eutychianam, Apollinistam,*

rum, Timotheianorum, Acephalorū, Theodosianorum, Gaianitarum, & Macarianorum hareses pro fide Catholicā ad vos [Poloni] miserunt. Infra verò ad Stanislaum Stadnitski: Verū quoniam Tigurini & Geneuenses, cū sint publici & manifesti haretici, & non semel scriptis & epistolis suis seduxerunt Polonos tuos.

Idem in Epilogo lib. de Trinit. & Incarnatione ita scribit de Melanchthone: *Sed quis fōdam & hereticam illius Antichristi Septemtrionis recensere doctrinam possit? Non enim in his sanctorum articulis, de Trinitate, & Mediatore; sed & de Sacramentis, & alijs quoque, impiissimè scripsit.*

Ibidem de Caluino: *Came, Lector Christiane, & maxime vos Ministri omnes verbi Dei à libris Ioannis Caluini caute, & praesertim in articulo de Trinitate, Incarnatione, Mediatore, de Sacramento Baptismatis, de Praescientiā, & Praedestinatione; quia falsam & prauam doctrinam habent.*

Tigurini Tract. 3, contra ultimam Confessionem Lutheri, edito anno 1545. *Lutherus prapotentī Deo, & omni eius honori renuntiavit, dum nos condemnatam & execrabilem vocat sectam. At ipsius videat, ne hac iracundā & impiā oratione sua seipsum condemnet, haesiarchamque se declaret.*

Ioannes Pappus Lutheranus in Responsione ad Antipappum Sturtmij: *Hi ipsi errores, quos in Ecclesiarum [Zwinglianarum & Calvinianarum] Doctoribus reprehendimus, non ita leues sunt, quam ipsi toti mundo persuadere conantur, &c. Errorem suum pertinaciter propugnando eò progressi sunt, ut non paucos neque postremos doctrina Christiana articulos in dubium vocarint.*

Con-

Conrardus Schluffelburgius in Præfat. Apologia pro defensione libri Concordiæ: Calvinista, & ipsorum patroni, existimant nos cum ipsis de rebus leuiculis disceptare: sed D. Lutherus, & nostrarum Ecclesiarum Doctores testantur, certamen hoc esse de fundamento; & res ipsa hoc loquitur, &c. Imò ipsimet Sacramentarij interdum fateri coguntur, hanc disputationem pertinere ad fundamentum. Sic enim Curreus in Exegesi Sacramentariâ pag. 91. scribit: Verè controuersia est de fundamento; videlicet de duobus articulis fidei, Primò, de Articulo qui docet in Christo unitas esse duas naturas; Secundò, de articulo, Ascendit in calum.

Osiander in Confutatione Philippi scribit, de solâ iustificatione secundùm Scripturas versari viginti diuersissimas sententiâs inter solos Confessionistas.

Ioannes Wigandus lib. De erroribus Georgij Maioris: Non sunt lana, neque linû, de quibus hic disceptatur; sed de granissimis Christiana fidei capitibus.

Nicolaus Gallus in Thesibus & hypothesibus: Sunt inter nos non de leuibus rebus dissensiones, sed de Lege & Euangelio, de iustificatione & bonis operibus, de Sacramentis & usu carimoniarum.

Iacobus Andree lib. De maiestate hominis Christi: Nō ampliùs aut certè parû de verbis Cœnæ litigatur, sed his ipsis fidei articulis, qui sunt de incarnatione Verbi, & sessione Christi hominis ad dexteram Dei.

Nicolaus Selneckerus ad Psal. 131. De publicâ discordiâ in Ecclesiâ [Lutheranâ] non est quòd interroges. Loquor autem non de eâ discordiâ, qua nobis necessariò de fidei doctrinâ cum Papiſtis atque alijs hæreticis intercedit, sed de eâ que inter nos ipsos est, qui puram habere nos Euangelij doctrinam gloria-

*mur. Mota enim sunt certamina atque rixa de rebus
adiaphoris, de bonis operibus, de institiâ coram Deo,
de libero arbitrio, de præsentiâ & participatione Cor-
poris & Sanguinis Christi in Cænâ, de humanitate
Christi, de eius ascensione, de sessione ad dexteram Dei,
de ubiqnitate, de quæ rebus aliis; ubi rixandi atque con-
tendendi neque finis est, neque ullus modus. Quæ om-
nia testimonia lubet concludere faceto carmine
apud Iurgiewiczium Bello Euangelico præfixo:*

Ridiculum! Quid? Amicitias & fœdus inisse

Quinti Euangelij fert vaga fama greges.

Idio Gebennenses, Calvinica Lerna, Ministri

Famam putidulis hanc aluere strophis.

Verba dabant rudibus, secum sentire Lutheri

Agmina; litigijam superesse nihil.

Quin etiam scriptis hac vulgauere libellis,

Atque recompositâ nequiter Harmoniâ.

Harmoniam ingeminât: verum est symphonia discors,

Ac fide disparili luditur vna Fides.

Harmoniâ genita memorantur Amazones olim,

Pugna quibus cordi seditioque fuit:

Harmoniam Venus ac Mauors genuisse feruntur:

Illa voluptatis, litis hic auctor erat:

In Calvinilogis Venus, & male suada voluptas,

Lis, inimicitia, bella, furorque fremunt.

Itis an inficias? Nimis, ah! nimis impia cunctis

Vestra tot orbigenis ausa nefanda patent:

Ausa, Lutheranis odiosa gregalibus ipsis,

Quos trahere inuitos vultis in Harmoniam.

Harmoniam at vestram cane peius & angue perosi

Toto auersantur pectore, voce, stylo.

En quibus elogiis illi vos, en quibus ornant

Lædoriis: porcos vos asinosque vocant.

Estis

*Estis eis calui scurra, duplicesque latrones
 Corporis atque anima, tartarei que canes.
 Suvermeri quoque mendaces, mendacium & ipsum,
 Momt, Epicurèi, scorta, sophista, athei,
 Teutonici Turca, tincti Baptismatis undâ
 Judai, Turcis impia secta magis;
 Undique & obsessi, supra, infra, antè, intus & extrâ
 *Damonibus, qui vos vestraque cuncta regant.
 Inunc, Harmoniam simulataque fœdera iactes
 Cum Lutheri sequâ, blenna Gebenna, manu.
 Et hæc omnia dissidia non pluris æstimat Brandius,
 quàm litem aliquam de tribus capellis
 aut lanâ caprinâ. Nimirum Pelagij & Cælestij
 hæreticorum exemplo, de quibus Augustinus
 lib. 2. contra Pelagium cap. 22. & 23. Volentes hæ-
 rescos astute invidiam declinare, asserunt istam præter
 fidei periculum esse questionem; ut videlicet, si in eâ
 fuerint exorbitasse conviçti, non criminaliter, sed quasi
 civiliter errasse videantur. Planè ita ad amussim
 Beza, qui dogmata duo gravissima, alterum de
 manducatione reali Sacramenti, alterum de spiri-
 tuali, vocat duos pilos caudæ equinæ. Dogma
 denique de maiestate Filij hominis, satanæ excre-
 mentum.*

*Addo huic disputationi, prætermissum supra
 Argumentum Consideratione octavâ, quod hu-
 iusmodi erat: Hæretici diversis locis de eâdem re
 scribentes, vix umquam consensuunt, sed in pluri-
 mas sententias distrabuntur, quia semel à veritate
 recesserunt.*

Responsio prima Meisneri.

Pag. 344. Si accusasse suffecerit, qui innoxens erit?

A a 5

Re-

Refutatio.

Si negasse suffecerit, quis nocens erit?

Responsio secunda. Meisneri.

Ibidem : *De triplici concordantiâ fidei iure gloriari possumus, Canonicâ, Ecclesiasticâ, intrinsecâ. Canonicâ, quia doctrina nostra in omnibus convenit cum Canonicis Prophetarum & Apostolorum scriptis, Ecclesiasticâ, quia cum antiquis purioribus Ecclesiæ Doctõribus & sanctis Patribus convenimus. Intrinsecâ, quia convenimus inter nos.*

Refutatio.

Primò, De Canonicâ concordîâ suprà responsum, cum etiam Canonicas Scripturas à Luthero & Caluino mutilatas ostendimus: tantum abest ut cum ijs eorum doctrina conveniret.

Secundò, Ecclesiastica concordia cum sanctis Patribus & Lutheranis intercedere non potest. Primò, Quia, ut ipsi fatentur, ea ipsa quæ nunc nos in Ecclesiâ Catholicâ tenemus pleraque ut fidei capita, Lutherani & Calvinistæ dicunt esse antiquorum nævos, & nostras hæreses, in iisque se à Patribus & nobis dissidere. Huiusmodi autem capita recensentur viginti à Cardinale Bellarmino lib. 4. De notis Ecclesiæ cap. 9.

Tertiò, Quia Lutherus ipse fatetur non semel, suam se doctrinam non ex libris Patrû sumpsisse, sed nunc à Deo immediatè, nunc à diabolo, nunc à Papâ, quem à Patribus antiquis plus nocte distare vociferatur Tom. 1. Germ. Ienensi, in Præfat. *Nullus Doctõr iam inde ab Apostolicis temporibus*

bus præcipuos fidei [Lutheranicæ] articulos tam perspicuè ex Sacris litteris probauit, confirmauit, & fundauit, quàm ego feci. Tom. 2. Germ. Ienenfi, De præcipuâ summâ mandati Dei : Ego neminem scio, qui de fide & operibus rectè indicare potuerit, exceptis Apostolis. In ceteris libris, quotquot sunt, nequaquam id inuenitur. Ioannes item Wigandus Lutheranus, in Admonitione De bonis Germaniæ, editâ 1566. pag. 20. In confesso est, totum corpus doctrinæ celestis simpliciter, dilucidè, propriè, dextrè erutum & traditum esse à Theologis Germaniæ, quale in omnium Patrum scriptis post Apostolos nullum inuenitur. Corpus autem doctrinæ appello singulorum articulorum ex Scripturis haustam explicationem.

Quartò, Nec inter Lutheranos & Caluinistas simul inuenitur vlla intrinseca mutua concordia, nec etiam inter Lutheranos solos, aut Caluinistas solos.

Primò, Lutherani Caluinistas, & Caluinistæ Lutheranos vt hæreticos damnant. Lutherus apud Gretserum lib. 1. contra Goldastum cap. 12. *Caluinistæ, inquit, sunt fanatici, progenies viperina, animicidæ, impij, blasphemæ, deceptores, sanguinarij, infernales molossi, Germanici Turcæ, à satanâ missi & obfessi, Mahumetani baptizati, perdiabolati, transdiabolati, superdiabolati.*

Calvinus iam antè à me citatus, æquè illustribus titulis ornat Lutheranos. Non est ergo mutua vlla inter Caluinistas & Lutheranos concordia.

Secundò, Lutherani sese mutuò mutuis scriptis lacerant, & Caluinistæ Caluinistas damnant, etiam circa præcipua fidei suæ capita; adeoque sub eodem communi Lutheranorum & Caluinista-

rum

rum nomine, diuersa habent nomina sectarum. verbi gratiâ, Lutheranorum alij sunt Antinomi, qui Legem Dei reiciunt. Alij Osiandri, qui docent homines solâ essentiali iustitiâ Dei iis inhabitante fieri iustos. Alij Stanckariani, qui duas Christo hypostasies cum Nestorio assignât. Alij Maioristæ, qui bona opera volunt ad salutem necessaria. Alij Amfdorfiani, qui docent, bona opera saluti esse perniciofa. Alij Sinergitæ, qui liberam voluntati humanæ dant cum Deo cooperationem. Alij Flacciani, qui seruituti & ineuitali necessitati mancipant voluntatem. Alij Adia-phoristæ, qui externos multos Catholicos ritus in sacro vestitu, & cereorum luminibus retinent. Alij Substantiarij, qui peccatum originis faciunt ipsam hominis substantiam. Alij Accidentarij, qui originis peccatum faciunt accidens. Alij Pfef-fingeri, qui docent cum Pelagio, solius naturæ viribus hominem posse obedire Spiritui sancto. Alij Musculani, qui Christum vtraque naturâ passum esse in cruce dicunt & mortuum. Alij denique Vbiquistæ, qui humanam Christi naturam tam faciunt vbique esse quàm diuinam.

Caluinistarum verò alij Puritani, alij Brunistæ, alij Hugonotte, alij Piscatoriani, alij Arminiani, alij Gommaristæ, & id genus sectæ cōplures, quas libello De desperatâ Caluini causâ recenset Petrus Clutsemius. Hi omnes cùm Calvinistæ sint, alij omnes Lutherani sint, singuli tamē vno pluribus-que grauissimis fidei capitibus dissentiunt. Non habent ergo intrinsecam concordiam. Plura qui volet de Lutheranorum Calvinistarumque dissensionibus, adeat ad caput nonum libri De falsâ Ger-

Germaniæ pace, ab Adamo nostro Contz editi, vbi dissensionum capita numerantur 288.

Quintò, Impossibile est, inter solos Caluinistas aut Lutheranos solos concordiam esse, quia ipsimet eorum primi Apostoli fidem illis tradiderunt antilogiis plenam. Ac de Luthero id constat ex Cochläi libro, quem nominauit Lutherum Septicipitem, vbi Lutherus septies vnã eandemque rem affirmat & negat locis propè infinitis. De Caluino constat ex Syllabo 24. antilogiarum Caluini, quem Coccius collegit lib. De notis Ecclesiæ, ex antilogiis nouem, quas item in Caluino deprehendit Becanus noster, tit. 7. quæ est, *Caluinistarum*. Hinc enim necessariò fit, vt in contrarias partes abeant Caluinistæ & Lutherani, cum sibi sit contraria ipsa eorum doctrina, & ipsius fidei articuli capitales.

Iam verò, quòd scriptis libris sese mutuò configant, orbi notissimum est. Syllabo non paruo dentatas hæc chartas complexus est Coccius lib. 8. De Ecclesiæ signis, & Adamus noster Contz in Iubilo iubilorum.

Neque valet ratio Meisneri, quã adfert pag. 351. pro hac dissensionum varietate, *Lutheranismum tantum esse terminum, à quo, quemadmodum verã Ecclesiã, semper est id à quo deficiunt hæretici. Ex Orthodoxis exeunt quidem, Orthodoxi tamen non sunt: ideoque ipsorum apostasia non debet imputari Orthodoxia. & propterea dicimus cum Ioanne, Ex nobis prodierunt, sed ex nobis non fuerunt.* Non, inquam, valet hæc ratio. Primò, Quia omnes antagonistæ supradicti à Lutheranis ipsis & Caluinistis pro genuinis suis fratribus habentur. Neque Meis-

nerus

Luthero. Multi nostrum à Magistro Rorario, qui libros Lutheri edebat, audiuimus, aliquoties Lutherum conquestum de illâ crebrâ refusione Confessionis; atque ad ipsum Philippum dixisse: Philippè, liber iste non est tuus, sed Ecclesiæ; ideo non est tibi integrum toties mutare. Improbatur ac reiecit Lutherus veterem definitionem [liberi arbitrij,] Philippus probat. Lutherus inquit, hominem in conuersione nihil posse; hic dicit, aliquo modo. Negat Lutherus in nobis esse causam apprehensionis salutis, nisi Deus prius fidem dederit, hic affirmat. Vno Luthero, & in antiquis Locis rectius sentit, quàm in posterioribus. Superius aliquantò: Philippus adeo subinde eam mutare est ausus. Confessionem, ut tandem Sacramentariis fenestram aperuerit, quâ in eam irrepserunt. Id quod ita se habere, ipsa Caluini verba ostendunt, Admonitione vltimâ ad VVestphalum, editâ anno 1557. De Confessione Augustinâ sic respondeo, Verbulum in eâ, qualis Ratisbona edita fuit, non extare doctrinâ nostrâ contrariam.

Ex quibus certissimè videor mihi conficere, Primò, apud Lutheranos aut Calvinistas nullam esse posse internam concordiam, sed grauissimas doctrinæ dissensiones. Secundò, Nullam Ecclesiasticam concordiam, sed clarissimam à priscâ Ecclesiâ disunctionem. Tertiò, Nullam Canonicam concordiam, sed ipsorum Canonum violentam mutilationem.

Responsio Brandij.

Pag. 74. Vult Lessius scire quis se dogmatis illis nouis [Pontificiorum] opposuerit, &c. Ipsi Patres se omnibus iis opposuerunt. Credat igitur Lessius,
Papo-

Papo-Catholicam Religionem ab Apostolis non esse. Ut specimen exhibeam, urgebo ea ipsa capita, quorum Lessius mox meminerat, ac si Papistis de iis cum veteribus probe conveniret, & de plerisque tres testes producam.

Refutatio.

Primò, Ad omnia & singula testimonia; quæ in speciem pugnare cum Catholicis videntur, rescripsit Bellarminus singulis ferè libris, è quibus supellectilem suam ferè vniuersam Brandius sibi collegit: quò redire eum iubeo, ad spolia sua redhibenda Auctori.

Secundò, Pleraque testimonia omnino nihil faciunt ad eam rem probandam, ad quam sunt adducta.

Tertiò, Plerisque locis ex quibus ea testimonia petita sunt, sancti Patres manifestissimè id affirmant, quod scribit Brandius ab iis esse pernegatum. Ita magnâ fide Patrum sententias recensendas duxit.

Quartò, Ipsa testimonia, & verba à Brandio allata, frequenter sunt testimonia confirmantia ipsam doctrinam, quam ait per illa subuerti. Dabo specimen.

Testimonium à Brandio allatum contra Missa sacrificium.

Pag. 76. ex lib. S. Ambrosi. De offic. cap. 48. *Antè Agnus offerebatur, nunc Christus offertur; sed offertur quasi homo, quasi recipiens passionem; & offert se ipse quasi Sacerdos, ut peccata nostra dimittat: hic in imagine, ibi in veritate, ubi apud Patrem pro nobis quasi*

Bb

Ad-

negant tres esse in essentiâ personas, &c.

Hofmannista, qui docent, hominem in gratiâ receptû, & suâ culpâ in peccatum relapsû, saluari nō posse: à quodâ Melchiore Hofmāno appellati.

Fraticelli, aliàs, *Iesu Christi Infantes*, qui brutorum more, extinctis luminibus, corpora nullo discrimine miscent.

*Semilutherani, Antilutherani, Luthero-Osiandri-
ni, Luthero-Zwingliani, Luthero-Caluiniani, Lu-
thero-Papista, Mansfeldiani, Heshusiani, Lipsenses.*

Swenckfeldiani, dicti à Gaspare Swenckfeld, quem Lutherus Stinckfeld solebat ioco appellare, omnem Scripturæ auctoritatem abrogabant.

Spirituales, solâ meditatione dicebant esse opus ad salutem, reiicientes omnia Sacramenta.

Anabaptista, ex Luthero item varij. *Puri*, nempe qui se peccato carere credunt. *Impuri*, qui polygamiâ utuntur. *Tacentes, Separati, Precantes, Rapti, Liberi*, alijque id genus; ut non iniuriâ admirabundus rogauerit Lutherus: *Quid hoc esse dicam? Vix unum os diaboli obturo, & ecce decem ille alia aperit!*

Tertiò, Si nullus Lutheranus est, nisi qui subscribit Augustanæ Confessioni exhibitæ Carolo V. anno 1530. igitur Lutherus ipse non fuit Lutheranus. Nam Lutherus, præterquam quòd pluribus locis suprâ citatis ostensus sit aliter sensisse, quàm Confessio illa prima Augustana; solo libro De libertate Christianâ scribit has sex propositiones, omnino repugnantes articul. 6. Confessionis primæ Augustanæ. Prima est, *Fides sola est salutaris & efficax usus verbi*. Secunda, *Verbum Dei nullis operibus, sed solâ fide suscipi, & coli potest.*
Ter-

Tertia, *Fides est brevis & consummata plenitudo legis.* Quarta, *Sola fides sine operibus iustificat, liberat, & saluat.* Quinta, *Sola fides sufficit ad salutem.* Sexta, *Nulla res tam mala, quæ non in bonum mihi cooperetur, si modò credidero.* Nec Philippus Melancthon Lutheranus fuerit, qui, Musculo teste, primam illam Augustanam Confessionem duodecies refabricauit. Nec vllus ferè iam supererit Lutheranus; quia vix vllus iam sequitur primam illam Confessionem Augustanam. Adeoque Fredericus Staphylus in Trimembri Epitome Theologiæ Lutheraniæ Wormatiæ durante Colloquio exhibitâ, inter solos Confessionistas numerat omnino sectas viginti, triûm factionum nomine dimicantes, *Rigidorum, Mollium, & Recalcitrantium.*

Brandij responsio.

Pag. 167. *Aio, Protestantes inter se nihil dissentire in iis quæ ad fidei & Religionis fundamenta pertinent. Quæ Lessius producit, non sunt fundamentalia, &c. Anabaptistas non moramur.*

Refutatio.

Quàm inter se fraterculi illi Protestantes soleant *ἀδελφοῖς* & Doricè concinere, domesticis tantum Protestantium testibus comprobabo, etiam si id abundè præstitum sit ab Andreâ Iurgiewiczio, in Bello quinti Euangelij, quod ille cruditissimè descripsit aduersus laruatam Harmoniam Geneuensem, & Consensum Sendomiriensem.

Itaque Stanckarus in Opusculis Cracouiæ editis anno 1562. Præfat. lib. De Trinitate; *Tigurini & Geneuenses Arrianam, Eutychianam, Apollinistam,*

rum, Timotheianorum, Acephalorū, Theodosianorum, Gaianitarum, & Macarianorum hareses pro fide Catholicā ad vos [Poloni] miserunt. Infrā verò ad Stanislaum Stadnitski: Verū quoniam Tigurini & Geneuenses, cū sint publici & manifesti heretici, & non semel scriptis & epistolis suis seduxerunt Polonos tuos.

Idem in Epilogo lib. de Trinit. & Incarnatione ita scribit de Melanchthone: *Sed quis fōdam & hereticam illius Antichristi Septemtrionis recensere doctrinam possit? Non enim in his tantū articulis, de Trinitate, & Mediatore; sed & de Sacramentis, & alijs quoque, impiūsimè scripsit.*

Ibidem de Caluino: *Came, Lector Christiane, & maxime vos Ministri omnes verbi Dei à libris Ioannis Caluini caute, & praesertim in articulo de Trinitate, Incarnatione, Mediatore, de Sacramento Baptismatis, de Praesentiā, & Praedestinatione; quia falsam & prauam doctrinam habent.*

Tigurini Tract. 3, contra ultimam Confessionem Lutheri, edito anno 1545. *Lutherus prapotentī Deo, & omni eius honori renuntiavit, dum nos condemnatam & execrabilem vocat sectam. At ipsius videat, ne hac iracundā & impiā oratione sua seipsum condemnet, haresiarchamque se declaret.*

Ioannes Pappus Lutheranus in Responsione ad Antipappum Sturmiij: *Hi ipsi errores, quos in Ecclesiarum [Zwinglianarum & Calvinianarum] Doctoribus reprehendimus, non ita leues sunt, quam ipsi toti mundo persuadere conantur, &c. Errorem suum pertinaciter propugnando eò progressi sunt, ut non paucos neque postremos doctrinae Christianae articulos in dubiū vocarint.*

Con-

Conrardus Schlusselfurgius in Præfat. Apologia pro defensione libri Concordiæ: Calvinista, & ipsorum patroni, existimant nos cum ipsis de rebus leuiculis disceptare: sed D. Lutherus, & nostrarum Ecclesiarum Doctores testantur, certamen hoc esse de fundamento; & res ipsa hoc loquitur, &c. Imò ipsimet Sacramentarij interdum fateri coguntur, hanc disputationem pertinere ad fundamentum. Sic enim Curreus in Exegesi Sacramentariâ pag. 91. scribit: Verè controuersia est de fundamento; videlicet de duobus articulis fidei, Primo, de Articulo qui docet in Christo unitas esse duas naturas; Secundo, de articulo, Ascendit in calum.

Osiander in Confutatione Philippi scribit, de solâ iustificatione secundum Scripturas versari vixinti diuersissimas sententiâs inter solos Confessionistas.

Ioannes Wigandus lib. De erroribus Georgij Maioris: Non sunt lana, neque linû, de quibus hic disceptatur; sed de grauissimis Christiana fidei capitibus.

Nicolaus Gallus in Thesis & hyporthesis: Sunt inter nos non de leuibus rebus dissensiones, sed de Lege & Euangelio, de iustificatione & bonis operibus, de Sacramentis & usu carimoniarum.

Iacobus Andree lib. De maiestate hominis Christi: Nô ampliùs aut certè parû de verbis Cœnæ litigatur, sed his ipsis fidei articulis, qui sunt de incarnatione Verbi, & sessione Christi hominis ad dexteram Dei.

Nicolaus Selneckerus ad Psal. 131. De publicâ discordiâ in Ecclesiâ [Lutheranâ] non est quod interroges. Loquor autem non de eâ discordiâ, quæ nobis necessario de fidei doctrinâ cum Papiistis atque alijs hæreticis intercedit, sed de eâ quæ inter nos ipsos est, qui puram habere nos Euangelij doctrinam gloria-

*mur. Mota enim sunt certamina atque rixa de rebus
adiaphoris, de bonis operibus, de iustitiâ coram Deo,
de libero arbitrio, de presentiâ & participatione Cor-
poris & Sanguinis Christi in Cænâ, de humanitate
Christi, de eius ascensione, de sessione ad dexteram Dei,
de ubiquitate, deque rebus aliis; ubi rixandi atque con-
tendendi neque finis est, neque ullus modus. Quæ om-
nia testimonia lubet concludere faceto carmine
apud Iurgiewiczium Bello Euangelico præfixo:*

Ridiculum! Quid? Amicitias & fœdus inisse

Quinti Euangelij fert vaga fama greges.

Imò Gebennenses, Calvinica Lerna, Ministri

Famam putidulis hanc alnere strophis.

Verba dabant rudibus, secum sentire Lutheri

Agmina; litigijam superesse nihil.

Quin etiam scriptis hac vulganere libellis,

Atque recompositâ nequiter Harmoniâ.

Harmoniam ingeminât: verum est symphonia discors,

Ac fide disparili luditur una Fides.

Harmoniâ genita memorantur Amazones olim,

Pugna quibus cordi seditioque fuit:

Harmoniam Venus ac Maiores genuisse feruntur:

Illâ voluptatis, litis hic auctor erat:

In Calvinilogis Venus, & male suada voluptas,

Lis, inimicitia, bella, furorque fremunt.

Itis an inficias? Nimis, ah! nimis impia cunctis

Vestra tot orbigenis ausa nefanda patent:

Ausa, Lutheranis odiosa gregalibus ipsis,

Quos trahere inuitos vultis in Harmoniam.

Harmoniam at vestram cane peius & angue perosi.

Toto auersantur pectore, voce, stylo.

En quibus elogiis illi vos, en quibus ornant

Lædoriis: porcos vos asinosque vocant.

Estis

*Estis eis calui scurra, duplicesque latrones
 Corporis atque anima, tartarei que canes.
 Suvermeri quoque mendaces, mendacium & ipsum,
 Momt, Epicurèi, scorta, sophista, athei,
 Teutonici Turca, tincti Baptismatis undâ
 Judai, Turcis impia secta magis;
 Undique & obsessi, supra, infra, antè, intus & extrâ
 *Damonibus, qui vos vestraque cuncta regant.
 Inunc, Harmoniam simulataque fœdera iactes
 Cum Lutheri sequâ, blenna Gebenna, manu.
 Et hæc omnia dissidia non pluris æstimat Brandius,
 quàm litem aliquam de tribus capellis
 aut lanâ caprinâ. Nimirum Pelagij & Cælestij
 hæreticorum exemplo, de quibus Augustinus
 lib. 2. contra Pelagium cap. 22. & 23. Volentes hæ-
 rescos astute invidiam declinare, asserunt istam præter
 fidei periculum esse questionem; ut videlicet, si in eâ
 fuerint exorbitasse conuicti, non criminaliter, sed quasi
 civiliter errasse videantur. Planè ita ad amussim
 Beza, qui dogmata duo grauissima, alterum de
 manducatione reali Sacramenti, alterum de spiri-
 tuali, vocat duos pilos caudæ equinæ. Dogma
 denique de maiestate Filij hominis, satanæ excre-
 mentum.*

*Addo huic disputationi, prætermissum supra
 Argumentum Consideratione octauâ, quod hu-
 iusmodi erat: Hæretici diuersis locis de eâdem re
 scribentes, vix umquam consensuunt, sed in pluri-
 mas sententias distrabuntur, quia semel à veritate
 recesserunt.*

Responsio prima Meisneri.

Pag. 344. Si accusasse suffecerit, qui innoxens erit?

A a 5

Re-

Refutatio.

Si negasse suffecerit, quis nocens erit?

Responsio secunda Meisneri.

Ibidem : *De triplici concordantiâ fidei iure gloriari possumus, Canonicâ, Ecclesiasticâ, intrinsecâ. Canonicâ, quia doctrina nostra in omnibus convenit cum Canonicis Prophetarum & Apostolorum scriptis, Ecclesiasticâ, quia cum antiquis purioribus Ecclesiæ Doctõribus & sanctis Patribus convenimus. Intrinsecâ, quia convenimus inter nos.*

Refutatio.

Primò, De Canonicâ concordîâ suprà responsum, cum etiam Canonicas Scripturas à Luthero & Caluino mutilatas ostendimus: tantum abest ut cum ijs eorum doctrina conveniret.

Secundò, Ecclesiastica concordia cum sanctis Patribus & Lutheranis intercedere non potest. Primò, Quia, ut ipsi fatentur, ea ipsa quæ nunc nos in Ecclesiâ Catholicâ tenemus pleraque ut fidei capita, Lutherani & Calvinistæ dicunt esse antiquorum nauos, & nostras hæreses, in iisque se à Patribus & nobis dissidere. Huiusmodi autem capita recensentur viginti à Cardinale Bellarmino lib. 4. De notis Ecclesiæ cap. 9.

Tertiò, Quia Lutherus ipse fatetur non semel, suam se doctrinam non ex libris Patrû sumpsisse, sed nunc à Deo immediatè, nunc à diabolo, nunc à Papatu, quem à Patribus antiquis plus nocte distare vociferatur Tom. 1. Germ. Ienensi, in Præfat. Nullus Doctõr iam inde ab Apostolicis temporibus

buz

bus præcipuos fidei [Lutheranicæ] articulos tam perspicuè ex Sacris litteris probavit, confirmavit, & fundavit, quàm ego feci. Tom. 2. Germ. Ienensi, De præcipuâ summâ mandati Dei : Ego neminem scio, qui de fide & operibus rectè indicare potuerit, exceptis Apostolis. In ceteris libris, quotquot sunt, nequaquam id inuenitur. Ioannes item Wigandus Lutheranus, in Admonitione De bonis Germaniæ, editâ 1566. pag. 20. In confesso est, totum corpus doctrinæ celestis simpliciter, dilucidè, propriè, dextrè erutum & traditum esse à Theologis Germaniæ, quale in omnium Patrum scriptis post Apostolos nullum inuenitur. Corpus autem doctrinæ appello singulorum articulorum ex Scripturis haustam explicationem.

Quartò, Nec inter Lutheranos & Calvinistas simul inuenitur vlla intrinseca mutua concordia, nec etiam inter Lutheranos solos, aut Calvinistas solos.

Primò, Lutherani Calvinistas, & Calvinistæ Lutheranos vt hereticos damnant. Lutherus apud Gretserum lib. 1. contra Goldastum cap. 12. *Calvinista, inquit, sunt fanatici, progenies viperina, animicida, impij, blasphemæ, deceptores, sanguinarij, infernales molossi, Germanici Turcæ, à satanâ missi & obsessi, Mahumetani baptizati, perdiabolati, transdiabolati, superdiabolati.*

Calvinus iam antè à me citatus, æquè illustribus titulis ornat Lutheranos. Non est ergo mutua vlla inter Calvinistas & Lutheranos concordia.

Secundò, Lutherani sese mutuò mutuis scriptis lacerant, & Calvinistæ Calvinistas damnant, etiam circa præcipua fidei suæ capita; adeoque sub eodem communi Lutheranorum & Calvinistarum

rum nomine, diuerſa habent nomina ſectarum. verbi gratiâ, Lutheranorum alij ſunt Antinomi, qui Legem Dei reiiciunt. Alij Oſiandrini, qui docent homines ſolâ eſſentiali iuſtitiâ Dei iis inhabitante fieri iuſtos. Alij Stanckariani, qui duas Chriſto hypotheſes cum Neſtorio aſſignât. Alij Maioriſtæ, qui bona opera volunt ad ſalutem neceſſaria. Alij Amſdorſiani, qui docent, bona opera ſaluti eſſe pernicioſa. Alij Sinergitæ, qui liberam voluntati humanæ dant cum Deo cooperationem. Alij Flacciani, qui ſeruituti & ineuitabili neceſſitati mancipant voluntatem. Alij Adia-phoriſtæ, qui externos multos Catholicos ritus in ſacro veſtitu, & cereorum luminibus retinent. Alij Subſtantiarij, qui peccatum originis faciunt ipſam hominis ſubſtantiam. Alij Accidentarij, qui originis peccatum faciunt accidens. Alij Pfeſtingeri, qui docent cum Pelagio, ſolius naturæ viribus hominem poſſe obedire Spiritui ſancto. Alij Muſculani, qui Chriſtum vtraque naturâ pallum eſſe in cruce dicunt & mortuum. Alij denique Vbiquiſtæ, qui humanam Chriſti naturam tam faciunt vbique eſſe quàm diuinam.

Caluinistarum verò alij Puritani, alij Brunistæ, alij Hugonotte, alij Piſcatoriani, alij Arminiani, alij Gommaristæ, & id genus ſectæ cōplures, quas libello De deſperatâ Caluini cauſſâ recenſet Petrus Cluſemius. Hi omnes cūm Caluinistæ ſint, alij omnes Lutheranī ſint, ſinguli tamē vno pluribuſque grauiffimis fidei capitibus diſſentiunt. Non habent ergo intrinſecam concordiam. Plura qui volet de Lutheranorum Caluinistarumque diſſenſionibus, adeat ad caput nonum libri De falſâ Ger-

Germaniæ pace, ab Adamo nostro Contz editi, vbi dissensionum capita numerantur 288.

Quintò, Impossibile est, inter solos Caluinistas aut Lutheranos solos concordiam esse, quia ipsimet eorum primi Apostoli fidem illis tradiderunt antilogiis plenam. Ac de Luthero id constat ex Cochläi libro, quem nominauit Lutherum Septicipitem, vbi Lutherus septies vnã eandemque rem affirmat & negat locis propè infinitis. De Caluino constat ex Syllabo 24. antilogiarum Caluini, quem Coccius collegit lib. De notis Ecclesiæ, ex antilogiis nouem, quas item in Caluino deprehendit Becanus noster, tit. 7. qui est, *Caluinistarum*. Hinc enim necessariò fit, vt in contrarias partes abeant Caluinistæ & Lutherani, cum sibi sit contraria ipsa eorum doctrina, & ipsius fidei articuli capitales.

Iam verò, quòd scriptis libris sese mutuò configant, orbi notissimum est. Syllabo non paruo dentatas hæc chartas complexus est Coccius lib. 8. De Ecclesiæ signis, & Adamus noster Contz in Iubilo iubilorum.

Neque valet ratio Meisneri, quã adfert pag. 351. pro hac dissensionum varietate, *Lutheranismum tantum esse terminum, à quo, quemadmodum verã Ecclesiã, semper est id à quo desiciunt hæretici. Ex Orthodoxis exeunt quidem, Orthodoxi tamen non sunt: ideoque ipsorum apostasia non debet imputari Orthodoxiæ. & propterea dicimus cum Ioanne, Ex nobis prodierunt, sed ex nobis non fuerunt.* Non, inquam, valet hæc ratio. Primò, Quia omnes antagonistæ supradicti à Lutheranis ipsis & Caluinistis pro genuinis suis fratribus habentur. Neque Meis-

nerus

nerus aut Brandius vel vnum ex tot diffidiorum auctoribus excipere possunt, quem negent esse Lutheranum aut Calvinistam.

Secundò, Quia omnia hæc schismata æqualiter Lutheri nomen & confessionem retinent, & à quacumque Ecclesiâ æqualiter se seiungunt, pugnantes pro vnâ Lutheranâ contra ceteras omnes.

Tertiò, Quia ipsimet Lutherani agnoscunt, hæc diffidia esse non extra, sed intra suam Ecclesiam. Ita Ioannes VVigandus lib. De erroribus Georgij Maioris: *Non sunt lana, neque linum, de quibus hic disceptatur, sed de gravissimis doctrina Christiana capitibus. Maior ingenti audaciâ gloriatur, se ne pilum quidem de doctrinâ Lutheri discessisse. Totam doctrinam Lutheri de seruo arbitrio, diabolo in cathedrâ Lutheri sedenti attribuit. David Chytræus Themat. deprauat. Confess. August. Evangelici Doctores immaniùs ferè & truculentius, quàm barbari milites inter se digladiantur. Heshufius Epistolâ De exorcismo: Quoquò vertimus oculos, intuenso Christi cœtum, [Lutheranicum] nihil propemodum occurrit quàm noua Doctorum diffidia. Oecolampadius in Æquâ responsione ad Præfationem Lutheri: Si ad vestras dissensiones respiciendum est, certè inter vos septuaginta septem mutationes non tantum in explicatione Scripturæ, sed etiam in quibusdam phantasiis propemodum inueniuntur. Selneckerus in Psalm. 131. De publicâ discordiâ in Ecclesiâ [Lutheranâ] non est quòd interrogas. Loquor autem non de discordiâ qua nobis necessariò de fidei doctrinâ cum Papiſtis atque aliis hæreticis intercedit, sed de eâ qua inter nos ipsos est,*
qui

qui puram nos *Euangelij doctrinam* habere gloriamur. *Rixandi atque contendendi neque finis est neque ullus modus.*

Tigurini Theologi Præfatione apologeticâ ad reformatas Ecclesias, præfixâ Orthodoxo consensui, anno 1576. impresso: *Cùm Augustana Confessionis Theologi hætenus in multis liberè & apertè à Luthero dissiderent, nos soli inexpressibile scelus committere videamur, quòd in vno tantùm capite à Lutheri auctoritate decedamus? Tulerunt hucusque inter se discrepantes de iustificatione, de libero arbitrio, de Euangelio, de Lege & eius usu, de Christi ad inferos descensu, de ipsius personâ, de caerimoniis, de filiorum Dei electione ad vitam æternam, & multis aliis non levis momenti articulis, de quibus facillè transigunt, cò quòd ista omnes sese Lutheri nomine tuerentur.*

Quartò, Quia nulla ex tot sectis sumpsit sibi hucusque legitimam auctoritatem collecto Concilio aliquo damnandi alteram, vt semper fecit Ecclesia Catholica, quoties abs se hæretici aliqui absidebant. Sunt ergo pares omnes, & vnus hydræ diuersa tantùm capita.

Quintò, Quia ipsa Lutheranicæ fidei Confessio duodecies ab ipso Melanchthone mutata est, fatente Musculo in Colloquio Hertzbergensi. Vnde certissimè constare potest ipsos Lutheranos inter se dissidere etiam ob dissidia propriæ suæ Confessionis. Quamobrem ita questi sunt Saxones Theologi in Colloquio Altenburgensi: *Quàm sapè libros suos mutarit & variarit* [Philip-
pus Melanchthon] *nimis verè Pontificij nobis obui-
eunt; idque omnium maximè factum est senescente Lu-*

Luthero. Multi nostrum à Magistro Rorario, qui libros Lutheri edebat, audiuimus, aliquoties Lutherum conquestum de illâ crebrâ refusione Confessionis; atque ad ipsum Philippum dixisse: Philippe, liber iste non est tuus, sed Ecclesia; ideo non est tibi integrum toties mutare. Improbatur ac reiiicit Lutherus veterem definitionem [liberi arbitrij,] Philippus probat. Lutherus inquit, hominem in conuersione nihil posse; hic dicit, aliquo modo. Negat Lutherus in nobis esse causam apprehensionis salutis, nisi Deus prius fidem dederit, hic affirmat. Vno Luthero, & in antiquis Locis rectius sentit, quàm in posterioribus. Superius aliquantò: Philippus adeo subinde eam mutare est ausus. Confessionem, ut tandem Sacramentariis fenestram aperuerit, quâ in eam irrepserunt. Id quod, ita se habere, ipsa Caluini verba ostendunt, Admonitione vltimâ ad VVestphalum, editâ anno 1557. De Confessione Augustinâ sic respondeo, Verbulum in eâ, qualis Ratisbona edita fuit, non extare doctrinâ nostrâ contrarium.

Ex quibus certissimè videor mihi conficere, Primò, apud Lutheranos aut Calvinistas nullam esse posse internam concordiam, sed grauissimas doctrinæ dissensiones. Secundò, Nullam Ecclesiasticam concordiam, sed clarissimam à priscâ Ecclesiâ disunctionem. Tertiò, Nullam Canonicam concordiam, sed ipsorum Canonum violentam mutilationem.

Responsio Brandij.

Pag. 74. Vult Lessius scire quis se dogmatis illis nouis [Pontificiorum] opposuerit, &c. Ipsi Patres se omnibus iis opposuerunt. Credat igitur Lessius.
Papo-

Papo-Catholicam Religionem ab Apostolis non esse. Ut specimen exhibeam, urgebo ea ipsa capita, quorum Lessius mox meminerat, ac si Papistis de iis cum veteribus probe conveniret, & de plerisque tres testes producam.

Refutatio.

Primò, Ad omnia & singula testimonia, quæ in speciem pugnare cum Catholicis videntur, rescripsit Bellarminus singulis ferè libris, è quibus supellectilem suam ferè vniuersam Brandius sibi collegit: quò redire eum iubeo, ad spolia sua redhibenda Auctori.

Secundò, Pleraque testimonia omnino nihil faciunt ad eam rem probandam, ad quam sunt adducta.

Tertiò, Plerisque locis ex quibus ea testimonia petita sunt, sancti Patres manifestissimè id affirmant, quod scribit Brandius ab iis esse pernegatum. Ita magnâ fide Patrum sententias recensendas duxit.

Quartò, Ipsa testimonia, & verba à Brandio allata, frequenter sunt testimonia confirmantia ipsam doctrinam, quam ait per illa subverti. Dabo specimen.

Testimonium à Brandio allatum contra Misse sacrificium.

Pag. 76. ex lib. S. Ambrosi. De offic. cap. 48. *Antè Agnus offerebatur, nunc Christus offertur; sed offertur quasi homo, quasi recipiēs passionem; & offert se ipse quasi Sacerdos, ut peccata nostra dimittat: hic in imagine, ibi in veritate, ubi apud Patrem pro nobis quasi*

Aduocatus interuenit. Ibidem ex August. De fide ad Petrum Diaconum, cap. 19. Sacrificium panis & vini in fide & charitate S. Ecclesia Catholica per vniversum orbem offerre non cessat. In istis enim carnalibus victimis figuratio fuit Carnis Christi, quam, &c fuerat oblaturus, & Sanguinis, quem erat effusus. In isto autem sacrificio gratiarum actio atque commemoratio est Carnis Christi, quam pro nobis obtulit, & Sanguinis, quem pro nobis effudit. Quis hinc non potius concludat, Igitur est sacrificium; quàm, Igitur non est sacrificium? quod postremum ineptissimè concludit Brandius.

Contra Calibatam.

Pag. 77. ex Ambrosio De viduis: *Laboribus & doloribus in generatione filiorum addicitur nupta, non vidua, non virgo. omnium autem horum libera est virgo, &c. Et ideo prouocatur consiliis, non vinculis. Argumentatur ita hoc ex loco Brandius: Virgo ad virginitatem prouocatur consiliis, ergo prohibetur colere calibatam.*

O tribus Anticyris caput insanabile! —

Contra Ieiunium.

Pag. 78. ex Epist. Hieronym. ad Nepotianum: *Tantum tibi ieiuniorum modum impone quantum ferre potes. (extra præcepta nempe & statuta Ecclesiastica ieiunia) Sint tibi pura, casta, simplicia, moderata, & non superstitiosa.*

Ex libro ad Demetriadem De virginitate: Ieiunium non perfecta virtus, sed ceterarum virtutum fundamentum est, atque sanctificatio, & pudicitia. Concludit Brandius: Igitur hisce locis Hieronymus
ieiun-

ieiunia dissuadet & prohibet. Quis credat hoc cerebrum sapere?

Contra Dies festos.

Pag. 80. ex August. lib. 10. De ciuit. cap. 4. *Deo beneficiorum eius, festis solemnitatibus & diebus statutis dicamus sacramusque memoriam, ne volumine temporum ingrata irrepas obliuio.* Ex lib. 32. contra Faustum, cap. 12. *Ea quippe in Ecclesiâ anniuersarie celebrantur, quia insigniter excellentia certis diebus facta sunt, ut eorum necessariam salubremque memoriam festinitas concelebrata custodiat.* Infert Brandius: *Igitur Augustinus contra dies festos scripsit. Potestne maior esse cucurbita?*

Contra Ecclesiæ visibilitatem.

Pag. 84. ex Augustino in Psalm. 92. *Corpus huius capitis Ecclesia est, non quæ hoc loco est, sed quæ in hoc loco, & per totum orbem terrarum; nec illa, quæ hoc tempore, sed ab ipso Abel usque ad eos qui nascituri sunt usque ad finem, & credituri in Christum, totus populus Sanctorum ad unam Ecclesiam pertinentium.* Ergo Ecclesia est inuisibilis, ait Brandius. Ergo Brandius Cyclops est, aio ego.

Atque hisce solis testimoniis, nisi fallor, cuius etiam cordato Calvinista persuaderi posset, contrariam omnino esse sanctorum Patrum doctrinam, quàm Brandius conatus erat demonstrare.

*Postrema Lessij Ratio, ab exemplo
Scriptura.*

Scriptura sacra nusquam homines priuatos in dubiis fidei ad scrutandas Scripturas remittit, sed ad Eccle-

siam & eos qui in Ecclesiâ præsident. Sic Deuteronom. 17. remittuntur in ambiguis ad Sacerdotes, &c. Ideò in Ecclesiâ posuit Deus Pastores & Doctores. Ideò voluit illam toti orbi esse conspicuam, columnam & firmamentum veritatis, ut omnes eam facile consulere possent. Non omnibus datur spiritus intelligendi Scripturas, ut ex Apostolo constat: Non omni spiritui credendum, sed probandi spiritus si ex Deo sint, &c. Ex his constat, spiritum privatum regulam credendi esse non posse.

Responsio utriusque.

Meisnerus pag. 615. Crasse mentitur Iesuita, privatos nusquam in Scripturâ ad scrutandas Scripturas remitti. An non hoc ipsum præcipitur Psal. 34. vers. 16. Ioan. 5. vers. 39. Luc. 16. vers. 30? An non Apostoli integris cœtibus, & sic etiam privatis suas Epistolas inscripserunt, & legēdas miserunt, Rom. 1. v. 17. 1. Cor. 1. v. 1. 2. Ephes. 1. v. 1. item cap. 2. v. 3. 4. Philip. 1. vers. 1. 1. Pet. 1. v. 1. 1. Ioan. 2. v. 12. 13. 14? An non Spiritus sanctus triviali & plebeio sermonis genere ideò uti voluit, ut etiam privati Scripturam legere & intelligere possent? An non & privati habent opus lectione istâ? 2. Timoth. 3. v. 15. Ioan. 20. v. 31. Deuteronom. 4. v. 5. cap. 29. v. 29. Ephes. 6. v. 12. Deuteronom. 6. vers. 6. & 7. cap. 11. 19? An non omnibus privatis dictum est, Cavete à falsis prophetis, Matth. 7. vers. 15? Probate spiritus, 1. Ioannis 4. vers. 1? Quomodo autem sibi canere, quomodo spiritus probare possent, si Scripturas vel legere non deberent, vel intelligere non possent? &c.

Mox addit Meisnerus terna Chrysostomi testimonia, quibus plebem hortatur ad legenda
Biblia

Biblia, vtpote aperta & clara, quæ ex Bellarmino sublegit lib. 2. De verbo Dei, cap. ult. vbi & ad ea respondetur. Libro verò seq. cap. 1. ex eodem Chrysostomo adfertur locus, quo ait, *Scripturas magnâ egere scrutandi diligentia*: & cap. 2. *pro obscurioribus Scriptura locis aduendum esse ad Doctores.*

Pag. 617. Tandem ad dictum Deuter. 17. v. 8. breuiter respondeo, Primò, Agitur ibi de rebus Politicis potissimum. Secundò, Describitur summū Synedrium Iudaicum, in quo coniunctim & Sacerdotes & Iudices Politici. Tertiò, Norma iudicij constituitur Lex diuina, sicuti dicitur vers. 10. *Quidquid docuerint te iuxta Legem.*

Brandius pag. 170. Quod Lessius ait, nusquam homines priuatos in dubio fidei ad Scripturas remitti, &c. miror quomodo id viro Theologiam proficienti excidere potuerit; cū Petrus quibusvis fidelibus, &c. attentionem, imò adhesionem ad Propheticum illum sermonem praeceperit. Neque inuat Lessium illud Deuter. 17. vers. 8. Illic enim homines non tantum ad Sacerdotes, sed etiam ad Iudicem remittuntur. Tum id precipitur de ijs quæ ad iudicium, non quæ ad fidei cognitionem pertinent, &c. Contrà Isaias cap. 8. vers. 20. singulos quosque ad Legem & testimonium ablegauit.

Refutatio.

Primò, Ex nullo omnium illorum locorum rite inferri potest, Igitur priuatus quispiam remissus est vniquam ad scrutandam Scripturam pro dirimendâ controuersia de fide.

Nam apud Isa. cap. 34. iubentur librum Domini

ni legere, vt videant an non verè euenerint vaticinia vastitatis prædictæ. Ioan. 5. iubentur scrutari Scripturas, sed iam à Christo explicatas. Christus enim (quod Iudæi legendo Scripturas non obseruauerant) Scripturas de se loqui explicarat. Lucæ 16. iubentur fratres Epulonis Moysem & Prophetas audire, non autem legere; audire verò possunt etiam ex Concionatore.

Epistola ad Romanos à Paulo Græcè scripta est. Si igitur etiam ad idiotas, vt vult Meisnerus, scripta est, quomodo sine interprete & Doctore intelligeretur? cùm certum sit, idiotas Romanos non intellexisse Epistolam Græcam.

Præterea in Epistolis Pauli ipse Petrus secundæ cap. vltimo asserit, *quadam esse intellectu difficilia, quæ indocti & instabiles deprauant*. Quomodo Paulus voluisset ea legi sine Doctore?

Neque verum est, Spiritum sanctum triuiali sermone vbique usum esse in Scripturâ: quia & ipse Meisnerus pag. 597. ad probandam Scripturæ diuinitatem, pro quinto *xerxes* adfert *stylis singularitatem*. Quomodo igitur triuialis est, si adedò singularis est? Cothurnum Meisnerus soccatus Scripturæ detrahit, ipse cothurno mutabilior.

Nec 2. Timoth. 3. nec Iob 20. nec Deuteron. 4. nec 6. aut 29. nec ad Ephes. 6. vlla sit mentio lectionis Bibliorum. Timotheus verò cùm Episcopus fuerit, ineptè vt priuatus à Meisnero produçitur.

Neque sequitur, priuatos iuberi ad Bibliorù lectionem adire, quia iubentur Matth. 7. pseudoprophetas vitare. Dicuntur enim ibidem pseudoprophetæ cognoscendi ex operibus, non ex Scripturis.

Multò autem ineptior est hæc consequentia:

Pro-

Probate spiritus si ex Deo sunt. 1. Ioan. 4. Igitur legere debetis Scripturas. Quis non rideat?

Denique, Neque Meisneri neque Brandij ad 17. Deuteron. responfionem (quam à Brentio acceperunt) valere quidquam, demonstrauit Belarminus lib. 3. De verbo Dei, cap. 4.

*Interrogationes quædam Meisneri aduersus
ratiocinationem Lessij, totidem interro-
gationibus oppositis soluta.*

Prima Meisneri interrogatio.

PAG. 592. *Quòd si nostri causâ plerosque Religio-
nis articulos scribi inſit Spiritus ſanctus, qui fieri
potuit, ut omitteret reliquos? Et cum tam multa in no-
ſtram utilitatem ſcripta ſint, quorum tamen notitia
non eſt de ſimplici neceſſitate; num putabimus tam in-
cogitantem fuiſſe ſanctum Spiritum, ut maxime ne-
ceſſaria omitteret, & minùs neceſſaria dictaret? Abſit
à Deo tanta vel imprudentia vel inuidia. Perſecta eſt
doctrina Domini, lucerna lucens in caliginoſo loco,
2. Petri 1. verſ. 19. &c.*

Solutio.

Si nostri cauſâ Spiritus ſanctus Apoſtolo Pau-
lo dictauit Epiſtolam ad Laodicenſes; Salomoni
tria millia parabolas, & quinque millia carmina,
aliaque item multa Prophetarum oracula, quæ in-
teriſſe ſcribit Chryſoſtomus; cur ea paſſus eſt in-
terire? An imprudentiâ? an inuidiâ? Si noſtri cauſâ
voluit Spiritus ſanctus nihil in Scripturâ omitti
quod erat neceſſarium ad ſalutem, cur igitur non

instinxit Apostolis eam mentem, vt saltem Symbolum suum literis commendarent, quod viuâ tantum voce eos tradidisse scribit Irenæus, Hieronymus, Augustinus, Ambrosius, Leo, Rufinus, & B. Maximus?

Quid opus erat omnia scitu necessaria, vt Sacramentorum administrandorum ritus, literis commendari, cum ob quotidianam eorum exercitacionem possent perpetuò integrè conseruari? Quasi verò vernaculæ linguæ Grammaticâ aliquâ sit opus, vbi linguæ ea quotidie vsurpatur.

Cur magis fuit opus post aduentum Christi omnia scitu necessaria perscribi, quàm bis mille annis ab Adamo vsque ad Moysen, cum nullum omnino extitit scriptum?

Quid opus fuit omnia perscribi? An non sufficit ad salutem Stephano Traditio sola etiam post Christum, quando nulla adhuc noui Testamenti Scriptura extabat?

Quomodo omnia scitu necessaria constare possunt ex Scripturâ, cum ex ipsâ Scripturâ constare non possit, etsi millies ab eâ id affirmaretur, Scripturam esse verbum Dei? Non enim mihi constat Alcoranum esse verbum Dei, quia seipsum dicit esse verbum Dei: tamen prima ac fundamentalis maximeque necessaria doctrina est, Scripturam esse verbum Dei. At certò constare non potest, nisi solâ Traditione, quæ nisi hac in parte habeatur pro verbo Dei, arundineum est fundamentum vniuersæ fidei nostræ.

Denique Scriptura, etsi sæpè obscura, cur non possit vocari lucerna lucens, cum & luna tota, sæpè nobis obscura, rectè tamen vocetur à lucendo luna,

luna, & lucerna noctis? Sicuti enim dum videtur luna nos illuminat, ita & Scriptura dum intelligitur nos etiā illuminat. Nec aliter sanè Propheticus sermo, qui ferè semper obscurus est, à Petro vocari potuit lucerna lucens, nisi quia illuminat dum intelligitur, non autem semper per se facit ut intelligatur.

Secunda Meisneri interrogatio.

Pag. 599. *Quando discipulus ex libro praeceptorum suorum, aut subditus ex literis Magistratus sui cognoscit quid statuendū aut agendum sit, num idè ipsū ex privato iudicio sic statuere & agere concludi debet?*

Solutio.

An non agerent & discipulus & subditus ex privato iudicio, si ambo iussi, ille librum, hic literas, cum aliis cōmunicare, id non fecissent, sed suo arbitratu rem literis librōve praeceptam peregissēt?

An Scriptura plerisque locis non iubet adiri iudices, Sacerdotes, seniores, pro sui explicatione, Deuter. 17. Ecclesiastę 12. Aggęi 2. Malach. 2? &c.

Tertia Meisneri interrogatio.

Pag. 600. *Scriptura nihil aliud est, quàm Epistola Magni Regis regum, & Domini dominantium, &c. Epistola proprium est perspicuè loqui. Quid prodes- sent subdito litera Ducis longè absentis si sensus non ex ipsis verbis influeret, sed viuā tantū scribentis voce innotesceret?*

Solutio.

Cur ergo ad Romanos etiam idiotas Paulus scripsit Græcè? Cur Apostoli, qui omnes dono

linguarū fuere præditi, fidei documenta & Evangelia non scribere omnibus linguis, cū ea scripserint ut ab omnibus Gentibus intelligerentur? Imò cur Deus Scripturam vniuersam, quæ eius Epistola est ad omnes Gentes, primò tantum Hebraicè, deinde Græcè, denique post tot annos Latinè scribi iussit? Cur non omnibus linguis?

Quarta Meisneri interrogatio.

Pag. 601. *Si in causis fidei tantum audiendus Pontifex, cur nos legeremus Scripturam?*

Solutio.

Primò, Si in causis Forensibus (vbi Leges ambigæ sunt) tantum audiendus iudex, cur legeremus Codicem aut Pandectas?

Secundò, Quis Catholicus negat adeundam esse Scripturam, Traditionem, Ecclesiam? Quis dicit audiendum Pontificem solum?

Quinta Meisneri interrogatio.

Pag. 604. *Vult per Scripturam te [Deus] alloqui, ut verum agnoscas, & potest clarissimè loqui, ut quis intelligat: quam ergo ob causam de Scriptura perspicuitate adeò ambigis?*

Solutio.

Primò, Si tam perspicuæ sunt Scripturæ, cur à Patribus Synodi Dordracenæ tot diebus dimicatum, an dicendum esset in posterum, *Pater noster qui es*; an verò, *Pater noster tu es*? quæ verba tamen videntur clara.

Secundò, Si tam perspicuæ sunt Scripturæ, cur
ergo

ergo Meisnerus dubitat de perspicuitate istarum? Aggæi 2. *Hæc dicit Dominus Deus exercituum: Interroga Sacerdotes Legem.* Malach. 2. *Labia Sacerdotis custodient scientiam, & Legem requirent ex ore eius, quia Angelus Domini exercituum est.* 2. Paral. cap. 19. *Vbicumque quæstio est de Lege, de mandato, de caerimoniis, de iustificationibus [ô vos Sacerdotes] ostendite eis, ut non peccent in Dominum.* An hîc non remittuntur clarissimè priuati ad Sacerdotes?

Sexta Meisneri interrogatio.

Pag. 604. vers. ult. *Monent [Papistæ] homines ne priuato iudicio nitantur, & ipsi tamen tantum ad priuatum Papæ iudicium abducunt. O mei Christiani, aperite aliquando oculos!*

Solutio.

O Meisnere, aperi tandem aliquando oculos, & vide, obsecro, an Pontifex sit persona priuata!

O Lutherani aperite oculos, & videte, an non doceant Catholici omnes, pro verò Scripturæ intellectu adeundum esse verbum Dei, traditum, vel scriptum, & secundum hanc normam debere à Pontifice decidi omnem quæstionem.

Septima Meisneri interrogatio.

Pag. 607. *Quid fiet, si de ipso Ecclesia intellectu controuersia inciderit? Vnde probabunt, Ecclesia intellectum esse verum ac genuinum? Ex Scripturis, inquit. Ex quibus? Ex Matth. 18. Dic Ecclesia. ex 1. Tim. 3. v. 15. Columna & firmamentum, &c. Quaro igitur, an horum dictorum veram sententiam percipiant, seposito Ecclesia intellectu, an non? Si prius; se-*
qui-

quitur Scripturam posse intelligi etiam citra Ecclesiæ iudicium: si posterius; inepta erit probatio, idem enim ex eodem probabitur.

Solutio.

Primò, Inter Catholicos nulla umquam controuersia esse potest de recto intellectu rerum ab Ecclesiâ definitarum, nisi fortè de verbis ipsius definitionis, pro quorum sensu redeundum potius ad Ecclesiam, quàm Scripturam magistrum mutum.

Secundò, Quid fiet, si de spiritus illius priuari intellectu controuersia inciderit? Vnde probabunt Calvinistæ & Lutherani, intellectum priuari illius spiritus esse verum & genuinum? Ex Scripturis, inquiunt, Ioan. 10. vers. 17. *Oves mea vocem meam audiunt.* Quæro igitur, an huius dicti veram sententiam percipiant, seposito spiritus illius intellectu, an non? Si prius; sequitur, Scripturam intelligi posse citra spiritus illius iudicium: si posterius; inepta erit probatio, idem enim ex eodem probabitur.

Tertiò, Quis circulus est, Ecclesiam probare ex Scripturâ, & Scripturam ex Ecclesiâ, apud Calvinistas & Lutheranos, qui Scripturam admittunt, etiamsi Ecclesiam reiiciant? Circulus sanè esset, si reiicerent vtramque, & alteram nihilominus ex alterâ apud eosdem probaremus.

Adi, Meisnere, ad acutissimum libellum Becani nostri De circulo Calvinistico, aduersus Parræum: filum Thesæi isthic inuenies, vt hoc labyrintho euadas.

*Duodecima Lessij Ratio,
ex absurdo.*

Si aliqua ex illis Religionibus esset vera Christi Religio, sequeretur, omnes Catholicos, qui à temporibus Apostolorum hætenus extiterunt, damnatos esse: quia iuxta harum Religionum primarium dogma, caruerunt fide iustificante, ac proinde iustitiâ coram Deo, &c. Hanc autem fidem constat orbi ignotam fuisse usque ad tempora Lutheri. Lutherus enim gloriatur, quod veram rationem iustificationis à veteribus obscuratam mundo patefecerit. Idem constat ex omnium veterum scriptis. Primò, Quia præter fidem Christi requirunt internam voluntatis mutationem, & propositum seruandi totam Legem. Secundò, Quia damnant illam securitatem salutis, &c. Vnde fidem illam specialem, quâ quis credit certò se esse iustum, omnes reijciunt ut meram præsumptionem.

Responsio vtriusque.

Meisnerus pag. 621. Eandem doctrinam & fidem docuerunt antiqui Patres & Doctores Ecclesiæ, uti demonstrauit Kemnit. Part. 2. Locorum, & Part. 1. Examinis. Mox adfert testimonia aliquot sanctorum Patrum.

Brandius pag. 172. Quasi verò ulli Catholici orthodoxi, seu veteres seu recentes, professione alij essent aut fuissent, quàm Protestantes hodie. Deinde ad probandam illam salutis ex fide speciali certitudinem, laudant ambo testes aliquot Patres: illudque addit Brandius pag. 174. Si quid inter veterum & orthodoxè Catholicorum scripta pro Lessij sententiâ inuenitur, id illis ab aliis assutum est.

Re-

Refutatio.

Primò, Contraria omnia à SS. Patribus fuisse credita, & Lutheranorum Caluinistarumque dogmata à priscis hæreticis accepta, iam sæpius à me demonstratum est.

Secundò, Loca omnia Patrum à Kemnitio, Meisnero, & Brandio allata, explicauit Bellarminus lib. 1. De iustific. cap. 25. contrariis etiam eorumdem Patrum testimoniis adscriptis.

Tertiò, Desperationis impudentiæque perflugium est, dicere, *assutum esse scriptis SS. Patrum, quidquid in ijs est quod Lessio fauet.* Ita dicam in vicem, confutis dolis assutum esse, quidquid in ijs pro Caluinistarum sententiâ inueniri Brandius dicit.

*Decima Lessij Consideratio, & totius
Consultationis conclusio.*

ILLA Religio amplectenda est in vitâ, quam in horâ mortis nos tenuisse vellemus, & cuius iustam rationem cum ante tribunal Christi stabimus, reddere poterimus.

Atqui talis est Religio Catholica. Primò, *Quia plurimi, etsi hæreticè vixerint, quando tamen moriendum est, cupiunt mori Catholici.* Secundò, *Quia quisque tunc optat se plurima opera bona fecisse, & magno studio peccata omnia vitasse: ad quorum utrumque inducit fortiter Catholica Religio, ad neutrum Religio Lutherana & Caluiniana; sed potius ad bonorum operum contemptum, & vitæ licentiam.* Tertiò, *Quia*
Reli-

Religio Catholica habet multa remedia, quæ in tremendo illo transitu non sunt contemnenda, &c. quibus alia carent.

Facile item rationem sui facti summo Iudici reddaturi sunt sectatores Catholica Religionis. Nam ego, verbi gratia, interrogatus à Deo, cur Catholicam potius sectatus sim quam Calvinianam? Respondebo, Quia Catholica docet à rebus terrenis animum auocare & transferre ad amorem celestium: docet carnem domare, & Dei timore configere, bonis operibus insistere, &c. & omnem peccandi licentiam præscindere. Catholicam tenui, quia in hac video plurimos sapientiâ, sanctitate, miraculis, & prophetia spiritu toto mundo illustres, quos impossibile est in tanto negotio fuisse deceptos. Quia huic video singulis sæculis à Deo per miracula plurima testimonium perhiberi, &c. Ad hanc facta est hætenus & fit adhuc Gentium conuersio. In hac summa Doctorum omnibus sæculis circa fidei capita concordia. In hac successio perpetua, & ministrorum cum Apostolis connexio. Contraria omnia in nouis istis Religionibus deprehendi. Nulla igitur fuit mihi ratio ab hac Religione discedendi.

E contrario tu vero qui aliam aliquam Religionem sectatus es, quam, obsecro, facti tui rationem reddere poteris, quando in illo tremendo iudicio interrogaberis? Respondebis fortasse, Catholicam deserui, quia putabam eam plenam esse idololatriam, superstitionibus, & Traditionibus humanis. Putabam in eâ præsidere Antichristum, & Catholicos suis non Christi meritis niti.

At hac ignorantia non te excusabit; quia facile veritatem cognoscere potuisses. Nam quâ probabilitate aut specie veritatis in animum inducere potuisti, eam Religionem tantis erroribus esse obnoxiam, quam
vide-

videbas à tot sapientiâ & sanctitate vita illustrissimis viris tot annorum centuriis cultam? quam tot miraculis & martyriis confirmatam? quam toto orbe diffusam? in quâ & summa Doctorem concordia, & clara cum Apostolis connexio? Quomodo fieri potest, ut tot seculis nemo Doctorem, nemo Sanctorum hos errores notauerit?

Rursum quomodo potuisti in animum inducere, eam esse veram Christi Religionem, quæ Deum auctorem & impulsorem omnium scelerum statuit? quæ hominibus arbitrij libertatem eripit? quæ studium bonorum operum impedit, & portam sceleribus omnibus non minùs quam atheismus aperit? quæ antiquas & damnatas hereses plurimas ab orco renocat? cuius auctores nullâ morum sanctimoniâ commendati, nullis miraculis clari, sed homines voluptatibus dediti, terrenarum rerum cupidi, ambitiosi, maledici, seditiosi, apostasiâ & sacrilegis nuptiis vel preposterâ libidine infames, incredibili doctrina inconstantiâ?

Responsio utriusque.

Meisnerus pag. 625. *Contrà plerique cupiunt mori, & proculdubio moriuntur Lutherani.*

Brandius pag. 175. *Quid si errent iudicio? homines sunt, etiam moribundi. Tum quoque in horâ mortis pœnituit multos esse Papistas.*

Ad cetera non aliter respondent, quàm compendiò repetendo omnia præcedentis Libri responsa, quæ iam demonstratum est hoc toto Apologetico, esse ex mendaciis fraudibusque consuta.

Refutatio.

Iam quidem, cùm nondum se in ius illud æternitatis

nitatis vocatos vident Meisnerus & Brandius, proclive illis fuit instar Lucianorum *tremenda omnia* scurrilibus iocis excutere. At quando mors iniecerit manum, ut sistant vadimonium, credo, id orabunt posse deferere. Quot enim ex omni historiâ nominare possum Lutheranos aut Calvinianos (qui Catholicis aliquando fuerant mysteriis initiati) quos delectauerit mori potuisse Lutheranos aut Calvinianos? Imò nisi ipsosmet obstinauerit cæca quædam peruvicacia reiiciendæ veritatis, dubitare non possum, quin (quod Melanchthonem suæ matri morientem respondisse ferunt) ipsi aliquando moribundi sint dicturi, *suam quidem Religionem videri plausibilem, sed Catholicam multò esse securiorem.*

Ita Morus lib. 2. De Misa.

Si quidem in grauiſſimo salutis negotio non deceret magis grauem esse quàm festiuum, equidem ostenderem ex facetissimis Calvinistarum privilegiis à Becano nostro vulgatis, quàm iucundum commodumque sit, viuere & mori Calvinianum potiùs quàm Orthodoxum. At certè ut fleam etiam aduersariorum meorum calamitatem, propius mihi est, quàm ut eorum irrideam cæcitatem. Voueo igitur precorque, uti secum habitent aliquamdiu, cogitentque an ex animi sententiâ hæc dicta sint, an verò non aliud ipsi statuunt credantque in animo suo; & Epicureorum instar, aliud sedendo domi, aliud foris stando dicant; domi deos esse negent, foris aras eis statuunt.

Franc. Montan. De verâ defensione. Ramundus lib. 2. cap. 9.

Plutarchus.

F I N I S.

Ce

ORDO ET INDEX HORVM LIBRORVM.

LIBER PRIMVS:

QVO afferitur legitima ratio inuesti-
gandi veram Ecclesiam per octo NO-
TAS à R. P. LEONARDO LESSIO alla-
tas. Pag. 1.

C A P V T I.

*Ineptè à Meisnero probari, Modum quo Les-
sius inuestigat Ecclesiam, nec Apostolicum
esse, nec Diuinum.* 3

C A P V T II.

*Modum Lessij esse omnino consentaneum
rationi, neque posse inueniri alium melio-
rem.* 7

C A P V T III.

*Modus probandi veram Religionem non de-
buit à Lessio sumi ex solâ Scripturâ.* 14

C A P V T IV.

*Modum Lessij non esse fallibilem & incer-
tum: sed modum Lutheranorum esse incer-
tissimum.* 19
Argu-

ORDO ET INDEX HORVM LIBRORVM.

Argumenta Meisneri & mendacia refutata, à pagina 19. vsque ad 25.

Incertitudo norma & notarũ Ecclesiæ Lutherana. 26

Inconstantia in censendis Lutherana Ecclesiæ notis. ibid.

Obscuritas in notis Lutheranorum. 27

C A P V T V.

Modum Lessij non esse nimis laboriosum; sed contrà difficillimum esse modum Lutheranorum. 30

Pro Ecclesiæ sanctitate noscendâ, non esse opus peregrinatione. 31

Nec item pro noscendis Miraculis aut Consensu, opus esse peregrinatione. 32

Pro noscendo Patrum Consensu, aut Successione, nihil opus esse infinitâ librorum lectione. 33

C A P V T VI.

Modum Lessij non esse Pharisæicum. 36

Lutherani & Calvinistæ Pharisæis similes. 40

C A P V T VII.

Modum Lessij non esse diuinis vaticiniis reiectum. 40

Argumenta & mendacia Meisneri refutata, à pagina 43. vsque ad 50.

C A P V T VIII.

Modum Lessij nec hypocriticum esse, nec Papistis hypothesebus contrarium. 51

C c 2

CA-

ORDO ET INDEX

C A P V T IX.

Modum quo Lutherani iubent internosci Ecclesiam, esse Lunaticum. 54

LIBER SECVNDVS:

QVO afferuntur Considerationes à R.P. LEONARDO LESSIO allatæ pro capessendâ fide Catholicâ. 56

Prima Lessij Consideratio, ex Studio perfectiōnis, ad quod Christi Religio inducit. 57

Argumenta Meisneri & Brandij refutata, à paginâ 57. vsque ad 67.

Secunda Lessij Consideratio, ex eo quòd Catholica Religio licentiam peccandi excludat. 68

Argumenta Meisneri & Brandij explosa, à pag. 68. vsque ad 70.

Mendacia Meisneri circa modum excludendi peccata per Sacramentum Pœnitentia refutata. 71.
72. 73

Mendacia Meisneri circa secundum modum excludendi peccata per satisfactiones & Purgatorium, eorundemq; Refutationes. 73. 74. 75. 76

Mendacium Meisneri circa tertium modum excludendi peccata, per doctrinam de damnatione ob unum mortale peccatum. 76

Refutatio. 77

Mendacium Meisneri circa quartum modum de incertitudine salutis. 77

Re-

Refutatio. 77

Tertia Lessij Consideratio, ex sanctitate Cul-
torum. 78

Refutata responsiones Meisneri & Brandij, à pa-
ginâ 78. usque ad 80.

Mendacia Brandij, quibus Gregorium affirmat à
Catholicis dissentire, ipsis Gregorij verbis refu-
tata. 80

Alie item amborum responsiones discussa, à pag. 82.
ad 85.

Quatuor sanctos Ecclesie Doctores detestatos esse
fidem specialem, eorumdem verbis probatur. 86

Alijs amborum suasionibus praestructa via, à pa-
ginâ 87. ad 89

Testimonia Lutheri, Caluini, Lutheranorum & Cal-
uinistarum de sanctis Patribus, quos Meisnerus
ait fuisse Lutheranos, Brandius Calvinistas. 90

Secundi saeculi Patres. *ibid.*

Tertij saeculi Patres. 91

Quarti saeculi Patres. 92

Quinti saeculi Patres. 93

Sexti saeculi Patres. *ibid.*

Quarta Lessij Consideratio, ex miraculis Cul-
torum. 94

Responsio Meisneri & Brandij ad Maiorem: Illa
Religio, in quâ plûrima miracula omnibus saeculis
edita, est praferenda alijs, &c. *ibid.*

Refutatio. 96

Responsio utriusque ad primam partem Minoris, quae
erat: Sed Catholica Religio miraculorum gloriâ
fulget. 102

Refutatio. *ibid.*

ORDO ET INDEX

<i>Confirmatio Minoris propositionis quoad primam partem.</i>	104
<i>Silentium Meisneri & Brandij ad primum confirmationis argumentum.</i>	105
<i>Responsio utriusque ad secundum, Miracula pleraque à gravissimis Auctoribus scripta.</i>	105
<i>Refutatio.</i>	106
<i>Responsio utriusque ad tertium, Miracula pleraque Magistratuum auctoritatibus munita.</i>	107
<i>Refutatio.</i>	ibid.
<i>Responsio Meisneri ad quartum, Quòd frans fuisset aliquando detecta.</i>	108
<i>Refutatio.</i>	ibid.
<i>Responsio utriusque ad quintum, Negando miracula, tolli omnem Historiarum fidem.</i>	109
<i>Refutatio.</i>	ibid.
<i>Responsio utriusque ad sextum, Non posse esse diabolica, quæ à viris tam sanctis & innocentibus facta sunt.</i>	111
<i>Refutatio.</i>	112
<i>Responsio utriusque ad septimum, Quòd vera miracula superent demonis vim.</i>	113
<i>Refutatio.</i>	114
<i>Responsio utriusque ad octavum & nonum, Diabolicas prastigias vulgò breves esse & noxias.</i>	115
<i>Refutatio.</i>	ibid.
<i>Responsio utriusque ad decimum, Cur si diabolica sunt, diabolus non etiam alibi ea operatur.</i>	116
<i>Refutatio.</i>	117
<i>Quinta Lessij Consideratio, ex Gentium conversione.</i>	118
<i>Responsio utriusque ad Maiorem: Illa censenda est vera</i>	

HORVM LIBRORVM.

vera Religio Christi, ac proinde amplectenda, ad quam semper facta est Gentium conuersio.	118
Refutatio.	ibid.
Responsio utriusque ad Minorem, quæ erat: Atqui Religio ad quam omnibus sæculis Gentes sunt conuersæ, & etiamnum hoc sæculo conuertuntur, est Religio Catholica & Romana.	120
Refutatio.	ibid.
Responsio utriusque ad probationem Minoris.	121
Refutatio.	122.
Argumentum Lessij à contrario.	124
Reiecti conatus Meisneri & Brandij, à p. 124. ad 129.	
Sexta Lessij Consideratio, ex nomine Catholica.	129
Responsio utriusque ad Maiorem: Illa Religio censenda est vera Christi Religio, quæ semper habitæ & dicta fuit Catholica.	ibid.
Refutatio.	130
Responsio utriusque ad Minorem, Sola Romana dicta est Catholica, eiusq; cultores Catholici.	132
Refutatio.	133
Argumentum Lessij à contrario.	ibid.
Responsio utriusque.	ibid.
Refutatio.	134
Mendacia Meisneri refutata.	136
Mendacia Brandij refutata.	138
Septima Lessij Consideratio, ex Successione.	140
Amorum mendacia & stoliditas, contra Lessium ostensa, à pag. 140. ad 146.	
Octaua Lessij Consideratio, ex Consensu veterum Doctorum.	149
Cc 4	Ex.

Expugnata amborum in contrarium rationes, à paginâ 149. ad 161.

LIBER TERTIVS:

QVO afferitur nona R. P. LEONARDI LESSII Consideratio, & XII. Notæ, siue Rationes, ob quas suspectæ haberi debent Lutherana, Caluiniana & Anabaptistica Religiones. 163

Prima Lessij Ratio, ex Novitate. 164

Dissecta in contrarium utriusque adversarij velitatio, à pag. 165. ad 166.

Articulus Meisneri de Scripturâ. 167

Refutatio. *ibid.*

Articulus Meisneri de Iustificatione. 168

Refutatio. *ibid.*

Articulus Meisneri de impletionem Legis, & bonis operibus. *ibid.*

Refutatio. 169

Articulus Meisneri de certitudine salutis. 169

Refutatio. *ibid.*

Articulus Meisneri de solo Deo innocando. 170

Refutatio. *ibid.*

Articulus Meisneri de satisfactionibus & Purgatorio. 170

Refutatio. 171

Articulus Meisneri de Missâ. *ibid.*

Refutatio. *ibid.*

Articulus Meisneri de primatu Papa. 172

Re-

<i>Refutatio.</i>	<i>ibid.</i>
<i>Meisneri prima Assertio de fidei suæ propagatio- ne.</i>	173
<i>Refutatio.</i>	<i>ibid.</i>
<i>Meisneri secunda Assertio.</i>	174
<i>Refutatio.</i>	175
<i>Octo Lessij Argumenta vindicata ab obiectiunculis Meisneri & Brandij, à pag. 177. ad 194.</i>	
<i>Nefandi aliquot errores VValdensium seu Paupe- rum de Lugduno.</i>	181
<i>Nefarii errores aliquot Albigenſium.</i>	<i>ibid.</i>
<i>VVicleſi doctrina selecta.</i>	<i>ibid.</i>
<i>Ioannis Huſſi aliquot paradoxa.</i>	182
<i>Reſponſio Meisneri & Brandij ad Scripturæ testi- monia à Lessio pro Eccleſia perpetuâ viſibilitate allata.</i>	196
<i>Refutatio.</i>	<i>ibid.</i>
<i>Antilogia Meisneri.</i>	199
<i>Secunda Leſſij Ratio, ex defectu Succeſſionis.</i>	
200.	
<i>Tertia Leſſij Ratio, ex defectu Miſſionis.</i>	
<i>ibid.</i>	
<i>Reſponſio utriuſque ad hanc Leſſij probationem: Si Calvinus à Deo miſſus eſt, ergo Lutherus non eſt miſſus à Deo: & è contrario, &c.</i>	203
<i>Refutatio.</i>	204
<i>Reſponſio Meisneri ad hanc Leſſij probationem: In Politia humanâ ad auctoritatem regendi non ſatis eſt dicere, ſe à Principe, qui procul abſit, ad hoc miſſum; ſed Patentes idoneæ exhiberi debent ſigillo Principis munita, &c.</i>	208
C c 5	<i>Reſu-</i>

ORDO ET INDEX

<i>Refutatio.</i>	208
<i>Responsio utriusque ad Argumentum Lesij à contrario: Nullus ex nouarum Religionum Ministris ostendere potest se ab Apostolis descendere, aut eorum esse successorem, seu quoad potestatem Ordinis, seu Iurisdictionis. Ergo, &c.</i>	208
<i>Refutatio quoad Successionem.</i>	209
<i>Quoad Ordinationem.</i>	210
<i>Quoad Vocationem.</i>	211
<i>Quarta Ratio Lesij, ex defectu Miraculorum.</i>	
214.	
<i>Utriusque aduersarij conatus elisi, à pag. 214. ad 217.</i>	
<i>Argumentum Lesij à contrario, de miraculis, ex Consideratione quarta: Numquam mortui ab ullis hereticis excitati, aut cæci illuminati, &c.</i>	220
<i>Nihil contra ab aduersarijs profectum, à pag. 220. ad 225.</i>	
<i>Alterum Lesij Argumentum, ab infelici miraculorum successu.</i>	229
<i>Responsio utriusque.</i>	ibid.
<i>Refutatio.</i>	230
<i>Quinta Lesij Ratio, ex Vita morumq; conditione.</i>	230
<i>Responsio utriusque.</i>	231
<i>Refutatio.</i>	ibid.
<i>Meisneri responsio pro vitâ Lutheri.</i>	233
<i>Refutatio.</i>	ibid.
<i>Responsio utriusque de sacrilegio Lutheri.</i>	ibid.
<i>Refutatio.</i>	234
<i>Responsio Meisneri de Lutheri ebriositate.</i>	236
<i>Refutatio.</i>	ibid.
<i>Prima</i>	

HORVM LIBRORVM.

Prima responsio Meisneri de libidine Lutheri.

236

Refutatio.

ibid.

Secunda utriusque responsio de libidine Lutheri.

237

Refutatio.

238

Responsio Meisneri de Lutheri maledicentiâ in Reges.

240

Refutatio.

241

Sexta Lessij Ratio, ab Erroribus & inconstantiâ doctrina.

241

Responsio Brandij ad Maiorem: Quicumque vel in uno errat in suâ doctrinâ, hic non est missus à Deo.

242.

Refutatio.

ibid.

Prima responsio Meisneri ad Minorem pro Lutheri.

243.

Refutatio primæ responsionis.

ibid.

Secunda responsio Meisneri pro Lutheri.

244

Tertia responsio Meisneri pro Lutheri.

ibid.

Refutatio secundæ & tertiæ responsionum.

245

Prima responsio Brandij ad Minorem pro Caluino.

247.

Refutatio.

ibid.

Secunda responsio Brandij pro Caluino.

248.

Refutatio.

ibid.

Tertia Brandij responsio pro Caluino.

ibid.

Refutatio.

249

Septima Lessij Ratio, ex Dolo malo & fraudibus quibus utuntur.

249

Primum Lessij Argumentum.

250

Prima responsio utriusque ad primam partem primi

Ar-

ORDO ET INDEX

<i>Argumenti: Falsò accusari Catholicos quòd adorarent imagines sicut Ethnici idola.</i>	250
<i>Refutatio.</i>	251
<i>Secunda utriusque responsio ad eandem partem.</i>	252
<i>Refutatio.</i>	253
<i>Tertia responsio Meisneri.</i>	254
<i>Refutatio.</i>	ibid.
<i>Responsio utriusque ad secundam partem primi Argumenti: Falsò accusari Catholicos, quòd sint ἀπολάτραι seu adoratores panis.</i>	256
<i>Refutatio.</i>	ibid.
<i>Responsio utriusque ad tertiam partem primi Argumenti: Catholicos accusari, ut qui fiduciam ponant non in Christi, sed Sanctorum & suis meritis.</i>	256
<i>Refutatio.</i>	257
<i>Responsio utriusque ad quartam partem primi Argumenti: Falsò accusari Catholicos, quòd doceant iustificari hominem meritis propriis, non per fidem Christi.</i>	258
<i>Refutatio.</i>	ibid.
<i>Secundum Lessij Argumentum.</i>	259
<i>Responsio utriusque.</i>	ibid.
<i>Refutatio.</i>	260
<i>Tertium Lessij Argumentum.</i>	261
<i>Responsio utriusque pro corruptelis Lutheri.</i>	262
<i>Refutatio.</i>	264
<i>Responsio utriusque pro corruptelis Zwinglij, Bezae, Caluini.</i>	268
<i>Refutatio.</i>	269
<i>Octava Lessij Ratio, ex Bonorum operum egressionem.</i>	281
<i>Argu-</i>	

<i>Argumentum Lessij à contrario.</i>	281
<i>Responsio utriusque ad singulas partes ; ac primum de Ieiunio.</i>	282
<i>Refutatio quoad doctrinam de Ieiunio.</i>	ibid.
<i>Qualia Lutheranorum ieiunia.</i>	284
<i>Responsio utriusque de Castitate & Calibatu.</i>	285
<i>Refutatio quoad doctrinam de Calibatu.</i>	286
<i>Doctrina aduersariorum de Calibatu & Castitate.</i>	ibid.
<i>Responsio Meisneri de impedimentis operum bonorum.</i>	288
<i>Eiusdem de chameuniâ alijsque corporis afflictionibus responsio.</i>	289
<i>Responsio Brandy.</i>	290
<i>Refutatio.</i>	291
<i>Quæ bonorū operum exercitia apud Lutheranos.</i>	296
<i>Studium bonorum operum apud Calvinianos.</i>	299
<i>Lessij obiectio ex personâ aduersariorum : Deum requirere bona opera in signum fidei.</i>	304
<i>Prima utriusque responsio.</i>	ibid.
<i>Refutatio.</i>	305
<i>Secunda utriusque responsio.</i>	306
<i>Refutatio.</i>	307
<i>Nona Lessij Ratio, ex Licentiâ vite, quam tribuunt.</i>	307
<i>Quòd aliæ Religiones timorem Dei excutiant, & ad omnem peccandi licentiam viam aperiant.</i>	307
<i>Responsio Meisneri ad singulas partes : & Primò de Confessione.</i>	308
<i>Refutatio.</i>	ibid.
<i>Responsio Brandy.</i>	309
<i>Refutatio.</i>	ibid.
	Prima

ORDO ET INDEX

<i>Prima responsio Meisneri, de Contritionis & Pœnitentia virtute.</i>	310
<i>Refutatio.</i>	311
<i>Secunda Meisneri responsio.</i>	ibid.
<i>Refutatio.</i>	ibid.
<i>Brandij responsio.</i>	312
<i>Refutatio.</i>	ibid.
<i>Responsio utriusque de Satisfactione, Purgatorio, & reatu pœna.</i>	314
<i>Refutatio.</i>	ibid.
<i>Responsio utriusque de solâ fide ad salutem necessariâ & sufficiente.</i>	315
<i>Refutatio.</i>	ibid.
<i>Responsio Meisneri de fide speciali, ob quam nulla homini imputantur peccata.</i>	317
<i>Refutatio.</i>	ibid.
<i>Responsio utriusque pro Luthero.</i>	319
<i>Refutatio.</i>	ibid.
<i>Responsio Meisneri pro Caluino.</i>	320
<i>Refutatio.</i>	321
<i>Responsio Brandij pro Caluino.</i>	322
<i>Refutatio.</i>	ibid.
<i>Responsio Brandij ad Lessij Argumentum, quod Religionis Lutherana & Calvinistica nullum faciant discrimen operum bonorum & malorum coram Deo, sed solum coram hominibus.</i>	324
<i>Refutatio.</i>	ibid.
<i>Lutherana & Calvinistica Religio aequè & magis peccatis aperiunt viam atque atheismus.</i>	325
<i>Responsio Meisneri ad primum modum, quo dicit Lessius tolli omnem vindictâ & Numinis metum per non imputationem ullius omnino peccati.</i>	325
<i>Refutatio.</i>	326
<i>Brand-</i>	

HORVM LIBRORVM.

Brandij responsio.	326
Refutatio.	327
Meisneri responsio ad secundum modum, quo Lessius dicit, metum omnem tolli per hanc fidem, quod cre- dentes omnes predestinati sint.	327
Refutatio.	ibid.
Brandij responsio.	328
Refutatio.	ibid.
Responsio Meisneri ad tertium modum, quo dicit Lessius metum omnem tolli per fatalem arbitrij necessitatem.	329
Refutatio.	ibid.
Lutheri doctrina de libero arbitrio.	330
Doctrina Philippi de libero arbitrio.	334
Prima responsio Meisneri ad absurda qua infereban- tur ex negatione liberi arbitrij.	336
Refutatio.	ibid.
Secunda Meisneri responsio.	ibid.
Refutatio.	ibid.
Brandij responsio pro doctrinâ Caluini de libero ar- bitrio.	337
Enumeratio illustriorum aliquot locorum quibus ar- bitrij libertatem Calvinus penitus tollit.	338
Responsio Brandij ad absurda qua inferebantur ex negatione liberi arbitrij.	ibid.
Refutatio.	339
Meisneri responsio ad quartum modum, quo dicit Lessius, metum omnem peccandi tolli per doctri- nam, quâ docetur, omnia mala opera hominum à Deo esse predefinita, à Deo hominum voluntates ad ea incitari, impelli, determinari, &c.	340
Refutatio.	ibid.
Doctrina Lutheri de Deo auctore peccati.	ibid.
	Do-

ORDO ET INDEX

<i>Doctrina Philippi de Deo auctore peccati.</i>	342
<i>Brandij responsio pro Caluino.</i>	ibid.
<i>Refutatio.</i>	ibid.
<i>Doctrina Caluini de Deo auctore peccati.</i>	344
<i>Decima Lessij Ratio, ex eo quod hareses antiquas renouent.</i>	352
<i>Responsio Meisneri ad id quod Lessius dicit, Caluinum & Lutherum docere, habenti fidem nihil obesse peccata, quantumlibet multa & magna, &c.</i>	352
<i>Refutatio.</i>	353
<i>Responsio utriusque ad id quod Lessius ait, Caluinum & Lutherum docere, Deum esse impulsorem omnium scelerum, & omnia mala fieri ex vi decreti diuini, &c.</i>	353
<i>Refutatio.</i>	ibid.
<i>Vndecima Lessij Ratio, ex Defectu regule credendi.</i>	354
<i>Responsio utriusque ad dictum Lessij, Sola Scriptura pro fidei norma non sufficit.</i>	356
<i>Refutatio.</i>	ibid.
<i>Rationes Lessij, cur Scriptura sola non sit sufficiens regula omnium credendorum.</i>	358
<i>Prima Ratio: Quia per Scripturam non possumus indicare de ipsamet Scriptura, &c.</i>	358
<i>Responsio utriusque.</i>	ibid.
<i>Refutatio.</i>	ibid.
<i>Secunda Lessij Ratio: Quia Scriptura vis non consistit in sono verborum, sed in sensu, &c.</i>	362
<i>Responsio Meisneri.</i>	ibid.
<i>Refutatio.</i>	363
<i>Tertia Lessij Ratio: Quia Scriptura contrariis dogma-</i>	<i>ma-</i>

HORVM LIBRORVM.

matibus & Religionibus æque potest accommoda- ri, &c.	364
Responsio utriusque.	ibid.
Refutatio.	365
Quarta Lessij Ratio: Quia Scriptura (seposita Eccle- sia & Patrum expositione) semper ita fert senten- tiam, ut non possit liquido utrique parti constare, utri parti faueat, &c.	366
Responsio Meisneri.	ibid.
Refutatio.	ibid.
Quinta Lessij Ratio, à simili, duorum licet civilium habentium, qui nollent alium iudicem quàm codi- cem Justinianicum Pandectis, seposita Doctorum interpretatione, &c.	367
Responsio utriusque.	ibid.
Refutatio.	368
Sexta Lessij Ratio, ab experientiâ: nullus enim apud eos est finis controuersiarum, etiam de grauissimis fidei capitibus, &c.	369
Responsio Meisneri.	ibid.
Refutatio.	ibid.
Brandij responsio.	373
Refutatio.	ibid.
Responsio prima Meisneri ad Argumentum Lessij, quòd hæretici diuersis locis de eadem re scribentes, vix umquam consentiant, &c.	377
Refutatio.	378
Responsio secunda Meisneri.	378
Refutatio.	ibid.
Responsio Brandij.	384
Refutatio.	385
Testimonium à Brandio allatum contra Missæ sa- crificium.	385
D d	Con-

ORDO ET INDEX HORVM LIBRORVM.

<i>Contra Calibatvm.</i>	386
<i>Contra Ieiunium.</i>	<i>ibid.</i>
<i>Contra Dies festos.</i>	387
<i>Contra Ecclesia visibilitatem.</i>	<i>ibid.</i>
<i>Postrema Lessij Ratio, ab exemplo Scriptura: Quia Scriptura sacra nusquam homines priuatos in dubiis fidei ad scrutandas Scripturas remittit, sed ad Ecclesiam & eos qui in Ecclesiâ president, &c.</i>	387.
<i>Responsio vtriusque.</i>	388
<i>Refutatio.</i>	389
<i>Interrogationes quadam Meisneri aduersus ratiocinationem Lessij, totidem interrogationibus oppositis soluta. 391 & seqq. vsque ad 396.</i>	
<i>Duodecima Lessij Ratio, ex absurdo.</i>	397
<i>Decima Lessij Consideratio, & totius Consultationis conclusio.</i>	398



ANTVERPIÆ,
EX OFFICINA PLANTINIANA
BALTHASARIS MORETI
M. DC. XX.





